



1143 2410/

~~XXXX-1-2~~

2. 2. 2. 2.

12. 8. d. 14-

224.5

46.5

THOMÆ BARTHOLINI
EPISTOLARUM
MEDICINALIUM

Doctis vel ad Doctos
scriptarum,

CENTURIA I. & II.

Cum Indicibus necessariis.



HAFNIÆ,

Typis MATTHIÆ GODICCHENII,
Impensis PETRI HAUBOLD, Bibl.
ANNO cl^o l^oc LXIII,



THE
LIBRARY OF THE
MUSEUM OF
ART AND HISTORY
OF THE
CITY OF
NEW YORK

1871

1871

1871

1871

1871

1871

1871

1871


1871

1871

THE
LIBRARY OF THE
MUSEUM OF
ART AND HISTORY
OF THE
CITY OF
NEW YORK


1871

1871



Serenissimo Principi
JOHANNI GEORGIO
TERTIO
Electoris Saxoniae Filio,
&
Regis Danorum Genero,
S. F. Q. P.

TH. BARTHOLINUS.

 Pistolas scribere quanquam
apud rerum ignaros tralati-
cium censeatur, illis tamen
peritiorum judicio pro re na-
complectitur sapiens, quæ gravi tem-
rum momento librantur. His in-
umentis, velut tuto silentio, arcana
incipum committuntur, foedera pan-
itur, firmanur amicitia, verbo, ab-
tium desideria supplentur. Hinc sub
nis Imperatoribus inter officia Au-
gustæ

DEDICATIO.

gustæ domus erant ab Epistulis, quales
& Magistri Epistolarum Regiarum apud
Symmachum, & Principis Epistolares in
Codice. Ego quidem, quanquam inter
tantos Magistros, scriniorumq; custo-
des, numerari me nec velim nec possim,
Tibi tamen, Serenissime Princeps, Epi-
stolas vel scribere vel scriptas inscribe-
re, tanto confidentius ausim, quod Na-
turæ hinc inde scrinia excutiam, & seria
alia Epistolæ nostræ secum trahant, qui-
bus Majorum exemplo in ætatis flore,
ætatem Tuam antevertis, & in eo jam
sis temporum flexu, ut Epistolas medi-
teris, quibus vel inter confœderatos so-
ciosve, vel amantes copulæ nectuntur.
In Digestis absens absenti per Epistolam
vel internuncium rectè despondetur;
jamq; meliore fato & optatis auspiciis
factum, quod conjugalis amicitiae fœ-
dus per Principum animorum consen-
sum, per mutua Augustæ domus officia,
per deniq; Epistolas, fidos illibati affec-
tus interpretes, cum ANNA SOPHIA,
Augusti

DEDICATIO.

Augusti Regis nostri primogenita, Regumq; plurimorum Nepte, & Abnepte, nuper sanciveris; quod ut Serenissimæ familiæ utrinq; eveniat feliciter, Epistola hac votiva supplex Deum veneror. Alias taceo prægnantes causas quibus Serenitati Vestræ obstrictos hac Epistola nos profitemur, qui religionem, inter nostros jam publicè receptam, majoribus vestris debemus & eruditionis partem, deniq; amicitiam privatam, sed publicum beneficium, Sennerti, Schneideri, Sperlingi, quæ ævi decora publicæ utilitati commodastis, & aliorum quos fama perennes voluit. Publicam pietatis gratiam Dania refert, quæ Tibi, Princeps, in quo Majorum virtus elucet, olim abaviam donavit, jam Sponsam, meliorem sui partem, Jovis nostri & Junonis filiam, qua pulchrius nihil aut sincerius Boreas progenuit, amplexibus Tuis destinavit. Privatim ego varii nec inutilis argumenti Epistolas, devoti animi obsides, Electo Tuo Nomini

a 3

DEDICATIO

mini consecro, seu, ut JurisConsultorum verbis loquar, emitto. & expono, si quidem & per Epistolas nomina fiunt. Non eo superbiæ me ambitus perduxit, ut Epistolas nostras Tua sacrarum Epistolarum scrinia, qualia apud Imperatores quos vestra hodie familia facit, olim servabantur, meruisse præsumam: saltem favori Tuo, Magniq; Parentis, quem Albis adorat, literas nostras, meq; ipsum includas, per Epistolam, qua nudum, ut ille loquitur, detegimur, submisisse precor. Æternum Numen concepto voto pro salute Tua, Flos Principum, & incolumitate Augustæ Sponsæ, majus demum pondus addat, quando sine Epistolis amantium Principum ora manusq; conjunctæ, æternitatem suam prospexerint.

Hafniæ Æræ Chr. cIdo Idc LXIII.
d. XI. Februar. solenni liberatæ Urbis
festo.

TH. BAR.

TH. BARTHOLINUS

Lectoribus S.

Institutum nostrum in Epistolis, quas damus, eruditorum exemplo, mixtum fuit ex docto scribendi genere & familiari, quod & nobis decentius, & vobis utilius judicavimus. Seria tractare Imperatorum est; quorum Epistole legis vigorem habent, apud Justinianum. Similes sunt Theodorici Regis, à Cassiodoro libris quinque collectæ. Quo referri possunt illæ, quibus Magnorum fortune, publicique temporum status describuntur quas Cicero tentavit, Aeneas Sylvius, postea Pontifex, Cardinalis d' Ossat. Familiare genus ad Familiares idem Tullius exercuit, & Plinius, postque eos Symmachus, Lipsius, Muretus, Baudius, Aquilonius noster, Cabeliavius, Crucius, Balzacus, Victurus, aliique numero plures. Id quanquam proprium epistolis sit & germanum, veris affectibus plenum, publica ta-

PRÆFATIO.

merz luce indignum censeo, nisi vel à Magnis Viris, quorum etiam præcipitatas voces admiramur, profectum, vel ad comparandam eloquentiam fuerit comparatum. Utile nostris hominibus est, si cum docto familiare misceatur, rebusq; sacris vel profanis quæ ad Philologiam vel Philosophiam, vel Medicinam spectant. Unde paucos invenias in officiosis literis, publicè aliquando relegendis, occupatos, qui non utilibus familiaria colloquia condiant, ut simul & amicis, quibus privata studia deferunt & publicæ necessitati quoq; satisfiat. Philologica olim Varro in Questionibus Epistolicis expendit, taliq; rubrica melioris literaturæ & antiquitatis doctos calamos implerunt Scaliger, Casaubonus, Pignorius, Salmasius, Reinesius. In moribus singulare Platonis & Senecæ studium eminet. Penitioris Philosophiæ eruditionem Licetus & Cartesius pleno modio per amicas Epistolas effundunt. Sacra negotia, præeunte Servatore Christo,

PRÆFATIO

sto, quem Epistolas ad Abgarum scripsisse ex Archivo Regis Edeſſæ narrat Eusebius, epistolii forma incluserunt Divi Petrus, Johannes, Paulus, quos proximis seculis sequuti sunt Ignatius, Basiliius, Cyprianus, Gregorius, Hieronymus, Augustinus. De usitatis in Ecclesia Epistolis commentarium ex antiquitate Ecclesiastica concinnavit F. Bernardinus Ferrarius, inclytus pietate & eruditione, lectu dignum. Ad quam classẽ referendi Desiderii Erasmi Epistolarum libri, quibus ea facundia & temperantia istius temporis mutationes in Ecclesia describuntur, ut ibi se maximum Erasmus ostenderit. Rem Medicam quod attinet, cui hic institutus sermo, Epistolis Hippocrates tam multa complexus est, ut, iudicio Vallesii, nihil utilium videatur omisisse. Quam docendæ viam alii & patrum & nostra memoria elegerunt, qui supra vulgus erecti ea Epistolis consignerunt, quæ abdita in arte, raro eventu, & varia scientia mortalium

PRÆFATIO.

curiosos doctosq; animos implere possint, Nic. Massa, Jo. Bapt. Theodosius, Matthiolus, Gesnerus, Mundella, Trinca- vellius, Augenius, Hildanus, Jo. Lan- gius, Horstius Pater & Filius, Alsarius Crucius, Licetus, Beverovicus, Petr. Castellus, N. Fontanus, Sitonius, Be- nedictus, Sorbierius, & alij eternita- tem cogitantes. Nobis in hoc passu quid propositum fuerit, paucis aperiam. Quum à primis fame initiis varias eru- ditorum per universum penè orbem litera- tum amicitias, nescio quo meo merito, im- petrauerim, ultro citroq; de argumentis artem nostram concernentibus per literas inter nos actum, quibus & doctrinae & privatae familiaritatis nexus coaluit. Pos- sem mihi de utroq; privatim gratulari, nisi semper publica ratio mihi visa esset po- tior, gauderemq; & pluribus nostram ami- citiam innotescere & verum amicitie fru- ctum. Illam pro vitæ morumq;, hunc pro publici officij testimonio colimus. Melio- ribus

PRÆFATIO.

• *xibus inter eruditos placuisse, mortali
gaudio præfero, & omnia ad publicam
laudem examinare, summa laudis præmia
pollicetur. Ut igitur utriusq; nobis com-
mercii ratio constaret, nec pœniteret im-
pensarum, quas Tabellarii exigunt, sparsas
in plateis meis eruditorum Epistolas colle-
gi, familiares, doctas & ex his mixtas, de-
lectuq; habito nonnullas, Romana penna
scriptas, secundum annorum seriem pro-
pter observationum Medicarum historias,
ne Plinius offenderetur, digessi, quæ vet
à Magnis seculi oraculis pleno affectu ad
me scriptæ fuerunt, vel argumenti gravi-
tate se publico commendant. In delectu
primum prolixas eliminavi, quæ vel de-
clamatiuncule censerî possent, quemad-
modum Phalaridis Epistolas vocat E-
rasmus, vel Commentationes, quas pro
Epistolis ab Aristotele ad Alexandrum &
Platone ad Dionis familiares conceptas,
agrè fert Demetrius Phalereus de ἐπιγ-
ράς; quia Epistolas in publicum protru-
dimus*

PRÆFATIO.

*dimus, non Libros: quæ causa fuit, quod in volumine hoc Epistolari locum dene-
gaverim Salmasii Multiscii de Cruce &
Hyssopo Epistolis Tribus, & duabus Walæi
ingeniosi de sanguinis & chyli motu; nec
hic legi voluerim nostras ad Horstium
Juniorem de Lacteis, ad Zassium de ob-
servationibus Bilsonianis, ad Deusingium
de Hepate defuncto: Deinde merè officio-
sas, numero totidem, in scriniis reliqui, &
aliena dialecto exaratas, meliori occasione
reservavi. Responsorias meas addidi,
quæ ad manus erant. Multæ verò, simul
ac à me manumissæ, apud me perierunt,
quia, ut cum Lipsio loquar, bis non scri-
bo, vix bis lego, quod in mei defensionem
dictum velim, ne quis sibi non responsum
credat, quia hic responsorie frustra quæ-
runtur, habeamq; quod Epistolis meis rari-
oribus prætexam, quæ extemporaneo suo
genio calamoq; tantum aliis amicis pari-
ter & æmulis placuerunt, ut me inscio &
nonnunquam invito, passim publicè pro-
stent*

PRÆFATIO.

stent; frustraꝫ, eapropter sint, qui ex una
vel altera, tumultuaria manu emissa,
totum me aestimaverint. Aliud agendo,
tabellarios expedire soleo, quia gratiam
sui amittit Epistola, si meditatae pennas
defatiget. Nonus annus ad conscri-
bendos libros conceditur, at Epistola, ut
sine morâ placeant, festinatione urgen-
tur. Unde & Epistolicus character, ex
Demetrio laudato, exilitate indiget,
quam ita cunctis spero attemperatam,
ne vel urbanitatem desiderent amici, qui-
bus respondetur, & promptitudinem,
vel eruditionis stilique varietatem Lecto-
res, qui repetita lectione de Epistolis no-
stris jam publicè, sive ex voluntatis cu-
jusque affectu, sive veritatis nostræ & fa-
mæ conscientia, judicaturi sunt. Ne lon-
gior sim, sine amicorum ingratiis, nuda
Epistolis nostris, more majorum, nomina
preferuntur. Malui simplici rerum varia-
rum mole paginas, quam titulis, turgescere,
quos, ut exemplo præirem, ipsi mihi ea
licentia

PRÆFATIO.

licentia detraxi, qua liberalitate fuerunt concessi. Quicquid verò seu hic seu alibi, in officij diligentia desideraverint amici, quorum commercia literaria fovemus, quorum gloria litavimus, in Centuriis sequuturis, prælo jam vicinis, sedulo procurabo, ut bonorum amicitie, quæ candore baud fucato & nescio qua eruditionis fama, exordium sumpserunt, aucta post-hac singulorum humanitate, & officiis nostris, sumant incrementum.

Hafniæ XII. Febr. clc Idc LXIII.

CATA-

CATALOGUS

Virorum Clarissimorum à quibus,
vel ad quos

EPISTOLÆ

Duarum Centuriarum priorum
scriptæ sunt.

A.

Abrabamus Pratæus, Med. Doct. Lugdunensis.
Adolfus Vorstius, Med. Doctor & Professor
Leidenfis.

Albertus Kyperus, Medic. Doctor & Professor
Leidenfis.

Ambrosius Rhodius, Phil. Doct. & olim Profess.
Christianiæ Norweg.

B.

Bartoldus Nihusius, Canonicus Moguntinus.
Brigitta Tottia, Domina de Turebye.

C.

Cæcilius Foliu, Eques, & Anatom. Venetus.
Carolus Avantiu Rhodiginu, Medic. Doct.
Patavinu.

Claudiu Salmasiu Eques, Consiliarius Regis
Gallorum, & Profess. Honorar. Leid.

E.

Eccardus Leichneru, Med. Doct. & Profess.
Erfurtensis.

Fortu-

F.

Fortunius Licetus, Med. Theoric. in Gymn.
Patavino Professor Prim.

Fridericus Arniseus, Medicinæ Licentiat. Haf-
niensis.

G.

Gaspars Scioppius, Comes de Claravalle.

Georgius Segerus, Med. Doct. & Assessor Fa-
cult. Basiltensis.

Guido Patinus Bellocius, Doctor Medicus &
Professor Regius Parisiensis.

Guilielmus Harvejus, Anatomicus Londinensis.

H.

Henricus Ernstius, J. U. D. in Acad. Sorana
Antecessor & Consiliarius Regius.

Henricus Fuiren, Med. Doct. Hafniensis.

Henricus Moinichen, Med. Doct. & Medicus
Aulicus Regis Daniæ.

Henricus Regius Eques, Med. Doct. & Profess.
Ultrajectinus.

Hermannus Conringius, Med. Doct. & Profess.
Helmstadii.

Hieronimus Bardus, Theolog. & Medic. Doct.
Prof. Rom.

J.

Jacobus Holstius, Med. Doct. & Poliater Tón-
ningensis.

Jacobus Matthias, Doct. & Episcopus Arhusi-
ensis.

Janu.

Januarius Sanctifelicus, Princeps Neapolitanus.
Joël Langelotius, Medic, Doctor & Archiater
Gottorpianus.

Job. Cass. Baubinus, Med. Doctor & Professor
Basileensis.

Johannes Beverovicus, Medicus & Senator
Dordrechtanus.

Job. Christianus Agricola, Medicinæ Doctor
Marchicus.

Job. Claudius de la Courvee, Medicus Reginae
Poloniae & Sueciae.

Job. David Wilhelmi, Med. Doctor & Polia-
ter Bernensis.

Job. Daniel Horstius, Medicinæ Doctor & Pro-
fessor Marpurgensis & Archiater Darm-
stadiensis.

Job. Fridericus Treublerus, Medicinæ Doctor
& Poliater Bergensis.

Johannes Pecquetus, Doctor Medicinæ Mons-
pelienensis.

Johannes Rhodius Hafniensis, Medicus & Po-
lyhistor.

Johannes Schefferus Argentoratensis, Professor
Upsaliensis.

Johannes Sperlingius, Philosophiæ Doctor &
Professor Wittebergensis.

Johannes van Horne, Medicinæ Doctor & A-
natomicus Leidenensis.

Johannes Wallæus, Medicinæ Doctor & Professor Leidenfis.

Johannes Veslingius Eques, Anatomicus Patavinus.

Johannes Vorstius, Philosophiæ Doctor.

Josephus Donzellus, Medicinæ Doctor Neapolitanus.

Isaacus Vossius Gerardi filius, Ord. Hollandiæ Historicus.

Justus Bertramus Philologus.

L.

Lazarus Meyssonierius, Medicinæ Doctor & Professor Lugduni Gallorum.

Ludovicus Keplerus, Johannis filius, Medicinæ Doctor Lubecensis.

Ludovicus Pouchius, Medicinæ Doctor Ripensis & Canonicus.

M.

Marcus Aurelius Severinus, Medicinæ Doctor, Anatomiae & Chirurgiæ Professor Neapolitanus.

Martinus Bogdanus, Medicinæ Doctor, Assessor Basileensis & Poliater Bernensis.

Mauritius Hoffman', Medicinæ Doctor & Anatomicus Altorfinus.

Micaël

INDEX.

Vasa lymphatica. 455.

466. cur alios latue-
rint. 497. 634. an o-

lim cognita? 689. in

gracilibus tantum

canibus inveniun-

tur. 497. prima eo-

rum inventio. 547.

553. seqq. 562. 572.

varia de iis experi-

menta, demonstra-

tiones & insertio-

nes 517. 522. 523.

538. 539. 563. 568. 589.

590. 591. 633. 600.

648. 686. 630. 631.

572. 573. an eadem

cum lacteis? 575.

an nervi? 522. 523.

usus. 575. 576.

dubia. 594. vid.

Lymphat.

Vasa splenica intorta

687.

Vasa umbilicalia rami-

ficata. 252. cum

porta conjunctio.

585. usus, 611.

Vena aorta quare di-
catur? 321.

Vena cava an ex he-

pate? 172. 584. ori-

ficiū carnis frustu-

lo obsessum. 273.

Venæ coronalis val-

vula, ejusq; prima

inventio. 647.

Venæ emulgentes duæ

in Pthifico. 11. Vena-

rum hæmorrhoida-

lium apertio in affe-

ctibus melancholi-

cis. 209. externas

esse ab interna hæ-

morrhoidali portæ

propagine. 688.

Venarum jugularium

apertio feliciter in-

stituta. 346.

Venæ lacteæ distinctæ

à Mesaraicis. 4. an

arteriæ sint an ner-

vi? ibid. disparent.

Ccc 3. ibid.

INDEX.

ibid. comparuerunt
quinto post mortem
die 5. causa. ib. ii.
inconspicuæ inter-
dum. 5. 607. earum
insertio 4. 607. an
ad hepar eant? 446.
449. 463. 465. 584.
687. an lymphaticæ
sint? 590. 600. pro-
pe hepar aqueæ sunt
465. de iis non du-
bitandum. 10. de-
fensæ, 24. 25. 606.
607. motus earum
retrogradus, 522.

Venæ lacteæ tendentes
ad uterum. 609. 610.
647.

Venæ lacteæ Thorac.
in brutis & homine
inventæ. 525. 468.
469. à Veslingio
notatæ. 672. quare
anatomicorum o-
culos hæctenus effu-
gerint? 534. an ner-

vi. 522. 523. an per
eas omnis chylus ad
cor? 445. 446. 449.
450. 451. serum in-
ventum in iis. 522. 523.
an eadem cum lym-
phaticis. 574. 575.
demonstratæ, 522.
523. 574. 589. 591.
600. 630. 678. in va-
riis animalibus ele-
ganter observatæ.
672. simplices & bi-
fidæ. ib. cum officu-
lo quodam in prin-
cipio Deltoidei mu-
sculi in Leone, 673.
quomodo facile
possint in conspe-
ctum venire? 672.
judicium Bauhini,
490. dubia, 593.
594. 603. 604. gal-
lorum controver-
siæ. 618.

Venæ meseraicæ an
chylum ad hepar
vehant

INDEX.

- vehant & sanguinem ad intestina, ? 25. 26.
- Venæ sectionis in affectibus melancholicis cautela, 208. 209.
- Ventriculi & Diaphragmatis consensus inflammatis costis inferioribus, 544.
- Ventriculi orificii apostemata & exulcerationes dolorosæ, 253.
- Vermium locus generationis, 254. in pancreate inventi, ibid. in tumoribus œsophagi in cane, 592. è naribus, 641. remedium, ibid. è naribus in variolis, 681.
- (ex) Vesicæ dolore vomitus, 239.
- Vestes Melitenses quare in pretio apud veteres? 224.
- Vinum Surrentinum Neapoli, 207. quare hoc tempore tenue & aquosum, secus ac Galeni astate? ibid.
- Viperæ Candidæ. 134. 135. multum lucis insitæ habent. ibid. sublimiores domos perreptare ap. Columell. quomodo explicandum? 178. seq. ad incedendum squamis utuntur 185. rectas possunt se tenere ib. 186. rectæ coeunt, ib.
- Viperinæ carnis usus insignis 134. 135. ad oleum, 225. (ad) Viperæ morsum succus Taxi. 135.
- Viriæ Veterum. 694.
- Virium ab assumptis subita

INDEX.

- subita restauratio
 unde? 446. 451.
 Vitex flore albo ad
 montem æthnæ, 220
 Vitrioli minera. 518.
 Vitrum non penetrat
 aër. 427.
 Vitulus biceps. 570.
 Vivere quare non diu
 possimus sine cibo
 & potu? 612.
 Ungues monstrosi, 730
 in senibus magis cre-
 scunt. 737. scabiosi.
 738.
 Ungula Cornea Gry-
 phis. 438. 439.
 Ungularum humana-
 rum causa. 737. 738.
 Unicornu. 99. Philoso-
 phicè præparatum
 110. Grónlandicum.
 ibid. 577. 578. 579.
 usus & vires ibid.
 662. 663. species
 quædam 108. 112.
113. 237. 369.
 cranium & dens.
 109. 110. 370.
 Aristoteles nihil de
 eo scripsit, 274.
 de ipso variæ ob-
 servationes & an-
 notationes, 372.
 Unicornu signa.
 439.
 Vomicæ hepatis sin-
 gularis historia &
 cura, 639. 640.
 Vomitus in calculo,
 238. 239.
 Urinæ viæ. 586.
 Uteri ligamentum.
 588.
 Uvæ passæ. 37.
 Vulneribus omnibus
 oleum rosatum ad-
 hibent Neapolitani.
 205.
 Vulneris cum Paralyfi
 & cæcitate observa-
 tio. 636.

Michaël Lyserus, Medicinæ Doctor, Professor
Lipsensis & Practicus Nicopiensis.

N.

Nicolaus Heinſius, Danielis filius, Ordd. Gen.
Foed. Belg. apud Reg. Suec. Residens.

O.

Olaus Worm, Medicinæ Doctor & Profes-
sor Hafniensis.

P.

Petrus Bourdelotius, Medicinæ Doctor Pari-
ſienſis, & Chriſtinæ Reginae Archiater.

Petrus Caſtellus, Medicinæ Doctor & Profes-
ſor Meſſanenſis.

Petrus Sanchius, Medicinæ Doctor & Professor
Regius Monſpeliensis.

Petrus Schumacherus Πολύγλωττος.

Petrus Winſtrupius, Doctor, & Episcopus Lun-
denſis.

R.

Renatus Moræus, Doctor Medicus Pariſienſis
& Professor Regius.

S.

Samuel Soxbierius, Medicus & Eleemoſinari-
us Episc. Agathensis.

T.


Thomas Bartholinus.

Thomas Finckius, Medicinæ Doctor & Professor Hafniensis & Decanus.


Thomas Reinesius, Medicinæ Doctor, Archiater & Consul Altenburgensis.

W.

Wilhelmus Wormius Olai filius, Medicinæ Doctor & Professor Hafniensis.



TH BAR-



TH. BARTHOLINI
EPISTOLARUM
MEDICINALIUM
CENTURIA PRIMA.

EPISTOLA I.

De Pilulis Elicbmannianis.

THOMÆ BARTHOLINO.

Leidam.

HX tuis 13. Octobr. exaratis, 20.
verò Decembr. ad me delatis, Te
nondum eas accepisse percepi, qui-
bus prolixè ad primas tuas respondi.
Doleo tam negligenter & segniter res nostras
curari. Tradidi eas juveni Studiofo ad vos itu-
ro. Si nondum acceperis, de homine inqui-
re, accepti rationes ut reddat, aderant & à
Matre Tibi inscriptæ. Verum tempestatibus
& flatibus adversis, in freto Croneburgico ali-
quot septimanis detentum cum fuisse, demum
A intel-

intellexi. Scripsi vice secunda cum Hortulano Nobilissimi Nicolai Trolle, quem Tibi eo nomine commendavi, quod semina, bulbos, plantas, frutices, aliaq; herilis horti ornamenta conquiriturus, hortorum vestrorum præfectis innotescere discupierit. Sed & is re infecta adversæ tempestatis remoris impeditus, ad nos reversus, literas reddidit. Pro rebus meis ex voto expeditis, iteratò gratias ago, & nisi meas ad te jam delatas existimarem, ad singula prioribus tuis literis contenta, fusius responderem. Pilulas Elichmanni quod attinet, de iis olim cum Authore, dum apud nos esset, egi. Asserebat basin esse quasi cremorem quendam ex Thermis (Aquensibus ni fallor) destillatione collectum, qui vi insigni polleret obstructions aperiendi & abstergendi, à mineralium spiritibus procul dubio profecta. Hanc verò basin variè aliis adjuvantibus, corrigentibus & dirigentibus, pro ratione instituti, se affectui appropriatam reddere addidit. Sed quod universales sint hæ pilulæ, omnis generis affectibus & complexionibus dicatæ, vix mihi persuadeo. In morbis chronicis è viscerum obstructionibus & cachexia ortis multum posse credo: quamvis mihi noti sint, qui in talibus affectibus nullo cum successu iis usi sint. Mi-

-sissem

sissem anniversariæ meæ Disputationis exemplum, nisi celerioris ordinarii internuncii id reculeret ratio. Grata mihi quæ in Nosocomio observasti, si quæ porro occurrant rara, mone. Vestratum Anatomicorum De venis lacteis quæ sit sententia, easq; an demonstrent, scire percuperem. Negotiorum moles me plura volentem retrahit. Te igitur per totum novi hujus anni decursum prosperrimè valere cupio. Hafniæ 7. Id. Jan. 1639.

T.

Olaus Worm D.

EPISTOLA II.

De Lacteis Venis, & Saccharo.

OLAO WORMIO

Hafniam.

Interpellator sum parum commodus, quæ tempora Tua moror & publicis commodis & Epithalamiorum sacris destinata. Spero tamen veniæ futurum locum, quod crebriori scriptione tuam benevolentiam studeam conservare. Præteritâ proximè hebdomada bis canem privata industria dissecuimus, ut venarum lactearum originem scrutaremur. Adcrat antiquorum fautor strenuus pariter & do-

etus, cui illud pro commento erat quod quærebatur & monstrabatur. Distinctè tamen videbantur candicantes hæ venæ in mesenterio & intestinis tenuibus, distinctæ à meseraicis. Arterias non esse, quod *Galenus* videtur innuisse, ideo concedebat nobis quod pulsu carerent, & utrumq; vas distinctum appareat. Pro nervis argumenta ur̄sit, quia & mesenterium & intestina tenuia sensum habeant, & nervi quoq; medullam molliusculam recondant, quod in cerebro videre est & spinali medulla. Visum tamen nobis fuit, nervos liquidum humorem hujus commatis non continere, nec disparere emortuo corpore. At ille fidem nobis denegaturum affirmabat, donec origo & insertio in hepar, truncusq; monstretur, id quod difficile factum est, quum extincto animali evanescant cito propter morientis dolores. Facilius forsan posthac insertio patebit, quando sine mora ulla ad glandulam mesenterii magnam cultros promovebimus, in qua harum venarum fit conatus. Hanc enim per pancreas intellexit *Afellius*, quod male alii de substrata ventriculo glandula acceperunt. Et certè quum illam in transitu secaremus, non absimilem chylo liquorem deprehendimus. Mirum autem mihi vi-

hi vi-

hi visum est, quod nuper Amstelodami ex *Tulpio* Anatomico insigni audiui, in sectione cadaveris strangulati, publicè hyeme præterita facta, quinto post die venas lacteas apparuisse, cujus equidem causam ignoro, nisi in obstructione harum venarum in hepar desinentiū lateat, & cruoris egressu. Cupio hac de re à Te erudiri. In altero cane ob defectum alimenti inconspicuæ erant, nisi fibrillas albicantes admitamus, quas semper pingvedo comitatur. Tres ille renes habuit, duos in dextro latere, invicem sibi impositos. Alterius renis parenchyma absumptum, cujus locum occupabant vermes duo digitum crassi rubicundi, in gyrum intorti, sive ex corrupto parenchymate nati, sive ex impura aqua, quam sæpe canes bibunt. In sectione Apoplectici cujusdam nupera, observata fuit in sinistro cordis ventriculo pingvedo in arteriam venosam ascendens, ubi cum ejus orificium clausisset, in duo cornua dividebatur ad similitudinem literæ *Pythagoreæ*. Si, ut volunt, à causa frigida concreseat pingvedo, mirum certè in calidissima regione adeo luxuriare. Inter magnos Viros *Salmasium* & *Vorstium* lis orta est literaria, scriptis ultro citroq; dirimenda. Dulcis ea est, quia de Saccharo, an nempe

nostrum idem sit quod antiquorum, de qua controversia actum ab illo in Exercitationibus Plinianis, ubi saccharum priscis celebratum ex arundine credit fuisse, arboreæ magnitudinis & Mambu ab Indis vocari: Differre quoq; viribus, quia antiquorum saccharum fuit *ευκρίλιον* ex *Dioscoride*, h. e. ventris morantis incitamentum, quod oculorum obscuritatem absterferit, quod renes & vesicam juverit exulceratam. Saccharum præterea illorum siticulosum non fuisse, teste *Galeno*, sed sitim sedasse, adeoq; pro potu inserviisse. Mannam verò nostram potius pro saccharo veterum accipit, quia conveniunt pleræq; notæ. Cl. *Vorsii* responsiones non vidi, dubio procul eruditus, quia Vir est solidè doctus. In his ego minus adhuc versatus, putarem cannas magnitudine variare pro terræ cœliq; varietate. Satis longas olim apud Parentem meum videre me memini. Si parvis magna componere licet, Malva nostra humilis est, Indica verò quam in hortis vidi, major & arboreæ proceritatis, nescio tamen an ea propter viribus differant. Nostrum quoq; saccharum ad sollicitandam alvum enematis miscetur. Ophthalmicis aqvis saccharum nostrum

strum feliciter indi ex Medicis audiui, & pro
futi vinum saccharo edulcoratum strenui po-
tatores hauriunt. Sed quid ego sus Miner-
vam. Nollem dubiam mentem meam *Sat-
masius* subolfaceret, alioquin amicitia illius,
quam magni facio, facillimè exciderem. Æ-
grè enim fert aliter sentientes. Arbiter sum-
mus Te cum liberis lectissimis, & lectissima
Virgine sponsa perpetuo florere jubeat, &
dulce conjugium post tot luctus Tibi largia-
tur. Vale. Leid. 26. Apr. 1639.

T. T.

Th. Bartholinus.

EPISTOLA III.

De Cassia Americana.

OLAO WORMIO.

Hafniam.

IN spem erigor repetitas jam aliquoties literas
Tibi non ingratas fore, quanquam an
rectæ sint curatæ, quas prioribus mensibus mi-
si, dubitare cogar. Torporem ferentium da-
mno, inprimis qui semina Tibi destinata di-
utius justa occultaverunt, ut veris commoditas
jam sit transmissa. Interea licet fortuna &
aliorum negligentia conspirent, de meo ta-

men officio nihil remittam. Dum lineas has ad Te meditor, commodum quasi dato signo ex Phœbi cubili seu occidentali India mercibus pretiosis onusta navis appulit. Miserat cum illa ad horti Academici ornamentum Vir Excellens D. *Piso*, Archiater Mauritiū Auriaci, Indiæ Occidentalis Gubernatoris, rararum aliquot plantarum semina, siliquas benè magnas arboris Cassiæ, exuvias serpentis, & frustulum arundinis saccharini. Plantarum semina nonnulla à Lælio missa credo. Siliquam Cassiæ arboris unam ego transmitto, quam ægrè hortulano extorsi. Quantum ex literis Cl. *Vorstij* intellexi, experimento compertum fuit, nullam purgandi vim huic Cassiæ inesse, fecus ac vulgo creditum, quod solet hujus Cassiæ dosim imminuere propter putaticiam facultatem excellentiorem quam sit orientalis. Hisce arboribus confitas esse integras apud Brasilianos sylvas ibidem narratur, & siliquas earundem à vento inter se collisas tantum strepitum edere, ut præternavigantes terreantur. Quantum oculis observare possum, occidentalis hæc ab orientali differt, hæc rotunda, illa plana magis est. Alia jam nunc non occurrunt, quæ tuæ curiositati immensæ satisfaciant, nam ovum *Struthionis*, quod penes

penes me est, in Tua Technicotheca instructis-
sima suspensam memini, & seminum vario-
rum curam, in qua cupidum animum exerces,
Ver poscit. Interea feliciter vale, & si me por-
rò inter tuos numeraveris, sublimi feriam si-
dera vertice. Raptim Leidæ 1. Jun. 1639.

T. T.

Thomas Bartholinus.

EPISTOLA IV.

*De venis Lacteis, Pinguedine in corde,
& siliqua Americana,*

THOMÆ BARTHOLINO. Leidam.

NImis, mi Bartholine, in tuum amorem &
promptitudinem pecco. Aliquot à Te jam
literas teneo, quibus hætenus non respondi.
Causa verò hujus dilationis frater fuit Casparus
Bartholinus, qui indies ad vos abitum medita-
batur, sine meis verò ad Te venire piaculum
duxi, sed nescio quæ mala fortuna & hoc e-
verterit. Dum enim itineri accinctus me de li-
teris compellat, avocor subito extra urbem ad
Nobilem fæminam Hemiplexia laborantem.
In ejus cura dum occupor, ipse discedit, ego
spe mea cado. Domum reversus iterum à Te

& Lælio literas invenio, quibus jam per ordinarium Tabellionem respondeo, ne me Tui plane oblitum existimes. Cæterum planè Tibi persuasum habeas velim, in maximis meis occupationibus, literis tuis jucundius nihil mihi contingere posse, tum quod animum curis defessum magnopere recreent, tum quod egregiis observationibus ut plurimum scateant. Cum igitur interpellari jucundius nunquam possim, officioso excusationis munere superfedere posses. Miror de venis lacteis multos tam literatos tam celebres sensibus & oculis propriis adeò diffidere. Res tam clara, tam splendida, tam necessaria ad varias difficultates Anatomicas enucleandas, quem non alliceret? SuffICIENTER à vobis frigidis illorum effugius responsum. Quid? etiamsi venarum lactearum nunquam demonstrari posset origo & insertio, an propterea oculis omnium obvia negare possunt? De usu forsàn illis assignato dubitaverit quispiam, donec ortus & progressus demonstraretur, sed de re ipsa nullus nisi cœcus. Animo discendi cupido abunde satisfacit Asellius cap. 19. usq; dum dies meliora & certiora doceat. Præstaret inventis addere, & jactis benè ab Asellio fundamentis jūgi inquisitione accuratiora superstruere. Tulpii observatio
digna

digna notatu, rationem ejus rei à Te adductam non satis assequor. Obstructio enim harum venarum in hepate desinentium, impedire quidem potuit ingressum lactei succi ex chylo elaborati in Hepar! Sed egressus sanguinis in chylum quorsum? Quid si suffocati violenter, cum diu doloribus non torqueantur, Hepatis tractum habeant nullum, unde in vasis lacteus succus remanet inexhaustus. De pingvedine in sinistro ventriculo cordis Apoplectici observata quid dicam? Non multum abludivit ab eo quod Anno 1608. Basileæ in dissectione Phthisici cujusdam observavi. Præter alia ex utroq; cordis ventriculo, carunculæ quædam interius albicantes, exterius colore rutilo emergebant, figura pyramidali, peculiaribus fibris in ipsis ventriculis radicatæ, per vasa cordis ramulos suos dispergentes, digiti minoris crassitie, longitudine sesqui palmæ. Quid si illud à Tulpio observatum, non vera pingvedo, sed ejusmodi corpus albicans extiterit. In Phthisicis & Hydropicis haud raro ejusmodi reperiuntur. In eodem subjecto ad dextrum Renem duæ ferebantur venæ emulgentes, altera pollicis crassitie, minor altera. Controversia inter Salmasium & Vorstium de saccharo, procul dubio cedit in Rei literariæ magnū

gnum emolumentum: ita enim veritas elicitur, & aliis de iis meditandi occasio suppeditatur uberior. Pro transmissa Cassia Americana gratias ago ingentes, inter fructus rariores locum in Musæo meo obtinebit haud postremum, tui nominis titulo superbum. Unam siliquam antea dono D. Sperlingii obtinui, verum nec tam grandem, nec tam pulchram. Ejus mentionem facit Nierenbergius lib. 14. Hist. Natur. c. 88. Nisi in arboribus proveniret, dubitarem an esset phaseolus Brasiliensis, quem describit Clusius lib. 2. Exot. cap. 12. & ex eo de Laet lib. 15. Ind. cap. 50. præsertim cum ea destituatur facultate purgatrice, qua prædita est Cassia. Sed dissectio docebit an ad Cassiam referenda. Adjunctas haud gravatim ad Dn. Lælium procurabis data oportunitate. Hilarium & Michaelium amice saluto. Vale & ut facis amare perge. Hafniæ 28. Jun. 1639. T.

Olaus Worm D.

EPISTOLA V.

De Pygmæis.

OLAUS WORMIO

Hafniam.

Semper tuorum meritorum sum memor,
 Quæ & publicum in scriptis & ego in literis
 expe-

exerior. Ab illo famæ immortalitatem, à me gratum animum expectabis. De utroq; sollicitus, persuasi ferè nostro Marco, sed non Tullio, ut Institutiones tuas Medicas quas olim ego cum aliis ex ore tuo hausi, & in publicis ventilationibus in patria Academia tutus sum, ut ad plures elegantis compendii fructus derivetur, minori forma excuderet, modo laborum pretium indicaveris. Cl. *Walsh* nostri consilio Institutionibus Anatomicis Parentis manum admovi & eas variis inventis locupletatas Hackio commisi. Sanguinis motum circularem tandem admisit Cl. *Walsh*, crebris factis in animalibus experimentis, ad quæ nos non raro invitavit & admisit, jamq; in eo est, meo rogatu, ut chæstæ haud peritura committat quidquid *Harvei* invento illustrando & confirmando conferre potest, quod onus in me derivare voluit, sed tandem vix impetravi ut Epistolis rem totam complecteretur meo operi annectendis. *Eichmanni* Librorum indicem mitto. Obiit ille 18. Augusti anni superioris intestatus, quod factum nollem, quia pro nostra familiaritate, promiserat mihi nonnullas lucubrationes in patriæ nostræ laudem insumptas. Sed spem intervertit urgens fatum. Carminè tamen Manes Viri
opti-

optimi prosequutus sum. Ne subcisivæ horæ mihi inanes elaberentur, Pygmæorum historiam à Parente concinnatam pervolvi, variisq; additamentis auxi, quæ forsan nostris prælis subjiciam. Scrupulum tamen movet *Atb. Kircherus* in Prodromo Coptico cap. 4. non nisi à Te solvendum. Veros homines fuisse negat, sed Dæmunculos montanos qui circa metalli fodinas oberrare solent, de quibus *Agricola* de Anim. subterr. & multa de his septentrionales narrare solent, audiviq; à Norwægo amico, cubitales hos homunculos circa metalli fodinas in Norwægia oberrare, nec cuiquam damnum inferre, nisi læsos. Tales quoq; aliis in locis conspiciendos se præbent, si fides narrationibus. A Belgis vocantur *Kabauter*, *Manche*, à nostratibus *Disse-ged-Drengi* qui subinde de nocte operas exercent, ut exemplo recenti Pistoris cujusdam Leidensis notum est, qui non reversus est, postquam novâ tunicâ donatus fuit à Pistore. In patria quoq; memini aniculas multa de illis fabulari, pul-tesq; illorum in gratiam coquere. An hi ex Dæmonum sunt genere, de quibus Platonici multa. Solent verò illi infimos Dæmones malos aliquando nominare, quia ad infimum generationis & sensibile bonum suo quodam, ut
ajunt,

ajunt, officio nos alliciant, divertere autem à summo bono ad minimum, comparatione summi, malum jure censetur. Ajunt etiam supremos Dæmones ad contemplationis, medios ad actionis, infimos ad concupiscentiæ bonum ducere: quodq; his omnibus & uti possumus, & abuti, & utentibus quidem bona contingant, abutentibus verò mala. Multa in hanc rem *Ficinus* ad *Platonem*. Quis verum dicat nescio, & Pygmæos æquè dubii Dæmunculi videntur probare, cæcusq; cæcum ducere. Sed in scribendo jam parcior sum, quia valetudo impedit, quam forsan Thermis Spadanis sublevabo, si suaseris. Tuum enim consilium sequar. Vale Affinis magne, & me tuum fove. Officiosè Te salutar Cl. *Golius*, qui ad Arabum fontes nos fideliter manu ducit. Leidæ 10. Apr. 1640.

T. T.

Th. Bartholinus.

EPISTOLA VI.

An Pygmæi sint Dæmones.

THOMÆ BARTHOLINO.

Leidam.

CRedo Te jam meas accepisse, quibus iis respondi quas per Tabellionem publicum misi.

misisti. Institutionum mearum editionem, in annum sequentem differre cogor, quod tantum mihi jam non sit otii, ut supremam iis manum imponere valeam. Si Jacobo Marci tum visum fuerit, minori forma eas recudere, ipsi mittam, nec quicquam pro labore expeto, nisi ut aliquot transmittat exempla, amicis communicanda. Quamvis è re futurum sciam, ut Te præsente & dirigente hæc curentur, curæ tamen quibus jam circa nuptias filiae meæ Sostratæ distineor, vix permittent, ut ante tuum abitum ad vos eas dirigere valeam. Gaudeo Parentis Tui Institutiones Anatomicas prælo vicinas esse, spero me eas visurum, ubi in lucem prodierint. Quæ de Circulatione Sanguinis commentatus est Clariss. Walæus videre gestio, rem gratam feceris si transmiseris. Ego hactenus adduci non potui, ut fidem Harvæi inventis adhiberem. Quæ mihi moverint dubia, longe ante quam quicquam Primirosii viderim (Parisanum enim nondum habere licuit) ex VI. nostra exercitatione Medica videbis, quam eo nomine, cum aliis mitto. Pro catalogo Auctionis Bibliothecæ Elichmannianæ gratias ago. Ex iis quæ ex officina prodire la Maire, quædam selegi, quorum quid & quantum ipsi visum pro meis transmittere poterit.

terit. Tuo arbitrio omnia committo. Perplacet consilium de Pygmæorum historia à Parente elaborata tua cura prælo apud vos committenda. Quid si Cassanio de Gigantibus adderetur, ut contraria hæc juxta se posita essent illustriora. Non est quod Te suspensum teneat Kircheri nuda opinio, nullis rationum momentis stabilita. Nam & observationibus fide dignis & sanæ rationi adversatur. Pygmæos esse & fuisse gentem peculiarem & longe aliam, quam spectra illa quæ in Metallorum fodinis oberrant, præter ea quæ Parens tuus p. m. adduxit, quam plurima sunt quæ evincant. Pauca addam. Joannes Alvarez Maldonatus anno M. D. LX. ultra montanas Andes hanc gentem reperit, statura cubitum non excedentem. Pila plumbea emissâ è milite fugacem fæminam occidit. Captum marem intra sex dies tristitia viduitatis & servitutis confecit. Fæmina moribunda, cum accederet percussor, manum opponebat oculis ne videret, ad temperamentum impotentis odii. Argensola genus quoddam hominum perpussillum non ultra quatuor dodrantes reperiri asserit in orientis quadam Insula, quæ tota aurifodina est. Non dissentit Antonius Pigafeta, qui hanc insulam unam ex Moluccis statu-

B

tuit;

tuit, & ipse in Infula Aruchetto reperit. Hos Pygmæos veros esse quis dubitabit? Homines veros anima & corpore præditos relata docent: at spectra metallica potius ad Dæmones retuleris. Quantum igitur homo à Dæmone, tantum Pygmæi à spectris istis differunt. Hæc spiritus sunt, quandoq; phantasticis corporibus apparentes ut hominibus imponant, prohibitu se visendos præbent ac mox disparent. At veri Pygmæi vero corpore sunt præditi, quod nunquam deponunt, sed animæ ad mortem usq; sociatum tenent, unde semper conspicui. Tangi, occidi possunt, alijsq; modis ut reliqui homines, tractari. Metallurgi isti spiritus, nec carnem nec ossa habent: Pygmæi nullo horum destituuntur. Testis Sceleton quod Parens apud Electorem Saxonix vidit, testis Maldonatus, alijsq; qui eos viderunt & tractarunt. Quid multis? ipse Agricola non homines sed Dæmones hæc spectra vocat, etiam Cobalos & Gutelos quos reliquis benigniores statuunt. De Screlingis quod citat ex Olao Magno, in mea editione Romana invenire non potui. Interim falsum quod Screlingers, cubitales denotare ait. Sunt enim Screlingers populi quidam Occidentalis Grónlandiæ, statura non minores reliquis Grónlandis.

dis. Cum iis orientales sœpicule bella gessisse ex nostris Antiquitatibus M. S. colligo. Neminem igitur Kirchero fidem adhibiturum confido, nisi & sanæ rationi, & tot fide dignorum observationibus reclamare velit. Infirrior tua valetudo valde me tenet sollicitum. Cave ne importunis vigiliis & lucubrationibus ita corpusculi enerves habitum, ut & teipsum sanitate & patriam tuam præclaris ingenii tui dotibus defraudes. Exemplo Tibi sit Parens p. m. qui in adolescentia adeò se studiorum laboribus defatigavit, ut cum maximè prodesse patriæ debuisset, morborum irruentium ita obruebatur cumulo, ut minimam partem eorum quæ in votis erant, expedire potuerit. Felix quem faciunt aliena pericula cautum. Moderata durant. Interpone tuis interdum gaudia curis. Perturbato adeò Germaniæ statu, vix tutus fatis, ut opinor, Thermas adeundi tibi dabitur transitus. A diæta & pharmacia alia Tibi petenda sanitatis præsidia. Deus Te nobis servet incolumem. Clarissimum Golium, qui tanto me dignatur honore, ut Te interprete, mihi ignoto salutem nunciare haud dubitat, officiosissimè vicissim à me salutare haud desine, ejus favore & amicitia nihil mihi erit antiquius. Vale, mi Bartho-

line, & valetudinem tuam cura diligenter.
Hafniæ 11. May. 1640.

T.

Olaus Worm D.

EPISTOLA VII.

De variis exoticis.

THOMÆ BARTHOLINO

Parisiis.

QUæ per N. N. misisti, jam primum 20. nempe Decembr. accepi; sed male adeò habita fuere, ut non possim non detestari hominis supinam negligentiam. Adeò negligenter curantur, quæ studiosis traduntur! Certius multo & tutius per mercatores res geruntur. Maximopere mihi placuit avis ista Paradisiaca, inprimis quod pedibus non destituatur; iis enim prædicas esse, negavit maxima pars eorum qui aliquid de iis commentati sunt. Sed nolim te tantas mei causa facere expensas: nam apud nos valde care venduntur, & magno sunt precio. Hanc adeò malè tractavit internuncius, ut & caput abruperit, & flagellorum alterum mutilaverit, & pennas cum detrimento complicaverit. Flabellorum pulcherrimum fregit quoq; & pessimè tractavit.

Con-

Conchæ sunt venereæ dictæ, quarum licet antea mihi fuerint exempla quædam, tamen minores, quas misisti omnium sunt pulcherrimæ. Radix transmissa est Yuca Clusii, Mandioca Latii. Hæc ut & panis ex ea confectus, raritate se valdè commendant; antea enim videre non contigit. Phaseoli isti corallino atrî à Clusio describuntur exot. lib. 2. c. 13. & Rarior. Plant. lib. 6. Nûces purgatrices, sunt Clusio semina Ricini Americani, Pinnaones de Brasilia Latii. Insecta illa, Cantharis nempe & Scarabæus, præclara sunt. Cantharidum quidem unam antea habui, sed non Scarabæum. Omnia raritate sua & precio sunt eximia, tibi sumptus in ea collatos lubentissimè refunderem, si annotares. Interim singula suo loco in Historia nostra describam, non sine honorifica tui mentione. Jam primum etiam libros quos Maite misit, accepi, at Parentis Anatomiam nondum vidimus. Ad proximas tuas, quas 21. Novembr. accepi, nondum respondi, tum quod peregre, circa Illustrissimum Principem curandum, tum quod domi in promovendo ad summos in arte nostra honores D. Stougardium, occupatus fuërim. Huic se junxere Theologi D. Jacobus Matthias, D. Nicolaus Paulinus, D. Laurentius

B

Mar-



Martini. Disputationem nostram transmitterem, quæ ultima est mearum Institutionum de Methodo Medendi, sed commode per ordinarium Tabellionem fieri nequit; alioquin & aliquot exempla adderem, ut Gallorum vestrorum de hac docendi methodo expiscari posses judicia. Sub prælo jam mihi fervet Aurei Cornu, apud nos ante annum inventi Historia. Sed quo medio hæc ad vos commodè deferri possint, ignoro. Vides quam prolixè & apertè tecum agam, ut caritatem quam nobis imperare video locorum distantiam, longitudine compensem. Tu animum, ut semper æstima. Tuis commodis vix quempiam hic habiturus es proniorem. Fratrem Bartolum indies expectamus quem à Cancellario huc vocatum intelligo. Vale, & ut facis ama, Hafnia 12. Decembr. 1640.

T.

Olaus Worm D.

EPISTOLA VIII.

De Scribonii & Celsi Mstis.

Io. RHODIO

Patavium.

Scribendi vices, forsitan tædiofas, non re-
terem, nisi de ipso affectu jam constaret,
cujus

cujus incrementa indies æstimo. Longam excusationis pompam alii producant, mihi satis erit faventem Rhodium habere. Favebunt jam chartæ, &, si in plaufum tuum venero, doctæ quoq; animæ quas in fequenturam famam Tibi vindicasti. Justitium literarum alibi videtur Pallas indixiffe, vel brevi certè indictura est, ut inter omnes Rhodius noster fit, qui ejus gloriam audacter sustineat. Loquuntur scripta, & authores qui, Te vindice, revivifcent, Celsus Largusq;. Cæterum mearum partium existimans imperatis à Te parere, de Scribonio & Celso diligenter ex mente tua apud Cl. Moræum inquisivi, sed de C. Celso Msti nihil usquam comparet. Ad oram librorum impressorum quædam sive à se sive ab aliis eruditis ex conjecturâ adnotata monstravit Moræus. Putanorum illud jam olim mala fide à sacrilego sublatum idem conqueritur, quamvis non nisi fragmenta quædam fuerint. Scribonii Msti egregium communicavit Moræo Salmasius, quod cum Cornarii edito elapsa hebdomada studiosè contulisse ipsum vidi Moræum, idq; rogatu Salmasii, quem malè habuit Cornarii mala fides in iis corrigendis quæ corrigenda non fuissent, & in substituendis nonnullis quæ aliter in Msto apparent: quantum autem

memini, *Marcellus* est. Bourdelotii exemplar investigare, itineris suscepti curæ non sinunt. Tuum erit neglecti officii culpam ad alium derivare. *Galenus* græco-latinus à *Chartierio* inceptus in medio cursu subsistit. Tria volumina confecta, sed interrupta. Deficiunt Medico sumptus, & jam ferè omnes facultates decoxit in editione dictorum voluminum Magnus liber, magnas impensas postulat, & forsitan paucos emptores inveniet. Sperantur tamen à Card. Richelieu subsidia pro perficiendo opere illustri. Vale Eruditorum flos. Lutetiæ Parisiorum XVI. Febr. 1641.

T. T.

Thomas Bartholinus.

EPISTOLA IX.

*Vene lactee defensione. Castoris Anatome.**Caro lucens. Cura tremoris*

JOANNI WALÆO

Leidam.

Quamquam in hoc amœnissimi cœli soliq; tractu à Te remotior sim, præsens tamen manet animus, & tui recordatio, quæ sancta mihi semper erit, etiam solis ad ortum delato. Anatomica quod spectat studia, torpent illa hic, nec *Laurentium* vidi. Theatrum
tamen

tamen Anatomicum in horto Decani à *Ran-
chino* restitutum, ejusq; jam obitum lugens,
splendidam cathedram habet ex marmore
Amphitheatri Nemausiensis. Venas Lacteas
qui admittat, inter Doctores nemo est, adeò
*Galen*i autoritate inescati sunt, pro quo tan-
quam pro aris & focis pugnant, ut recentio-
rum experimenta negligant. Nuper admo-
dum in Scholis Medicorum Præsìde *Petro San-
chio* Medicinæ Professore ingenioso pariter &
docto, hæc Thesis fuit proposita, mesaraica
vasa deferre chylum ad hepar, & iisdem viis
eodemq; tempore ad intestina sanguinem re-
ferre. Ferre non potui experientiæ in os
contradici. Idcirco quanquam moris non es-
set ut peregrinus in illo actu audiretur, tamen
Decano *Courtaudo*, Viro perofficioso, facile
annuente, Thesin pro viribus impugnavi,
quia 1. sit contra *Galenum* l. 3. Nat. fac. c. 13.
expressè negantem eodem tempore fieri mo-
tus illos contrarios, 2. confusio fiat humoris
cocti & crudi, quam etiam *Galenus* non ad-
misit lib. 6. de Placitis. Adhæc fibras rectas,
obliquas & transversas per quas omnis fit trac-
tio & expulsio, in venis contraria non esse,
ergò nec simul & semel laxationem & con-
strictionem fieri, Ulterius deinde urgebam

homines, quod hujusmodi chyli traductio fieri nec possit, neq; debeat, neq; reapse fiat. Non posse, quia valvulæ impediunt regressum chyli & sanguinis ad intestina; at vel aperiri vel claudi simul & semel, quod absurdum, vel nihil refluere. Neq; debere, quia Natura noluit. Noluisse, quia alia & diversa vasa ad *ἐνάρδοσιν* & *ἀγάρδοσιν* fabricata est, venas nempe lacteas diversas à Mesaraicis, numero, trunco &c. Neq; reapse fieri, quia nunquam seu tempore distributionis, seu aliàs purus chylus alibi observetur, quam certo loco, neq; sanguis, quam suo loco. Sanguinem autem ex hepate per *ἀγάρδοσιν* ferri ad intestina, absurdum mihi videbatur, quia distributio omnis fiat per motum, nullum autem sanguinis motum esse ab hepate ad intestina, quia versa vice omnis motus ab intestinis ad hepar observetur *αὐτοψία* in vivis, idq; circulatione Harveana clarius probari. Produxi enim experientiam, quæ lacteas venas manifestè distinguit, quumq; illi ad Academiam Patavinam provocarent, ego viso nuper Syntagma-
te Veslingiano, *Veslingium* citavi, & obstu-
perunt; meruiq; inde *Sanchij* amicitiam mihi faventissimi. Annis nuperis, nempe 1637.
Phar-

Pharmacopæus urbis hujus Abrahamus Bewe Castorem vivum in theatro Academico aperiri per Thieræum Regium Anatomicum curavit. Spatio 15. dierum domi Castorem nutritiverat cum ramis subinde aquæ impositum, in qua caudam & pedes, piscium more, extenderat. Observati in eo sunt quatuor dentes crassi, longi & largi, acuti valdè, albi interius, exterius rutili; nempe duo superius, totidemq; inferius, quibus magno morfu arbores incidit crassas; & in posteriore parte oris utrinq; erant 8. dentes molares inæquales. Pedes anteriores similes videntur simiæ, posteriores anseris, cauda piscium instar larga ut soleæ piscis, superiori sui parte squammis tecta, non inferiori. Partes interiores simillimæ erant visceribus Suis, quam aliorum animalium, hepar in 5. lobos divisum, genitalia parva sicut gallorum gallinaceorum, spinæ dorsi adhærentia, adeò ut illa non potuerint sine vitæ dispendio, animali eximi. Est in abdomine tumor vel crumena vestita pelliculâ satis crassâ, & majori parva annexa est, impleta liquore oleaginoso & cineroso, quo Castor solet lingvâ suâ caudam tingere, quando in campum abit, propter metum ne sol caudam exsiccet. Humor qui in magna
illa

illa crumena reperitur est crassus & seipsum potest exsiccare ad pulverizandum, sed alter in alligata crumenula semper liquidus manet, qui convenientior videtur remediis externis, unguentis, oleis & balsamis, alter verò excatus pulverizatur Theriacæ miscendus, pilulis & potionibus, non verò pudenda Castoris in hunc usum trahenda, quæ odorem habent foetidum. Sceleton hujus Castoris adhuc sibi servat in pharmacopolio instructissimo *Bewius*, qui duobus foliis fusè descripsit, quæ ego in paucas lineas contraxi. Mensæ Aprili hujus anni in macellum allatæ sunt carnes recens mactatæ & adhuc calentes, bovinæ & agninæ, quæ certis quibusdam locis splendebant, & quando in obscurum locum deferabantur, tam lucidè omnia illustrabant ac si accensa esset candela. Solæ verò partes spermaticæ seu membranosæ splendere visæ. Cum putruerunt, foetorem pessimum habebant, eadem luce superstite. Ratio lucis obscura est. Suspiciabatur doctus quidam Medicus, ex cantharidibus splendorē esse, quibus eo mense frequenter vescebantur animalia. Sed causa dari tum non posset, cur non omnes partes nutritæ splenderent, ut taceam imminutam fuisse lucem cantharidum crebra per corpus altera-

tera-

teratione. Plerisq; nostris Professoribus visum fuit calidum innatum his animalibus copiosissimum, utpote ætheriæ naturæ, oleosum & pingve, splendori ansam dedisse. Nescio tamen qua id veri specie, siquidem carnosæ partes plus videntur habere calidi innati, quam membranosæ, & calidum innatum post mortem extingvatur. Ex certa radiorum incidentia splendorem mihi imaginabar: sed quia de nocte lucet, alia erit causa quærenda. Ad putredinem Doctor quidam confugiebat, ego verò calentem adhuc carnem ante putredinem splendere regeffi, credidiq; proximè ad verum accedere, si dicamus innatum omnibus esse lumen quod se magis vel minus exferit, pro varia corporum dispositione. Sed justî operis hoc erit argumentum, si calculus tuus accesserit & subacti judicii consensus. Disputationibus publicis fervidè occupantur Academiæ hujus Doctores Medici. In praxi verò pauca adverti. *Lazarus Riverius* qui præ cæteris famam scriptis aucupatur, edita Praxi quadam, quam Empiricam Parisienses vocant, quia tota in remediorum collectione, nuper secundam filiam Dn. de Beuf curandam suscepit. Illa verò perpetuo tre-
more

more omnia membra ciebat. Ut videas quid in cura hujus egerit, breviter signabo.

R. Fol. Melissæ m. j. incidantur minutim & infundantur in spiritus vini Unc. iiij. per diem integrum, postea exprimantur, & adde margarit. præpar. Drach. sem. Capiat Unciam unam per v dies. Statim ab assumpto liquore applicatus sincipiti raso pulmo vervecinus, ibiq; mansit per horam integram, postea caput linteis benè munitum fuit.

R. Lapid. Lazul. Drach. j. f. turbith Drach. j. Senæ Drach. f. Epithymi, cremor. Tart. an. Drach. ij. Cinam. & cortic. citri sicci an. Scrup. j. croci Scrup. sem. f. pulvis, de quo capiat Drach. j. semel in septimana cum jusculo.

Post hujus pulveris usum aliis quinque diebus julebos siccantes sumsit.

R. Succor. Borrage. Bugloss. Meliss. & Pomor. redol. an. Unc. iiij. aquar. fumar. & cichor. an. Unc. iiij. Sacchari albi Unc. vj. coquantur & depurentur, aromatisentur Santal. citr. Drach. ij. capiat Drach. iiij. vel v. mane & sero.

Finis.

Finitis julapiis data alia dosis pulveris prædicti cum jusculo, statim verò causticum nuchæ applicatum. Ne inanes ad Te rebus seriis intentum, literæ irent, hæc pauca addidi, speroq; me gratiam tui otii meriturum, quia refero, quæ tua curiositas mihi discedenti in mandatis dedit. Vale, Vir magne, & cum magnis Tuis collegis Heurnio & Vorstio, diu Academiam vestram illustra, meq; ut soles, ama. Mospelii III. Sept. 1641.

T. T.

Th. Bartholinus.

EPISTOLA X.

*De Academia Montispeffulana. Curatio
Diabolica. Balnea Gallie &c.*

HENRICO FUIREN

Patavium.

Quid nobis factum sit in itinere scire aves, mi Consobrine. Universa Gallia perlustrata, ad finem ejusdem properantes, Montem Pelium ingressi sumus diu propter veterem Medicinæ famam, desideratum, Tibiq; non ita pridem visum, eodem hospitio excepti quod olim regia fuerat Regis Majorcæ. Hæ sunt rerum vices. Regia in diversorium privatorum mutata est, & tot illustribus Viris hæc-

hactenus illustris Schola Medica & vocalis, jam penè obmutuit. Emigraverat ex illa paucis ante adventum nostrum diebus *Franciscus Ranchinus*. Cæteri pauca præstant; solis Disputationibus Candidatorum occupati, quæ jucundæ sunt & eruditæ ubi à Doctoribus Scholæ animantur. Hortus Regius extra portam neglectus jacet propter absentiam Præsidis *Bellevali*, qui Parisiis degit spe obtinendi locum Cancellarii. Decanus *Courtaudus* Senex est, sed perhumanus. *Laz. Riverius* famæ intentus raræ est admissionis, vel Medicæ praxi vacat. *Jacobus du Ranc* tamen apud ægros illi præfertur, usu longo peritus. Ingeniis certant *Lud. Soligniacus* & *Petr. Sanchius*, magnâ æmulatione, uterq; in lectione *Galenî* versatissimus. Dum verò hortus publicus silet, loquitur campus vicinus, quem sæpe invisimus, in quo Flóra meliores suas opes videtur effudisse, & in horti cultissimi formam efformasse & exornasse, si muros addidisset. Ibi odoratæ herbæ luxuriant, Rosmarinus, Spica, Lavendula, thymus, Satureja, Stoechas perpetuo virentes, quibus & oves pascuntur, & clibani incalescunt. In cæteris invideo vobis Patavinæ Academiæ splendorem, donec brevi eo ipse fruar. Interea de Curatione

tione supranaturali vestrorum judicia exquirerem, quam hic Diabolicam vocant, de qua mihi duo exempla narravit *Jacobus Duranc* supra laudatus. Monspeliensis enim Virginem fuisse Nobilem Tolosanam, quæ motibus convulsivis correpta inusitados & singulares gestus præ se ferebat, omnibusque remediis frustra adhibitis, cum iter Tolosam versus vellet facere, in itinere subito sine ullo remedio curatam. Præterea alium Juvenem Nobilem convulsione quoque correptum, cui à Matre accersitus sit senex quidam magica arte famosus, qui accepto cyatho argenteo aureove aqua repleto, fuis precibus, nullo alio medicamento juvenem sanitati subito restituerit. Ego parum tribuo magis, & credo sæpe Diabolo injuriam fieri, cui ea tribuitur curatio, quæ naturalis est, quanquam ad fallendos homines credulos nonnunquam certæ ceremoniæ affingantur. Forsan & hic & illa robore naturæ convaluere. Non ita pridem ab eodem *Duranco* & *Solignisco* Consultatio fuit instituta, cujus summam paucis referam, quia has Te solere, quæ tua est diligentia, scio colligere. Vir quidam sexagenarius in urbe S. Esprit à longo jam tempore sanguinem mejebat cum magno dolore & difficultate. Cor-

pus senile licet, valde vegetum & robustum, contabescit tamen sensim & extenuatur, alvus segnis, nec nisi clysteribus officium facit. Sentitur & magnus dolor in regione renum, & nuper ipsi pes dexter stupidus evasit, ut movere eum non possit. Natura robustus & vegetus, benè comedit, color faciei rubicundus & ingenium expeditum, omniaq; pathemata mediocria, nisi quod ad iram sit proclivis. Venter imbecillis & sæpius vomit. Quantum ad *morbi diagnosis*. Videbatur illis calculo renum laborare, quia materia adsit hic copiosa, & viscida, propter ventriculum debilem & diætam vitiosam, terrena, sicca, quia calor illi abundans partim à Natura, pathematis, partim à calidis cibis, præsertim à febre. Calculum verò satis magnum in renibus esse, quia sanguis profluit & pes stupet, quia calculus propter magnitudinem distendit & comprimit musculum prope renes, & nervum qui ad pedem descendit, ex quo etiam apparere, renem dextrum præcipuè esse affectum. In *prognosi*, insanabilem judicarunt, quia juxta *Hippocratem* in senibus nunquam curatur, quia licet hic satis sit à natura robustus, tamen ob varia accidentia factus est debilis. Præterea tam magnus est lapis, ut non possit expelli diure-

diureticis sine totali læsione partium; nec comminui, quia partibus insidet & durus satis videtur ex pede stupido. Ergo cum perfectè non possit unquam sanari, debere symptomata inhiberi, ut dolorem &c deinde providendum ne augmentum capiat lapis. *Curationem* verò maximè ad dolorem mitigandum referri, deinde corpus apertum esse tenendum, ne ab alvo adstricta ventriculus plus colligat humoris mali; & ita prohibeatur major materiæ affluxus ad calculum; debere etiam calorem temperari frigidis, venæ sectione & balneis humectandum corpus, ut viæ fiant ampliores & laxiores si forte expelli posset, diureticis tamen roborantia addenda ne partes nimis debilitentur. Cauterium in pede dextro inurendum, si stupor permittat, sin minus, in sinistro. Habet jam ante in cervice, sed id minus ex usu judicari. In ipsis remediorum formulis nihil pro calculo vel frangendo vel pellendo magnificum deprehendi. Terebinthinam Venetam in aqua graminis sæpius ac diligenter lotam ad Drach. vj. miscebant Rhab. pulv. Scrup. ij. Salis prunel. Drach. s. pulv. liquir. Scrup. j. ut fierent plures boli devorandi postridie venæ sectionis cum Syrup. Capill. Ven. tribus horis ante prandium per triduum. Pro balneo aquæ dulcis, sacculis

lineis duobus includebantur amygdal. dulc. contus. & hordei integri an. lib. iij. deinde coquebantur. Omnibusq; ordine longo præscriptis, tandem ad thermas Vallenfes ablegandum judicarunt. Felices Galli sunt insigni aquarum medicatarum numero & vi. Quatuor thermæ mihi juxta tecum visæ & notæ. 1. Pugeacæ acidulæ in pago Pugue duabus leucis à Nevers, vitriolatæ, ad æstum temperandum & calidas intemperies quascunq;. Eisdem quoq; ulceribus internis præscribit *Riolanus Pater* c. de Tenesmo, & amplo carmine laudat *Ræmundus Massacus* libris duobus de Lymphis Pugeacis. 2. Borboniæ, prope Molinum, calidæ sunt, nec bibuntur, ob prædominium sulphuris & bituminis in affectibus frigidis, Apoplexia, Paralyfi, Podagra & tumoribus commendantur. 3. Avallienfes aquæ in Avernia, acidulæ sunt intemperiei calidæ utiles. 4. Bellarucanæ, 4. leucis Monspelio distantes, calidæ sunt ad affectus frigidos. Post festum S. Joannis clauduntur quia postea non ita efficaces. Bibuntur alternis diebus, & alternis in illis balneamus. Alvum potenter movent liberaliter haustæ. Majori mense & Septembri calent, nec tamen semper, nisi pluat. Eas brevi invisere est animus. Nec

Nec invisus mihi erit fons ille olei versus Be-
ziers, quod hic in usum vulgarem ad elych-
nia venit, vocaturq; oleum Gabianum, aquæ
supernatans ex fonte fluenti. Tam fertilis hic
est Natura, ut vix alibi sit benignior. Labo-
riose quoq; sunt incolæ, apud quos in transitu
vidi saponis cocturam. Oleum maximo le-
beti imponitur, cui post coctionem ad medi-
am partem cinis additur plantæ Kali ad vitra
conficienda usualis, tumq; eo colore mixtum
imbuitur qui placuerit. Florem æris prolici-
unt iidem aceto reliquiis caulium uvarum pas-
sularum asperso, ære laminatim congesto.
Ipsas uvas & ficus ad solem siccant filo appen-
sas. Uvas verò primò tingunt fæce vini in
vasis reliqua, unde colorem suum trahunt,
passæq; fiunt, quales ad nos deferuntur. In
hortis suburbanis cancellos vidi dispositos,
quibus ceram immittunt, ut à sole albescat,
quam deinde extractam aquæ imponunt & ad
usus divendunt. Hisce aliisq; subinde oculos
pasco, donec ad vos eundi commoda occasio
affulserit, quam brevi arripiam, quia petu-
lantiores sunt patricii hujus urbis. Ante hac
morem induxerant, ut advenientes peregrinos
ære emungerent, prætextu boni adventus.
Nos verò post strenuam pugnam tantum obti-
nui-

nuimus, ut edicto à supremo Regio Intendente Dn. de Civito abrogaretur, sicq; nostro incommodo posterorum nostrorum commoda procuravimus. Plura præfens, quando convalerit frater Casparus, qui omnes salutat. Vale cum fratribus & Magno Rhodio. Mompelii 28. Sept. 1641.

Th. Bartholinus.

EPISTOLA XI.

De Lucentibus.

THOMÆ BARTHOLINO.

Patavium.

Silentium diuturnum haud ægrè fero, de animo in me tuo ita certus, ut ad quævis me paratum merito tibi polliceri debeas. Silentii interim narrata occasio nonnihil displicuit, non forte tam lauticiæ elegantiori advenientium, quam immodestiae Montispeffulanæ adscribenda. De itineris superato tædio, & obtentæ Academiæ Patavinæ commoditate vobis gratulor: ubi jam sex meos nepotes in felici studiorum stadio alacres pergere gaudeo: omnesq; ac singulos bonis ominibus prosequor. Lætor in Galilæum te incidisse, solertem rerum sublimium pervestigatorem.

Argo-

Argoli quoq; mihi grata fuit menttio: cujus tractatum de Crisibus & diebus Criticis demum post varios itineris errores, dono H. Furenii nostri, accepi, & jam ante Ephemerides à Janssonii ministro comparavi. Lucis in recente agnina carne splendor discursu tuo illustratus forte in memoriam mihi revocabit nonnulla, quæ de rebus lucentibus collecta & annotata habui, sed non sine magno & dolore & damno Majo superiore incendio meæ Bibliothecæ selectissimæ perierunt. Vale & ad omnem animi tui & voti quoq; mei sententiam vive felicissime. Cl. D. Rhodium amice saluto, & de misso de Acia doctissimo tractatu gratias ago. Hafniæ 28. Martii 1642.

T. amantiss. Avus

Thomas Finck.

EPISTOLA XII.

*De carnibus in macello Monspeffulano
splendentibus.*

FORTUNIO LICETO

Bononiam.

A Lienum nec à tua dignitate, nec meo cultu vix unquam putarim ut fama vultuq; tibi omnium ore clarissimo hætenus ignotus inti-

mioris & stupentis animi devotionem calami obscurioris ductu adumbrarem. Suasit atq; à non repugnante obtinuit Viri ad famæ æternitatem fato & virtute cælis æmula jamdudum destinati humanitas ab omnibus, præsertim quem inter tuos esse voluisti, nostro Rhodio, usq; adeo deprædicata, ut non hominem Licetum animo concipiam, sed diviniore conditionis mortalitatem divina quadam mistura felicissimè temperatam. Nec aliud loquuntur immortalia ingenii exemplo carentis monumenta, quibus hætenus nunquam silendum. Nomen posteritati nobisq; commendasti, & antiquorum quotquot tulit ætas prisca majestatem unus vel superasti, vel pari splendore adæquari docuisti. Debet enim æternumq; debebit Latium, felices illæ Musarum sedes vix prisca splendoris umbram assequentes, quod solus fere veterum innocentiam sustentaveris, & morituris Musis salutaris quidam Apollo illuxeris. Non noctem his, sed æternam lucem ominor, si duraturo seculis Liceti nomine ad superiorum invidiam diutius fatorum venia labentem alioqui chorum sustentent. Huic animam lucemq; debent, quæ veterum silentium vel temporum imperiosæ vices veluti quadam nube nobis sub-

subdixerunt. Hoc lumine Natura Parens lu-
cet, quæ antea propriæ quidem, sed obscuri-
ori luci inter lucem tenebras obduxerat, ut
cœlorum terræq; mirandæ facies ex hoc lu-
mine, quod habent, mutuenter & niteant.
Patere igitur seculi nostri lumen, ut quem La-
tii amor illustrium, inter quos primus Lice-
tus, fama huc ex Arcto evocavit, vel mini-
mis splendoris tanti radiis illustretur. Lumen
quidem aliquod, sed alienum, adduxi; quod
ex te lucem vel merebitur vel impetrabit. Lu-
men carnis Agninæ est, quod me interprete
lucem poscit. Annus propediem vertitur,
quum in Monte Pessulano præfente me om-
nis mactatorum caro in macello venum ex-
posita clarissima locis obscuris luce emicu-
erit, tam bovina, quam ovilla adhuc ab ex-
coriatione calens, stellarum instar luminibus
hinc inde, maximè tamen circa partes mem-
branosas & pingvedine tectas, distincta, ali-
quot dierum decursu eandem luminosi faciem
summo Doctorum stupore servavit, donec à
putredine in obscurum colorem terminaretur.
Agitabat visæ rei novitas spectantium inge-
nia diversis conjecturis, & me transeuntem
ad ejusdem historiam pellexit, quam sine ju-
dicio tuo utramq; hic paginam facturo in lu-

cem prodire non passus sum. In lucis causa hæremus ambigui: Te arbitro nostram conjecturam vel stabiliemus, si probaveris; vel exilio mulctabimus, si secus suaseris, cui in arcanis Naturæ ingeniosissimum pectus informavit summum Numen. A putredine recentis carnis lucem non ausus sum deducere, quum hanc demum illa eripuerit, & arbitrer in corporibus putredinem non tam inducere lucem, quam educere, seu manifestare ante tectam. Nec in perspicuitate cum Aquapendente acquiescere potui, quæ lucem externam supponit, quam velut in speculo representet, in carne nostra non observatam. Difficile quoque est intellectu, qua ratione octo dierum spatium unius externi luminis haustu illæsum lumen exhibere potuerit, quod ad subjecti illuminati moram metimur. Accedit, eandem perspicuitatem in aliis omnibus pari modo habentem vix seculo quovis lucis vel tantillum explicare. Ab immoderato haustu matutini roris deduxerunt, me interrogante, ipsi Laniones, non improbabiliter, ut videbatur, quia & aquam marinam illustri nocte sæpe sæpius lucere observavi, & pari luce veluti stellarum res quasvis immerfas distingvere. Unde autem in aquis lux? An à falsedine? An stellarum,

rum, huc tamen non pertingentium, refractione? Nisi fallit conjectura, & in aquis & carne nostra lux apparens ab insita quadam repetenda, quam ubiq; est observare, præsertim in oculis multorum animalium, insectis aliis, & igne. Jam autem insitæ lucis originem novisse, Apolline interprete opus est. An à prima creatione? An luce per Universum dispersa, à Platone Mathematicisq; plerisq; probata? Res utrimq; dubia, & nisi à Te scivero, nusquam sciam. Omnia verò tuum expectant iudicium, quo firmata in publicum prodibunt. Enimverò dubitare de hac tua promptitudine vetat infinita orbi jamdudum probata scientia, pari in Natura Musisq; promovendis conjuncta voluntate, quam bono literarum omnium fato in Te veneramur quotquot excelsæ mentis conscii sumus. Perge ad æternitatem felicissime grassari, & Musis nostris innocentissimis fave, quæ par ævum tecum metientur, uniusq; defectu deficient, quo salvo florent. Neq; diutius patere privari orbem literatum reliquis ingenii sublimis monumentis, quæ præmuntur fortunatis latebris. Hactenus Licetum vix orbis complecti potuit; jam verò ut animi pectorisq; magnitudinem ostendat, ipse orbem fortunato includet,

cludet, anuloq; terminabit, quem in sui obsequium duraturo cultu formavit. Nimumquam Musis timerem si felicissimo hoc anulo in crepundiorum locum exponendas signares. Exponentur licet, hoc signo ceu vinculo Parenti restituentur. Absit omen, ex anulo utriusq; potius felix conjugium & æternos amores æstimabimus. De anulo quum narraret non ita pridem Cl. noster Rhodius, Liceti calamo accuratissimo ducendum, spem una fecit non dubiam ex occasione anulorum, Aureum Serenissimi Danorum Principis cornu cingentium, novam Emblematum ejusdem cornu explicationem hoc Oedipo divino adjunctum iri, quo promisso excitatus, quum de secunda auctioriq; editione Dissertationis Aureæ brevi proditura nuperis ad me literis perscripserit Excellentissimus Autor D.D. Olaus Worm, Affinis meus æterno obsequio cultuq; venerandus, stupendæ Antiquitatis nostræ non parum interesse rebar tam Illustrem Interpretem acclamari. Quare ut seriò in has Antiquitatum partes descendas, nomine curiosi orbis obnixè rogo; quo etiam de tanto Nomine sibi nostræ gratuletur vetustas. Quod si novam exactissimi ingenii explicationem brevibus in chartam conjicere non dedigeris,
nanovo

novo summi sideris lumine Dissertationis recudendæ tela enitescet, & inter aurea inventa pares tuas cogitationes Reipublicæ literariæ addictissimus Autor quamprimum reponet. Vale omnis ævi summum Decus, publicoq; bono diutissimè superstes, hunc ama, qui æternitatem Nominis tui serió colit. Raptim Venetiis XXVIII. Febr. M.DC. XLII.

Thomas Bartholinus.

Impresf. Utini 1646.

EPISTOLA XIII.

De iisdem carnibus splendidibus

Responsio.

THOMÆ BARTHOLINO Venetias.

FORTUNIVS LICETVS B. A.

Splendidarum in obscuro carniū mactatorum animalium, in Montis-Pesulani macello recens abs te visarum, causa Physica, vir eruditissime, non immeritò doctiorum insignis illius Academiæ fatigavit ingenia, tēq; nunc excitat ad sui productionem è Naturæ latebris in apertam lucem Orbis Literarii; quòd ea sit præstantiorum mentium indoles in ardua niti. Gratias interim tibi maximas habeo,

habeo, quòd admirabilis hujus eventus me participem facere volueris, mihiq; doctas tuas conjecturas de causa ipsum promovente communicaveris; quæ me plurimum delectârunt, vel eò nomine, quòd mirificè consentiunt cum iis, quæ pridem disserui de consimilis effectus pari causa circa Lapidem (Litheos. cap. 47.) Bononiensem itidem in obscuro fulgentem. Quare tecum sentio, fulgorem illum carnibus non inesse à putredine, tum quòd recens mac-tatis & excoriatis ante putredinem iste splendor inesset: tum quòd ingruente vel incipiente putredine, statim ab iis fulgor ille recederet, degenerans in furvum colorem. Itidem tibi non suffragari nequeo, constituenti, carnes illas ab ambientis perspicuitate lucem hujusmodi non induisse; qui nörim, perspicui proprium esse, non illuminare quicquam, sed illuminari ab alio lucido præsentem. Cæterum, si perspicuitatem in Concreto sumpserit noster Abaquapendente, (de oculo cap. 4.) jam unà nobiscum philosophatus esse videtur, qui causam propositi referimus in roridam substantiam intra corpora brutorum affatim nuper ingressam; nam ea substantia, utpote secundum prædominium aërea & aquea, corpus perspicuum est: perspicuorum verò corporum,

porum, maximèq; puriorum, propriam conditionem esse, naturalèmq; proprietatem, ut quomodocunq; coacta densatàq; fuerint, illicò fulgidam naturam induant; nos & Alberti (2. de an. tr. 3. c. 12.) Magni testimoniis, & pluribus tum argumentis, tum etiam experimentis fusè comprobavimus in Lithéosphoro (cap. 47.) nostro, & alibi de Novis Astris & Cometis (lib. 3. cap. 9. 10. & 11.) agentes; quas iis locis videre poteris: non enim huc frustra transferenda fuit in epistolam illa longior theoria. Sic ergo censeo, bestias illas, antequam mactarentur, nocturni & matutini rores plurimum hausisse, non solum per cutis poros angustiores, verum etiam per augustiores tum narium, attrahentes aëris roridi magnam copiam in pectus inspiratione continuâ; tum oris, comedentes herbas & frondes puri crassioriç; rore madidas: Quæ quidem substantia roris uberior intra corpus ingesta, & partibus potissimum lentore pingvedinève suffusis adhærescens, nec non ab ambientis frigore post lanienam efflatò calore cum spiritibus, condensata, facile splendescere potuit ad plusculos dies in obscuro: Quod evenit etiam agninæ carni dudum observatæ Patavii, de qua sic Hieronymus Fabricius Abaquapendente

dente in suo tractatu de Oculo visus organo, (cap. 4.) Annô 1592. quô tempore Christi redivivi solennia celebramus, tres Romani juvenes studiosi & nobiles agnum emerunt, ejusq; partem ipso Paschæ die comederunt: quod supererat, appensum (ut fit) quodam locô servârunt: atq; eò noctu quum venissent, candelarum specie complures illius agni partes collucere viderunt. Itaq; agnum ad me miserunt, quem quum in loco obscuro contueremur, carnem & adipem tantum argenteo quodam splendore nitere animadvertimus. Simulq; observavimus particulam hœdinæ carnis, quæ illam agninam attigerat, itidem splendore perfundi. Quòd si etiam aliquis easdem carnes digitis contrectaret, agninas, inquam, aut hœdinas; statim digitis ejus splendor adhærescebat, nec digitis modò, sed & faciei, & cuivis deniq; corpori, quod contrectaretur vel oblineretur. Neq; id ego unus, aut domus mea, verum etiam pleriq; Cives Patavini conspexerunt. Jam igitur carnem eò splendore & nitore invenimus, qui cæteras carnes, & corpora similiter afficeret. Notabatur, quòd quamvis caro esset splendida, non autem diaphana: attamen quum splendor apparebat, videbatur etiam quasi diaphana, ita

na, ita ut cum illo splendore conjungeretur perpetuò diaphanum; quamvis reverà diaphanum in diurno lumine non appareret. Præterea in diurno lumine prorsus delitebat dictæ carnis proprium lumen; quod sicuti in obscurissimis tenebris splendebat: ita sensim & sensim accedente diurnò lumine obscurabatur splendor. Observatum itidem est, splendidam maximè eam carnem esse, quæ contactu mollis persentiebatur, id est, durum subiectum aliquod non habebat; quod erat indicium, diaphanum aëreum ibi adesce. Hoc idem observatum est in vesicula quadam aëre plena. In summa, ea pars, quæ ad candelæ lumen perspicua erat, tota in tenebris erat luminosa. Quæ verò caro propter ipsius profunditatem aut os subiectum opaca erat, sine lumine in tenebris permanebat. Hæc ille: quibus apertè constat, carnem in obscuro splenduisse, quæ perfusa foret humidò aëreò pingvî seu roridò, seu roridæ substantiæ naturam consimilem habenti, perspicuam nempe, quæ coacta tenuem ac imbecillam lucem contrahit, aptam in tenebris effulgere; quum in clariori diei vel cerei lumine nequeat obtutui suum splendorem ostendere, visumq; movere ad sui fulgoris aspectum; quòd oculus

vehementiùs motus à vividiori splendido, leves impulsus imbecillioris lucidi non animadvertat, neq; sentire valeat; quos in tenebris percipit immunis & quietus ab effectione majori. Sed in vividiori lumine substantia rorida carnibus infarcta sub ratione perspicuæ cernebatur, quòd naturâ suâ perspicua foret; & perspicuum, Aristotele (2. de an. tr. 68. 69.) doctore, visibile sit, non secundum se, sed beneficiò luminis, à præsente lucido sibi ut-
cunq; communicati. Quoniam verò eadem substantia fuit una & lucida, & diaphana, potuit in tenebris ut lucida spectari, sed in lumine majori minorem ipsius lucem obfus-
cante, non nisi ut diaphana conspici potuit: ita sanè lampyrides per aëra volitantes, quæ simul ventrem habent lucidum & coloratum, noctu spectantur lucere, non inspectò colore, qui visum non movet in (2. de an. tr. 67. seqq.) tenebris; at interdiu coloratum ventrem obtutui representant, non lucidum, quòd imbecilla lux in validiori die sit inconspicua. Deniq; verò lux in illis carnibus tam Patavinis quàm Monspelliensibus in atrum colorem, dum gliscente putredine dissolvi dissipariq; coepit ea rorida perspicuâq; substantia purior, quæ solâ concretione splendescere potuit in
obscu-

obscuro. De hac eadem re Magnus Albertus ait (2. de an. tr. 3. c. 12.) scias omnia illa esse lucentia, in quibus spissata, & quasi calcata continentur partes subtiliores diaphani; & ideo lucet ignis, quando est spissus; sicut apparet in flamma, quæ spissa est, & subtiliorum & nobiliorum partium. Non autem ignis lucet elementum simplex, sed purè diaphanum est, ob summam sui raritatem, quâ visum terminare non potest: Quia perspicuum purioris naturæ sola sui condensatione mutatur in lucidum. Sic ignis elementi portio quomodo-cumq; condensata resplendet in cometas non raro, novaq; sidera; quemadmodum latius explicavimus in (1. 3. c. 12. & 4. de Lucer. ant. c. 34.) opere de novis Astris & Cometis, & alibi. Id ipsum ostendimus (3. de no. astr. & co. c. 11.) de puro illo supremo aëre, qui suapte naturâ perspicuus, ubi contingat eum ab aliqua causa cogi, atq; densari, protinus emicat in cometam novumq; sidus: Quapropter non est, ut roridus humor ille condensatus habere sumereq; sibi dicatur lucem aut à falsedine, aut à siderum refractione, aut aliunde quàm à propria natura perspicui puri, quæ solâ condensatione vertitur in substantiam lucidam. Non aliter in cœlo diaphanæ

D a

partes

partes à lucidis, quæ stellæ dicuntur solâ raritate disident: Sic ignis in propria sphaera propter unam raritatem purè perspicuus, adeoq; non lucidus; quacunq; de causa contigerit ejus aliquam portionem cogi atq; densari, protinus emicabit in corpus lucidum. Verùm enim verò nec abnuero (quod latius confirmavi pridem in eodem volumine cap. 48. de Lapide Bononiensi) si posueris illam substantiam roridam intus haustam ab animalibus, & eorum carnibus excoriatis adhærescentem primùm illuminari, lucisq; novum habitum ab ambientis quantulocunq; lumine concipere: quem fulgorem sibi conservet ad plures dies, quousq; compacta permanferit. Quare non unâ ratione mihi tecum apertus ferè consensus est in proposito de splendore carniū mactarum in macello Monspelliensi. Tuum erit meas illas contemplationes in Liteosphoro, librisq; de Novis Astris & Cometis, deq; Lucernis antiquorum reconditis intueri, quibus conjecturæ tuæ mirificè consentire videntur.

Ad explicationem postea verustiorum Emblematum Aurei Cornu Danici quod attinet, equidem in meo Volumine (cap. 36.) de Anulis Antiquis, hujusmodi rem ago paulò

paulò diligentiori disertatione: cujus summa est, Cornu magnum ex auro puro fabrefactum fuisse jussu Regis antiquissimi apud Cimbros, non in alium usum, quàm ad tentandum Præsidum vigilantiam in regendis Provinciis, nec non Popularium integritatem in abstinencia à furtis; ideoq; projectum expositumq; fuisse pretiosum cimelium in bivio Ripensi sine custodia. Simulacra verò in eo formata censeo nihil aliud indicasse, quàm optimi Regis Danici mores, & attributa tum belli tum pacis tempore, Regnum sibi subjectum bene gubernantis, & universam Rempublicam prudenter ac justè semper administrantis. Quam opinionem ex apta singulorum Emblematum explicatione confirmo: distinctè quibusq; particulis eorum examinatis, inclyti Wormii diligentiam suspiciens, & ab ejus placitis non admodum discedens, etsi non semper iis adhærens.

Hæc ea sunt, vir eruditissime, quæ festinanti calamò potui nunc occupatissimus elegantissimæ Epistolæ tuæ respondere; in qua sicut ego non sine rubore legi laudes ingentes, quibus me supra meritum ornare voluisti: sic enixè rogo tuam humanitatem, ut ista mea levidensia responsa boni consulat; etsi minus

respondentia tuæ forsan expectationi, laudibusq; summis mihi tam latè tributis. At verò qualiscunq; sim, velim pro certo habeas, me semper ad tui vota victurum. Vale Musarum delictum, & me tui studiosissimum amare ne ceses. Dabam Bononiæ IV. Nonas Martii, M DC XLII.

Impres. Utin. 1646.

EPISTOLA XIV.

De perspicui condensatione in lucidam substantiam.

FORTUNIO LICETO

Bononiam,

E Minentia illa ingenii stupendi dona, & mentem ad perfectissimæ Ideæ normam formatam, quamvis jam antè admiratus sim, & dignâ æstimatione venerari didicetim, nuper tamen ex literis tuis nihil nisi eruditionis summæ radios spargentibus, tanquam in speculo non ficto prescius introspicere Musarum Vestrarum benignitate, dabatur. Implevi spem, quam dubiorum Naturæ Artisq; Secretorum expectatio excitaverat, id assequutus, quod ab unius tantum arbitrio totum dependebat & iudicio. Tibi autem in dati responsi doctissimi gloriā me totum vindicabo, æternoq;

æternoq; officiorum obsequio, quas tibi devinxisti, rudiores nostras Musas sistam, si dignas judicaveris tantæ admisionis, qui cum Diis tantum conversari ex animi magnitudine consuisti. Securiori animo esse jubet cœlorum conditio, & Divorum indulgentia, quæ ad felicitatis suæ partes diversorum hominum sortes, inæquali licet pondere æstimatas, non raro disponit. Nam & Divinitatis consortium ingreditur Vulcanus, quamvis claudicans, & Mercurius, licet servili conditione obscurior, Deorum nuncia perfert. Nec in eo summorum Majestati ibimus detractum, si inferiorum interpellatione, diverso, grato tamen, diverticulo seriora distinxerimus. Quippe ex diverso imparium congressu utriusq; robur & eminentiam metimur, quæ inter æquali sorte definitas res necessario latet. Fuit hoc, fateor, quod ad iteratas scribendi vices malè repugnantem induxit. Tandem repeto expeditiori gressu, cujus jam dulcedinem salutarî haustu sum expertus: &, nisi fallor, eò usq; impressa vestigia calcabo, dum vel me dulcedinis sensus, vel fontem salubrium aquarum scaturigo deficiat; quorum hoc quidem impossibile, illud nunquam sperare præsaga futurorum mens dicitat: Elegantissimas super

Aureum nostrum Cornu conjecturas, mecum Orbis doctior mirabitur, ubi desiderato jam omnibus operi Antiquitatum Danicarum Auctor Excellentiss. Wormius noster, brevî prodituro adjunxerit. Inprimis applausum merebitur Hieroglyphicorum ad Vitam & res præclarè gestas Regis Frothonis III. ejus nominis, cui magnitudo rerum contra Sclavos, Norvagos, Hunnos, Suecos, Finnos, Britannos & Hibernos felicissimè & cum triumpho gestarum, Magni nomen grata posteritas dedit, commoda restrictio. Id tamen dubium me versat, num ad mentem Ægyptiorum & Romanorum, hæc Patrum nostrorum Emblemata exponi possint, quum sine dubio ut scientiæ, ita scientias occultis notis tradendi modi maximè differentes fuerint, eò præsertim ævô Nativitatis Christi, quô imperium in Cimbros nostros Frotho Magnus obtinebat. De usu obscurior res, opinionum diversitate. Quidam in Patria eruditus, in Sacrificiis Deorum veterum Danorum usum assignavit, nullâ, ut ipse in iterata editione Clariss. Wormius deducet, veri specie: Nec dubitare ausim firmioribus rationum aut conjecturarum momentis te ductum, Virorum Maximè, ut ad tentandam subditorum abstinentioniam expo-

expositum Cornu figuratum induxeris, quam id aureò hamò piscari rarò exemplò videatur, quum aliàs in rebus vilioribus suspectorum animos soleamus feliciorì astu explorare. Usus, quem ipse Auctor assignavit, bellicum vel venatorium adstruere videtur Cornu aliis itidem figuris ornatum inter Turcarum spolia & manubias in splendidissimo Magni Ducis armario Florentiæ à me observatum, cujus descriptionem accuratam & delineationem Wormio mittendam, indies expecto. Ad Carnis visæ lucem tuò lumine clarissimò ambìguus viarum deductus in limine hæreo, & ingressum foras patentem interiores adhuc tenebræ impediunt. Ad perspicuitatis condensationem ut alias luces, ita etiam hîc luminosi corporis originem cum Peripato judiciosissimè adstruis. Quomodo autem id fiat aut fieri possit, vix apud ullum reperio. Non dubito, quin perspicuitatem non utramq;, sed indefinitam, seu illam quæ visum omnem transmittat, intelligant Auctores; quia de altera determinata & figente, nullum dubium, quæ in se & sua natura lucem abundè habet & ostentat. Nec in eo controversiæ cardo vertitur, an perspicua indeterminata lucem ab extra recipere possint, tanquam in

subjecto; quum id natura mediū indicare videatur & confirmare. Verū hoc est quod nos angit, utrum perspicuum nudum lucem ex se generare possit per sui condensationem? Varia sunt quæ disuadent. Quum enim ex se & in se perspicuum lucem non habet, ut docet aperte Aristoteles lib. 2. de Anima, quia indifferens esse debet tanquam medium aptum recipere utrumq; lucem tenebrasq;. Confirmat Alhazen 2. opt. c. 2. propos. 55. expressè inter lucem & perspicuum distinguens. Innuit deniq; ipse Excellentiss. Vir in erudito de Lumine Commentario; & Litheosphori cap. 49. nullam ab interno principio lucem assignans: ex condensatione, seu arctiori unione partium extensarum quomodo lux nova consurget? Nihil agit ultra vires & principia, nec effectus causā suā nobilior esse potest. Quæ causa est, quare ex condensatione perspicui indifferentis non æquè tenebræ oriantur quàm lux? Quæ deniq; ratio ex aëre, tanquam primo perspicuo, condensato lucem promet? Condensatur non rarò aër arctissimè in regionibus nostris in angustis bombardarum & tormentorum cannulis, à quo cum vi erumpente sonitus quidem oritur, lucis ne tantillum. At ex condensatione
aëris

aëris & nubium fit tonitru & alia meteora
lucentia: Fateor, sed ex condensatione sola
nihil, nisi una sulphurea & materia quædam
accendi apta cogatur: adeoq; lucem quidem
exprimat latentem, non generet ex densitate,
imò unit dispersam & congregat quum appa-
ret, ut in ignis elemento raro & disperso,
quod facta luminosorum corporum copula-
tione arctiori, non solâ perspicui condensa-
tione, lucet & videtur. A diaphaneitate ex-
pansi condensata stellas lucemq; emergere
ingeniosum videtur commentum, cui Sacrae
paginae fallere nesciæ reclamant, quæ Verbo
Dei lucem factam ipsis Mundi initiis docent.
Positò tamen, in exordio Rerum ex conden-
satione factam, legem in natura creata jam &
constituta inducet nullam. Lux semel creata
omnia implet, & in specierum varietate dif-
funditur: imò multiplicatur, ut ex Litho-
sphori cap. 47. didici. Quantò faciliore igitur
negotiò ad insitum aliquod roris lumen,
in omnibus ferè corporibus conspicuum,
splendentis in obscuro carnis lucem deriva-
mus, quam ex perspicuitatè densata ægre sal-
vabimus. Sed te præsertim ita ineptire volui
datâ operâ, ut ex Sapientia tua & Magno Ore
mei ingenii tenuitatem temperarem, addere-
remq;

remq; quòd vix, præter te, ulla seculorum
 experientia docebit. Hanc si vel tantillò
 calami ductu, pro more, qui solus potes, au-
 xeris, duraturò obsequiò cultuq; in æternum
 Nominis Tui & Virtutum Studiosissimum ob-
 stringes. Vale digna Heliconis anima, publi-
 coq; bono serior cœli incola mortalitatem
 exple. Scripsi, Amicò instante, Patavii, die
 XXVI. Martii M DC XLII.

Thomas Bartholinus.

Impres. Utin. 1646.

EPISTOLA XV.

*De lucis ortu ex condensatione
 perspicui.*

THOMÆ BARTHOLINO Patavium.

FORTUNIUS LICETUS B. A.

Impar ingentium tuarum laudum oneri, quod
 imponere mihi voluit incomparabilis hu-
 manitas, ista tua, V. Cl. verecundò silentiò
 nunc eas occulens atq; deponens, venio sta-
 tim ad responsa Quæditorum abs te recens
 propositorum. Ad Aurei Cornu Danici
 Emblemata quod attinet primùm, mihi sanè
 dubium non est, ea potuisse more priscorum
 Ægyptiorum condi, non solùm quoniam
 Ægypti-

Ægyptiaca monumenta vetustissima producta fuerunt in omnes mundi plagas; verum etiam quia Frotho Rex eloquentiâ celebratur à Magnis (Joan. & Olao M. Episcop. Upsal. & Sax. Gram. lib. 4. & 5.) historicis Septentrionalibus; qui Starchaterum etiam literis & armis insignem ante Christi Domini natalitia testantur: ut pasim legitur in eorum voluminibus. De usu verò Cornu Aurei maximi, propter magnitudinem atq; figuram inepti bellicis & venatoriis casibus, abundè tractavimus in opere de Anulis (cap. 36.) Antiquis. Nec isti compar in proposito potest esse Cornu longè minus, & viliori materiâ conflatum, solisq; venationi dicatis iconibus à Turcis Olyssiponensi Regulo, Principiq; dudum ablatum; quod ibidem fusè probamus. Quam commentationem ex illa eruditione non est ut huc afferam. Sed ad theoriam splendide carnis deveniendum, & in ea latius expatiandum censeo. Tu quidem rectè, non ita facilè recipis, perspicui condensatione corpus lucidum oriri, modum inquirens, quò condensatio lucem pariat in perspicuo. Bene sentis, egisse me de perspicuo internato, quod visum transmittat, seu potius, per quod ad visum ulteriora visibilia speciem

ciem sui visibilem transfundunt in Peripato. Cæterum nec absolute dicendum, determinata perspicua sine dubio in se & sua natura lucem abunde habere & ostentare: namq; perspicua determinata plurima nihil omnino lucis habent in se, nihil ex sua natura luminis effundunt: etenim perspicuum non aliunde terminatur, quàm ab opaco vel permisto, vel forinsecus appposito; permisto quidem opacum perspicuo gignit corpora colorata; de quibus (de Sen. & sen. c. 3.) Aristoteles ita: Luminis igitur natura indeterminato perspicuo est: ipsius autem, quod in corporibus, perspicui ultimum, quod quidem erit utiq; aliquid, palam est: quod autem hoc sit color, ex accidentibus manifestum. Et mox: Perspicuum ergo, secundum quod inest corporibus, inest autem plus aut minus, in omnibus colore facit participare. Quoniam autem in extremitate color, hujus utiq; extremitas aliqua erit. Quare color utiq; erit perspicui in corpore determinato extremitas. Et reverà color omnis enascitur ex opaci atq; perspicui ab eo terminati permistione. Colorata verò corpora perspicuum determinatum in se habentia, lucem ex se non habere nec ostentare, planum est; quum tenebras non exstinguant,

quant, nec in iis omnia cernantur; quod lucidorum omnium proprium est. Appositio verò forinsecus opaci perspicua terminare quidem, sed in iis lucem ullam non parere, constat evidenter in vitreis crystallinisq; speculis, ponè bracteatis hydrargyro; quæ nullam in se lucem inde fortiuntur, nec in tenebris posita lumen ullum ostendant naturâ suâ. Sed luceant ea solùm perspicua terminata, quibus cum exigua opacitate multa perspicuitas inest in materia purissima, & valdè defæcata; sic lapilli pretiosi pleriq; fulgent in tenebris: de quibus Isidorus in (l. 16. c. 9. & seqq.) Originibus post Plinium: (li. 37. c. 2.) Sic in quibus inest ignis prædominium cum aliorum elementorum puritate; siquidem (1. meteo. c. 4.) Aristotelis observatu singulorum elementorum partes aliæ sunt magis, aliæ minùs puræ; quum ignis inter omnia elementa purissimus habeatur & maximè (2. de gen. t. 12.) sincerus, ut etiam terra procul à contrariis; ille ob maximam sui activitatem aliena consumens; hæc ob maximam sui densitatem non ita facile patiens, & ob qualitates vividiores facile repugnans. Quæcunq; corpora mista constituuntur ex elementorum partibus purioribus & maximè defæcatis, cum debito ignis prædo-

prædominio, illa sunt omnia lucentia, ubi debitam consistentiam atq; densitatem sortita fuerint; etenim lux est qualitas fixa in corpore denso, quam raritas exstinguit atq; dejicit in perspicuitatem. Sed elementa sincera puriora diaphana si concreverint, aqua quidem, & aër in substantiam albam, lucidæ satis affinem & utcunq; lucidam; ignis autem in lucidam maximè splendidam commutabitur. Cœli verò partes diaphanæ primum densitatis gradum adeptæ, candicant in duas albas nubes illas, quæ sempiternò gyrò circa polum antarcticum volvuntur apud Indos: at ulteriorem condensationis gradum sortitæ micant in lucidissima sidera tam glabra quàm crinita. Certè nemo non novit, vel ex (1. meteo. su. 3. c. 2.) Aristotele tum & aquam arctiùs condensatam, in albam glaciem, grandinève, nec non in candidum crySTALLUM converti: & aërem inspissatum puriorem in albam nubem mutari, hancq; ulteriori condensatione vi frigoris ingentis ac repentini concedere in candidiorem nivium substantiam: tum & albedinem candoremq; lucis naturam affinem obtinere, ac esse veluti lucis quoddam rudimentum; nam in nocturnis horis per loca nivibus obsita gradientes, itinera
nera

nera reperiunt utcunq; lucida, & minùs obscura, quàm iter agentes per vias nivibus expertes; qui tenebricosiores valde calles inveniunt. Cæterum inter ea mista diaphana puriora, quæ prædominium ignis obtinent, locum habet in rebus inanimatis quidem ros; in animalibus autem spirituosæ substantia calidi naturalis insiti; quod propterea nuncupare consuevit (de vit. & mor. cap. 10.) Aristoteles ignem ab elemento prædominante, nam oculorum orbitæ, cæteræq; partes in animali viuentes, eò calidò præditæ, fulgorem quendam vitalem præ se ferunt & ostendant oculis adspicientium; quò splendore morte privantur omnino, degenerantes in lividum, atrumq; colorem; dissipatâ prorsus igneâ substantiâ fulgidoq; spiritu calidi nativi, qui non remanet in cadavere, sed evanescit, nisi lentore quopiam extrinsecus impactò contingat aliquantisper in eo detineri præter ordinarium naturæ cursum. Roris etiam naturam non parùm ignis participem esse, demonstrat & ejus origo temporibus regionibusq; calidioribus (1. meteo. su. 3. c. 1.) & facultas alvi solutiva; nam comedentia frondes & fructus rore madentes animalia, ventrem sibi fluere statim experiuntur: & auctoritas insignium

Medicorum, Avicennæ, Mesues, & Averrois : nec non, & natura mellis atq; mannæ, quæ species quædam roris existunt, & habent calidum temperamentum ab ignis insigni participatione. Quum autem certò constet, ignem rarioris materiæ vel non lucere penitus, sed esse naturæ perspicuæ interminatæ; cuiusmodi repetitur super aërem in propria sphaera; vel ægrè tenui lucē multò diaphanò diluta conspici, qualem ignem fatuum, inter meteora locatum, esse novimus; qui non solum lucem, sed etiam caliditatem habet imbecillissimam, unius ob raritatis culpam; etenim qualitates omnes in subjecto densiori sunt actuosiores, in rariori debiliores erga sensum. Rectè proinde corpora puram substantiam apud nos obtinentia cum ignis prædominio, si rara fuerint, lucida non sunt, sed interminata diaphana; quæ ubi densitatem acquisiverint, lucem contrahunt. Assentio tibi quidem, in eo controversiæ cardinem non verti, an perspicua indeterminata lucem ab extra recipere possint tanquam in subjecto, quid in natura mediū indicare videatur & confirmare. Verum, quod ais, te angere, utrum perspicuum nudum lucem ex se generare possit per sui condensationem? Censeo non omne perspicuum

spicuum nudum, sed puriori materiâ con-
stans, & cum ignis debito prædominio, apud
nos per condensationem induere lucem, &
ex se lucem emittere. Nec obstant objecta:
nam ab Aristotele (2. de an. t. 69. 70.) qui-
dem accipio, perspicuum indifferens esse de-
bere tanquam medium, aptum recipere tene-
bras pariter & lumen: sed ideo dicendum
non est, perspicuum ex se & in se lucem non
habere simpliciter; nam eam actu quidem
non obtinet, sed potestate; dum verò con-
densatur, lucem actu statim adipiscitur, quâ
splendet obtutui: lux etenim qualitas est, quæ
consequitur densitatem in materia pura &
igneâ; raritate diluitur ac extinguatur. Al-
hazen autem in loco citato (l. 2. c. 2. prop. 55.)
scribens, corporis diaphani non esse colorem
neq; lucem, nostræ positioni non refragatur,
quia peragit ipse de corpore diaphano sim-
pliciter, & adhuc absolute perspicuo, quod à
lucido contra distinguitur; at ipse non negat
ullibi, corpus diaphanum purum per adden-
sationem mutari posse in corpus lucidum;
imò satis hoc innuit ibidem asserens, diapha-
num secundum se videri non posse, at contractâ
densitate videri, proindeq; coloris ac lucis
utcunq; particeps fieri; verba viri sunt: Et

diaphanitas corporis diaphani non comprehenditur à visu, nisi quando fuerit in eo spissitudo quædam, & fuerit diaphanitas ejus spissior diaphanitate aëris interjacentis inter visum & ipsum. Si autem fuerit in fine diaphanitatis, non comprehendit visus diaphanitatem ejus: & non comprehendet nisi illud, quod est ultra ipsum tantum. Et quum in eo fuerit quædam diaphanitas, comprehendetur à visu propter illud, quod est de spissitudine in eo; & diaphanitas ejus comprehendetur ex comprehensione illius quod est ultra ipsum. Scilicet, diaphanum rarum purâ substantiâ constans, est omnino invivibile; densitatem acquirens redditur visui conspicuum; & quantum de densitate conquirit, tantum amittit de perspicuitate, simul & acquirit de colore candido, si fuerit à prædominio aqueum, ut crystallus, vel aëreum, ut nubes: de luce verò splendidiori, si fuerit igneum, ut anthraces lapilli, & id generis mista lucida: Quæ dum adhuc aliquid in se perspicuitatis obtinent, visui spectantur ut lucida, simpliciter ac secundum se; verum visus ea cernit sub ratione perspicuorum, seu comprehendit eorum perspicuitatem, respiciens visibilia corpora, seu colorata, seu lucida, ulterius collocata, quæ

quæ per horum perspicuitatem proprias species visibiles ad oculum demandant. Quæ fuit ipsissima Alhazeni sententia. Quod verò subdis, me in commentario de Lumine, & Litheophori cap. 49. nullam perspicuis corporibus ab interno principio lucem assignare, paulò distinctius explicandum est: nam in primis ego distinxì lucem à lumine, quòd eam posuerim qualitatem fixam & permanentem in corpore lucido, lumen autem qualitatem aliam ab illa fluentem, seu genitam in corpore diaphano, tanquam lucis imaginem, speciemq; visibilem: ita dicens in opere de Natura & efficientia luminis, (l. 2. c. i.) Propriè tamen loquendo viri doctiores, & omnium maximè Latinæ Scholæ procures Luminis vocabulò radium omnem à luce prognatum intelligunt, sive immediatè ab eo producatur in perspicuo interminato, sive illo mediante generetur per refractionem reflexionemve, vel in superficie densi cujusq; corporis sub nomine splendoris; vel in propinquo perspicuo extra radios per repercussionem appellatam, tenebras arcentem, ac umbras opacorum corporum in se admittentem, sub titulo claritatis. Et sanè lux in corpore lucido manens propriè non est lumen, quia

lumen (2. de an. t. 69.) Aristoteli definitur esse actus corporis perspicui secundum quod perspicuum; cuiusmodi non est corpus lucidum, cuius actus formaliter est lux. Sed in Litheosphoro citato, (cap. 49.) nullam ab interno principio lucem assignavi perspicuis naturæ suæ gravitatem ac densitatem habentibus, ut aquæ aëriq; contra tamen censui de perspicuis levibus, & neutris; quæ quomodocunq; densentur, ex se statim lucida fiunt ut ignis & cœlum: en ipsissima verba mea: Dicimus deinceps, Corpora purè perspicua densa sine opacitate tam congenita, quàm adventitia, triplicis esse naturæ; gravia nimirum levia, & neutra: gravia sunt aqua pura, seu limpida, & aër (4. cœl. t. 29. 36. & seqq.) simplex condensatus in nubem: levis est (4. cœl. t. 29. 39.) ignis in sua sphæra, ubi condensari potest, si maiorem in molem augeatur, quàm ut sub raritate nimia contineri valeat in proprio loco sursum simpliciter, ut alibi probavimus in opere de (lib. 3. cap. 12. 14.) Novis astris & cometis: Neutra corpora sunt cœlorum partes diaphanæ; quas (lib. 5. cap. 59. 60. seqq.) ibidem motu locali condensari posse confirmavimus. Profectò corpora purè perspicua densitatem habentia in cœlo, de se
lucem

lucem habent sibi congenitam, quâ fulgent in speciem cometæ, vel novi sideris, ut ibi similiter (l. 5. c. 57.) ostendimus: quam quidem lucem adepti sunt à suo genitore per modum habitus indelebilis à sua substantia, ut nigredo in corvo & Æthiope, consequens ejus formam substantialem ac essentialem temperaturam. &c. Et mox. Addimus ulterius, corpora perspicua à prædominio, cum ingenta sibi quapiam opacitate, recipere posse in se novam lucem à generante, velut habitum essentialis formæ suæ sectatorem; sic flamma, quæ fumus (2. de gen. t. 28.) ardens est, lucem habet sibi congenitam ab ortu, per modum habitus, qui ejus essentiam consequitur; & ideo ipsam eandem lucem totâ sui duratione retinet, vel absq; principio illo productivo; à quo ut formam essentialem in ortu suo, sic eâ formâ mediante suscepit omnia consequentia talem formam; ac propterea lucem sibi connaturalem. Unde clarè patet, me perspicuis quibusdam addensatis ab interno principio lucem aliquam assignasse; nimirum cœlestibus, & à prædominio igneis ac levibus: nullam verò solùm gravibus, ut aëri & aquæ. Modò ros ille qui resplenduit in carnibus obscurò locò sitis, perspicuum corpus extitit

cum multo prædominio ignis, tum ratione sui, tum ratione spirituosæ substantiæ innati calidi, quam sibi penitus implexam lentore suo prohibuit, ne statim à cadavere per mortem abscederet in habitus insensibiles dissipata, sicuti fieri consuevit in aliis carnibus, eò glutinò roris destitutis. Quod insuper quæris, Vir Cl. Ex condensatione, seu arctiori unione partium extensarum quomodo lux nova exsurgat? Cogita non omnes formas, accidentales pariter ac substantiales, inesse cuicunq; materiæ sed singulas propriæ, quod ait Aristoteles, cui (2. de an. t. 24.) videntur in patiente & disposito activorum inesse actus (tex. 26.) unius cujusq; enim actus in eo, quod potentia existit, & in propria materia aptus naturâ est fieri. Quin & animadvertite cum eodem Aristotele, (8. meta. t. 10.) formas esse, sicuti numeri sunt, ad invicem subordinatas, ut in subjecto quædam præsupponat aliam veluti dispositionem & apparatus ad sui productionem. Quum itaq; corpus perspicuum igneum summæ raritatis, ut dispositionem obtinet ad lumen à præsentē lucido suscipiendum, non tamen dispositum est ad lucem induendam; quia lux in subjecto suo densitatem postulat; quum lumen esse valeat in subjecto raro.

ro. Quumq; densitas ultima dispositio sit ad lucem in perspicuo igneo, & æthereo procreandam; profectò formam ignis atq; temperaturam igneam in materia quidem rara consequitur perspicuitas, in addensata verò lucem consequi necesse est; quemadmodum formam aëris in materia rara diaphanitas, in densata magis color candidæ nubis; & formam aquæ in materia rara similiter perspicuitas, in addensata verò candor grandinis atq; crystalli passim consequitur. Concedam tibi planè, nihil agere ultra suas vires & principia; nec effectum causâ suâ nobiliorem esse valere: sed hæc non sequuntur, si posueris perspicui substantiam addensatione in lucidam cogi atq; mutari; tum quia substantialis forma corporis ignei nobilior est accidentali formâ lucis, quam per condensationem in sua materia producit: tum quia densitatis proprium est terminare visum in objecto; quare non agit ultra suas vires atq; principia corpus diaphanum igneum, dum beneficiò formæ suæ substantialis, insitiq; temperamenti, undecunq; conquistâ condensatione qualitatem lucis induit, quâ visum terminat, exuens qualitatem indeterminati perspicui notæ deterius.

Dum insuper inquiris, quæ causa sit,

quare ex condensatione perspicui indifferen-
tis non æquè tenebræ oriantur quàm lux? Di-
cimus perspicuum interminatum, quod indif-
ferens appellas, ubi fuerit corpus igneum,
densatum fieri lucidum, quod formam ignis
in materia densa lux necessario consequitur;
quæ propria qualitas est densioris ignis: ubi
verò fuerit corpus aëreum, & aqueum, con-
densatione candidum fieri; quod tenebrosum
fuerit, si lucidum corpus aliud præsens non
extiterit. Quinimò tenebræ sunt privatio lu-
minis, quare utrumq; hoc oppositorum aptum
datum est fieri in eodem subjecto perspicuo
interminato; non opponuntur autem tene-
bræ luci propriè, sed lumini, ut ait Aristote-
les (2. de an. t. 68. 69.) Dum igitur perspi-
cuum interminatum condensatione lucidum
evadit, amisâ natura perspicui, non potest
esse tenebrarum subjectum: quæ solùm in
perspicuo indefinito reperiri possunt ob ab-
sentiam lucidi; quò præsentè lumen in eodem
perspicuo gignitur, & extinguuntur tenebræ.
Quod ultra quæris: Quæ deniq; ratio ex aë-
re, tanquam primo perspicuo, condensato
lucem promet? condensatur non rarò aër arc-
tissimè in regionibus nostris, in angustis bom-
bardarum & tormentorum cannulis, aquâ
cum

cum vi erumpente, sonitus quidem oritur, lucis ne tantillum: Inprimis eam solutionem habet; quod falsò supponitur, aër esse primum perspicuum: etenim primum perspicuum est æther; secundum ignis ille simplex in sublimi: tertium aër: quartum aqua: quintum corpora mista diaphana: Nisi dicamus perspicuitatem esse communem qualitatem in omnibus istis, quorum in ratione diaphani nullum est alterò prius, quod videtur velle Philosophus inquiring, (loc. cit,) Perspicuum autem dico, quod est quidem visibile, non autem secundum se visibile, ut simpliciter dicam, sed propter externum colorem. Hujusmodi autem est aër, & aqua, & multa solidorum; non enim secundum quod aqua, neque secundum aër, perspicuum est: sed secundum quod est natura eadem in his utrisque, & in perpetuo illo, quod sursum est, corpore. Lumen autem est actus hujus perspicui, secundum quod est perspicuum. Potentia autem, in quo hoc inest, & tenebræ. Lumen autem ut color est perspicui, quum est actu perspicuum ab igne, aut hujusmodi, quale quod sursum corpus; etenim huic aliquid inest, unum & idem. Quòd si recensens perspicua primum meminit aëris Aristoteles, non respexit ordinem

nem naturæ, sed servavit ordinem doctrinæ, qui est à notioribus nobis. Deinde falsò supponitur, ex omni perspicuo condensato, quambrem & ex aëre coacto lucem promi: non enim hoc asserui; sed lucidum evadere dixi perspicuum æthereum & igneum ubi condensetur: ex aëreo verò, & aqueo perspicuo per condensationem posui non verè lucem promi, sed luci valdè similem atq; finitimum colorem album in nube, nive, grandine, glacie, crystallo. Deinceps autem in regionibus tuis Danicis, & aliis borealibus aër ab intenso frigore quando condensatione deperdit perspicui qualitatem, rigetq; condensatur in candidam pruina, nivem & glaciem: Quia & ante tantam concretionem addensatur in consistentiam vaporis albi, quapropter ibi noctes esse clariores consueverunt, & aptiores observationibus æthereis astrorum, ut ex inelyto tuo Tychone patet, qui Venusiam insulam Vraniburgumq; in ea sibi delegit ad observationes Astronomicas admirabili felicitate peractas. In angustis autem bombardarum tormentorumq; cannulis, si aër condensatur in Dania rigente frigore brumæ, certè non alià ratione fit, quàm in cavernis montium, antequam densetur in aquam, coactus

actus in vaporem nubosum albidum. At apud nos è tormentis bellicis cum vi non erumpit sonitus absq; luce micantis flammæ statim è pyrii pulveris incensione genitæ. Nisi fortè memineris tormentorum quæ sine pulveris illius incensione disploduntur, locò pulveris ventum impetuosè jaculantia, priùs repleta coactissimò aëre, cui data repente via cum ingenti sonitu per fistulam exitus est; at sine luce, tum quòd aër ille coactus non est verè condensatus, at arctatus tantummodo pristinam perspicuitatem retinens, tum quòd etiam non luceret, sed alberet solùm, si condensatus esset: tum quòd in exitu liberum & amplum in locum latus raritatem pristinam acquirit, cum qua non lucem sed perspicuitatem obtinet. Quod adjungis, At ex condensatione aëris & nubium fit tonitru, & alia meteora lucentia: fateor. Sed ex condensatione sola nihil, nisi una sulphurea & materia quædam accendi apta cogatur; adeoq; lucem quidem exprimat latentem, non generet ex densitate: imò unit dispersam & congregat quum apparet, ut in ignis elemento raro & disperso, quod factâ luminosorum corporum copulatione arctiorî, non solâ perspicui condensatione lucet ac videtur.

Id ha-

Id habet quidem in quo tibi consentimus, tonitrua, fulminaq; fieri non ex aëris condensatione sola, sed ex ignita materia coacta. Non tamen concedimus omnia meteora lucentia sic oriri; nam inter ea ponuntur, quæ sine fulmine ac tonitru coruscationes plerumq; fiunt aëre Sereno, veteribusq; dicuntur comminationes, aut risus Vulcani & Vestæ, per solam condensationem aut exhalationis igneæ, aut portionis elementi ignei vi deorsum trusæ cœlorum rotatione: in quorum generatione sanè lux de novo gignitur ex condensatione, non autem exprimitur antea latens; quia lux præsens latere non potest, quum sit summum atq; primum visibile. Quin imò, sicut adversus Anaxagoram & Empedoclem edisserit Aristoteles, (2. meteo. c. ult.) Simile est, ac si quis putet, aquam, & nivem, & grandinem, inexistentes prius, posterius excerni, & non fieri, velut ad manum faciente semper concretionem unumquodq; ipsorum: eodem enim modò & illa concretiones, & hæc excretiones existimandum est esse. Quare si altera horum non fiunt, sed sunt: de ambobus eadem congruet ratio. Sicut ergò verè generatur aqua, & nix, ex condensatione varia nubis; & grando ex condensatione aquæ, in

in qua non præexistebat; ita verè generatur
lucidum corpus ex condensatione perspicui
ignei, in quo non actu præexistebat. Nec in
ignis elemento raro lux inest actu; namq;
nullibi forent nocturnæ tenebræ; etenim
quæ luminosa corpora sunt in igne raro &
disperfo, quæ visus aciem subterfugiant? non-
ne scintillæ ignium exilimæ visui conspicuæ
sunt? dispersa quidem exilima corpora lucida
conspiciuntur sub multorum lucidorum exi-
lium, congregata formabunt unum corpus
lucidum magnum; at nihilominus visui
conspiciuntur sub utroq; statu: quum au-
tem ignis elementum ob maximam raritatem
sit omnino perspicuum invisibile; ubi verò
contigerit ejus aliquam portionem addensari,
statim effulgeat oculis sub specie lucidi; cer-
tum est lucem verè generari per condensi-
onem rari perspicui; non autem præexisten-
tem dispersam esse prorsus inadspectabilem,
unitam verò & congregatam apparere visui.
Quod addis, à diaphaneitate expansi conden-
sata stellas lucemq; emergere, ingeniosum
videtur commentum, cui sacrae paginae fal-
lere nesciæ reclamant, quæ Verbo Dei lucem
factam ipsi mundi initiis docent: hoc in-
quam non me tangit neq; turbat; qui non e-
giit

gi de sideribus mundi coævis, dum eorum generationem ex condensatione perspicui constitui; sed de novis astris. Verùm enimvero nec utcunq; ponens astra mundo coæva per addensationem perspicui creata, reclamantes habet sacras paginas; quæ Verbô Dei lucem factam docet ab initio mundi: primùm enim lux illa Verbô Dei condita fuit primò die creationis ante stellas omnes, quæ postea die quartò: ut apertè constat legenti Mosén (Gen. 1.) Deinde verò Verbô Dei facta fuit lux, & unaquæq; stella, Sol insuper, & Luna, ut & alia cuncta, nam alibi legitur, (cap. 9.) Tu Deus fecisti omnia Verbô tuò; scilicet imperans voluntate, non manibus operans; quare ut hominem fecit de limo terræ, jubens illico limum in humanum corpus configurari: sic in verbo suo lucem primò fecit, imperans diaphanas coeli partes raras illico densari in corpus lucidum; Quam sententiam esse SS. Patrum admonet Pererius inclytus asserens, (1. in Gen. cap. 1. v. 3. nu. 74.) Beda in suo Exameron: Ugo de S. Vict. 1. de Sacram. Mag. Sent. lib. 1. & ibid. D. Bonaventura, aliq; complures Scholastici: & Nicol. de Lyra, & Tostatus in com. suis super hunc locum Genes. arbitrantur primam
illam

illam lucem non fuisse Solem, sed corpus quoddam lucidum, ad similitudinem densæ lucentisq; nûbis in superiore parte mundi, videlicet in qua postea Sol est positus, quod circum densiorem materiæ partem, quæ medium mundi locum complectebatur in orbem conversum, dierum & noctium vicissitudines efficiebat. Erat enim lux illa perquam tenuis, & langvida atq; imperfecta: talis nimirum, ut inquit Beda, qualis est lux Solis in aurora, priusquam Sol appareat supra nostrum horizontem, non habens vim calefaciendi, nedum vivificandi. Ex illo autem corpore lucido postea quartô die formatus est Sol amplioris præstantiorisq; lucis additione: jubente Deo scilicet illud corpus nubosum ulterius condensari magis in Substantiam lucidiorem. A qua sententia non recedit (4. de Div. nom. c. 1.) Arcopagita, neq; (1. p. o. 67. ar. 4. & q. 70. a. 1. ad 2.) D. Thomas, aut eam profitentur, etsi cum aliqua variatione; quorum opinionem recipit (loc. cit. num. 76.) Pererius: verba D. Thomæ sunt: Sic ergo oportuit ordinem divinæ sapientiæ manifestari, ut prima inter opera distinctionis produceretur lux, tanquam primi corporis forma, & tanquam communior. Et mox:

F

Quia

Quia dies non potest esse sine luce: unde oportuit in prima die fieri lucem. Et infra, (q. 70. 1. ad 2.) Si autem lux primò die facta, intelligitur lux corporalis, oportet dicere, quòd lux primò die fuit producta secundum communem juris naturam: quartò die fuit producta secundum communem juris naturam: quartò a. die attributa est luminaribus determinata virtus, &c. Dionysii verba sunt, (4. de div. nom. c. 1.) Lumen mensura est atq; numerus horarum, dierum, totiusq; nostri temporis, lux enim ea est, etiamsi tum formâ certi corporis carebat, quam divinus ille Moses primos etiam illos tres dies nostros definisse ac distinxisse commemorat. Atq; ut omnia ad se convertit bonitas, primaq; ea colligit quæ dispersa sunt. Quare consentanea sacræ Scripturæ, & orthodoxis doctoribus dicitur, à Deo primum verbi sui jussu creatum fuisse cœlum diaphanum raræ substantiæ puræ, sed tenebrosum, ob lucidi corporis absentiam: primoq; die jussisse lucem fieri, factamq; fuisse per condensationem quandam perspicui cœlestis. At die quartò, jussione simplici quoq; condensasse magis adhuc eandem substantiam utcunq; lucidam, atq; distinxisse in lucidiora corpora Solis,

Solis, Lunæ, stellarumq; cæterarum; in quibus compactioribus remansit eadem corporis ætherei materia naturaq; , non corrupta, sed magis compacta; densata quidem primò die, sed ulteriorem gradum densitatis adepta in quarto, lucidiorq; satis effecta. Quod insuper addis, Positò tamen, in exordio Rerum ex condensatione factam, legem in natura creata jam & constituta inducet nullam: refragantem habet D. Thomam, & Mosen; ille namq; scribit, (1. p. q. 67. ar. 4.) Sicut autem in cognitione proceditur, à communioribus, ita etiam in operatione; nam prius generatur vivens quàm animal, & animal quam homo, ut dicitur in lib. de generat. (lib. 2. c. 3.) animalium. Sic ergo oportuit ordinem Divinæ sapientiæ manifestari, ut prima inter opera distinctionis produceretur lux, tanquam primi corporis forma, & tanquam communior. Unde constat eandem, similemve legem esse in operando Creatoris & naturæ creatæ, quantum ad ordinem effectuum producendorum. Sed inter easdem esse paritatem quandam etiam in natura rerum effectarum, constat ex Mose scribente, (Genes. 1.) Et vidit Deus quod esset bonum, & ait; Germinet terra herbam virentem & facientem semen, &

lignum pomiferum faciens fructum juxta genus suum, cujus semen in semetipso sit super terram. Et factum est ita. Et protulit terra herbam virentem, & facientem semen juxta genus suum, lignumq; faciens fructum, & habens unumquodq; sementem secundum speciem suam. Nonne nunc etiam terra creata de se passim germinat herbam virentem, & facientem semen, lignumq; pomiferum faciens fructum juxta genus suum, cujus semen est in semetipso super terram? nonne prima illa stirpium creatio de terra, Creatoris opus legem certam dedit, quâ terra post creationem germinat assidue cuncta plantarum genera? cur ergo creaturæ lucis negandum est, quod creaturæ terræ atq; vegetabili competit? Subnectis, Lux semel creata, omnia implet, & in specierum varietate diffunditur, imò multiplicatur, ut ex Litheosphori cap. 47. didici. Quantò faciliiori igitur negotiò ad insitum aliquod roris lumen, in omnibus ferè corporibus conspicuum, splendentis in obscuro carnis lucem derivamus, quam ex perspicuitate densata ægre salvabîmus. Ego verò primùm concedere non possum, lucem semel creatam omnia implere; nam si de luce propriè dicta sermo est, ea solùm inest in lucidis corpo-

corporibus; non implet opaca neq; diaphana, quæ lucidis multò plura sunt: si agas de lumine, solis inest perspicuis à præsente lucido; non implet opaca, neq; perspicua præsenti lucidò carentia, neq; lucidà propriè cuncta. Deinde concedo quidem vaporem in aëre nostrate, quia perspicuus est, præsente Sole, vel igne, lumen in se admittere, continereq; sed vapor iste non est omnia corpora, nec absente lucidò, diu continet in se lumen haustum ab eo præsente: In Litheosphoro citato posui corpora pleraq; fulgere in tenebris, quòd imbiberint vaporem utcunq; lumine perfusum; sed observavi vaporem non nisi densatum, & igneæ naturæ participem emicare, splendoremq; suum corporibus impertire variis, quibus implicatur. Nec accipere valeo rori cuicunq; lumen aliquod insitum esse, quod etiam in omnibus ferè corporibus conspicuum sit; quia noctu stirpes multò rore madidæ non lucent hilum ejus beneficio in tenebris Lunæ silentis: multaq; corpora pariter latent obscura nocturnis in interluniis tenebricosis. Quare veriolem censeo positionem, probatamq; satis, carniū Monspelliensium, & fortè Patavinarum, splendorem in tenebris nocturnis non aliunde fuisse,

quàm ex rorida substantia multa & pingvi condensata, cui plurimum admistum fuerit insiti spiritus calidi nativi, præpediti à glutine roris viscidioris carnes illas infercientis, ut antea satis explicavi.

Hæc in præsentia mihi sub calamus venerunt, egregie Vir, tibi respondenda, quæ velim tuæ menti satisfaciant, & Amico tuo, ad cujus instantiam literas alteras istas ad me dedisti. Vale, & me ama. Dabam Bononiæ XV. Calend. Maji, M DC XLII.

Impress. Utin. 1646.

EPISTOLA XVI.

De femina ex imaginatione gravida.

PETRO SANCHIO.

Monspelim.

Literarum tuarum momentum expendenti mihi, id tandem occurrit quod Reipublicæ nostræ literariæ dudum non inani voto à Numine summo mecum erectus quisq; expectaverat. Serius quamvis, propter ambages, ut videbatur, partibus fidi pararii functæ sunt, quas elapsi anni ultimo ad nos expedivisti, morâ tamen, stupentis animi desiderium & votum non parum auxerunt. Purpuram gratissima colorum specie adumbrarunt, splendoremq;

doremq;, quem præsens admiratus eram, in longius provectum digna tantis meritis facie stiterunt. Terrarum vestrarum felicitatem ex Tua metior, renatamq;, me absente, ingeniorum fertilitatem tuæ purpuræ, qua orbis oculos & vestrorum perstringis, grata debet posteritas. Ad antiquam enim majestatem jam resurgent Musæ vestræ Pesulanae, vel in æternum de exilio conquerebuntur. Te Duce & Actore hæc peragetur fabula, quam non semel strepentium inanes conatus interrupperunt. Innocentiam veterum & antiquam illustris loci dignitatem cum Collegis sanioribus tuere pro viribus, & feliciter in seculi nostri laudem seriò vindica. Id quod erectis mentibus intrepidè spondere ausim, qui de sincero tuo in Musas nostras illarumq; alumnos animo tantum testabor, quantum proprio exemplo apud Vos didici. Nec minora sibi persuadent juvenum ad virtutem incitatae mentes, quæ nescio qua inclinatione ad tui splendoris famam catervatim feruntur & quasi occulto divorum inspiratu sese ad vestra pulpita effundunt. Ego verò laudum Tuarum deprædicatione nunquam fatigabor, quas aliquando ad majus eveham, donec nos desideratum tempus copulaverit, & ad interceptam
amici.

amicitiæ usuram reduxerit Numinis favor. Interim non tacebit hic calamus merita tua, quæ brevi in edenda Disertatione de Luce Animalium, amicorum suasu & impulsu initi- nere conscripta, leges clarius & intueberis. Operosius ibi de carne vestra lucente acturus sum, de qua occurrunt multa quæ dici debe- rent. Unum est quod dubiam diu mentem exercuit, de quo præsens egissem, nisi ab aliis revocatus fuisset. Prodiit nempe Parisiis 1631. typis publicis Memorabilis sententia Parla- menti Gratianopolitani, in causa matronæ cujusdam, quæ filium peperit sine viro quatuor post ejus absentiam annis, sine alterius Viri consuetudine, quam sententiam Medici vestri Monspelienses, & obstetrices dicuntur appro- basse. Nominantur inter alios Medicos Monspelienses Hieronymus de Revisin, & Eleonorus de Belleval. Quid historiæ verita- tis subsit ex Te scire desidero vestrarum rerum peritissimo. Suspecta enim mihi est narratio. De nostro Sena nihil intelleximus, ejusve fato, de quo solliciti sunt amici communes, qui Te cum fratre utroq; meo, officiosissime salutant. Meo quoq; nomine eandem salutem Collegis Courtaudo, Belleval, Duranco, Riverio nunciabis. Reliqua in sequuturam brevi occa-

occasionem reservabo. Vale. Patavii Cal.
April. 1642.

T. T.

Thomas Bartholinus.

EPISTOLA XVII.

Ad præcedentem Responsio.

THOMÆ BARTHOLINO. Patavium.

DUm superis placuit laboribus nostris terminum imponere & velitationem Medicam ad tranquillum deducere portum, simulq; compescere animos invidorum & malevolorum ut coacti nobis reliquerint munus Regium & officium docendi in his partibus cum stipendiis, nulla major lætitiæ ratio (coram Deo testor) quam quia rem vobis à longo tempore probatam & desideratam, & ad quam promovendam omni officio ad fuistis; multum quoq; dulcem & gratam futuram speravimus, opus vestrum magna ex parte, consentaneum igitur ut ad vos dirigatur & vobis arrideat; mihiq; quamdiu illo uti dabitur, integram relinquam vestrorum officiorum memoriam, & obsequii verum & interminabile desiderium.

Carnis lucentis quam exposcis delineationem ex his partibus vix sperare debes, non habemus congruos artifices, nec attentos, & res vix benè fuit probata. De illa etiam gravitate annorum nihil credas, fabula est à nebulonibus inventa quæstus gratiâ: Quæ de luce animatorum & aliis, publicæ utilitati ad tempus subtrahis, si communicare placuerit, gratisimum facies, & in eis mentem nostram lubenter aperiemus.

Res vestræ in ædibus nostris in tuto sunt, & tradentur quando placuerit vestro nomine petenti: Interim Te rogo Vir Doctissime, & etiam amantissimum fratrem Casparum ac socios nobis cognitos, ut me tanquam fidelissimum amicum, & obsequentissimum amare velitis, & vestris mandatis adimplendis paratissimum credatis, & ego nusquam desinam excelsum tuum animum, magnam doctrinam, veram virtutem palam profiteri donec mihi aliqua suboriatur occasio ulterius & utilius inserviendi. Inter maximas artis occupationes Monspeliî currenti calamo. 1. Julii 1642.

P. Sanchius.

EPISTO.

EPISTOLA XVIII.

De Danicis Hieroglyphicis in Cornu Aureo.

THOMÆ BARTHOLINO.

Patavium.

TEmpestivè fatis ad me delata est Clarissimi Liceti de Cornu nostro iudicium. Quamvis enim in cudendis Monumentis occupetur Typographus noster, priores tamen tres saltem absolvit libros, in quarto locum obtinebit Cornu, cujus editionem, suadente etiam Rhodio, differam usq; dum censuram Kircheri, numismatis Trojani apud Rhodium extantis delineationem, & cornu Florentinum à Te mihi promissum, nactus fuero. Cæterum vehementer mihi placet Liceti institutum, etsi videam eum in quibusdam à me dissentire, fundamentum enim suarum meditationum ex meis depromit, & illud quod ego ad calcem tractatus mei, aliis tractandum reliqui, opportunè arripit. Docet suo exemplo errare invidos ac morosos quosdam apud nos, qui palam profiteri non verentur, dignum hoc subiectum non esse, in quo horæ aliquot perdantur, nec tanti esse ut temporis ullam extrahat partem. Cum tantum Virum in hisce desudare intelligam, nunquam impensè

penſi laboris me poenitebit. Sunt hæc in quibus diſſentire incolumi ſemper licuit amicitia, modo non injuriis, ſed rationibus res agatur plauſibilibus. Nolim igitur de dubiis, quæ multa occurrere poſſunt, ei facesſas negotium, ne irritatus ab incepto deſiſtat & benevolentiam in vindicias convertat. Subditorum fidem hoc pacto à Frothone exploratam Saxo docet, loco ad calcem libri à me allegato, qui procul dubio Liceto de hiſce cogitandi occaſionem præbuit. Hieroglyphica quod attinet, certum & ratum, quod noſtratia cum Ægyptiis in multis non conveniant. Nec enim Capopos, Iſides aut alia ejus genetis monſtra exſpectabis, ſed ab animalium quorundam & rerum aliarum ſibi familiarium proprietatibus multa ſunt mutuati, ut docent adhuc apud nos extantia ſaxa & monumenta à me delineata. Sed quæ mea ſit de Danicis Hieroglyphicis ſententia, ſiquidem in tractatu de Cornu pag. 49. 50. & 51. ſufficienter, ut puto expoſuerim, hic plura non addo. Cumq; talia ſint, ut propter diverſas quæ eidem rei inſunt proprietates, diverſimode etiam explicari poſſint, ut de Schyticis ibidem docuimus, non mirum ſi in diverſas opiniones diſtrahantur interpretes. A me diſcedant alii pro-

lii. probabilibus inducti rationibus: tantum abest litem ipsis sim moturus, ut gratiam potius debere me fatear, modò candide sine convitiis, ut Viros bonos decet, mecum agant, & humanæ memores sint conditionis ad lapsum & errorem pronæ. Florentino cornu accessionem nostro futuram spero insignem, non sine grata tui memoria, Kircheri præsertim si accesserit iudicium. Huic enim Virò in hisce multum tribuo. Vale Hafniæ 16. April. 1642.

T.

Olaus Worm D.

EPISTOLA XIX.

De cornuto Homine apud Thuanum.

OLAO WORMIO

Hafniam.

FEstinans nuper manus non pauca exclusit quæ ad iudicii tui tribunal sistenda fuissent. Quare postliminiò jam reversa officii debiti telam resumpsit. Quid Liceto nostro Clarissimo de Cornu Aureo in mentem venerit ea qua ad me perscripsit fide retuli. Nihil verò ab illo tempore prioribus addidit, nisi commune gaudium quod prodituri Monu-
men-

mentorū Tuorum Danicorum operis fama excitavit. Aliorum tamen doctiorum vota eò inclinant, ut separata in publicum exeant diversi argumenti monumenta, neve communi copula jungantur Monumenta cum aureo cornu, quam curam ego Authori excellentissimo, cui facti sui & consilii ratio constabit, puto relinquendam. Faceta alia ingenia nescio quid de cornu aureo jocantur. Quia de cornubus nobis sermo est, sed alienis, nec à nobis possestis, cornutus quidam dubium mihi movit, à te facili negotio solvendum. Quum nuper Historiam Inclyti Scriptoris Thuani volverem, incidi lectionis ordine ad librum Historiarum 123. ubi cornuti illius Fr. Troviluvii circa annum Christi 1599. in Gallia oberrantis seriem exponit; non dubitavi quin ex eodem hoc authore hauserit Emanuel Urstifius id quod ad Fabricium Hildanum perscripsit, nisi aliter persuaseris promptè credituro. Neq; scio an hujus census esse velis quod Abenzoar l. 1. Theisir. tr. 6. l. 2. c. 5. de quodam homine narrat, cujus dorso concretum os instar cornu, non ita tamen durum ut os naturale, surrexit. Et quod de seipso ibidem subjungit, natum sibi super dorsum os graviter molestum crassa vacuantibus phar-

pharmacis & emplastris dissolutivis ademisſe. Quibus ſimilia ex Ingrasſia in aureo Tractatu p. 13. obſervavi. Quid porro cornu Ammonis apud Plinium, Gesnerum, & Agricolaſit, clarius nobis explica, quale in Muſæo ſuo aſervat Fr. Calceolarius Veronenſis, ſicut teſtatur in edita Muſæi deſcriptione, Sect. 3. ubi inter rara alia Manucodiatam delineavit ſuis coloribus, ſed ſine pedibus conſpicuam, quamvis pedes eam habuiſſe non inficietur, quales in illa viſebantur, quam nuperis annis ex Belgio Tibi tranſmiſi. De cornu illo Florentino per amicum Rhodii noſtri refertur, quod non unum ſolum ibi ſit, quod viſum mihi, ſed plura variis emblematis & literis antiquitatem ſapientibus inſignita, quæ omnia accuratè depicta quam citiſſimè mittet conductus ære pictor. Ex ebore conflatum inſigni opere variis animalium figuris per circulos diſtinctum idem narrat, cum hac inſcriptione INFANTE DOM LUIGIS. Quamvis ille non bellico uſui credit apud Turcas inſerviſſe, quod tamen incolæ mihi retulerunt, ſed potius venationi ex animalium ſerie conjectet. Quis Infans ille fuerit, ex vett. Annalibus & Hiſtoricorum fide diligenter interim inveſtigabimus, donec proximus internun-

ternuncius ipsa cornua depicta & descripta attulerit. Hisce diebus titulus libri cujusdam Anonymi nobis oblatus fuit, quo se probaturum jactat, chylum omnem immediatè ex ventriculo ad hepar deferri, intestinis insalutatis. Quod de universo chylo an sit probaturus, valdè dubito. Kircheri de Magnete Opus ad iter paratum habet Consobrinus Fuienius, qui hæc rariora semina per me transmittit. Ego quo minus paria faciam, pondere literarum impediior. Vale, Raptim Patavii X, April. 1642.

T. T.

Thomas Bartholinus.

EPISTOLA XX.

*De eodem, & cornu Ammonis
Responsio.*

THOMÆ BARTHOLINO.

Patavium.

DELiceto nuper scripsi, gaudere me vehementer quod Vir ille celeberrimus huic operi etiam manum admoveat. Inprimis cum intelligam ad Regem Danum Hieroglyphica dirigere. Sunt hæc ejusmodi, ut faciliè diversas admittant interpretationes, quod pag. 50. ingenuè fassus sum & exemplo demonstra-

monstravi. Quod reliquis Monumentis Danicis cornu hoc jungam causas habeo prægnantes. Præterquam enim quod monumentum esse negare nemo possit, an Danicum, dubitare ausus est quispiam apud nos, qui docuit cornu hoc illud esse quod Suantovith Idolum in Rugia manibus gestabat, de quo vide Saxonis lib. 14. Titulum detorqueant alii pro lubitu; quid intelligam res ipsa docet. Moros istos non moror. Cornutus ille Franciscus cujus Thuanus meminit, is ipse est quem Urstisius delineat, sed à Thuano nequaquam historiam suam est mutuatus. Narrat enim loco à me allegato se anno 1598. Parisiis eum vidisse, cornu tetigisse præsentibus D. Jacobo Feschio & discipulo suo Joanne Echenstenio. Rem eandem plures eodem tempore videre possunt, & diversimode delineare. Hic apud nos est Doct. Christianus Fabricius qui eodem tempore Parisiis fuit ac eundem vidit. Abenzoaris locum tibi acceptum fero. Lapis qui cornu Ammonis dicitur, à Plinio inter gemmas recensetur, sed perperam, ut mihi videtur, delineatur exactè ab Anselmo Boetio à Boet. lib. 2. cap. 246. Mihi unus fuit, qui convolutum in spiram anguem exactè referebat, hunc Magnifico

Dn. Cancellario p. m. concedere coactus sum, quod ab aliis persuasus esset à serpentibus conflari & viribus stupendis pollere. Vereor ne nimis tibi molestus sim cornuum Florentinorum delineatione. Quid chylicus ille nobis oportet novi expectabimus. Lacteas omnes ad intestina delatas nobis abrogabit prius quam suam obtineat scopum. Henrico Fuirenio pro transmissis feminibus meo nomine gratias age; si quid ex iis enatum fuerit, eo ipse ad nos redux gaudebit. Audio enim reditum ad nos anno sequenti moliri, Deus ipsum conducat ut salvum videamus. Quia non dubito quin librorum & aliorum quæ apud nos aut rara aut nimis chara præclaram sibi sit comparaturus supellectilem, monere volui, Aldrovandi opera hætenus Bononiæ excusa à Bibliopolis Amsterodamensibus hic vendi 80. Imperialibus, quæ procul dubio minori apud vos habebit precio. Kircheri Magnetem valdè commendari audio, magno me beabit beneficio si transmiserit, de precio ubi ad nos redierit conveniemus. Tuas laudes in Præf. libri 7. Præx. Hist. decantantem Zacutum Lusitanum nuper vidi. Vale & Vige. Hafnia 5. Maji 1642.

T. Olaus Worm.

EPISTO.

EPISTOLA XXI.

De Unicornu Grönlandico.

THOMÆ BARTHOLINO Patavium.

Tuas 29. Maij datas 16. Junii probe accepi, ex quibus colligo nondum redditas quæ mense Aprili & Majo ad vos dedi. Interim quid tui causa egerim te intellexisse gaudeo: Cancellarii in Te affectum non desinam data opportunitate firmare. Solet namq; quandoq; num à vobis literas habuerim, inquirere. Misum tractatum tuorum ostendam catalogum, qui haud parum ipsum recreabit, tibiq; favoris dabit augmentum. De Unicornu essent forsan quæ tuo proposito inservire possent, tam icones quam rerum momenta. Vidisti quid de eo egerim obiter in Corollario ad Disputationem meam secundam Institutionum. Habui hîc in manibus ac pro lubitu tractavi, & genuina sua magnitudine & proportionem delineari curavi cranium integrum hujus animalis, cui illud quod cornu vocant adhuc inhæsit, cum tamen cornu nequaquam sit, sed dens, ut docuit *αὐτῶφία* & rationibus firmis evicimus. Frustulum ejus Pharmacopæus noster à Reg. Majest. ipsi traditum, calcinatione, ut vocant, Philosophica (per

G 2 liquo-

liquoris calidi vaporem) præparavit, cujus etiam mihi copiam fecit. Hoc in tenuissimas laminas resolvebatur, quod in cornubus ita calcinatis non contingit. In dente Rosmari & Elephantis idem experimur. Hujus animalis (Cete namq; est) iconem, sed rudiorē mihi transmisit Episcopus Islandiæ Borealis Dns. Thorlacus Sculonius, qui cum glacie Grönlandica eo appulsum vidit. Minutissima cranei & dentis hujus rimatus sum, & fusius in prælectionibus de Rebus in Musæo meo extantibus, descripsi, ac in icone Auditoribus ostendi. Est mihi frustum duarum librarum pondo, corii item particula, ex cranio antedicto abrafa. Si omnia quæ observaverim & notaverim hic exaranda essent, mediocris tractatus implerent chartas. Tibi si Deus vitam & valetudinem concesserit, communicabuntur omnia. Vale, Hafn. 20. Jun. 1642.

T.

Olaus Worm D.

EPISTOLA XXII.

De Cornubus Florentinis

OLAO WORMIO

Hafniam.

COrnuum Florentinorum iconibus tandem potitus hac levi vetustatis externæ
 acces-

accessione auctiorem Tractatum vestrum proditurum non tam meo quam Reipubl. literariae nomine gaudebo, quæ ipso veneranda antiquitatis fulcro nisi sustentaretur, de brevi futura ruina metuerem. Atlante te salvam spero & auguror, qui ejus majestatem solus inter taciti seculorum silentii tenebras sustinuisti, eruisti primus. Loquetur posteritas grata, quod mordet invidentium livor. Novum seculo huic non est, omni ævo in canina familia usitatum, conatus majorum odisse quos assequi per genii infelicitatem vel non posset, vel non vellet per ignaviam. Semper tamen inter tam sordidas mentes sublimius erecta virtus ab aliis vel neglecta vel desperata feliciter expedit, templiq; invidos quorum miseræ conditionis fatum sequuturum tempus deplorabit. Te, Virorum maxime, hoc nomine amant omnes & venerantur, quod seculum nostrum diutius latere non permiseris, quæ à majoribus nostris effecta de illorum pariter & Tuo testentur ingenio. Ad testimonium non vocabo tot Belgii, Angliæ, Galliæq; lumina, quæ præsens vidi virtutis & fama tua obstupescere. Quid sentiant de illa Italorum nostrorum delicata ingenia, Te non ignorare sinemus. Loquantur propriis.

pris verbis Kircherus, Ferrarius, Puteanus Eques, Licetus, Naudæus, Viri ad æternitatem dudum destinati, quorum de Cornu iudicia publicis typis meditor submittere. Quid autem ad Cornu tuum hæc Florentina? Ex opere impari dignitatem vestram æstimabit orbis. Deest enim his ex auro precium, ex Wormii genio lumen, ex antiquitate veneratio. Utrumq; ex ebore formatum antea ex relatione fida scripsi. Author primus Rex, ut videtur, Lusitanicus, quem ex Historiis accepimus Barbariam reliquasq; orientis plagas occupasse. Figuræ insculptæ ad venationem omnes tendere videntur, cui forsan primo destinata. In triremibus autem Turcicis à Magno Florentiæ Duce occupatis vice buccinarum inflata ad pugnam incitarunt. Quo id tempore sit factum, expiscari non potui. Cornua ipsa vetustatem quidem ostendant, sed multis seculis non repetendam, quippe Equites venatoresq; hinc inde depicti conspiciuntur calcariibus equos ad cursum incitantes, quæ quidem calcaria non nisi posteriorum seculorum inventum est, quum antiquiores equos calca-neo solo concitarint, ut Antiquarii proponunt & Staturæ Romanorum omnes demonstrant. Christianorum verò opus primum fuisse,

fuisse, sculpturæ docent, quas & Mahometani & Judæi omni ævo abhorruerunt. Crux præterea evincit signum expeditionis Christianæ in Orientem. Insignia in altero Cornu eminentia Lusitanorum Regum propria esse illius terræ gnari mihi retulerunt, quibus & Infantis titulus tribui solet, ut proprius. Alia ex defectu & Historicorum & Relationum de his referre non possum. Magnitudinem justam pictura ostendit, reliqua; fidei opera adumbrasse pictorem à me precio conductum testatur amicus Rhodii, cui id negotii datum fuerat. Licetus noster humanissimus nunquam rogare desistit ut data per literas meas occasione Wormium officiosissime salutem, cum prompta affectus oblatione. Absoluto jam contra Galilæum libro, typis brevi subjiciet Opus suum de Anulis, cujus Caput XL. cursim percurrrens, multa egregia in laudem Antiquitatis nostræ & Authoris Wormii deprehendi cum doctissima Hieroglyphicorum enodatione parum à Tuis diversa. Corda novem totidem Cimbrici Regni Provincias (Süßer dictas nobis) denotari arbitratur, nec consentit in explicatione Circuli Tertii, ubi per hominem alterum vulnerantem Aquilinarem poenam hoc argumento non signi-

ficari evincit, quod & in abdomine ventrisq; parte anteriori pluribus fissuris vulnere-
retur, quum illa Aquilinaris tergum ejusq;
costas duabus tantum divaricationibus divi-
ferit. Sed dubia res ut varias admittere so-
let interpretationes, ita unicuiq; de laude
pari contribuit, quam nullus, nisi Dis iratis
natus, Tibi derogabit authori antiquitatis
nostræ & unico defensori, cui in æternum
debeant quicunq; patrii amoris scintilla vel
minima calent. Quo nomine quum publi-
cè me quoq; devinctum testabor, domesti-
cis beneficiis in præsens omisissis, id restat à
favore tuo impetrandum, ut patriam & me,
lumine & affectu prosequaris pro solito.
Vale Patriæ decus, columen meum, & pro
meritis senescentem orbem comitare pari
ævo. Pat. 26. Jun. 1642.

T. T.

Thomas Bartholinus.

Impresf Hafn. 1643.

EPISTO-

EPISTOLA XXIII.

*Dubia quædam contra Circulationem
sanguinis.*

GUILIELMO HARVEJO

Londinum.

Virtutum Tuarum memoriam coram recoluissem jam ante, si per fata licuisset, quæ meritæ famæ addictum animum pertinacius remorabantur. Coram præstare quod non licuit, in absentem contuli, ne judicii æquitatem ex affectu temperatam superciliosè censerent. Ex scriptis nostris immaturis quantum Tibi & inventis certissimis pretii tenuior Musa statuatur, æstimari velim à cordatis. Nec intra unius pagellæ claustra mentis secreta circumscripsi, verbis & ore per omnium locorum, quæ transii, campos liberius ea explicavi forsitan quam felicius. Judices sint quibus spectatoribus hæc peracta fabula, quorum partim applausus merui, partim sibilos. Interim experientiæ sacramentum dixi, cui stare & cadere firma propositione constitui, nisi sanam hanc mentem iniquiores superi pervertant. Tuum erit, Asclepiadum decus, ingeniosissima inventa eadem felicitate juvare, qua in sæculi gloriam propalasti, de tanti nominis splendore in æternum testatura. Plura quidem in re

obscura cogitanti suggesfit genius, quæ ipse de facili expedirem, nisi anteferendam judicii Tui censuram præsumpsissem, cui hac parte primas deferō partes. Varices in motu ordinario non raro mentem suspenderunt, & circuitum sanguinis in orbem aquæ thermarum usus hisce locis frequens satis turbavit, quæ in venosum genus assumpta tantum abest singulis horis cum sanguine recurrat, ut postridie demum vel longiori intervallo temporis per fæccatum humorem, ut loquar cum Lucretio, excernatur. Si autem eodem cum sanguine cursu ferri cogitemus, qua ratione à totiens redeunte serositate illæsum à palpitatione cor servetur, ex Te sciam. Alias difficultates in edendis Controversiis Novis ex ingenio diluam. Sola me torquet *Scribonii Largi* sive experimentum sive placitum, qui Comp. 48. æquè incitari sanguinem venæ in brachio animalis (i. e. spirabilis) ex ea parte quæ super laqueum est, quam ex inferiore loco cum percussa est vena. Quod ne jurato quidem homini servo credam, si de larga effusione loquatur. *Marcelli Empirici* approbarem potius negligentiam, qui verba illa Scribonii omisit, forsan quia in antiquo ejus Codice defuerunt, vel eliminanda judicavit.

Quid

Quid enim insolitæ verborum ambages, sinceritati authoris contrariæ? Quid vena animalis? An spirabilis, quo sensu Tullio animalis vox venerat? An mobilis? Utrumq; certè pulsantibus venis, ut eas veteres appellabant, ex æquo competit, imò jure potiori. Venæ autem mobiles? magnis nos difficultatibus expediret, si probatum daret. Sed de hoc non admodum laboro, quum motum nutritionis, attractionis expulsionisq; ibi agnoscamus. Hæc Te præsentē ineptire libuit, ut ex ingenii tui ubertate nostros lusus temperarem. Si devotum magnæ famæ animum & constantem veritatis amorem aliquo loco apud Te esse avido persuaferis, stimulum currenti addes & æterno speratæ humanitatis vinculo addictissimum obstringes. Vale Medicorum decus, publicoq; bono immortalitatem extende. Raptim Pat. XIV. Jul. 1642.

T. T.

Thomas Bartholinus.

EPISTOLA XXIV.

De pisce Illetif.

OLAO WORMIO

Hafniam.

EX tribus quas mense Aprili, Majo & Junio
 Rectè accepi, indefessum & sollicitum in
 promo-

promovendis rebus meis studium Tuum satis intellexi, nec aliud mihi relictum, quam ut Tibi me meaq; in æternum consecrem. Revelata mihi presso ore servabo, dubia quamvis, vestrae tamen in me curæ evidentia argumenta. Corollarium illud de Unicornu suppositicio dudum meo autographo adjunxeram, & nunc gaudeo in eam rem mihi plura documenta suppeditata & iconem ejus extare apud vos, quam facile impetrabo ab eo qui laboribus meis favet. Delineationem Unicornu Fridericiburgensis ab sororio meo, D. *Jacobo Matthiæ* mihi spondere ausim, ex Anglia enim, Gallia & Belgio expecto ab amicis quæ ibidem vel vidimus ipsi vel servari fando accepimus. Aliquas Unicornuum species à *Patre* prætermisissas diligenti lectione adjunxi, ut Bucampen Unicornem à *F. Columna* annotatum, Scarabæum Unicornem & alias. Quis autem illè piscis Illetif in Indico mari frequentissimus, unumcornu gerens, de quo ex L. Romano *Renodæus* l. 3. libenter edoceret, uti & de avibus Æthiopicis, quas Unicornes vocari apud *Ælianum* reperi. Ab Avo nuperis literis aliqua lucentium animalium documenta sollicitavi, ut iis potirer antequam librum meum typis committam. Bononia quoq;

quoq; ab *Aldrovandi* hæredibus responsum expecto, an de his, ut fama est, aliquid in schedis reliquerit. Alia propter urgens Consiliarii munus refugienti impositum, in præsens differre cogor. Vale, & me ama. Patav. 7. Aug. 1642.

T. T.

Thomas Bartholinus.

EPISTOLA XXV.

De cranio Monocerotis.

THOMÆ BARTHOLINO. Patavium.

NOVOS honores Consiliarii ut tibi gratulor, ita ad majores in patria olim obtinendos aditum ut struant, ex animo voveo. Conatus tuos ut quantam in me est promoveam, iconem capitis unīcornis cum dente, quod manibus hic tractavi & accuratè per pictorem in debita proportionē exprimi curavi, transmitto in arctiorem tabellam redactam. Cujus hic erat ratio: Cranium ipsum mandibula inferiori destitutum; nullisq; præter magnum hunc præditum dentibus, colore erat griseo nigricante, qualis osium esse solet aëri diu expositorum & ad putredinem tendentium, inæqua-

inæqualibus variis foraminibus & protuberantiis præditum, quibusdam in locis æquale & læve, quibusdam scabrum, substantia ossis partim natura porosiore existente, partim à cutis particulis & fibris tenaciter ei adhærentibus talis reddita. Figura triangulari ferme in longitudinem protensa. A vertice ad extremitatem proboscidis seu tenuioris ejus partis cui dens inferebatur, duos exactè habebat pedes Romanos. Ab unius latioris processus qui cilia firmabat & oculum dextrum muniebat extremo, ad ultimum processus qui sinistrum tegebat, cranii latitudo erat pedis unius cum semisse. Ea enim parte latissimum erat. Hinc paulatim gracilescere & imminui cepit in extremum usq; oris. Occipitium versus etiam paululum extendebatur, ibidemq; à parte superiore ad inferiorem, eandem tenebat latitudinem, quam occupat linea ab una oculorum orbita ad aliam tracta. Occipitium in diametro pedem paulum superabat. Sed extremitas oris parte sinistra cui dens inferebatur, pollicum erat trium cum dimidio; dextro latere ubi nullus erat alveus qui dentem caperet, crassa erat unciam cum dimidia, substantia fungosa. Dens ipse integer non erat, sed tertia ferme sui parte mutilatus,

tilatus, quinque interim pedes longus, duos pollices si exceperis, crassitie inæquali. Basios quæ fundum cavitatis seu alvei occupabat diameter duorum erat pollicum, circumferentia sex cum dimidio. Hinc paulatim in ampliorem surgebat molem, usque dum cancellis alvei liberatus, liberè vagari cepit. Egressus alveum, in diametro tres fermè habebat pollices, in circumferentia octo. Diameter summitatis, cujus portio periit, pollicis erat unius cum dimidio, circumferentia quinque. Ex quo quanta ejus desideretur pars facile colligere licet. Figuram eandem obtinebat, quam reliqui omnes hujus generis. Multa mihi scribenda de eo supersunt, quæ hujus chartæ angustiae capere nequeunt. Vide quædam hujus dentis experimenta apud Philippum Hechstetterum Obs. Med. decad. 5, casu 9. Aliquot ex animalibus quæ Tu ad classem Unicornum refers, Rhinocerotis titulo ab aliis insigniri animadverto. Cujus generis est scarabæus ille unico cornu præditus, qui hoc anno, præter solitum, frequentissimus erat in hortis nostris, ex quibus aliquos collegi quos in Musæo servo. Aldrovandus & Ferrandus Imperatus, qui diligentissimè eum delineavit scarabæum Rhinoceratem

rotem vocant. Ludovicum Romanum obiter pervolvi, sed quæ de pisce Illetif ex Renodæo adfers, apud ipsum invenire non potui. Si quis sit ejus generis à nostris, qui circa Grönlandiam stabulantur, non multum differre arbitror. Quod Ælianus lib. 17. c. 10. aves unicornes in Æthiopia nasci ait; de illa ave intelligendum arbitror quam Indi Topau vocant, alii Rhinocerotem. Hujus accuratam descriptionem apud neminem adhuc videre licuit. Conjecturas quasdam proponit Aldrovandus lib. 2. Ornithol. cap. 20. Sed curiosis vix satisficient. Ideam capitis ex transmissis picturis exhibet, sed quam ego hic tibi mitto, ad vivum ex ipso cranio quod in Musæo meo teneo deprompta est, hoc autem ex India Orientali secum attulerunt mercatores nostri. Ex quo apparet illud quod cornu vocant, proprie cornu non esse, sed molliorem apophysin quandam, in eam quam vides formam à Natura effectam. Elegans alioquin rostrum est & mirum, coloribus, luteo, albicante, purpureo & nigro pulchre variegatum, magnitudine spectabile, utpote quod pedem Romanum longitudine attingit, latitudine uncias quinque. In Historia Musæi nostri accuratius illud descripsimus, Bizontes Unicorn-

Unicornes in Borussia inveniti refert Erasmus Stella circa calcem lib. 1. Antiquit. Borusf. In Regno Basman unicornes esse docet M. Paul. Venerus l. 3. de Reg. Orient. c. 15. quorum tamen descriptionem apud ipsum si expenderis, per Unicornu Rhinocerotes eum intelligere videbis. Id etiam intelligendum venit de iis quos in Regno Lambri conspici dicit. Quæ de Lunariis & noctu lucentibus commentatus est Cunr. Gesnerus, vidisse te puto. Fuirenus & fratres officiosè saluta. Plura volentem & negocia publica & chartæ retrahunt angustia. Vale quam felicissime. Hafnia 26. August. 1642.

T.

Olaus Worm D.

EPISTOLA XXVI.

De Circulationis Authore.

JOHANNI WALÆO

Leidam.

Duturnioris silentii moram ægrius fortasse ferres, & culpandam censeris, nisi exemplo præires, quo non rarò mortalium animi capiuntur. Tahti tamen Viri memoriam crebrius ut recolam, suadet animus gratus, nec reformidat calamus hic, illius gloriæ sacratus.

H

Testes

Testes sint alii quibus, quod omnes miramur, laudare soleo, apud quos tantum absentis fama valuit, ut à me Epistolas de Motu sanguinis quasi precario impetraverint editioni Harvejanæ adjungendas. Publici boni & famæ Authoris amans, libens sine invidia illorum votis annui ut ex transmissis libri titulis vides, serioq; à correctore obtinui, ut quam emendatissimè prodirent, ad editarum exemplum, quod partim exscripsi ipse, partim exscribi curavi. Quid præstitum sit, commoda occasione ex transmittendis apparebit. Veniam autem meruisse me, qui concessi, & curiosos, qui avidè eas expetiverunt, facile boni publici amantissimus judicabis. Loca ex Galeno, Hollerio, Laurentio, quia fallit numerus, Te non repugnante, omisi, quia nec angustior forma ista admisit. Loca Diogenis, Polybi & Platonis pressius nobis indicabis. Ex Aristotele suo similia vestigia spondet se monstraturum Cl. Licetus. Cætera huc spectantia in aliud tempus differam. De luce Viventium Opus sub manibus crescit breviq; lucem videbit, si tuis observationibus juveris, cui se Unicornu adjunget. De Ultrajectensibus scirem cujus precii sint & quanti illa æstimes. Si enim rectè conjicio, ex nostro Borea venerunt,

runt, & literæ Runicæ in ea opinione me confirmarunt, quas ibidem olim legi exsculptas. De circulatione Harvejana secretum mihi aperuit Veslingius, nulli revelandum, esse nempe inventum Patris Pauli Veneti (à quo de Ostiolis venarum sua habuit Aquapendens,) ut ex ipsius autographo vidit, quod Venetiis servat P. Fulgentius, illius discipulus & succesfor. Hisce Vale, felicissime Batavorum Æsculapi, & me ama semper tuum. Scripsi Pat. 30. Oct. 1642.

T. T.

Thomas Bartholinus.

EPISTOLA XXVII.

De Luce hominibus innata, & monilibus orientalium.

THOMÆ BARTHOLINO.

Venetias.

VOlupte mihi fuit, quod absentiaæ Tuæ tædium, suavi literarum alloquio diluere potius, quam inutili silentio gravius infestiusq; reddere volueris. Placet de lucis in animantibus vestigio, dignum eximia eruditione, ingenioq; Tuo *περίβλημα*. Mihi sedet illius non vestigia solum animantibus inesse; sed

promium condum, fomitemq; etiam ipsum.
Neq; enim, ut cum Marone loquar

-- oculis tantum micat acribus ignis;

Sed toto pariter corpore benè valentium, lucidus nitor sese diffundit: quem, cum vel momento subducunt morbi, quid aliud quam obscurare videntur nativum fulgorem, &

-- radios inter quasi rumpere lucis?

Causam optimè patere tibi cum Philosopho scio, & ἀνάλογον τῶν ἄστρον συχρίω, puriorem in animantium penetralibus ignem. Igitur in contextu illo universi,

Largus uti liquidi fons luminis ætherius sol,

Irrigat assiduè cœlum candore recenti;

Sic in animantium corpore, à corde cum calore spiritus sese explicat cœlestis, à quo tam teneris in genis, quam reliquo membrorum habitu splendor efflorescit. In recentius mac-

tatorum pecudum cerebro, tenuius dissecto,

nitorem aliquem luminis evidenter oculis u-

surpamus. Memini cum catuli Hyænæ vi-

ventis pericardium discinderem, cor igneo

quasi fulgore aliquantisper micasse, mirante,

qui dissectioni favebat Aloysio Cornelio Ve-

netorum Consule. Abn Ismael Tograi car-



mina haud dum mihi comparavi, adeoq; nec

judi-

judicium de Poëmate toto ferre possum. Distichon tamen quod proponis, qualiscunq; profectus meus fuerit, *Ἀγγήδω* sic interpreter:

*Cum eo quod divino decori & Palatio
appropinquant avidè*

*Cincta & monili rubro incedit forma
prestans.*

An monile rubrum diverso à propria significatione sensu hic accipiendum sit, nolim asseverare. Mihi certum est, in pretio Arabibus, & Indis, Persisq; colorem esse rubrum, ut etiam corallia rubra nobilioribus mercibus commutent, ad colli, brachiorum, manuum, pedum item in mulieribus, ornatum.  de perizomate, potius, & cinctu intelligendum censeo, quam tunica, ut rectè monet Lexicographus, deducta nominis ab  radice, quæ solutionem innuit rei adstrictæ. Utuntur etiamnum feminae apud Arabes tæniis, quibus & mitras capitis firmant, & angustant pectus, serici rubri intextu variegatis. Reditum utiq; tuum, si præter invidio-

rum voces alia non obstant, ex animo sua-
deam & exoptem. Neq; enim illæ vel nebu-
lam spargere Virtuti tuæ possunt, vel debe-
bunt obstare studiorum commodis. Summa,
ferre voces malevolorum malim, quam fu-
gere: deniq; si sapientiæ magis monitum pro-
bas, λάθρα βιώσας. De Anatomiae editione,
haud existimo typographum seriò cogitare,
qui in alia ordinanda officina jam totus est.
Habeo gratias singulares de vino Cretico,
quo nauseantem inter Anatomicos labores
stomachum demulcebo. Vale felicissime,
flos juvenum, & inter solidæ doctrinæ robora,
annes suaviter, ac perennes! Nob. Dn. Tho-
mam Fuires ex animo salvere jubeo. Dedi
Patavio XXVI. Decemb. cId Idc XLII.

Pr. T.

deditissimus

Joannes Veslingius.

EPISTOLA XXVIII.

*De Piscibus nonnullis lucentibus, & Ductu
Pancreatis novo.*

THOMÆ BARTHOLINO.

Venet.

L Aboriosis Te expeditum muneribus gau-
deco, mi Bartholine, non quòd honores
tantos

tantos Tibi invideam, sed quod ad consuetas scribendi officia ac studia privata Te paratum magis futurum videam. Utinam & ego his solutus vinculis amœnioribus vacare possem; at aliquantisper adhuc in turbis hisce mihi desudandum. Lubens audio Bibliopolam vestrum Parentis Tui Anatomiam velle recudere: Sed vix credo ipsum aut typorum nitore, aut chartæ præstantia, aut iconum accurata delineatione superaturum Belgas. Novæ figuræ opus insigniter commendabunt, modo accuratæ & docta manu elaboratæ. Nil ego momenti alicujus quod mutatione dignum observavi. De sex osficulis in ipsa futura Lambdoidea à me primum notatis alias monui, & nisi eorum historiam dudum misissem, hic repeterem. De Dedicatione nescio quid suadeam, nisi placuerit Dn. Cancellario offerre, siquidem Roscrantzius cui parens eam inscripsit, diem suum hic Hafniæ 28 Octobr. placidè obierit, ut is jure quasi hæreditario succedat. De Pisce ardentibus oculis in Norwegia existente, nihil plane apud Olaum Magnum inveni eo, quem citas, loco, libro nempe 21. cap. 3. Agit quidem ibidem de piscibus Islandiæ, sed ne verbulo tangit eum qui ardentibus sit oculis. Editio mihi est Romanâ

in folio. At libro præcedente, 20. nempe, capite ultimo, ex libro 9. Plinii cap. 61. cujus nomen more suo dissimulat, de Dactylo quædam recitat, quæ ad rem tuam facere videntur. Sed quam Plinius concham, ipse piscem vocat. Inspice locum & non pœnitebit. Concha autem hæc Dactylus dicta, quibusdam solen, aliis Onyx seu unguis vocatur, Venetiis cappa longa. In foro vestro piscario haud infrequens esse solet; quocirca an vera sint quæ Plinius referat, facile experiri poteris. Causam splendoris Rondeletius, glutinosum esse ejus succum refert, siquidem quæ tenacia & veluti glutino compacta sunt ea lævia, æqualia atq; perpolita esse solent, atq; ob id relucetia, ut pix, asphaltum, albumen ovi: cui opinioni etiam subscribit Aldrovandus. Sed præter glutinositatem, aliud quid subesse suspicor, cum ipsum gluten in tenebris non luceat, nec picem aut Asphaltum lucere unquam animadverterim. Aliud igitur lucis hujus *πρώτον δεικνύον* esse oportet. Reperiuntur etiam in mari Norwagico hi Dactyli, sed conchæ eorum saltim ad me sunt delatæ, magnæ satis. Longitudine dodrantali, crassitie pollicis in meo extant Musæo: in quibus
lucis

lucis nihil depræhendi. Poëta à me de Mose citatus, incertus est. Carolus Paschalius de Coronis lib. 10. c. 4. Drepanium esse suspicatur. Novi ductus Pancreatis delineatio mihi gratissima, miror nulla Lactearum venarum observata vestigia. Quid si ductus hic chylum à duodeno forbeat, per lacteas deferendum, à fæcibus purget ut commodius per angustas eas vias ad Hepar feratur, receptum verò excrementum demum ad intestina amandet, ut vim expultricem stimulet & fæces nigricante colore tingat. Monumenta mea ad umbilicum jam perduxit Typographus, in quibus etiam tuam invenies epistolam. Eorum exempla lubentissime vobis transmitterem, si ulla daretur commoditas. Nescio an videaris ea quæ de Coccojus insecto Americano lucem noctu fundente tradit Petrus Martyr decad. 7. cap. 9. in primis Nierenbergius Hist. Nat. lib. 13. cap. 3. Quid tibi videtur de causa lucis in Noctilucis quam reddit Margarita Philosophica lib. 10. tract. 2. c. 10? Consule lib. 4. Vosii de Idololatr. cap. 71. 93. & 94. item 48. Vale Hafniæ pridie Cal. Jan. 1643. quem tibi vobisq; omnibus prosperum ac felicem precor.

T.

Olaus Worm.

H 5

EPISTO

EPISTOLA XXIX.

De osficulis in sutura lambdoidea.

THOMÆ BARTHOLINO

Patavium.

Librum tuum de Luce Viventium videndi maximo teneor desiderio. Omnibus innatum lumen, unde ortum trahat, cur se in tam paucis prodatur, scire gestit animus. Cocui historiam eleganter tradidit Moufettus in Theatro Insectorum lib. 1. cap. 15. quem si consulueris, invenies quæ ad rem faciant: etiam de liquore ex iis præparato, noctu lucente. Cum Lugduni Batavorum adhuc hæreret & Anatomia Parentis editionem meditareris, de osficulis Lambdoideis me tibi scripsisse memini; sed quia, quæ tum exarabam excidisse videntur, jam repeto, modo usus alicujus esse possint. Anno 1628. cum frequenti auditorum coronæ ossa sceleti humani demonstrarem atq; exponerem; in ipsa sutura Lambdoidea, osficula sex inveni, quæ utrumq; tabulatum cranii perforabant, à nemine, quod sciam, ante animadverta. Diversissima enim sunt ab iis, in quæ os ipsum quandoq; dispescitur, quod sutura Lambdoidea circumscribitur, Triquetra quibusdam dictis. Tria in dextro, totidem in sinistro ejus extant ductu, magnitudine,

tudine, figura & situ discrepantia. Infimum ad procesum mammillarum conspicitur, medium paulo superius, vix dimidii digiti intervallo, tertium aliquanto longius à secundo distat. Figura sunt varia, triquetra, oblonga, ovalia. In sinistro ductu majora omnia apparent, quam in dextro. Maximum unguem pollicis non excedit. In concava cranii superficie distincte magis quam in convexa apparent, quocirca ablata calvaria melius observantur. Ut omnia sint clariora iconem addo. A. portio est suturæ sagittalis. B. sutura Lambdoidea. C. sectio ferra facta. D. primum, os sinistri ductus. E. secundum. F. tertium. G. primum dextri ductus. H. secundum. I. tertium. K. magnum cranii foramen, per quod medulla in spinam descendit. LL. Processus mammillares. Disimulare interim hic nequeo, in diversis craneis, tam numero, quam magnitudine & figura, item situ variare hæc osacula. Dum hæc scribo, mihi ad manum quinque sunt crania; quorum duo suturam sagittalem per os frontis in nasum usque protendunt. Horum alterum, quatuor saltem istorum osiculorum ostentat, atque ex iis unum in ipsa junctura sagittalis cum lambdoidea, quo in loco Triquetrum dictum, conspici solet:

solet: in altero verò duo saltem extant, eaq;
 in dextro ductu tantum. Verum hæc crania
 integra erant, si calvariam auferre licuisset,
 forsàn plura ostendisset interior superficies.
 Sed cum naturam in ossibus majoribus, futuris
 ipsis, & aliis humani corporis partibus variè
 ludere videamus, quid mirum si in hisce anti-
 quum obtineat? In monumentis ac sepulchris
 majorum nostrorum licet res variæ reperian-
 tur, ut lib. 1. cap. 7. Monumentorum nostro-
 rum docuimus, lucernarum tamen perpetua-
 rum nulla prorsus vestigia. Inter veterum
 inventa deperdita eas ni fallor, refert Panci-
 rollus, qui de iis ex professo agere videtur.
 Vale & bono publico feliciter vive. Hafniæ
 6. April. 1643.

T.

Olaus Worm D.

EPISTOLA XXX.

*De lucis origine, & circulatione
 nova Liceti.*

OLAUS WORMIO

Hafniam.

GRatissima ossiculorum cranii idea ductu
 pictoris mihi transmissa me & literari-
 am

am Rempublicam ad ulteriorem tui venerati-
onem excitabit. Hoc solum me angit quod
ex priori editione tabellariorum incuria ex-
clusa sit. Hac tamen observatione auctio-
rem prodituram, quam meditor, in parte læti-
tiæ habebo. Librum meum De Luce Ani-
malium Typographorum solita oscitantia
moratur. Omnibus innatum lumen, unde
trahat ortum, ex ipsa quæstione eruo, nempe
innatum esse & à parentum semine in nobis
transferri conjicio, non secus ac animam.
Ad ulteriorem originem si me quis ducat, in
creatione prima subsistam, qua cum aliorum
elementorum mixtura lucem produxit Plastes
simul & mixtorum corporibus insevit ut pro-
pagaretur per generationem. Pauca tamen
& ob Naturæ indigentiam, corporibus ita
dispersa, ut in Univerſa cœlorum fabrica per
rariorem partium segregationem, quæ nisi
orbium cœlestium inſtar condensentur & co-
eant, non magis in nobis lucent quam in
mundo cœlum. Paradoxa videntur, sed qui-
bus omnia ferè explicamus quæ aliis negoti-
um faceſſunt. *Licetus* nudius tertius advenit,
opus de Circulatione Sangvinis à se concin-
natum monstravit, cui non pauca rationum
momenta opposui. Duplicem enim circulum
sibi

sibi imaginatur, in venis unum, alterum in arteriis, utrumq; autem in suo vase proprium; sanguinem verò ex dextro in sinistrum ventriculum non per pulmones, nec anastomofin, nec deniq; per septum pervium, sed per venam Coronariam ferri. Cum Bibliopola Veneto egi, qui nihil magis in votis habet, quam cum nostris commercia exercere. Publicas res quod attinet, adhuc in dubio sunt, turbata Italia. Vicinum Ferrariensium agrum cis Padum Venetus exercitus occupavit, urbiq; ipsi imminet Dux Mutinensis. Romam meditarer instante Autumno si per has turbas liceret, quum hic frigeant studia ob scholarium petulantiam. Typographi nostri ferè feriuntur. Caprilium tamen de febribus secundo prælo subjecerunt, & brevi Veslingii nostri opobalsamum dabunt. Miraculi loco nuper in nundinis galli hujus cornuti cornutum filium ostentarunt, cujus iconem mitto. Aliàs plura. Vale. Patav. 18. Jun. 1643.

T. T.

Thomas Bartholinus.

EPISTO-

EPISTOLA XXXI.

De Harveio judicium.

THOMÆ BARTHOLINØ

Patavium,

MARCUS AURELIUS SEVERINUS S.P.D.

Mercurio conciliatori, Gratiisq; inspirantibus hodierno die mihi litandum est, quemadmodum certè jam lito, quorum munere factum arbitror, Exc. Tuæ venerit in mentem tuis me muneribus ditare, & ut dicam verius, tua me gratia & benevolentia beare, nam quid indicant porrò nuncupationes? propensi animi testificationes? duplata dona? præterquam tua me dignum amicitia æstimare, ac re ipsa facere, quod ornamentum, quodve decus à me diu percupitum, atq; ambitum, si nunc assequor, debeo plurimum humanitati tuæ, debeo καὶ εὐτυχία meæ non nihil & amicis, qui mihi Patavii multi & præcipui cum sint, ipsi fortasse tuæ comitati bonam quampiam de me opinionem excitarunt; Ego autem ex quo tempore cum ornatissimo Viro Joanne Georgio Volchamero consuevi Neapoli de te perhonorifice loquente; summam de ingenio, præstantiaq; tua existimationem concepi, quam video nunc comprobari scriptis, ausisq; tuis sanè magnificis; nam quod majus

majus molimen, quam de luce animantium admiranda argumentum? confirmationem credo plenam, & absolutam facem adversus omnem ambiguitatem de refluxo sanguine. Quod si est, quæso te, mi Thoma suavissime, judicium meum quoddam, quod de Harvei monumento feceram ad Virum inclitum scribens, à me nunc missum legito: quod ipsum si videatur Harvejo aut luce dignum, tuis his eximiis scriptis adnecte, nimirum optarim & ego videri, qui claritati tuæ serviam, singulari Viro bene amem: astipulari non dicam, cujus judicium quam minimè valeat, in me ipso sentio. Cæterum me tuas virtutes colentem amare te ostende, & cum Harveo nostro ad Cælum te tolle. Benè Vale, Neapoli Idibus Aprilis 1643.

EPISTOLA XXXII.

De serpentibus ignitis in deserto.

FORTUNIO LICETO

Bononiam.

Visus nuper libellus Castrensis Veronensis, me ad interruptum scribendi munus impulit, qui & virtutum & beneficiorum memoriâ famæ Tuæ incolumitati invigilo. Quod

res

res est eloquar. Ezechiel Castrensis admirandam historiam Mulieris Veronensis scintillas ex corpore ejaculantis scripto erudito pertexuit. Contra Licetum lib. 1. cap. 6. ibidem urget, serpentes in deserto ignitos confundi non posse cum Dracunculo puerorum morbo, quia id cum textu Biblico parum conveniat. Ego ex Plutarcho, Aëtio, Actuario, aliisque vett. Medicinæ conditoribus visus mihi sum videre, minus utrumque differre quam Castrensis putat, nec ex levi differentiâ diversitatem morborum colligi. Quæ quidem in laudem Liceti mei in Libello de Luce Animalium prælo vicino, commoda occasione fusius deduxi, tuum interea de propria sententia iudicium expectans. Præsentium exhibitor Vir Nobilissimus conterraneus noster, Aldrovandini Musæi aditum Liceto patrio facilem sibi spondet. Vale seculi decus Latii amor, nosque perennaturo affectu prosequere. Patav. X. April. 1643.

T. T.

Thomas Bartholinus.

I

EPISTO-

EPISTOLA XXXIII.

De iisdem Responsio.

THOMÆ BARTHOLINO.

Patavium.

FORTUNIUS LICETUS, B. A.

LEgi nuper & ego, rogatus ab amico doctissimo, libellum Ezechielis à Castro de Igne lambente: scriptorem eruditum, doctum, & modestum inveni. Qui præter cætera, meorum dogmatum, in editis jam pridem voluminibus à me confirmatorum, ut nunnulla collaudat, & pleraq; tanquam è suo condo proponit, meo nomine suppressit; sic unum illud 3. de spontaneo viv. ortu cap. 51. probatum de serpentibus ignitis Hebræos in deserto laceffentibus ad interitum, ni salutem visu serpentis ænei sibi comparassent; quos ego serpentes ostendi genus fuisse morbi divinitus immissum in eam gentem, ob idoli vitulini cultum nefarium; is inquam autor hujuscemodi sententiam meam, rationibus, & autoritatibus præstantium Medicorum veterum & historicorum à me munitam, jejune satis arguere videtur, id solum absq; probatione, gratis asserens, opinionem Liceti cum textu Biblico parum convenire. Decebat autem eum, quum Hebræus verè sit, istam
con-

convenientiam parvam ostendere. Sed is ipse phrasim Mosaicam, & Prophetarum in Bibliis frequentem dissimulare videtur, dum non considerat, in historia sacra sæpissime (2. Reg. cap. 24. Ezechiel. 14. 28. Exod. 9.) legitum à Deo mitti plagas, pestilentiam, & ulcera fontibus hominibus, dum in eorum corporibus exoriri facit ejuscemodi morbos: quos divinitus contingere, notavit etiam Hippocrates 1. Progn. ausim dicere, doctus è sacra pagina; quicquid Galenus asserat adversus antiquiores; tum igniti vocabulum per metaphoram multis attribui, Clypeo fortium, (Habac. 2. Prov. 30. Ps. 118. v. 140.) sermoni Dei, eloquio, & similibus. Cæterum quando nullis argumentis meam opinionem urget, ac simplici dicto suo statuit, eam parum convenire cum textu Biblico, censuram istam elumbem, nulla ratione fultam, silentio neglexi. Gratulor interim Tibi, Reiq; Literariæ, quod Volumen Tuum de Luce Animantium admiranda publici juris efficias. In quo quæ perhonorifica de me referre gestis, me nunc ad ingentes gratias tibi reddendas impellunt. Vir ille Nobiliss. popularis tuus, quem mihi per literas commendasti, nudius tertius ad me sub noctem eas pertulit, proximo diluculo

Romam iter habiturus, quare non licuit noctu procurare petitem aditum in Aldrovandi Museum. Vale, meq; ut facis, ama. Bononiæ XVI. Cal. Maij. M DC XLIII.

EPISTOLA XXXIV.

De pustulis lucentibus, & Viperis.

MARCO AURELIO SEVERINO Neapolim.

NON levi nuper rubore suffundebar, quum lectis vestris ad me litteris expressa in iis viderem vestigia intimioris erga me affectus, duplici nomine in majus aucti. Hunc antea quidem notum illis exornavit laudibus discretissimus calamus, quæ non nisi vestri similibus debebant accommodari. Nempe tantum, ut video, de nobis spei habes, quantum animi, & ex ingenii tui ubertate tribuis quod tanta amicitia dignum videtur. Ego verò meæ tenuitatis mihi conscius gratulor mihi quod affectionis tuæ potius quam judicii veri severitatem sim expertus. Interim quicquid in Bartholino amas, tuæ virtuti & famæ destinabitur. Ne dubites, specimen exhibeo in Opere meo de Luce, cujus ideam in præsentī tabella signavi. Duplici dubio, quo implicabar,

bar,

bar, te advocavi ut Oraculum. Enimverò probaturus vestigia clarissima lucis nobis insitæ ad exteriora nonnunquam effusæ, per partes in corpore resumpsi tam quæ per naturam insunt, quam adventitia. Posterioris generis sunt effectiones quibus splendor subinde ab Hippocrate assignatur. Quo referendæ sunt etiam pustulæ apud Bilbicum Vatem lib. XI. Epigr. 99. sive pustularum lucentium notione Epinyctidas ceperit, sive roseolas sive deniq; quas à crystalli splendore crystallos quidam vocant, id omne ad tuum arbitrium detuli, à quo lumine quid lucentes sint pustulæ, discere velim. Postea ordine ad brutorum feriem delapsus in serpentium splendore igneo ardentiq; parum hæreo. Quos enim ignitos Num. XXI. 6. vocat legislator in pœnam populo immissos, de Viperis interpretantur quidam, inter quos Paulus Eberus & Joh. Bustamantiùs, qui iusto volumine reptilia S. S. persequutus est, adeoq; ignitos urentesq; non tam igneæ lucentisve naturæ conditione quam ob morsus venenatos. Ego quæ in re obscura dici poterant, breviter exposui, donec à Severino fuero edoctus meliora, quæ sive ex erudito de Viperis opere, de morsos ungues sapituro, sive ex literarum commercio exspecto.

specto. Ludunt enim subinde Interpretum versiones nec ad paucorum licentiam verum metimur. Quippe magno intervallo dissidet à Vipera Basiliscus, illam tamen pro hoc substituit vulgata versio Esaiaë XXX. 6. quum apud Ebræorum Magistros *yas* Basiliscum non Viperam notet. Cæterum horum enodatio à te dependet, sicut & sequentium quæ in re simili forte mihi jam occurrunt. De singulari carnis viperinæ usu author est Porphyrius l. 1. de Abstinentiâ, p. m. 36. 37. Fuerunt, inquit, qui viperæ esu utriusq; oculi perditam lucem recuperarint. Quin & Crateri Medici familiaris novo & inaudito morbi genere correptus, quo carnes ab ossibus abscedebant, cum nullo medicamine juvaretur, appositis piscium vice viperæ carnibus, ut iis vesceretur, post usum autem carne cum ossibus coalescente, pristinae salutis restitutus est. Quæ causa sit tantarum virtutum, à nullo, quod sciam proditum. Ab insita lucis mistura deducere ego, si ingenioso esse liceret, quæ viperæ cum homine communis & evidenti macularum varietate elucet, quin ex ipso candore, lucis æmulo, quo in regionibus nostris septentrionalibus hoc reptilium genus, singulari Alexipharmaci argumento, emicat, quales

quales & in Germania reperiri cornua albis-
sima variis ramis diffusa testantur nudius ter-
tius apud Capuccinum Saltzburgensem hic à
nobis visa. Solinus cap. 27 Basilisco narrat,
serpentem esse pæne ad semipedem longitu-
dinis, alba quasi mitrula lineatum caput, nec
hominis tantum vel aliorum animantium
exitiiis datum, sed terræ quoq; ipsius, quam
polluit & exurit, &c. Vencnatorum autem
occultam vim ab aliquali lucis principio pro-
venire in Opere meo de Luce Animantium
suspicabar, hincq; cognatam in oculis lucem
& reliquo corpore facile à simili restitutam.
Quemadmodum enim à simili juvamus, ita
& subinde lædimur, evidenti lucernarum
exemplo. Hinc non mirum quod apud Sue-
tonium de Claudio Druso narratur, edicto
admonuisse, nihil æquè facere ad viperæ mor-
sum, quam taxi arboris succum. Nam Taxus,
authore Dioscoride l. 4. cap. 75. & l. 6. c. 12.
pro veneno exitiali non injuria jactatur.
Aliud viperarum lucis ignisq; argumentum ex
Julio Obsequente eruo, qui sequuturi Civilis
belli omen ex viperis desumpsit. Ita enim
in Prodigiiis sub Coss. M. Antonio, P. Dola-
bella: Padus inundavit, & intra ripam refu-
ens, ingentem viperarum vim reliquit, inter

Cæsarem & Antonium civilia bella exorta.
 Non tantum ab effusa aqua relictas viperas,
 sed & alias ab inundatione illa generatas pro-
 bat in versione sua vulgata Interpres Damia-
 nus Maraffi. Armorum autem civilium splen-
 dorem commodo augurio igneum viperarum
 genus, Pado Latioq; domesticum portendebat.
 Sed hæc aliaq; à vestra scientia dependent, cui
 ea submitto. Quam de Harvei invento scripsi-
 sti censuram, opportuna occasione pro bono
 publico reservabo, cui te natum posterì fate-
 buntur veriores virtutum æstimatores, nec
 dissentit seculum quod terimus, tanto jam viro
 superbum. Vale felicissimè & nominis tui
 famam dignissimis monumentis ulterius ex-
 tende. Pat. VIII. Maij 1643.

T.

Thomas Bartholinus.

EPISTOLA XXXV.

*De iisdem pustulis & serpentibus**Responsio.*

THOMÆ BARTHOLINO

Patavium,

MARCUS AURELIUS SEVERINUS.

Amice suavissime:

Mihi quippe talis obversaris ad unguem
 animo, qualis dudum compertus est
 Barto-

Bartholus Germanus frater tuus; quo sic me Diî benè ament, sic vos utrosq; bene fortunent; fieri nihil potest amabilius. Gentilitius autem, ne dum hic videtur vester elegans mos, sed & patrius. Quotquot enim bene auspicata mea fors cognoscere dedit Danos, totidem officiosissimos & comissimos expertus fui: ubi autem præstabiles sexcentos nominare non possim, selectissimi satis videntur Rhodii, Veslingii, Charisii, Bartholini, Fuiirenii, de quorum singulorum gratia, & necessitudine tam multum est, quod hodierna die gaudeam, ut superbiam etiam de hac re, lætusq; vitam vivere debeam. Debeo autem immortalem gratiam meo Thomæ, qui sic me exornat, sic magnificat, ut in dubiis & gravissimis naturæ quæstionibus consulat, quo quidem honore, qua æstimatione quam minimè me dignor ipse, tam promptissime tuis quæsitis satisfacio; id est responsum reddo. Utinam autem satisfaciam, præsertim in multis, quibus nunc distineor, ocii avocamentis. Quod igitur ad argutissimi Poëtæ Martialis attinet locum, lib. XI. Epigr. 99. propositum, qui quidem habet;

Non ulcus acre pustulæve lucentes &c.

Est hæc obscurissima planè particula,

eo maximè indicio, quod interpretes ad unum omnes dissimulatam hanc difficultatem, quasi scopulum prætergressi, caverunt attigisse, dignam alioqui quam studiosissime pertractavissent; cui tu, Generose Bartholine, vitio voluisti primus occurri, lucemq; suam in lucidissimo alioquin & admirando monumento tuo, reddi: ac reddidisti profecto, ni fallor, absolutissimè: Verum tamen dedignatus ipse non es pro comitate tua summa, me quoq, quo non erat opus, abundanter huic vestigationi comitem adsciscere: qui tuam facem sequutus obsequio pari non dubitabo. Sus Minervam. . Consueverunt in hominis corpore sublata ad extimas partes bile, quasi per fermentum in panis crudi massa, excitari pustulæ, quas ejusdem succi biliosi serum complet atq; distendit. Has divino suo penicillo sic depinxit eloquentissimus Fernelius lib. 7. Path. c. 9. Huc pertinent phlyctenæ & phlyctides Græcis nuncupatæ, quæ repente emergunt subflavi humoris copia distentæ, bullarum modo lucidæ atq; his similes, quæ ab aqua fervida vel ab igne ambustis erumpunt, non manifesto tamen dolore graves, His ruptis humor excidit, crustulæq; obdurescunt, dum sanescant. Has constat non
nisi

nisi à ferventissima bile gigni, quæ ignem viribus suis adæquet: ut non idcirco præter rationem illas vulgus ignem sylvestrem appellarent. Hæc ille de phlyctenis; quas vesicarum nomine Philippi Ingrassias opinione complexus est Avicenna l. 4. fen. 3. tr. 1. c. XI. & XII. Hæ autem vesicæ seu phlyctenæ dictæ, lucentes sint oportet: quandoquidem *Διάφανον* translucens vesiculam & *Διάφανον* translucens itemq; fluor occupat, perinde ac vasculum, & contentus humor concordare gestiunt *ἐν τῇ Διαφαιείᾳ*. Hinc est porrò, quod Lucidas, ut & Martialis, appellavit Vir Ambianus in modo memorato loco; atq; hinc est etiam, quod ex dirupta vesicula effusum humorem aquam lucidam dictitat vulgus; à quo ipso subinde ampullæ, bullæve istæ crySTALLI nominantur; neq; enim aliud crySTALLI sunt, quam ipsæ phlyctenæ Phil. Ingrassia iudice lib. de Tumor. tract. 1. c. 1. pag. 194. F. per hæc: Præter duas ambas species (variolas morbillos) & alias duas adinvenire passim conspeximus: quarum alteram nostri vulgo rossaniam sive rossaliam vocant: Alteram vero crySTALLOS, quoniam scilicet in hac quædam per universum corpus

dispar

disparſæ puſtulæ efflorefcunt lupini magnitudine plus minusve albæ & ad inſtar cryſtalli reſplendent, quibus deinde apertis aquoſitas quædam affluere viſa eſt. Et paulò inferius, verum cryſtallos non aliud, quam phlyctænos, bullasve (Avicenna veſicas nuncupat) eſſe opinor, de quibus poſtea ſermo fiet. His Autorum Principum verbis, quid clarius dici queat, mi Thoma, vix invenies. Erunt igitur Martiali phlyctenæ græcorum, vel cryſtalli vulgi puſtulæ lucentes, niſi meus me animus meaq; diſſertatio fallunt. Tranſeo nunc ad ſerpentes, qui cum igniti Sacro Numerorum lib. 6. vocentur: eſt hæc appellatio, quæ tua de reſciendo penitus epitheto ſedulitatem movit. Erit autem Poëta ſcientiſſimus Maro, qui præſto nobis fuerit ad nodum reſolvendum; qui qua ignea, qua flammantia anguium lumina, qua nitidos iſthoſce vocat ſuis inclytis in monumentis. Aquaticum porro colubrum in 3. Georg. ſic expreſſit:
 Exilit in ſiccum & flammantia lumina torquens.

Sævit agris, aſperq; ſiti, atq; exterritus æſtu.

Et Æneidos v. 276. ſerpentis oculos ardentes dixit in his:

Qua-

Qualis sæpe via deprensus in aggere ser-
pens,

Ærea quem obliquum rosa transiit, aut
gravis ictu.

Seminecem liquit Saxo, lacerumq; viator
Nec quicquam longo fugiens dat corpore
tortus

Parte ferox, ardensq; oculis.

Et Æneidos 2. vers. 211. serpentes Lao-
coontis supplicio immisos, oculos tum arden-
tes, tum igneos, cumulatus dixit per hæc:

Fit sonitus spumante Salo, jamq; arva te-
nebant;

Arduentesq; oculi suffecti sanguine, & igni;
Sibila lambebant linguis vibrantibus ora.

Cæterum non oculos solum, sed exti-
ma cute tenus, rutilos fecit serpentes 3. Ge-
org. 435 :

Cum positis novus exuviis nitidusq; juvena
Volvitur aut catulos testes aut ova relin-
quens

Arduus ad solem, & linguis micat ore tri-
fulcis.

Et 2. Æneid. 471. iisdem ad unguem
verbis, post aliquot, quæ sunt;

Qualis ubi in lucem coluber mala gramina
pastus

Frigida subtumidum, quem bruma tegebat;
Nunc positis novus exuviis nitidusq; juvena,
Lubrica convaluit sublato pectore terga.

Sed multo clarissime V. Æneidos 87,
tumulum Anchusæ lustrantem anguem de-
scripsit ad hunc modum:

Coeruleus (cui terga notæ) maculosus &
auro

Squammam incendebat fulgor ceu nubilus
arcus

Mille trahit varios adverfo sole colores.

Ad Poëtam adde Medicum Principem,
qui l. 4. fen. 3. c. 21. Aspidis siccae vehementis
luminis dixit oculos; quem ducem sequutus
Arnoldus in l. de Venen. pag. Basiliensi 1552.
Vipera, inquit, serpens minimus oculos habens
valde luminosos, igneos alii dixerunt. Vides jam
nitentes micantesq; cute & corpore toto ser-
pentes, qui senectutem recenter exuerint, præ-
sertim si ad vernum solem apricentur. Porro
novella cutis tenuior, expolitior, lubritior, le-
nior tum suapte natura tum solis radiis collu-
strata, non potest non illustris ac splendida
esse, ut jam liquido splendidi lucidiq; pernosci
possint angues liberide deposita. Atq; hæc
est ratio modusq; mihi, cur fulgidi caractere
notandi sint serpentes, Tuum nunc est, Eru-
ditissime

ditissime Bartholine, nostra hæc qualiacunq;
 meditatus vel admittere si colliment, vel in-
 super habere, si digna videantur corite cera.
 Gratum autem impendio fecisti, nec revelatas
 ulli palati mei delicias solertissime divinaſti,
 qui Catalogum divinarum tuarum commen-
 tationum communi caſti: quarum argumen-
 ta ſingularum ſic admiror, ſic vere ſuſpicio,
 ut primo quoq; tempore publicas eſſe Deos,
 hominesq; orem, utinam autem exorem.
 Perge ad gloriam, mi Bartholine, pergeq;
 tuis me honoribus ornare, quibus nil optatius,
 nil glorioſius accidat in vita mihi; ego item
 deprædicationi tuæ perpetuæ non parcam
 ullo loco. Bene vale, clarifſimoq; Rhodio
 me commenda. Neapoli XVII. Kal. Juliū
 cId Idc XLIII.

EPISTOLA XXXVI.

*De Duplici ſanguinis motu, & numero
 ventriculorum cordis.*

FORTUNIO LICETO

Bononiam.

THOMAS BARTHOLINUS, S. P. D.

PRæteriti morbi vim ſingulari Numinis
 providentia & propriæ artis cura jam feli-
 citer ſuperatam, nimium quantum gaudeo.

Enim

Enim vero ex ægritudine vestra non parum dolui, ut similem doloris sensum jure amicitiae videretur mihi impresuisse, quod utrumq; pari vehementia vexabat. Sed facilem ejus affectionis solutionem sponte mea augurabar, cui nota antea Liceti & virtus, & ex ea apud ipsos Deos veneratio. Dictante Genio sciebam pro tua salute vota concepisse Saluti quotquot literato Orbi favebant. Nec minus Musarum interfuit & Apollinis, quorum à Te vigor dependet, ut in Orbis sui duraturum decus dignissimum magnæ animæ domicilium diutiùs circumferres, quam nobis, qui solita libertate quid ad publicum fori nostri bonum conferas non ad ostentationem deprædicamus. Quippe parvum hætenus tibi visum mortalia scrutari & labentia seculorum vestigia justa diligentia persequi; parvum &, ut credo, ad tantæ gloriæ culmen minus fuit terrarum sedibus contineri, nobilissimi incolæ varia animi corporisq; monstra ad examen & lustrum vocasse. Ex sublimiori genio terras prætervectus æternos cælorum gyros scrutaris & labentem per diversa diversorum ejusdem corporum cursum ea fidelitate explicasti, ut altioris Naturæ Interpreter jure meritissimo, de cœlo lapsus post Cato-

Catonem quartus existimeris. Æternum hunc nobis augurarer, si per Deorum injuriam liceret, & nisi valde fallor ad Divi Julii exemplum, duraturum Orbi nostro sidus pari splendore ingredieris, cui jam obscurior terra falces submittit. Stat terra, & mens nostra ad exemplum trahitur facili desidia. Tu mentem altiore poli motu metiris, & famam ad Eoas occiduosq; cum Phœbo meritis tuis devoto transfers. Infinitus fertur superiorum gyrus, quia circularis, & ad perfectum compositus. Tua virtus, & fama mortalitatem vicit, nec prius quam homines desinet, aut clarorum meritorum veneratio. Hoc fato in circulum delapsa ingenii tui ubertas videtur, & promptitudo ab Annulorum veterum ductu forsan excitata, quos doctissimo Commentario nuperrime a situ vindicasti & æruginē. Imagines sunt hæ æternitatis, in qua subsistis; & dum circulo caperis, universum reciproca vicissitudine amplitudinis Tuæ cepisti, ut non tam mirer quam exultem in hos Circularis sanguinis motus devolutum, qui doctrinæ vastitate omnia complectitur. Duplicem sanguinis circuitum reciprocum in duplici venarum genere a te describi summa intellexi admiratione, forsan ad Universi ductum,

K

ductum, quod duplici revolutione in contrarium ducunt Mathematici, subinde & Tertium longo seculorum decursu adjicientes, quem nec in nobis desiderares. Dubium tamen animum versat in eodem loco & tempore motus contrarius, qui mihi ex data opinione exsurgere videtur. Locus seu medium commune est vel vena, vel Arteria: Eodem autem temporis spiramento à partibus redit, quod ab earum superat nutritione, labiturq; novus sanguis ut continuo alat: quem motum & refugit Natura ordinis servantissima, & impediunt valvulae ad unius tantum transitum, velut ostioli portitores, constitutæ. Certe apparet & ad sensum ligato brachio, nec cordi viciniore venæ inanitæ detumescerent, nec remotiores arteriæ intercepta vinculo via. Sed mihi nunquam præsumo dubia facere, quæ Ingenii Tui felicitas firmavit, aut impugnare, quæ Licetus ad aciem instruxit. Non enim dubitare licet quin hæc, aliaq; quæ novæ conjecturæ opponi possunt ab ingeniosis, ingeniosius ab Auctore operis solvantur. Interim dum legendi spem lacto, liceat coram Te ineptire ut erudiar, & sapientiæ Tuæ fonte genii mei tenuitatem temperem. Commodum autem nec Reipubl. literariæ repugnans acci-

accideret, si ex circulo, quem versas, ad centrum momento temporis desilires, ab hoc dependere fertur ille, sicut utrumq; a Liceto. Centrum communi ore cor jactatur, a quo lineæ profluunt, & ad quod reducti gyri reflectuntur. De eo talia passim divulgantur, ut nec rationi fere, nec oculis plane fidamus, adeo diversa docent Ratio, & Auctores; adeo dubia oculorum sensus. Aristotelis summi Naturæ Interpretis nota de ventriculorum cordis numero sententia, notum & vulgare de ea Doctorum nostrorum judicium, nempe errasse bonum virum, & , ut in paucis aliis, deceptum. Et sane quis aliud primâ fronte suspicaretur? Constans ejus doctrina de Hist. anim. lib. I. cap. 17. Sinum triplicem esse omni animantium generi, & ex singulis sua vasa profluere. Verum enim verò sui immemor duorum vasorum ex sinibus vulgatis exportorum ubiq; meminit, tertii nusquam: neque verbulum de Tertii istius usu notavit aliquin diligentissimus. Observationem suam communem homini vult, ut ex laudato capite est evidens. At quis tertium unquam, etiam maxime Lynceus, in humano corde vidit? Unde positionem istam Aristotelis non immerito Galenus multiplici ratione convellit

lib. 6. de usu part. cap. 9. & mox cap. 11. Quod enim in corde Veneti istius velaturam facientis observavit non ita pridem, & lib. 6. Nobil. Exerc. 1. c. 5. scripto signavit, Cl. V. Aemylius Parisanus, communem Naturæ Ordinariæ sortem transgreditur. Et quamquam sententiam suam videatur Philosophus restrinxisse ad animalia solum majora lib. 3 de part. cap. 4. tamen neque hic experientiæ consonat. Observavit quidem in bovini septo intermedio superna parte secundum ejus longitudinem sinum tertium experientissimus noster Johannes Vallæus, ut ex data ad me Epistola Priore innotuit, sed neque cum Aristotelis illo convenit, neque id sæpius ab ullo observatum: Ludit namque Natura, & subinde grata varietate individuorum sortem distinguit, ex qua in perpetuam veritatem nemo eam asserere audeat. De triplici, ni fallor, Cordis sinu in squamosa piscium specie fidem fecit Gulielmus Rondeletius lib. 3. de Piscib. cap. 14. quæ tamen de substantiæ varietate verius quam sinuum numero interpretari possumus. Nisi aliud suadeat Tua auctoritas, qua Philosophum vel asseres, vel destrues, nosq; doceas quæ vix alius seculi Doctor persuadebit. Vale Major Helicone anima, publico-

blicoque bono ferior cæli incola mortalitatem transgredere. Scripsi Patavii 4. Julii, ære Christianæ M DC XLIII.

EPISTOLA XXXVII.

De duplici sanguinis euripo.

THOMÆ BARTHOLINO

Patavium,

FORTUNIUS LICETUS.

A Summa benignitate tua, quam osculor & valetudinis meæ sensus, & existimationis meæ cultus eximius ille prodiit, quem in Epistola tua legi. Gratias tibi summas habeo de mira voluntatis tuæ erga meam incolumitatem propensione, quam scias me pari affectu recolere. Indicium vero tuum de mentis meæ qualicumq; facultate non possum non magnificare, lætusq; suscipere, quippe tui summum candorem agnosco, mirificamq; doctrinam: etsi talis esse vellem, qui tuis arduis difficultatibus æquam solutionum adhibere possem cum integritate disciplinæ Peripateticæ: Dicam tamen, ut jussioni tuæ paream, quid mihi nunc in mentem venerit de propositis. Ac sanè pauca de priore quæsito, duplicem sanguinis euripum per easdem vias eodem temporis libramento, lacessente; quoniam hac de re

latius videre poteris, quæ Cl. Veslingio nostro, consimilia roganti, perscripsi; nam hujusmodi spartam de circulo sanguinis Harveiano fusius apud eum ornare tentavi. Sane censeo jugiter tum a dextro sinu cordis per venam Cavam & ejus ramos influere sanguinem ad omnes corporis particulas alendas, quoad earum substantiam crassiores, & quod earum nutritui superest exiguum redire per eadem vasa versus cor, inde copiam spirituum & coloris uberiores recepturum, necessariam semini prolifico, in quod verti debet, ubi testes hoc ultimi nutrimenti mutati excrementum utile de trunco venæ magnæ, & per hunc a corde, ad se attraxerint: tum similiter a sinistro nuncupato sinu (quem Aristoteles medium vocat, ut mox apparebit) per arterias proficisci sanguinem ad alendam spirituosam substantiam implantati calidi, & humidi radicalis particularum omnium: & quod earum nutritui superabundat, excrementum utile rursum per easdem arterias recurrere ad eundem sinum cordis, a quo spirituum & calor influentis eam ubertatem acquirere debet, quæ necessaria est materiæ seminis prolifici, quam testes attrahunt per vasa spermatica de trunco aortæ, ac eo mediante de sinu cordis, unde
talis

tal^{is} arteria nascitur. Qui quidem uterque motus neque vere contrarius est, neque fit eodem temporis libramento, neque in eodem proprie loco, neque Naturæ turbat ordinem ullum. Non quidem contrarius est, quia non est ejusdem omnino mobilis; etenim a corde movetur sanguis multus a partibus nondum mutatus; recurrit autem ad Cor non idem absolute sanguis, verum ejus jam actione partium mutati superabundans excrementum utile, futurum semen: Quare sicuti non est vere contrarius motus chyli a ventriculo & intestin^{is} ad hepar, in quo mutatur in sanguinem, motui partiunculæ sanguinis hujus per easdem venas meseraicas (ut multi volunt) ad alendum ventriculum & intestinorum genus; quia contraria nata sunt fieri circa idem susceptibile, ut ait Aristoteles Cap. de oppos. Pd. ita vere contrarius non est motus sanguinis nondum mutati à corde ad partes per venas & arterias, motui excrementi utilis mutati sanguinis à partibus ad cor per eadem vasa. Sed uterq; motus iste vere non fit eodem spiramento temporis; nam prius à corde sanguis torus influit per venas & arterias ad mēbra singula, deinde sanguinis hujus mutati portio recurrit à membris per eadem vasa ad cor: absurdum quidem esset,

sanguinis eandem particulam simul moveri motibus cōtrariis; at vero secuti non est inconveniens eodem spiramento temporis per eundem aërem medium simul de terra leves exhalationes ascendere, atq; terrenas adustiones ad terram descendere; ignem de terra sursum scandere, pluvias ex alto deorsum agere. Sic absurdum non est, sanguinem non mutatum, à corde ad partes moveri, & antea mutati excrementum à partibus ad cor ferri per easdem vias. Præterea neq; motus iste reciprocus proprie fit in eodem loco; quia quum locus æqualis omnino sit locato corpori, locus idem duo corpora non patitur: sed in communi loco plures esse possunt partes, per quarum unam unum mobile feratur, per aliam aliud ad oppositos terminos: ut enim vena meseraica locus est communis tum chylo ab intestinis ad hepar, tum sanguini ab hepate ad intestina (de multorum sententia, quam suo loco postea considerabimus) jugiterq; motus uterq; utriusq; mobilis in eadem vena fit: ita sane nullo negotio eadem vena cava, eademq; arteria communis locus est, per quem assidue fluit à corde sanguis ad partes alendas, & simul excrementum mutati sanguinis à partibus ad cor recurrit. Neq; demum
huius

hujusmodi motus reciprocus ordinem ullum Naturæ turbat, quia Naturæ ordinem non turbat viris doctis consimilis motus reciprocus chyli & sanguinis in venis meferaicis: & revera si non perturbat ordinem Naturæ motus circularis assiduus in magno mundo notatus ab Aristotele 2. de gen. t. 59. 68. 69. 70. & 1. meteo. su. 3. c. 1. vaporum de centro, sive de terra sursum ascendentium in sublimi, ubi frigiditate aëris mutantur in aquam, quæ deorsum iterum per eandem viam descendit ad terram universi centrum: neq; turbabit ordinem naturæ jugis iste motus reciprocus in microcosmo sanguinis de corde, veluti de centro fluentis ad partes omnes per utrumq; vasorum genus ad eas alendas, & ibi mutatus in materiam futuri seminis prolifici per eadem vasa recurrens ad cor, veluti ad microcosmi centrum. Nec istiusmodi circulationem impediunt valvulæ tanquam ostioli portitores in venis constitutæ, tum quia non in omnibus venis valvulæ sunt, ubi fit sanguinis ista reciprocatio, sed in artubus & in corde tantum: tum quia ubi sunt, non ita clauduntur exacte; quin per aliquas rimas fluxui sanguinis adi-um præbeant, ut adnotat 6. de usu par. c. o. II. Galenus, & observare licet in analo-

gis valvis fluvii Medoaci, quæ tantum impediunt aquarum velociorem motum, & nimium fluxum, retardantes, non prohibentes; nam Hippocrati de corde, venæ de corde promanantes fluminibus de fonte scaturientibus comparantur: tum quia pro partium exigentia valvulæ naturali motu modo clauduntur, modo reducuntur, ut pylorus in fundo stomachi modo clauditur ante chylicationem, modo recluditur ea peracta fæcum & chyli exitui ad intestina. Deniq; vero ligato brachio, cordi viciniore venæ non semper inanitæ detumescunt, ut sæpius observavi, vel in meipso; si quando vero tale quid contingit, nil mirum est, quia cordis ventriculus dexter de proximis venis sanguinem haurit, quem per coronariam refundat in sinistrum appellatum. Arteriæ vero remotiores à corde, intercepta vinculo via detumescere conspiciuntur inanitæ; quod sanguinem tribuunt nutritioni spiritus in implantati solidarum partium nec subinde novum hauriunt, quo repleantur, nam qui recurrit à partibus ad feminis prolifici materiam in arterias, tantulus est, quo non possunt illæ repleri, tumereq; ut antea. Verum hac de quæstione consulas velim, quæ latius apud Clarissimum Veslingium

um

um nostrum differui. Nunc ad aliam tuam de numero ventriculorum cordis inter Aristotelem & Galenum potissime controverso deveniamus. Qua quidem in contemplatione primum afferenda sunt, & diligenter expendenda loca singula, in quibus Aristoteles agit de proposito, ut ejus mente plene perspecta, de illius genuina sententia rectum judicium ferre valeamus, eamq; vel abjicere, si veritati consentire non videatur, vel accipere, atq; factam rectam tueri, si veritatem in se contineat.

Perdifficilem & arduam sane quaestionem aggredimur, de numero ventriculorum cordis in animalium quoq; genere; quam passim tractant, sed breviter expediunt Medici, quippe qui censent in ea nihil difficultatis haberi, cuncta sensu metientes, vel ea quæ sensus aciem subterfugiant, autopsia sensuq; dijudicare, determinareq; volentes, non ita fortasse sano consilio. Et profecto nihil est, in quo magis cum Galeno Medici putent de Aristotele triumphare, quam dum de corde sermo fit, atq; speciatim de cordis ventriculis, quos Aristoteles asserit esse tres, at in minutissimis animalibus vix unum conspici; sed in non ita pusillis geminos apparere, in majore

majoribus aperte cerni tres amplitudine, situq; distinctos: Galenus in magnis æque ac in parvis animalibus duos cor habere semper ventriculos fatetur, ac tantum non irridet Aristotelem. Ceterum si Philosophi dicta diligentius considerentur, facile veritati consona videbuntur, & à Galeno non recte culpa-
ta. Litem istam componere nititur Avicennas l. 3. f. 2. tr. 1. c. 1. inquiens Aristotelem pro ventriculo tertio, qui medius inter dextrum & sinistrum habeatur, accepisse cavitates à Galeno quoq; notatas in septo dirimente sinum dextrum à sinistro; quod non accipimus tum quia cavitates illæ multæ sint, non una: tum quia cavitates illæ multo sint angustiores quam sinister ventriculus, quo medium Aristoteles vult esse satis I. hist. c. 17. ampliorem: tum quia de ventriculo medio vult 3. hist. c. 3. Aristoteles aortam oriri, quæ nullo pacto de septo nascitur. Præceptorum annot. in Avic. loc. cit. Cl. Costæo placuit, Aristotelicum ventriculum in corde medium esse partem ventriculi dextri ad lævum inclinantem. Sed ista pars nec est, unde nascitur aorta; nec medium situm habet inter dextrum & sinistrum ventriculum; at sinistrum appellatum medium cingit ut & dexter. Non

non defuere, quibus in septo quandoq;
perfectus fuerit sinus amplus æquans indicis
digiti magnitudinem. Verum hoc raro spec-
tatur; Aristoteles autem in omni corde tres
ponit ventriculos. Age dicta Philosophi di-
ligenter consideremus. Ait ergo primum 1.
hist. c. 17. & mox. & inferius accurate magis
3. hist. c. 3. Ex quibus apparet, Aristoteli
ventriculum cordis medium appellari eum, à
quo nascitur aorta, & arteria venosa, quæ
arteria est, venæ formam habens: adeoq; si-
nistrum ventriculum Philosopho dici parti-
culam illam, seu brevem appendicem,
quæ vergens ad sinistram partem cordis, jun-
gitur cum dextro sinu, & cum eo veluti fal-
catam lunam efficit, intra cujus cornua me-
dius ventriculus habeatur, qui dicitur à Gale-
no sinister. Quam sententiam fuisse Aristo-
telis genuinam, nemo ante me posuit, quan-
tum ego viderim, præter unum Galenum;
cujus, postquam ista scripseram, hujusmodi
verba legere contigit in libro de venarum
arteriarumq; dissectione: cap. 9. Adjungit
alia Philosophus agens de conspicuis ventri-
culis cordis, 3. de par. c. 4. Quæ sic inter-
pretabere, ut velit Aristoteles in magnis ani-
malibus cor habere tres ventriculos sensui
con-

conspicuos: in minoribus duos tantum, dextrum scilicet, atq; medium, sinistro propter exilitatem inadspectabili; sed in minutissimis unicum, dextrum videlicet, aliis duobus ob exiguitatem sensui penitus occultis. Nullumq; reperiri cor animalis absq; sinu prorsus, quod esse debeat conceptaculum sanguinis primi, tum quo sanguineæ partes omnes primo constituuntur, tum quo constitutæ primo nutriuntur. Sed revera licet inconspicui, plures tamen uno debent in corde ventriculi simpliciter esse; quoniam à corde duæ principales venæ sanguinem deducant in suos ramos plurificatæ ad universas corporis partes alendas; quarum una cava nuncupata de ventriculo dextro sanguinem crassiores sumit, affertq; nutriendis omnibus membris solidis; altera minor, aorta nuncupata, de medio ventriculo sanguinem puriorem, perferat ad enutriendam spirituosam substantiam implantati calidi, & humidi radicalis partium singularum, diversi vero sanguinis, quales sunt aortæ, ac venæ cavæ, distincta conceptacula debent esse, proindeque distincti ventriculi cordis: qui solum in magnis animalibus conspicui sunt ob cordis amplitudinem. Sed tamen melius est asserere, præter
duos

s maiores, dextrum scilicet, atq; medium
triculum, qui sunt principia venarum prin-
cipium, cavæ nimirum, & aortæ, dari ter-
tium, quem sinistrum appellamus, etsi tertius
sinister omnium minimus in magnis tan-
t animalibus conspicuus habeatur, & à
tro discretus non sit omnino dirimente
to, sed fere solo situ ad lævam partem cor-
inclinatus; quo nomine visui dicitur unum
commune principium venæ cavæ, venæq;
triosæ cum dextro; quare vena magna
tur habere unum commune principium
dextro maximo, sinistroq; minimo sinu
it in unam cavitatem coeuntibus, unde
gvinem haurit pro toto corpore vena ca-
qvum aorta principium impar habeat,
dium ventriculum: qui vulgo Medicis di-
r sinister. Dexter autem ventriculus
nium amplissimus pro capacitate sua plu-
um sanguinis continet, & ideo calidissi-
n, etenim caliditas est corporea qualitas,
in majori subjecto major est; quo nam-
nomine pueri calidiores esse juvenibus
ntur, quia in majori copia radicalis hu-
i majorem ubertatem caloris obtinent;
uvenes æstuosiori calore polleant; eadem
e ratione ventriculus dexter cordis omni-
um

um amplissimus in ubertate majori sanguinis plus obtinet caloris, quam alii sinus, qui prout angustiores existunt, ideo pauciori sanguine repleti minorem calorem habere dicuntur. Quare sinister ventriculus, qui Aristoteli est appendicula dextri ad lævam partem cordis extensa, sanguinem admodum paucum in se continet, exiguumq; propterea calorem; unde cōparatione ad alios ventriculos majores frigidissimum sanguinem continere statuitur. Medius autem inter hos ventriculus, ex quo nascitur aorta, mediocrem sanguinis copiam habens in se, mediocriter calidus eadem ratione dicitur; continet autem sanguinem puriorem, ut puta ulteriori coctione magis elaboratum; & quum amplius non recipiat novam concoctionem; ideo sanguis in medio ventriculo coctus quiescere constituitur apte ab alteratione nova in corde suscipienda, quum satis purus sit, & aptus alendæ substantiæ spirituosæ particularum omnium. Neq; vero, quod maximus ventriculus in corde semicirculari figura Lunæ crescentis appendiculam sui ad lævam cordis partem inclinatam habeat nullo à summo ad imum septo solido distinctam, sed fere solo situ, ideo censendus est unicū cum Galeno, & Medicis
contra

tra Philosophum ; tum quia duo maria
o situ discreta, nullo medio septo distincta
te dicimus oceanum, & mediterraneum ;
in mediterraneo pelagus orientale, atque
cidentale : tum quia si Medicis licet in
erebro tres, aut quatuor ventriculos agno-
ere, quia sinus varii quapiam in parte nullo
pto corporeo dirimuntur, sed solum situs &
oci diversitate ; quid aliquid simile non liceat
aristoteli cognoscere in corde ? id quidem
acile patebit si cor per transversum dissecue-
is, in quo conspicias ventriculum, à quo na-
citur aorta, medium situm retinere inter
cornua semilunaris amplissimi, cujus portiun-
cula sinistrum cordis latus occupare videtur,
quum ejusdem sinus amplitudo maxima dex-
tram cordis regionem teneat. Et revera Val-
verdii l. 4. c. 4. notatu, quamvis in cerebro
ventriculus dexter à sinistro quapiam in parte
dissepiscatur intermedio septo corporeo, tamen
in eodem viscere medius ventriculus tertius
ponitur, qui nullo septo corporeo, sed solo
situ, locove distingvitur à dextro, & à sinistro,
qui coeunt in unico illo medio, nec ipsi eo
loci discreti ullo septo corporeo ; siquidem
tertius iste mediusq; cenebri ventriculus est
communis dextri sinistriq; cavitas conjungens

continuansque dextrum cum sinistro procul ab omni discrimine septi; At vero quid Valuerdium memoro? Galenus ipfemet duos priores ventriculos cerebri tandem in unum alium terminari scribit solo situ, locique positione diremptum ab eis, non ullo penitus interposito septo: sicut scribit 18. de us. par. cap. 11. Perperam igitur 6. de us. Par. c. 9. antea Galenus accusavit Aristot. qui majoribus animalibus l. 3. de part. c. 4. tres ventriculos dederit, minoribus tantummodo duos, etenim qui dexter unus est Galeno, geminus est Arist. nempe sinister dextro conjunctus ad lævam cordis partem pertingens, & inclinans; quæ quidem inclinatio perspicua satis est in majoribus animalibus, ob cordis amplitudinem; ast in minoribus ob visceris exilitatem nulla fere visui percipitur, ac pro nulla censetur. Et revera cavitas amplissima dextram cordis regionem tendens, viscusq; veluti cingens, figura crescentis Lunæ semicirculum æmulatur; cujus tamen exigua portio cuspidem terminans alterius cornu, cordis ad partem sinistram terminatur; quam à situ propterea nuncupat Aristoteles tertium omnium ventriculorum minimum, atq; sinisterum; ut à situ pariter medium vocat, unde nasci-

scitur aorta, ventriculum, quem Galenus
cit esse sinistrum, quia voluit in corde ven-
culos distingui septo; quod tamen non
ixit esse necessarium discretioni ventriculo-
m in cerebro; sed ut Aristoteli de more
ontradiceret, sibimet ipsi contradicere non
t veritus, nunc aperte ventriculis cordis ne-
ins, quod alibi ventriculis cerebri conces-
: in eodem numeri discretionisq; proposito.
eterum si diligenter inspexeris dextri voca-
ventriculi basim, aperte comperies ab imo
ordis paululum extolli breve quoddam se-
tum usq; ad quandam altitudinem, quo dis-
escitur amplissima cavitas illa in dextrum &
nistrum ventriculum: etsi septum id non ex-
ollatur ad summum cordis apicem ab ima
asi surgens; nam ad brevem altitudinem ex-
ollitur. Sed jam videamus argumenta, qui-
us Tu V. Cl. cum Galeno Aristotelis placi-
um urges de triplici cordis ventriculo. Con-
edimus quidem Tibi, constantem esse doc-
inam Aristotelis de triplici sinu cordis in
mni animantium genere, non solum in lo-
o abs te citato, 1. hist. c. 17. sed etiam lucu-
entius alibi, 3. hist. c. 3. ut visum est: sed
egamus primo, dixisse Magistrum, ex sin-
ulis ventriculis sua vasa profluere; nam ex

medio deducit ibid. & 3. de par. c. 4. aortam; ex dextro vero atq; sinistro, tanquam ex communi principio (quippe nullo septo integre penitus dirimuntur) venam majorem, quæ cava dicitur. Dum vero scribit, 3. hist. c. 3. omnes ventriculos ad pulmonem spectare foramine perpetuo, significat arteriam venosam, quæ de medio sinu fertur in pulmones; & venam arteriosam, quæ de sinistro pariter atq; dextro, tanquam de communi principio, fertur itidem in pulmonum substantiam: ait autem omnes hosce meatus ob exiguitatem latere, quia ramuli vasorum hujusmodi tenuissimi delitescunt in substantia pulmonis; at solum sensui conspicuus est eorum caudex unus, à quo multiplices illi derivantur. Nisi etiam dicamus ea verba potius esse sumenda de sinibus cordis, ibidem 3. histor. cap. 3. *omnes sinus ad pulmonem foramine spectant perpetuo* (nimirum medius arteria venosa, quam ad pulmones mittit continuato ductu; & sinister dextro conjunctus, ac solo fere situ discretus, arteriosa vena, quum itidem ad pulmonem emittit) *sed propter exiguitatem meatuum* in exiguis animalibus hi sinus latent, *præterquam in uno*; latent enim sinister, ac medius; at unus dexter ob amplitudi-

ordinem sensui semper apparet. Similiter intelligenda sunt, quæ prius dixerat, I. hist. c. 17. *omnes cordis sinus ad pulmonem foraminibus per-
i redduntur* (omnes inquit non singulos) *quæ
s in uno tantum perspicua*; nimirum semper in
nu dextro, qui ob amplitudinem non later
nquam in ullo animali. *Inferius vero à nexu suo,
aximo sinu venæ conjungitur majori, ad quam
etes etiam sunt*; quia vena cava dextro, non
nistro ventriculo proprie jungitur. *Sinu au-
m medio aortæ annexum est*. Neq; concedimus
ristotelem nullibi meminisse usus tertii seu
nus, seu vasis; nam satis inquit usum tertii
nus, dum eum continere sanguinem frigi-
issimum ait, quo temperetur calidissimus in
extro sibi continuo contentus: Usum vero
asis aperit asserens à corde per venas sangvi-
em ad alias partes mitti, adeoq; per tertium
as, quod est arteria venosa, & arteriosa ve-
a, sanguinem ad alendum pulmonem defe-
ns. Negamus deinde Philosophum imme-
torem sui, locis aliis ubiq; duorum vasorum
& sinibus vulgatis exortorum meminisse,
rtii nusquam, neq; de tertii vasis usu verbu-
m notasse; nam ubique meminit aortæ,
næq; cavæ, dum agit de vasis, à corde per
niversum corpus ingredientibus, tertii vero

meminit hic solum, dum de vase à corde in pulmones diducto sermonem agit; quod geminum est, arteria venosa, & arteriosa vena, de quibus sub unius nomine peragit, quod ad unum pulmonem terminatur: de vena cava, & arteria aorta, sub numero multitudinis agit semper, quod ad plures, omnesve corporis partes terminantur, nedum quod à duplici fonte cordis enascuntur. Concedimus etiam, Aristotelem observationem suam terni sinus in hominis corde communem esse velle; negamus neminem unquam in humano corde tertium vidisse sinum; etenim qui tertium & quartum in humano cerebro sinum viderunt, à dextro sinistroque sola positione situs, nec ullo corporeo septo discretum, Anatomici passim omnes cum Galeno, licet acie lyncea non sint, iidem cum Aristotele videre potuerunt in humano corde tertium sinum, qui dextri maximi parvum est appendix ad lævam cordis partem vergens, una situs positione, nullo integro, sed exiguo surgente potius quam intermedio septo corporeo determinata à sinu dextro. Nec tertium sinum voluit Aristoteles, quem præter ordinarium Naturæ cursum aliquando conspexerunt in septo diligentes Anatomici, sed quem semper Natura posuit in apice semicirculi prope basim dextri maximi ad lævam

vam cordis partem vergente. Neq; enim su-
n sententiam de tertio ventriculo restrinxit
ristoteles absolute ad animalia solum majora,
ponitur; sed omnibus animalibus tres cordis
us assignavit, sive magna, sive parva sint, ut
re constat ex allatis antea 1. hist. c. 17. 3. hist.
3. de part. c. 4. locis; at solum tres ob mag-
udinem sensui conspicuos esse constituit in
ignis animalibus, in parvis duos tantum vi-
ri, tertio propter exilitatem sensus aciem sub-
fugiente, in minimis ob eandem causam u-
um dextrum apparere, duobus aliis oculo
nitus occultis. Neq; quod ob exiguitatem
et, ideo non esse nemo recte dixerit: nam
multi cæci meatus in humano corpore sunt,
os vel ipse Galenus 6. us. Part. c. 10. invisi-
es esse fatetur. Cujus propterea rationes
ntra tertium sinum cordis ab Aristotele pro-
situm minus momenti habent, quam prima
nte continere videantur; etenim ad pri-
m. 6. de us. part. c. 9. concedentes, quibus
malium pulmones insunt, iis dextrum inesse
dis ventriculum: negamus ideo non omni-
animalibus eundem esse numerum ventri-
orum cordis: etenim dexter ventriculus
est ob pulmones at ob venæ cavæ de-
tionem ad omnes corporis partes alendas,

ut sinister est, five medius Aristotelis ob arteriæ aortæ perductionem ad singula membra spirituofo sanguine reficienda : ventriculi siquidem cordis Hippocrati de cord. sunt fontes humanæ naturæ, adeoq; Aristoteli conceptacula 3. de part. an. cap. 5. prima sanguinis per univèrsum corporis habitum derivandi per venas & arterias, veluti per flumina, quibus totum corpus irrigatur; fontes autem sunt gratia fluminum, non in alium finem instituti: quare sinus dexter cordis est gratia venæ magnæ sanguinem ex eo deducentis in univèrsum corpus, non gratia pulmonum. Sed pulmonum gratia est arteriosa vena simul & arteria venosa, quibus alitur pulmo, & cor in animalibus respirationem habentibus refrigeratur. Quare pulmone carentia carent arteriosa vena, & arteria venosa, non autem dextro sinu cordis; quum vena cava non careant, cujus deductio est ab eo ventriculo dextro. Quin & multi pisces voce, pulmoneq; carentes, in corde plures habent ventriculos; unde dexter non est gratia vocis, & pulmonum. Addimus, ut in quibusdam animalibus, perfectioribus nempe, sexus distinctus est maris & feminae, sed in aliis imperfectioribus sexus indistinctus est, uterq; tamen inest, ut

ut est in plantis; ita cunctorum animalium corda tres habent sinus sed alia distinctos, alia visui non distinctos, quorum dexter est sinistro conjunctus, unde prodit vena cava, medius unde arteria aorta; quæ vasa sunt in omnibus animalibus habentibus cor, & sanguinem. Ad secundum concedentes, eandem cordis fabricationem habere bovem, & equum, qui maximi sunt, & minimum passerulum: negamus Aristotelem proprie simpliciterq; definivisse numerum ventriculorum cordis ad magnitudinem corporis, & parvitatem, multitudinem eorum referendo. Siquidem apertissime constituit 3. hist. c. 3. omnium animalium corda, tam majorum, quam minorum, tres habere sinus; at in majoribus hosce ventriculos omnes aspici visu; sed in minoribus minimum omnium, qui sinister est, oculis obliterari; solum duos inspicere posse majores; in minimis autem animalibus visui non apparere nisi dextrum unicum omnium amplissimum, verba Magistri clara sunt, hic repetenda: habent intra se corda omnia sinum triplicem, sed magnitudine varia: minutissimorum enim animalium sinus arctiores sunt, ita ut unus, qui amplior est, vix conspici possit; reliqui sensum effugiant: medi-

ocrium animalium secundus etiam conspicuus est: maximorum perspicui omnes possunt. Quando vero alia scribit alibi, 3. de par. c. 4. non de ventriculis absolute tractat, ut Galenus opinatur, sed de sinibus visui conspicuis qui tres in corde magnorum animalium habentur, duo spectantur in minoribus, unus tantum in exilimis. Ita sane visus in corde bovis, & equi conspicit appendiculam dextri ventriculi ad lævum cordis latus attinentem; exigua septi parte distinctam: quam observare non potest in corde passeruli; in quo tamen sinum medium conspicit, è quo nascitur aorta; sed in minutissimi animalis corde non potest visus agnoscere nisi sinum dextrum ceteris ampliore, duobus aliis ob exiguitatem non apparentibus, in corde tamen existentibus è quo nascitur aorta. Ad tertiam concedentes, Naturam non facere diversas, aut immutare instrumentorum formas pro corporis magnitudine, aut parvitate: sed in ipsa constructione propositam habere sibi seu scopum, actionis varietatem: observamus, quod negare non potest Galenus, Naturam pro corporis magnitudine, aut parvitate, facere diversas, & immutare instrumentorum moles, ac magnitudines: adeoque
subji-

subjicimus, quod etiam Galenus 6. d. us. Part. c. 10. non diffitetur, meatus, atq; sinus magnos esse conspicuos, mediocres itidem non omnino latere sensum, sed exilimos esse cæcos, & inconspicuos; unde recte scribit Aristoteles, in majoribus animalibus tres esse conspicuos sinus cordis, in minoribus duos, in minimis unicum, qui ceteris amplior esse solet. Ad quartam concedentes, utilitatem vocis in piscibus plurimis, quibus frigidius est temperamentum, esse nullam, ut qui degant in aqua semper, nec usum spirationis; quæ duo sunt in avibus, & animalibus gressilibus: negamus piscibus hisce nullam esse dextri ventriculi cordis utilitatem: Nam & Rondeletius diligentissimus observator naturæ piscium, tres in eorum corde sinus oculata fide testatur, adeoq; dextrum; quos quidem sinus ad varietatem substantiæ solidæ referre, nimium magna petitio mihi videtur. Et quum pisces cor habentes, alantur sanguine more ceterorum animalium sanguineorum; ut in aliis cor per venam cavam è suo dextro sinu subministrat solidiori substantiæ partium ultimum alimentum, & per aortam arteriam ex alio ventriculo suggerit implanato spiritui membrorum itidem ultimum alimentum tenuius;

nūjus: ita sane piscibus inesse debet dexter ventriculus, è quo vena cava crassiorem sanguinem deferat ad alendas partes solidiores. Galeno vero venam cavam ex hepate, non ex corde nasci, negat omnis Peripateticus. Qua de re nos latius in propria quæstione tractavimus, quam in eo opere videre poteris. Hæc sunt, Vir Clarissime quæ tibi rescriberem in præsentia respondens ad tua quæsitæ. Vale & me ama. Dabam Patavii XIII. Julii M. DC. XLIII.

Impresf. Utin. 1646.

EPISTOLA XXXVIII.

De circulatione dubia, & cornuto gallo.

THOMÆ BARTHOLINO.

Patavium.

Probe curatas ultimas meas gaudeo, in primis quod observata à me in futura lambdoidea officula non displicuerint. Anxiè librum tuum de Luce Animantium expectamus. Quas ponis hypotheses licet concedamus, restat nihilominus adhuc nodus, cur quædam animalia luceant, quædam minus, quid illis concefferit natura quod his negavit, etiam in ejusdem speciei individuis. Hoc est,
cur

cur inter omnes carnes agninas, quas in macello Monspeliensi vidisti, unica illa solum relucebat. In eo negotii cardo verti videtur, ut ostendantur causæ quæ faciant ingenitam lucem magis lucere in uno, quam alio. Sed hæc omnia à Te expedita arbitror. Eruditissimum Licetum controversiam de sanguinis Circulatione, satis, ut mihi quidem videtur adhuc dubiam, eximio ingenii sui acumine excussisse, lubens audio. Procul dubio solidi quid in quo animus acquiescet, exhibebit. Ego hujus negotii decisionem ex Anatomia & autopsia pendere arbitror. Mihi, quos hic olim ventilandos proposui scrupulos nondum exemerunt Harvæus aut Walæus. Cur quæso Natura operosior fuisset in arteriarum quam venarum structura, si eundem humorem continere debuissent? Cur per plura id præstitisset, quod per pauciora potuisset? Cur cum arteria secatur id non sine vitæ fiat periculo, venæ verò impune aperiuntur, si idem sanguis in utrisq;? Nonne ocularis demonstratio docet sanguinem in arteriis contentum ab eo qui in venis consistit, differre substantia, colore, subtilitate omnibusq; proprietatibus? perpende quæso an sanguis ab arteriis in venas

nasferri possit, sine comite spiritu vitali, qui illo multo subtilior, mobilior & ad penetrandum aptior. Sed nolo hanc controversiam meam facere. Has omnes difficultates vitare videtur Liceti sententia, quæ eo quoque futura plausibilior, si ad rationes firmas accesserit *αυτοψία* & observationes accuratæ. Pro icone Galli cornuti gratias ago maximas, sed arte & mangonio talem redditum suspicor. Nosti mulierculas nostras, cum castrando ex gallis capones faciunt, cristam amputare, ac in ejus locum calcaria ejusdem avis substituere, quæ coalescunt, crescunt, & in cornuum visendam formam augentur. Hoc hic factum mihi persuadeo. Celeberrimum Licetum, Rhodium nostrum, fratres & consobrinos vicissim meo nomine officiose saluta, ut & Bordingium, de illorum ad nos reditu per occasionem certiores me redeo. Sed ingemino iterum iterumque tritum illud Tullii: Valetudinem tuam cura diligenter. Hafniæ 7. Julii 1643.

T.

Olaus Worm.

EPISTO.

EPISTOLA XXXIX.

Dubia de luce & circulatione soluta.

OLAO WORMIO

Hafniam.

Dubia eruditissima sunt quæ officiosis literis & auro contra æstimandis annotasti contra lucem meam, & circulationem Harveanam, quæ tacitus magis venerabor, quam operose contraſtrepam. Tua enim auctoritas mihi pro ratione est. Eo tamen es candore, ut ægrè non feras dubitantes, quum etiam olitorem non fastidias oportuna loquutum. Plerasq; difficultates expedi in lucente libro. Cur autem ingenita lux magis subinde luceat in uno animali, quam alio, variæ esse possunt causæ, vel ratione subjecti vel causarum externarum vel ipsius lucis connatæ. Ratione subjecti, si compactius sit corpus, lucemq; comprimat, & putredini non ita obnoxium, qua laxatur corpus ut luci egredienti pateat aditus. Causæ externæ quoq; promovent splendoris manifestationem, si aëris ea sit dispositio, ut facile resolvatur corpus. Ita hoc veris tempore Monspelii carnes pleræq; ad putredinem disponebantur, & ideo pleræq; in macello splendebant. Sic de piscibus & ligno notum est, splendere, si pu-

si putrescant. Ipsa deniq; lux se exserit si copiosa sit, si à causa quacunq; vel vinculis laxetur, ut se exserere possit, vel condensetur, ut videatur. Sic in cœlo non omnes partes lucent; sed eæ tantum quæ in stellas condensantur & cometas. Nec semper lapis Bononiensis lumen concipit & conservat, sed tantum calcinatione præparatus. Circulationem suam Cl. *Licetus* quomodo defendere queat, non video, quia experimentis destituitur, solis rationibus contentus. Res vero hæc tota ex vivis sectionibus dependet. Cur natura diversam arteriarum & venarum fabricam molita sit, hanc circulationis fautores causam reddunt, quia arteriæ moventur à sanguine spiritibus propter cordis viciniam turgido; venæ verò quiescant & sanguinem recipiant, qui deferbuit longo itinere postquam partes meliorem substantiam ad sui nutritionem suxerunt. Eadem causa est, quod periculosa sit arteriarum sectio, quia scilicet difficulter reprimitur arteriosus sanguis ob spiritus copiosos, deinde quia partes privantur suo nutrimento quod per arterias ipsis apportatur. Quantum ego potui ex circulatione comprehendere, differt quidem uterq; sanguis, quod alter subtilior & facilis motus, crassior

crassior alter & difficilis, præterea quod venosus non nutriat, sed solus arteriosus; verum id circulum non impedit, quo minus ex arteriis in venas sanguis commeet, & locum mutet, & pro loci mutatione variet. Exemplo rem illustrabo. Aqua per canales in hortum deducta, sicut in Provincia Gallia & Narbonensi tractu per molas fit, eadem initio est qua proximè hortum per primos canales ingreditur, at segnior deinde eadem aqua procedit ubi canales sunt longissimi & à fæcibus horti inquinantur, transitq; aqua in ipsas areolas. Sed de his balbutientem rectius ad doctiores remiseris. Fiduciam tua humanitas facit quod ea quæ necdum accuratè didici, titubanter proferam. De amicorum, quos salutas, ad vos reditu, nihil certi scribo, quia necdum Italiam perlustrarunt. Valetudine impediōr quo minus plura addam, & quotidianis ægrorum cum Medico sene venerando Jo. Dom. Sala visitationibus. Vale, Affinis optime, & me ama. Patav. 13. Aug. 1643.

T. T.

Thomas Bartholinus.

M

EPISTO-

EPISTOLA XL.

Quomodo apud Columellam Vipera sublimiores domos perreptat.

MARCO AURELIO SEVERINO

Neapolim.

REsponsum dudum debui eruditissimis Tuis pagellis, quibus ad mentem Bilbilici Poëtæ de pustulis lucentibus me erudivisti: Enimverò non fallaci genio ad eum devolvi hujus dubii explicationem, quem majoribus parem dudum existimavi. Commodo sanè loco inter lucis meæ tenebras hoc lucis majoris sudum prænitebat, ut sciat orbis & quanti ex merito Severinum æstimem, & quantum lucis à Tanto Viro diffundatur. Sub prælo jam sudant Observationes meæ de Unicornu levi brachio exaratae, in quibus etiam illustre nomen tuum ad partes vocavi data de Viperis Unicornibus occasione, ut brevi forsitan ex transmittendo exemplari pro ingenuitate tua ipse judicabis. Nunc jam de Vipetis vestris occurrens dubitatio responsionem tuam præstolabitur quam ad vos iturus frater repetet. Metuisse quondam Columellam Rei Rusticæ scriptorem eximium lib. 8. c. 15. ne feles aut Vipera (l. 8. c. 3. coluber) sublimiores domos perreptent, mirum mihi inprimis visum est,

est, quum humi serpens vivipera, nihil minus quam alta cogitet. Apud Columellam igitur pro Vipera legendum viverra censuit Vir summus P. Victorius, quod an rectè, ab alio nolim exquirere, quam à Severino. nostro Naturæ arbitro & intimiore mysteriorum scrutatore, cui perennaturam magnæ famæ vitam voveo, eruditionis illius indefessus cultor. Officiosissimam salutem nomine meo nunciabis Cl. Viro Mario Schipano Parentis amico veteri, quem lætus humanis adhuc interesse accepi, utinam diu. scripsi Pat. XVII, sept. 1643.

T. T.

Thomas Bartholinus.

EPISTOLA XLI.

*De Vipera scandente apud Columellam
Responsio.*

THOMÆ BARTHOLINO

Patavium.

MARCUS AURELIUS SEVERINUS

QUod hebes quidem iudicium meum dubiis in plerisque quæstionibus persæpe consulas, Bartholine solertissime, video jam honorificentiae tuæ proprium characterem.

M 2

Quid

Quid enim ego sus Minervam? Nam neque admirandam ingenii tui lucem ac perspicaciam hic dicendo equidem attrectem; tum ne hanc infantia ipse mea turpiter detrectem; tum ne videar virtuti tuæ palpum dare. Verum quantumcunq; ineptus modo morigerus suam hanc quæsito paro responsionem. *Neossotrophii tota maceries opere tectorio levigatur extra intraq; , ne feles aut Vipera perrepat.* Verba sunt Junii Moderati Columellæ Lib. 8. de Re Rust. Cap. 15. proposita. In quibus Petrus Victorius vir in castigandis bonorum autorum codicibus exercitatissimus in Adnotation. ad Colum. recte visus est sibi suspicari mendum subesse: quod reptanti alioqui natura viperæ minime consentiat in columbarii pullos aspirare: quod opus privatum est animantium, quæ unguibus in sublimes conscensus niti queant. Sic accommodate pro *Vipera* substituendum voluit *Viverra*, quæ Latina vox id valet quod *ζάλη* Græcè. Adversionem quidem principio sagacem, & ingeniosum certe commentum. Verum si condonent id liberi à perturbationibus manes, lubricum, ac facile, id est, quod non expendit cuncta, Victorii iudicium porro monstrabo; & quam
rectissi-

rectissime constare sibi locum Columellæ, & vanam nullamq; fuisse castigatoris restitutionem; quam tua, Bartholine, solertia mea quidem opinione funditus intuita, præcisa ad omnem modum interrogatione subodorata est. Primum enim te non latet fama, qua perhibetur foetas mature vipersas super arboribus ad partum conniti consuetas, quæ vulgaris prædicatio si falsa sit: attamen non fallent summatum quorumq; virorum testimonia, quibus singulis aut omnibus insania sit obloqui, vel contra sentire, utrum amas rogo, juniorum recentem experientiam, an indubitabilem veterum auctoritatem? utrorumq; nos utramq; producemus. E junioribus confidis sedulitati Hieronymi Cardani, qui in Lib. 7. de Varietate plures, ait, viperæ super arborem serpunt. Varinus autem ex Scholiis ad Vespas Aristophanis, inquit, mures ac serpentes orophiæ dicuntur, quæ circa ὄροφας, hoc est ædium tecta versantur atq; erodunt. Ante hos vero est consultissimus animalium indagator Albertus, qui viperam ramos arboris emensam cum pica pullos agnatæ defendente colluctatam narravit. Venio nunc ad amplioris notæ viros, quorum primus est Nicander, qui in

M 3 The-

Theriacis Draco, ait, avium omnium nidos invadit. Neq; vero te moveat suspicatio de alatis: nimirum meminuit Ælianus Dracones, ut elephantis arborum ramos ore decerpturis insidientur, in has prius serpere. Post Nicandrum audi Philostratum in Apollonio, qui non obscure scripsit serpentibus conscendi sublimis avium nidos. Accedit Oppianus, qui Laur. Lippio interprete Lib. 5. de Piscib.

Et veluti serpens, qui tigno nactus ab alto

Altis est verna pullos sub tecta sonantes

Maclat, & occisos subicit sub dentibus artus.

Ab his non dissentit Ael qui Lib. Animal. 13. de Jaculo serpente differens, ait: *Persepe etiam correpens in arborem ascendit: Qui & alibi draconem mensa conscensa eputem commemoravit.* Est & in Anthologiæ. 1. 13. Epig. postremo Poëta, qui conscendentis in arborem aspidis meminit. Ad hos Constantinus de Agricultura Lib. 14. Cap. 5. *Serpentes non infestabunt columbarium, si in quatuor anglos columbarii inscripseris.* Id Adam rei non ignoravit Epiphanius, qui Lib. 2. Tom. 1. contra Hæreses narrat è Physicorum nescio quorum traditione myoxi, id est gliris,artos catulos à viperis venatione corripì. Qui glirres præterquam in glandiferis, id est celsis arboribus

boribus non nidificant. Hæc Græci pleriq; Cæterum Latinorum neq; Terentius Afer istius facti non meminit in Phormione dicens; *Anguis per impluvium decedit de tegulis.* Sed & Plinius in Cap. 12. Lib. 8. Histor. Natur. ait: *Mira animalium pro se cuiq; solertia est, ut iis una scandendi in tantam altitudinem difficultas. Draco itaq; iter ad pabula speculatus ab excelsa se arbore iniicit.* De Acontia nunc seu de Jaculo serpente sermonem feram. Recte Isidorus: *Exilium in arboribus, & dum aliquod animal obvium fuerit, jactant se super illud, & perimunt:* Et Albertus ait: *Acontias in arboribus latere.* Et alibi: *occultantur inter folia sub arboribus.* Et Vincentius Belluacensis: *Jaculus est serpens, qui arbores subit.* Ita & Petrus Andreas Matthiolus in Commentario; & Solinus: *Jaculos ex arborum ramis vibrari vulgatum dixit; alias vero: Jaculi arbores subeunt.* Et Luc. Pharsaliæ nono:

Ecce procul sævus sterilis se robore trunci

Torsit & immisit, Jaculum vocat Africa serpens.

Verum aliis longe plurimis dimissis adversus Petrum non aliis armis pugnare velim, quam suis ipsius, id est verbis Columellæ, qui non finit imponi nec suaderi nobis aliud, quam quod modo dictum est in Lib. 8. cap. 14.

ajens : *In anserum struendis cellis servanda sunt eadem quæ aliis generibus pullorum, ne coluber, ne vipera, felesue, aut etiam mustela possit aspirare; quæ fere pernicies ad internecionem prosterunt teneros.* Quo effato quid clarius? quando & coluber hic nominatur uti vipera, & quando etiam mustela similiter memoratur, quæ cum viverra congeneris est. Neq; nostræ sententiæ minus facit locus Columellæ, in quo Victorius offendit. Nempe cum dicit Romanus Author: *Neossotrophii tota maceries opere tectorio levigatur extra intraque, ne feles aut vipera perrepat;* apparet his verbis levigandam esse maceriem opere tectorio, ut per hoc recta (quod Varro dixit in 3. de Re Rust. Cap. 13.) id est levis & polite incrustata sit: nam secus videlicet viperam per aspera correpere facile quiret. Igitur Victorio ne sua sibi opinio quid imponeret, vel ipsa Columellæ verba fuerant satis. Quippe per aspera & scabra perrepere ascendendo rectè vipera potest; per levia vero & polita non potest. Hæc quidem magni momenti sunt: verum longè maxima sunt, quæ mox subnectam; id est naturalia viperæ organa, & fabrefactæ ad usum ascendendi particulæ. Siquidem adnotarunt prior Isidorus Hispalensis in opere de

re de Originibus, & posterior H. Cardanus in Lib. 7. de Varietate Cap. 29, costis quasi cruribus, & squammis quasi unguibus uti serpentes ad incedendum, ac sese quoquo modo deferendum. Quarum quidem squamarum fabricatio tam nobilis est, tam luculenta, ut Virgilius accuratissimus observator astantes appellarit squamas in hydro per hæc: *Vipera & attonitis squamis astantibus hydri.* Id est mea quidem interpretatione arrectis sic, ut quasi adstent, metaphora ex animatis & providis ad inanima traducta; pro (astantibus) autem cum promptius dici fuisset (*horrentibus*) gravius fit argumentum nostrum, quod electum est dici (*astantibus*). Cæterum placuit Æncid. XI. dici: *Arrectisque horret squamis, & sibilat ore.*

Est igitur astantium squamarum epitheto energiæ plurimum, ut dixi. Nimirum serpentibus per antedictos autores surriguntur squamæ non aliter, quam histricibus spicula. Dixi de Serpentium ἀναβάσις, atque ad sublimia conscendendi facultate. Cæterum, ut longè superet admiratio; possunt & per semet rectas aliquandiu se sustinere viperae. Nec me fallit Ælianus de Animal. Cap. 18. *Quibus surriguntur, ait, ita viperae, ut extrema cauda*

nixæ rectas celsasque se constituent. Tali ad unguem positu in nomismate Æsculapii in sculptas apud Sebastianum Ericium legeris binas utrinque medias binas baculis suffultas; has quidem, ut ego interpretor, indicandæ minus integræ sanitati, illas vero absolutæ integritati. Sunt igitur indita instrumenta, & sese sursum attollendi, & in sublime ascendendi viperis: nam & cauda niti possunt. Audi magnum Albertum, qui ait: *Pareas est serpens, qui quasi totus erectus graditur super caudam, & partem corporis caudæ conjunctam.* Lonicerus item Nicandri Moluros serpentes interpretatur, quasi cauda ingredientibus: & Ælianus alicubi Dracones, ait cauda ad terram adniti, reliquo erecto corpore. Quin & complexæ viperæ mutuis inter se spiris in coitu venereo rectæ se sustinent, ut Abbatius in Lib. de Vipera Cap. 16. nec non observatores alii ferunt. Adeo nimirum metaphreno validi sunt serpentes. Quæ si perpendisset aut si novisset Victorius, itemque illud Virgilii Georg. 3. certè summum; *Aut tecto assuetus coluber succedere, & umbræ;* haud quicquam hercules in codice Colum. emovisset, verum cuncta præter castigationem adornasset, & authoris prudentiam peculiariter explicasset.

Quæ

Quæ mihi per hanc epistolam edisserenda visa sunt, quatenus honestæ tuæ, Bartholine, petitioni satisfacere solennique tuæ circa pulcras adversiones sedulitati obsecundare libuit. Cæterum si quid in his desideres amplius, perpetuarum mearum commentationum occupationumque multiplicium angustis id condones rogo. Præterquam tui amicorumve causa quicquam alieni subjecti subire non patior in præsentî. Ex adverso nulla est tam obstricta, tam excellens gratia, quam tuæ, Bartholine, comitati non habeam nunc, referendam vero & rependendam non servem postero tempore, quod nomen meum pro virili tueris. Obscurior equidem illustrari per viros authoritatis probatæ quid non amem, qui gloriolæ dulcedinem & non vulgarem amo? Disertissimo Rhodio plurimam à me dic salutem, suadeque ut me non scribentem ferat, dum ei Messanensem Hortum Castelli reddendum curem. Fratris adventum tui, ejus credo quem abs te tertium non adhuc cognovi, percupide opperior, tum ut hunc quidem private, tum ut te in eodem pernoctem specimina Bartholinæ domus, simul etiam cum Bartolo, clarissima. Qui tres omnes feliciter valete. Cl. Viro Jo. Veslingio plurimam.

mam meo nomine salutem imperti. Neapoli
Idibus Octobris Anno M. DC. XLIII.

EPISTOLA XLII.

De salvatella sectione, &c.

THOMÆ BARTHOLINO

Romam.

JOANNES VESLINGIUS.

HAbeo, juxta cum M. Aurelii Severini, gratissimas literas Tuas, quibus non minus itineris Neapolitani feliciter exacti, quam affectus in me constanter servati certitudinem agnovi, cui pari semper animi devotione litaturus sum, quamdiu sensum cœlestis favor, ac vitam mihi indulserit. De Aldrovandi, & Metallicis Kircheri edendis valdè lætor: nondum enim hujus argumenti quicquam hætenus vidi, quod palati mei aviditatem explere potuerit. Grata quoq; futura sunt, quæ de fructibus Romanis dabit Ferrarius. De salvatellæ sectione quæ contra Spigelium nostrum protulit Severinus; parum lacertis ipsius digna videntur: quæ cum judicio meo permetteret, respondebam pro Adriano paucis, & forsan sufficienter. At hæc quoq; protinus typis divul-

divulganda Volckamero commisit, utcunq;
nondum ut ex literis ejus à Te transmissis con-
jicio, vel visa, vel expensa. Quibus plantis
amphitheatrum vel consperferit, vel ornarit
Panarolus, libenter observarem. Quæsoemas
quicquid est, & cum occasio se dederit trans-
mitte. Pretium ubi, & cui jusseris solvendum,
refundam libens. Tractatus meus de Opobal-
samo veterum, jam luce publica frueretur, nisi
homines miselli, qui Arabica ligno incidere de-
buere, defectu characterum, operas hæcenus
retardassent. Illustrissimum Equitem de Puteo,
Clarissimum Baldum Baldum, P. Servium, &
Leonem Allatium officiosè veneror. Vale
feliciter, & frequentationibus literis Tui deside-
rium nobis temperes. Patavii Prid. Decemb.
An. cIdo Idc XLIII. Inclusas ad M. A. Se-
verinum curare Neapolin ne graveris, rogo.

EPISTOLA XLIII.

De Medicis Romanis.

CAROLO AVANTIO RHODIGENO Patavium.

QUod incultis meis literis humanam adeò
responsionem reddideris, est quod mihi
gratuler. Res meæ publicæ & privatæ Tibi
debe-

debebunt meram salutem, quam tanto fervore urges. Omnia ad Rhodium nostrum perscripsi, qui benignus horum erit interpret. Aldinus Corvinusq; tui causa me amant. Ille draconis cornuti Sceleton promisit ubi per negotia licuerit. Meditatur idem dissertationem de Herba Medica, & de coralliis. Ferrarii Horti Hesperides ad umbilicum fere perducti, in quibus, nisi fallor, limonium vestrum prægnans triplici cortice observavi. Parvi momenti est Catalogus Plantarum Amphitheatralium nuper cum observatiunculis datus à *Panarolo* discipulo Castelli, cujus copiam faciet frater meo nomine cum venerit, ut & Ovidii, in quo inveniendo hætenus desudavi. Characteres Arabicos à *Kirchero* Viro magno mihiq; amico promissos, quotidie expecto, nec longas moras spero. Mittantur expetita semina à *Corvino*, tuoq; horto consecrantur, nempe Capsicum Siliqua lutea, rotunda, falcata, olivari, cordata: Quamoclit. Cucumis anguinus. Canna Indica flore rubro: Melissa molucca: Nigella omnium specierum: Sabdariffa: Bamia: Ricinus americanus: quæ desiderantur, habere non potui, unde veniam cum illo mereor. Pauca sunt quæ jam operas Typographicas exerceant, nisi

nisi opusculum cujusdam Monachi de Infirmis
Vita Humanæ, claustris ejus dig-
num. Collegii Romani Professores hoc tem-
pore & multi sunt & eruditi. Medicinam hoc
anno profitentur sequentes: 1. *D. Alexander
Menghinus* de monte Illunio h. 15. matutina
morbos mulierum prægnantium explicat. 2.
D. Joseph de Sanctis Æquicola Reatinus, & *D.
Petrus Servius* Spoletanus, in Med. Theor.
Hipp. prim. Aphor. sect. 6. 16. mat. commen-
tantur. 3. *D. Jo. Bened. Sinibaldus* Leonissa-
nus, in Med. Pract. Extraord. Hipp. de affect.
libros h. 17. exponit, 4. *D. Jo. Maria Ca-
stellanus* in Chir. & Anat. de Tumoribus p. n.
h. 20. pom. tractat. 5. *D. Sylvester Collicola*
Spolet. Med. Urb. 8. *D. Jo. Manelphus* de
Monte rotundo in Sabinis, & *D. Baldus Bal-
dus* Florentinus in Med. Pract. de febribus do-
cent hor. 21. Diebus vacantibus docent *D.
Sinibaldus* in Simpl. Medic. de Vinis artificios.
hor. 15. *D. Jo. Trullus* Verulanus in Chirurg.
extr. de Lapide Vesicæ h. 16. Singulorum
opera non recenserebo, quia Tibi cognita, &
orbi universo, quæq; *Zacchias* in publicum e-
misit, de quæstionibus legalibus, melancho-
lia hypochondriaca, de Victu quadragesima-
li, ab omnibus leguntur & laudantur. Quid-
quid

quid præterea scire aves, verbulo indicabis, ad quævis enim officia propter summam eruditionem & perspectum animum faventem mihi, obstrictum me profiteor. Vale, Vir Inclyte, meq; ama, Romæ 4. Decembr. 1643.

T. T.

Thomas Bartholinus.

EPISTOLA LXIV.

Responsio.

THOMÆ BARTHOLINO

Romam.

Cultissimis literis Tuis, Bartholine clarissime, jucundius nihil contingere mihi poterat. Ex iis enim manifestè perspexi Te mei memorem semper vivere, & grata mente recolere sincerum amorem, quo Te semper prosecutus sum. Laudes verò, quibus tenuè ingenium meum commendare studes, in me non cognosco, vereorq;, ne idem Tibi contigerit, quod iis qui conspicillis utuntur, quibus objecta apparere solent longè majora, quam revera sint. Verum quod ita de me sentias, non possum mihi de tali iudice non gratulari. Sardus Typographus Venetius characterem græcum nactus est, quantum in hisce

—hisce regionibus sperari potest, non inelegantem. Is operi tuo manum admovebit, ubi primum Dn. Rhodius *ἀντίρροον* tuum ipsi tradiderit: qua de re illum statim monitum faciam. Ego interim urgebo opus & castigabo moras, nec quicquam diligentiae aut sedulitatis in me desiderari permittam, quo & affectum meum Tibi probare, & beneficiis quæ in me contulisti, leve aliquod redhostimentum reponere valeam. Multum enim Tibi me debere profiteor, Vir amicissime, quod in conquiendo Ovidio rem meam ad unguem egeris, semina miseris, & Romanorum Medicorum labores perscripseris. Scribo hodie ad Corvinum, petoq: alia quædam semina, quorum ille copiam habere scripsit. Affectui & amorì in me Tuo acceptum referam, si illum adiveris, impetrataq; alicui populorum tuorum commiseris. Quod reliquum est, ineuntis anni curriculum, qua animum, qua corpus spectat, Tibi faustum, fortunatumq; evenire precor & opto. Sic votis meis gratiam suam aspiret supremus rerum opifex. Vale Vir Cl. & mihi molestas avocationes benigne ignosce. Patavio Prid. Cal. Jan. M. DC. XLIV. T. addictis.

Carolus Avantius Rhodiginus.

N

EPISTO-

EPISTOLA XLV.

De materia Solisequa.

Tuas 20. Novembr. Romæ datas, ultimo Decembr. probè accepi. Gaudeo Neapolitanum iter ex voto successisse, teq; tot illustrium Virorum familiaritate auctum salvum Romam pervenisse. Cæterum ultimas nostras, licet doleam interceptas, nihil tamen meæ continebant peculiare, præter Avi, reliquorumq; amicorum desideria, quibus reditum ad nos tuum urgebant, & adhuc urgent præcipite labente occasione, qua tuis commodis prospectum cupimus. Quod de Museo meo locupletando sollicitus adeo sis, gratias ago maximas, ejus ante annum editum mitto catalogum ut videas quantum desideretur ad universæ naturæ complendum Theatrum. Ex eo quo editus haud parum mea crevit supellex. Litheosphorum Liceti nec quo ad rem, nec quo ad verba videre adhuc contigit. Fratri Bartolo apud vos adhuc existenti ea de re scripsi, sed num secum tulerit ignoro, siquidem Parisiis adhuc degat. Nec vidimus tuum de Luce librum, ut ad umbilicum perductus an sit dubitemus. Parentis Anatomiam, si (ut olim monuisti) recudere

dere gestiant Typographi vestri, ne manum operi adhibeant, antequam Hermannii Conringii de Sanguinis Generatione & motu legeris Tractatum, hortor. Multa in eo libro invenies paradoxa, & vulgatis Anatomicorum decretis contraria, quæ forsan instituto servient. Moltkenii fasciculum Venetias appulisse certa relatione accepimus, ut Tibi destinatum Monumentorum exemplum habeas, monendum duxi. Romæ si adhuc hæreas, ac facultas sit Kircherum conveniendi, vide expiscari ut possis quænam sit illa materia, quam ab Arabe quodam emit, quæ solem indissolubiliter sequatur, ut pluribus docet in Magnetismo Plantarum fol. 645. edit. Coloniensis. Rerum nostrarum status solito turbulentior jam est, Deus pacem largiatur optatam. Vale. Hafnia ultimo Decembr, 1643.

T.

Olaus Worm.

EPISTOLA XLVI.

De editione Anatomie, ductu Pancreatis, &c.

Scripturus Tibi Amicissime Bartholine Typographus noster, ut litteras meas suis con-

jungerem serio institit. Parentis tui tuaq; Anatomia tuo cum honore jam divendita est, nec typographo supersunt decem exemplaria, quæ etiam distraxisset jam dudum, si Bibliopolis petentibus ea voluisset tradere vendenda. Quare denuo editionem parat, si illi credimus charta, typis & figuris elegantiores. Attamen monui cum te novam editionem Patavii edendam promississe, instructam novis figuris quæ ad Veslingii dissectiones anatomicas essent delineandæ. Verum ille se tamen & nitidius Italis impressurum regessit, cum eos nosset dubitare, an quod promitterent unquam essent præstituri. Certe mihi nuper scrupulus injectus est cum Veslingii ad Vorstium nostrum litteras legerem quibus assererat se totum in eo, ut compendium suum anatomicum locupletaret augeretq;, & in dissectionibus suis anatomicis id curaturum ut figuræ novæ delineentur, quibus suum vellet compendium exornare, à quibus tamen sectionibus eum intelligo prohibitum fuisse. Quodcunq; tibi hac in parte videbitur, ad id meam tibi operam offero, si Patavii imprimi velis, conabor novam editionem nostro typographo dissuadere, sin Leidæ malis quidquid injunxeris curaturus. Quas asserit Typographus se jussu
meo

meo novas figuras delineatas habere, eæ de motu sanguinis sunt: urgentibus enim amicis auctiores Epistolas editurus sum iis observationibus quas vivorum mihi Anatome suppeditavit, etiamnum enim quandoq; illorum sectione delectamur. Ductus ille in Pancreate nobis quoq; aliquoties visus est omni humore vacuus, cum vero viderimus eum non raro in meatum cholidochum aperiri facile crediderimus eum expurgationi bilis dicatum. Cartesius sibi adversarium paravit Petrum Gassendum, qui magno volumine satis meo iudicio probavit hætenus nihil Cartesium demonstravisse & ut à Cartesii amicis intelligo satis ad respondendum sollicitus est. Phisicam suam generalem perficit, particularem aliis relicturus. Illius duos jam tractatus legi de loco & motu egregios sane, verum haud arbitror eos pares expectationi futuros. Salmasius de Saccharo veterum libellum prælo commisit, imposterum Historiæ Ecclesiasticæ immoraturus. Si quid in Italia novi moliantur, ejus me reddas certiore velim, simul & si quid de Patris Pauli Servitæ inventionem de motu sanguinis inaudiveris amplius, vicissim præstiturus quidquid ab amico sed negotiis

impedito possis expectare. Vale Leida 11. Februarii An. 1644.

Tibi amicissimus


Johannes Walæus.

EPISTOLA XLVII.

JOANNI VESLINGIO.

Patavium.

Humanissimis vestris literis jamdudum debeo responsum, privatis negotiis & renovato Neapolin versus itinere hactenus dilatum. Romam plurimosq; in ea melioris notæ amicos nova Urbe commutavi, non quod illi displicuerint quibus ætatem devoverem, sed iniquioris cœli gratia, quod communem cladem minitabatur. Nec facti pœnitet, quum faventiora omnia hic invenerim, cœlum pariter & amicos cœlo dignos. Ex quorum censu principem æstimo *Severinum*. Nec partibus amici deest *Jos. Donzellus*. Domestica Severini utor familiaritate, qui nihil omittit quod in tanto Viro desiderem. In adornanda *Vipera* magnum ingenium defudat, & propediem rem dabit expeditam, tuæ si accesserint observationes. Interea ad examen pressius vocavit meditatam olim de *Salvatella* dispu-

disputationem, multis additamentis auctio-
rem. Tuam tantum expectat super ea sen-
tentiam, ideamq; Epistolæ olim à Te acce-
ptæ, quam invidus quidam mala arte ipsi
sublegit. Speraverat eam à Te nuper, sed
errore quodam propriam pro Veslingiana
recepit. De Seile nomenclatura Arabica nu-
per dubitabat, quum ea de re inter nos ortus
sermo, quam in Scile mutandum censet ex
sententia Arabum. Dubius ego, illam pri-
marum literarum compagem infrequentio-
rem judicavi, præsertim elementi 
Reliqui Artis nostræ procures hic ferè tacent,
si *Santorellum* excipiamus, cujus nuper de Sa-
nitatis Natura Volumen prodiit. Anatomix
ne nomen quidem personat, nisi apud priva-
tos nostros lares. Veslingio caremus. Vale
seculi Theophile, meq; ama nominis Tui stu-
diosissimum. Neapoli 8. Febr. 1644.

T. T.

Thomas Bartholinus.

EPISTOLA XLVIII.

De Salvatella Arabum.

THOMÆ BARTHOLINO.

Neapolin.

JOANNES VESLINGIUS S.

GAudeo ex animo, non minus de contu-
ber-

N 4

bernio Clar. Severini, quam valetudinis Tuæ incolumitate, & affectu quem absenti benevolè pariter ac constanter conservas; cui paria utiq; referam, quamdiu spiritum indulserit coelestis favor, ac vitam. Partem epistolæ, olim ad animadversionem in Spigelium exaratae, jam tertio descriptam, mitto, quam velim Clarissimo Severino cum salute mea reddere digneris. Displiceret utiq; si quæstionem illam in publicum exire pateretur, Vir alioquin prudentissimus: neq; enim ea mihi Spigeli sententia videtur, quam videri Severinus noster vult. Salvatellæ nomen apud Avicennam aliquoties

سيلم &

الاسيلم, per س, non ش expres-

sum reperio: quod si retento Arabum sonolatiali typo repræsentare lubet, non seile, vel sceile, sed potius seilem scribendum erit. Plura publicum officium, & occupationes prohibent. Vale feliciter. Patavii XXIX. Febr. cIo Ioc XLIV.

EPISTO-

EPISTOLA XLIX.

*Musæa Neapolitana, & alia ad Medicam
rem spectantia.*

JO. RHODIO.

Patavium.

DUm urbis hujus amœnitate fruor, & Severini familiaritate, memoria tui recurrit sæpissime. Soles ea à me exigere, quæ hinc inde se curiosis oculis offerrent. Pauca ex multis recensebo, quæ Neapolis subministrat medico calamo, de aliis enim alii sint solliciti, nec aures tuas rebus ab arte nostra profanis obtundam. Adhuc visitur Musæum *Ferrantis Imperati* Pharmacopæi summi, quod instructissimum est omnibus Naturæ miraculis, de quo *Aldrovandi* ad Imperatorem ibidem extat Epistola, comparans hujus Musæum cum Mensa divitis, cujus micæ sufficiant adornando Musæo Ulysiano. Descripsit ejus filius Franciscus omnium historiam, cujus Nepos jam bonis potitur & Pronepos, ultra ætatem sciens, exteris ostendit singula. Franciscus tamen author Operis non fuit, sed Colantionius Stelliola, cujus in præfatione meminit, præceptor magnorum Virorum *Schipani, Severini, &c.* Vidi ibi fœtum bicipitem, item Sceleton Pygmæi exiguum vix palmam longum, quod tamen

factitium haud naturale putant *Severinus* & *Donzellus* urbis hujus Medici. Aquilinaris lapis quidam caput magnitudine superat. X volumina herbarum vivarum propria Imperati manu agglutinatarum edacis temporis noxam effugerunt. Extat quoq; Musæum F. *Donati Eremitæ* Pharmacopolæ olim S. Catharinæ Monachorum, qui de arte Pharmaceutica librum edidit, & de Elixire vitæ, quorum tamen operum author est P. *Castellus*, qui apud eum diverterat: item descriptionem floris passionis. In hujus Musæo varia exponuntur, inprimis furni artificiales egregii & Sceleta variorum animalium. Hujus Elixir vitæ est farrago multorum ingredientium. Aliud verò est Elixir vitæ *Hieronimi Claramontii* seculi Leoncini, pulvis nempe ex terra minerali alba medicata in Sicilia eruta, ex quo & suum Bezoar Minerale conficit & magno applausu vendit, de quo librum confecit Genuæ primum, mox in Epitomen redactum Neapoli divulgatum 1633. secretum nulli nisi fratri suo Vito aperuit, & duabus Cistis consignavit post mortem à Principibus Viris Patronis suis aperiendis. Habet & varia naturæ genera *Marius Scipanius*, senex venerandus & parentis nostri olim amicus, cum Bibliotheca selecta. Nosocomium
incu-

Incurabilium amplum sæpe cum Severino amicissimo, ingredimur, & raras operationes ejus Chirurgicas spectamus. Ægri tamen rudius ab illo tractantur, nisi dicto sint obedientes, aut vel verbulo mussitent aut de dolore conquerantur. Placet tamen pietas Nobilium Neapolitanorum, qui non rarò epulas lautas ægris afferri curant, & ipsi, ne fraude interceptantur, ministrant. Nosocomium alterum B. M. Annunciatae magnificum est & ditius, in cujus inferiori cœnaculo febres omnes tractantur, superiori vulnera. Supremo in tecto locus est amœnus & patulus, quo admittuntur convalescentes ut se reficiant & sensim aëri assuescant. In inferiori ad latus dextrum, peculiare est cœnaculum, in quod moribundi & desperati importantur ut Patribus Reverendis sint vicini. Bibliotheca S. Joannis Carbonarii referta est mstis, inprimis Medicis. Vidi ibi Dioscoridem mstum elegantibus figuris ornatum, sed à curioso aliquo herbæ omnes ordine alphabetico dispositæ sunt. Hippocratis Aphorismi cum Galeni Commentariis latino sermone manu scripti sunt A. C. 1380. Mesues particula, Solini duo, Plinius, Columella & Cato de Re Rustica manu exarati quoq; exant. Numerantur præterea in vasta hac urbe

Phar-

Pharmacopolia 120. præter Monasticorum infinita, & barbitonforum numerus ad 500. ascendit. Tectum templi S. Claræ plumbeum argento æquiparatur, quod sol longa temporis mora metallum creditur perfecisse. In Monasterio Mariæ Salutis, sub altare cavea est plena sepulchris, ubi spatio 24. horarum corpora defuncta absumuntur, quia huic immerfam ferunt terram sanctam, unde nec mures ibi, nec putredinis odor. In æde S. Claræ hoc Epitaphium magnifico opere exstructum est *Julio Jasolino*, Parentis nostri olim præceptorî, & Anatomico celebri:

Julius Jasolinus Sæculi Epidaurius sui, molli manu ferrum retundere instantis fati & arte Pæoniæ fines producere fatalis ævi potens sui que potens vita innocua, auriq; potens viduatis ope lata gratuita, nec sibi nec nomini metuens suo, Vespasiani fratris testamento hoc commendatur lapide posteris.

In Palatio prope S. Biage, inter alias statuas antiquas Caput Colossi equi æneum singularis magnitudinis & artificii in pariete affigitur,

figitur, quod equi olim fuit in arēa Episcopali, circa quem circumducebantur equi ægroti, statimq; sanari credebantur veteri superstitione. Morbi hic Endemii, præter luem quæ pro morbo non putatur, nisi per gummata se exferat, sunt roseolæ saltantes quas ædibus adscribunt & victui. Illis quidem celsioribus, & à Sole minus illustratis, huic verò ob carnem bubulam, suillam, & brassicam, qua avidè incolæ vescuntur. Angina puerorum, suffocativa Epidemius quasi morbus est, qui ab anno 1618. velut pestis invasit pueros, inficitq; alios & enecat. Majores natu inficiuntur rarius, & infecti facilius curantur, quia medicamenta libentius admittunt, & gargarismos. Ex Cometæ anni 1618. effectu morbi hujus vim deducit *Elisæus* Medicus hujus Urbis eruditus. Erysipelata frequentia sunt, quæ nullis medicamentis molestant, sed soli naturæ sinunt. Reliquos morbos plerosq; decocto Salsæparillæ curant. Medicamenta majori dosi omnia exhibent, quam alibi, quia corpora sicca. In vulneribus omnibus quovis tempore oleo rosato utuntur, contra quem morem invehitur *Severinus* noster. Vesicatoria, fonticulos primus introduxit *Schipanus*. Sanguisugæ familiares sunt apud ægros, quæ vascu-

vasculo aquæ calidæ immittuntur, cui insidet æger. Sæpe tamen inde fistulas ani ortas in Nosodochio vidi. Bubalino caseo vescuntur durissimo. Buffalinam vulvam exsiccata servant, quia moschi odorem spirat, eaq; utuntur in unguentis myropolæ Neapolitani. Saccharum olim quoq; hic coxerunt, sed quia aëris bonitatem corrumpit paludosus locus, quem cannæ requirunt, intermiserunt. Manna ex Fraxino etiam his locis elicitur, sed minus valens, quia præfertur Calabrina, idq; cujusdam Medici Calabri primarii astutia, qui à Rege obtinuit edictum, ne Manna Neapolitana, ut noxia, colligatur aut vendatur, quod clam tamen fit. Mare sepias, polyposq; sumministrat, torpedines, (quas piscatores tremorem inducere testantur), lupum marinum, columbum marinum, anguem scilicet magnum & maculosum, pastinacam marinam, cujus cauda longa & aspera, in cuius medio aculeus eminet, spinis obsitus, quem ad varia commendat *Severinus* & libenter apostemata eo aperit. Concha anatifera ad littus nonnunquam appellit, de quibus *F. Columna* in Obs. Plant. & Pisc. item Ricinus marinus variorum colorum pinnis undiq; obsitus, quibus corpus suum quasi pedibus promoveret.

movet. De Surrentino vino ὀλιγοφόρον & tenuissimo, quod hic bibitur ad sitim sedandam, etiam à febricitantibus, causam aperies, data per *Scribonium* Tuum occasione, cur jam aquosa sint & debilia, quum tempore *Galen*i fuerint potentia. Incolæ vites antiquas excisas asserunt, quia tardè ad bibendum apta evadèbant illa vina, jamq; alias Surrenti esse satas ex quibus vinum tenue quod statim vendi & bibi possit, exprimitur. Tu de vulgi sententia judica qui eruditos superas, meque porro ama. Salutant te *Sererinus* & comites mei. Vale. Neapoli XXVI. Mart. cIo. Ipc. XLIV.

T. T.

Thomas Bartholinus.

EPISTOLA L.

Consilium pro Illustriss. Principe Januaria Sanctifelicio Melancholico, cum sinistri lateris totius pulsatione, & Luis suspicionem: ad Eundem.

Congeries affectionum de quibus conqueritur Illust. Vir, à viscerum naturalium præsertim hepatis & Lienis vitio dependent, quorum

rum hic obstructione cum pancreate mesenterioq;, ille in temperie insigni laborat. Utrumq; partim naturali imbecillitati, partim diuturno contracto habitui quum debeatur, necessariam mali supponit pertinaciam longiori temporis ambitu terminandam, quam tamen & ætatis vigor, & aëris opportunitas, & administrandorum medicamentorum vis Deo dante, vel infringeret planè vel imminuet. Scopi erunt, lienis mesenteriiq; obstructiones auferre, hepar temperare & ventriculum partesq; affectas roborare. Quibus implendis animum diligentiori collata curas applicantes, proficuos omnino remedium fontes excussimus. In quibus principio Chirurgica se offerunt præsidia incisis venis administranda, partim ut obstructionem viscerum aliqua levent ventilatione, partim ut hepatis quoq; una opera tollant suspectam intemperiem. Tempus opportunum ex Methodo innotescit facta prius levi corporis *ὑποκρίτης* præparatione. Locus varius esse potest debetq;. Jecorariæ dextri brachii præcedat sectio, ad sanguinis adusti refrigerium, ea quantitate emisso sanguine, quam præsens morbi viriumq; status suaserit. Huic paucis interjectis succedat Salvatellæ manus sinistræ apertio, cui tantum tribuunt antiqui, ut melancholico-

lancholicis lienis affectibus proprietate singulari succurrat, quanquam hujus vices ejusdem lateris $\alpha\alpha\theta'$ $\xi\eta\iota\upsilon$ impleat cubiti vena, si id advertas ne liberior crebriorve fluxus refrigeret nimis corpus aut exsiccet tenue corpus, quod in melancholicis affectibus periculosissimum. Tandem summa auxilii & unica fere spe salutis hæmorrhoidales sedis venulæ pertentandæ sive ferro sive hirudinibus, quæ immediatè continuato venarum portæ ductu ex liene, humoris primarii domicilio, feliciter crassiorem sanguinem evacuant. Has venas solas, meo judicio, materiæ vicinæ segnities sæpius reiterandas permetteret.

Quod si pulsatio lateris sinistri molesta oculoq; noxia, & narium titillationes vel perrexerint vel augmentum sumpserint, sectio venæ frontis, vel jugularis, si permiserit æger, apprimè foret utilis.

Pharmaceutica subsidia quod attinet. Præparandum primo imbecille corpus Extracto Diacatholici sive solo, sive admista Cassiæ quantitate & pulvere illo subdulci salutari aliàs assumpto, peculiari naturæ proprietate jecoris intemperiei & aliis metuendis symptomatis accommodato. Mox syrupum suaderem ex Violis, succo Borruginis, Polypodio,
O dio,

dio, ut & ventriculum imbecillem in transitu respiceret, & affectum lienem, cui si parcius, ob siccitatem, addideris lignum sanctum, hepatis non malè consulueris. Imò si unica fidelia parietes omnes dealbare vis aut omnia adimplere desideres, Syrupum Absinthii à Fabro sumas, qui stomachum roborat & appetitum, obstructions aperit hepatis & lienis, & viscera omnia roborat. Hicq; non semel sed sæpe sæpius deinde purgato quoq; corpore continuandus. Aperienda enim viscera obstructa deducendiq; crassi humores & adusti validioribus purgantibus, foliis Senæ Cinnamonum modico temperatis, infusione facta in fero Caprino præparato, & facta expressione addito syrupo de Polypodio & rosarum solutivo. Simplici hac cura absoluta, in Compositæ principio nullum salutaris remedium deobstruendis visceribus, chalybe præparato ita ut omnem metum vehementiæ deponat, siue forma spumæ, siue syrapi, siue fusi M. Ducis, ut & pueris detur, de quo sollicitus erit præsens solertissimus Severinus. Nec inutilem arbitrarer suo tempore feri caprini depurati usum cum succis Fumariæ, Borriginis &c. quæ ex re fore judicabuntur, donec Balnei aquæ dulcis tempus ingruat, à quo mul-

multum mihi promitto si temperatum fuerit, præsertim si accesserint localia remedia abdomini applicanda ex oleis de Capparibus, Absinthio & amygdalarum amararum fomenti forma, vel si stillicidium placeat ex oleo de Mentha, Absinthio, Mastiche, & pulvere Cinnamonomi, floribusq; Absinthii aliisq; appropriatis lieni & ventriculo. Luta thermalia placent ut emolliant, resolvant, & roborent. Cavenda tamen sulphurea & bituminosa ob nimiam exsiccationē melancholiæ inimicam. nec displicent medicati Ænariæ Insulæ fontes ejusdem qualitatis, imo intus sumpta Noceriana aqua non exiguam afferret utilitatem sanguini temperando. Tandem ob morbi pertinaciam, deveniendum erit ad ἐνιάυστια medicamenta quæ ejus vim delassent vel placida eradicatione tacitè extirpent. In quem finem Electuarium componendum ad lienis mesenteriiq; præsertim obstructionum tollendas reliquias, hepar temperaturum & ventriculo non nociturum. Quos scopos implent clarissime Radices Enulæ, Raphani, Cortex medius Tamarisci, flores Tamarisci, Mentæ, Betonicæ, Limatura chalybis præparati, Absynthium, radix Ireos, Centaurium minus, Ceterach, radix Capparorum, Hyssopus, Eu-

patorium, Asarum, Aristolochia utraq; , cortices Fraxini, Diptamnus albus, flores Chamæmeli, Anisorum. Omnia verò ea dosi & temperatura misceantur quam judicavit præfens salutis custos.

De Diætâ addo nihil, quam solita sua prudentia moderabitur maximus Severinus, cuius iudicio omnia submitto, Illustrissimi Viri ægroti salutem Deo O. M. in procinctu itineris melioribus votis commendans.

Neapoli Kal, April. clō. Ibc. XLIV.

Thomas Bartholinus.

EPISTOLA LI.

De Messanensibus Medicis.

OLAO WORMIO

Hafniam.

NON dubito quin & Tu & Mater nostra suavissima de rerum nostrarum statu anxias cogitationes versetis. In salvo, tamen sumus, laus Deo, hisce diebus vitatis & schylla & charybdi splendidam Siciliae Messanam ingressi sumus, ut quem locum Amplissimus Senatus non ita pridem, in Academia amplo stipendio obtulerat, præfens lustrarem, & pro oblato honore gratias agerem. Amicos & faventes ibi Nobiles inveni, & per humani P.

Castelli

Castelli familiaritate utor, qui totus est in e-
dendis variæ eruditionis libris. In Musæo
varia naturæ curiosa congeffit. Sceleta ani-
malium à se constructa habet, Zibethæ, Xiphia
& alia. Oculos Zibethæ cum vase Civetico
monstravit, sicut in animalis istius Historia
descripsit. Varia conchylia petrificata pos-
sidet. Palmæ Indicæ fructum apud illum vidi,
qui incudem eludat. Dedi Catalogum Musæi
Tui, qui satis placuit, nisi quod usualia offici-
narum semina contineret. Certum tamen
est, ad naturæ complementum & varietatem
etiam illa requiri. De instrumento Wilhelmi
Regis Siciliae Messanensibus communicato
cum Sigillo literis Gothicis appposito, cujus ex
Gualthero mentionem facis in Monumentis
Danicis, plura expiscari non potui, nec instru-
mentum videre contigit Archivi inspectoribus
semper moras trahentibus. Nummum alioqui
ejusdem Wilhelmi depingit *Placidus Samperus*
Soc. Jes. qui hoc anno Iconologiam B. Virgi-
nis edidit, Mariæ dicatum cum literis Gothicis
seu Lombardicis Monachorum antiquis, neu-
tiquam Runicis. Alium idem affert cum hac
Inscriptione:



In

In prima facie effigies Mariæ visitur, in circuitu Regis, literæ, ut putat, Arabicæ extant. In re Medica pauca occurrunt quæ scribi merentur. Hortum Messanensem in fossis urbis instruxit Castellus, cum officinis chymicis, theatro, sacello, &c. & XIV. quadris, cujus plantas in catalogo signavit edito 1640. jam verò neglectus jacet. Pauci alii sunt qui rem Medicam illustrent. *Pisanus* Antidotarium hoc ipso anno in publicum emisit, plenum barbarismis, à Pharmacopola compilatum. *Prosimus* Abscessum puerorum suffocativum anno præterito adumbravit. *Andreas Tremancè* nuperrimè Anatomiam edidit carmine vulgari ex Galeno, Hippocrate, Avicenna aliisque excerptam. *Oliverii* quoque Apologia extat contra Liceti Epistolam de Abortu. Præ omnibus verò caput *Castellus* effert. Quinquaginta anni sunt ex quo Theriaca hic nulla fuit confecta, Româ, Neapoli, Alexandriâ huic defectui succurrentibus. Priore verò Collegii P. Castello 1637. Jo. Dom. Cardullus ad insigne S. Georgii dispensare cœpit, cujus descriptionem publicam dedit, sed authore eodem Castello, & ex Sicilia & Calabria plurimorum simplicium sibi copiam comparavit. Oleo sesamino abundat, cui Romæ amygdalinum.

Sub-

substituunt. Adeò enim sesamum hic est copiosum, ut panibus nigrioribus inspergatur saporis grati gratia. E regione Collegii amplum Nosocomium visitur ex septem parvis in unum compactum, secretis stationibus Capucinorum, mulierum & exterorum. Morbus hypochondriacus hic vulgaris, quem feliciter curat Castellus suo Electuario Diatartaro, cujus nobis dedit descriptionem. Exhibeturq; pondere Unciæ unius hora una ante prandium, & largè ventrem subducit. Frequens etiam est angina puerorum suffocativa, quæ parentes quoq; subinde invadit, si cum filiis conversentur. Sola purgante potione ex Syr. ros. & melle hanc jugulat Castellus, qui venæ sectionem in hoc morbo inutilem deprehendit. Solennis piscatio est piscis Xiphiæ mensibus Majo & Junio. Adversa fronte cum illo pugnat canis Carcharias, qui cauda acuta sæpe natantium hominum pedes amputat, unde non audent urinatores longius se in mari ex littore demittere. Ejus capitis Sceleton in Musæo Imperati Neapoli vidi, & cutem apud vos satis notam & obviam scio. Nobilis Messanensis inter alia rariora duo Cornua magna Rhinocerotis servat, & alia quæ Monocerotis esse feruntur. De quibus judicium

ferre non possum, quia Gazellæ cornua hic plurimis imponunt. In horti locis montosis Corallium nascitur in petra duplex, geniculatum hinc inde dispersum, quod pluvio tempore apparet terrâ magis dissolutâ, alterum spongiosum rudius ex ipsis petris enatum & à nobis erutum, tuoq; Musæo dicatum. Ubi & reperiuntur aliæ lapidum formæ, instar glosso-petrarum, conchylia petrificata, &c. quæ quasi in mineris suis nascuntur, non ex mare advecta, quod hoc loco à mille annis vix fuit, nisi eo tempore alluvione maris congesta sint, quo Sicilia ab Italia disrupta fuit & divulsa, si quidem unquam divulsa fuit, quod quidam Geographi strenuè negant. Oportet ut id factum sit ante tempora Saturni, qui huic portui nomen dedit, quum falcem qua patris pudenda absciderat, hic recondit, unde ferunt falcata figura elegantissimum Messanensium portum emeruisse, urbemq; Zancleam dictam ab Arabica voce, quæ curvum notet, qua olim usi Messinenses. Hunc autem Saturnum de Camo interpretantur, qui pudenda patris irriserat. In rei memoriam adhuc Messanenses Mense Augusto colossos duos circumferunt, alterum cum falce, alterum pro Rhea seu Cibele seu Ope uxore Saturni, quibus tamen sacris,

cris interesse non vacabit. Celebratur etiam antiquis fons Zancle, qui est ille qui hodie Messanæ dicitur *Pozzo Leone*, crediturq; Nymphæ dicatus, unde hi versus subjiciuntur nomine Nymphæ Zancleæ:

Encelidi flammæ fugiens per operta
viarum

Hic caput attollo Nympha perennis
aquæ.

Cum mea sensissem venturam ad littora
classẽ

Protinus exilii Nympha latentis aquæ.

Tempore D. Pauli quoq; erat navigabilis hic sinus Italiam inter & Siciliam, ille enim Syracusis per Rhegium ad Puteolos navigio perrexisse dicitur in Act. Apostol. sed nimis ego provehor, prolixitate negligentiam compensans, quæ itinerum variorum culpâ excusationem apud Te reliquosq; amicos merebitur. Vale Vir summe, & favere perge. Messanæ Æthnam petiturus. XI. April. clb. lbc XLIV.

T. T.

Thomas Bartholinus.

EPISTOLA LII.

De Plantis circa Æthnam nascentibus.

CAROLO AVANTIO RHODIGINO Patavium.

Intermissi nonnihil consuetum inter nos scribendi officium, nulla tui oblivione, sed itinerum variorum impedimento. Nec adhuc ad scribendum commodus locus intervenit, quod lassus ab itineribus quiescere malim in hospitibus quam manum ulterius defatigare. Quia tamen promissi memoria recurrit, nolui differre debitum, quod per Cl. *Castellii* cognatum Corvinum recte has ad Te perferri sperem. Volebas, ut plantas circa Æthnam nascentes Tibi signarem, & alia in Siculo itinere occurrentia. Jamq; redux ab Æthna, calamum tibi tuæq; petitioni commodabo, quantum *ἐν πάρεδω* licet. Ager Catanaensis circa radices Æthnæ fertilissimus est universus, nisi qua Æthnæ cineres herbarum proventus nuper impediverunt, quum 1635. flammæ & torrentes evomeret, & vicina quæq; obrueret. Jam quidem flammæ non eructat, nec cineres, sed fumo tamen occultum ignem prodit, quem vidi multis leucis antequam in Siciliam pedem ponerem, nocte tamen subinde obscura lucet præsertim flante

Zirocho

Zirocho, quod vidimus in itinere Syracusano. Quanquam autem cineres jam non eructet, remanent tamen ultimi incendii vestigia prope Cataniam ad radices montis, de quibus Jo. Bapt. Rossus ibidem Professor multa nobis retulit quum Cataniam pertransiremus Æthnam propius visuri. Memoriam meretur, quod in ultimo incendio repertum sit caput rustici cum mitra, cujus externa pars saxo fluxili ignito, sulphureo, qui obvia quæq; incrustabat, & cujus particulam mecum adspportavi, floris specie, cooperta erat, interna parte nativo cranio delitescente. Magna ibi S. Agathæ religio in compescenda flamma. In ejusdem æde majore in IV. columnarum Epistyllis, majoribus literis insculpta hæc leguntur:

Q. LUCIUS.

LABERIUS

PROCONSULE

THERAMAS

De prompta sine dubio ex thermis, quarum vestigia in urbe Catania extant. Alibi inventus lapis his literis: ΑΚΚΑΕΠΙΑC. Alia non tango ad rem Medicam non spectantia, quæ fuse pertractat in Antiquitatibus Cataniæ laudatus Rossi, quas transeuntibus nobis dabat.

bat. Ex succo liquiritiæ pastillos componunt Catanenses Pharmacopolæ, & ad Theriacam hinc inde vendunt. Tanacetum vulgare luteum in summitate montis mensibus calidioribus floret. Vitex flore albo copiose ad radices nascitur. Sequentia nonnulla vidi ipse, sed plurimorum nomina suggessit P. *Castellus* Messanensis Doctor. Artemisia major. Alchakengi verum. Anacardum. Chamædrium verum. Calamentum montanum. Eufragia. Gariophyllata vera. Gattaria vera. Juniperus montanus. Berberis. Lentiscus. Oxyacanthum. Pulmonaria terrestris. Saxifragia media. Aristolochia longa & rotunda. Aconitum. Agnus castus. Aloe. Anisum sylvestre. Bryonia alba, & nigra. Coriandrum. Consolida Regalis. Chelidonium. Centaurium minus. Ciclamen. Daucus Creticus. Eupatorium. Hermodactyli. Echium. Genista. Granosole. Helleborus niger. Herba Turca. Verbena. Laureola. Lingua Cervina. Mandragora. Mechoacan. Meserium. Momordica. Narcissi genera omnia. Napellus, spurius. Palma Christi. Pentaphyllum. Pœonia. Polium. Prassium. Rhaponticum. Ruta Capraria. Rosmarinus fructifer, Serpillum, Sigillum Salomonis. Smilax aspera & levis. Smirnum Creticum. Soda ad conficienda vitra. Solatrum majus.

majus. Spina dragantes. Tormentilla. Trifolium bituminosum. Turbith. Ex fructibus habent Catanenses Poma, Sorba. Pyra. Pruna. Mespila. Castaneas, Morus, Olivas Montanas magna copia & præstantissimas totius Siciliae. Canellam. Ex fagis & pino artifices colligunt picem, resinam, & terebinthinam. Tedam etiam habent, quæ ob humorem viscosum & pinguem æqualiter accenditur & flammam conservat, ex qua pix conficitur vulgo dicta Catanensis, quæ liquida est, & tenax, & vulneribus brutorum inservit. Chrystallus reperitur hic locis illis, quibus glaciei major copia. In cacumine montis Æthnæ nix perpetua conservatur, quæ Melitam defertur triremibus, & per totam Siciliam ad vini refrigerium. Æstu tamen mensis hujus majore, vidimus nivem Æthnæ nonnihil imminutam. Circa radices hujus ignivomi montis lapides inventi, quibus arbores virides innatæ videbantur, instar lapidum Florentinorum, sed elegantiores. Unum ex his Romam Illustri Equiti *Puteo* misit *Mirabella*. Antequam ad Æthnam pervenimus duabus leucis à Catania, antrum invisimus, quod Proserpinæ dicitur, unde rapuisse eam Pluto olim ferebatur, de quo *Claudianus* & *Hyginus*. Ibidem saxa duo notavi-

notavimus, à nemine hætenus animadversa,
in quorum uno hæ literæ erant insculptæ

M K



in altero

A R

Ex Amphitheatro quodam abrupta sus-
spicor, quia hoc loco vetus Catania sita, &
vicinus portus à lapidibus Æthnæ est obtura-
tus. Nimis in Æthna occupor, Tibiq; sum
molestus. Amori tamen id meo imputabis
quo ob Æthnæ viciniam adhuc ardeo. Non
vacat jam ea referre quæ de Syracusanis reli-
quiis supersunt, quia campus hic est ubi Tro-
ja fuit, & ad iter Melitense nos componimus.
Tu, Vir amicissime, ad nostrum reditum be-
nè vale, & me ama. Syracus. XXV. April.
clb. lbc. XLIV.

T. T.

Thomas Bartholinus.

EPISTO-

EPISTOLA LIII.

*De raris naturæ in Insula Melita
observatis.*

JOSEPHO DONZELLO

Neapolim.

Clauso portu Melitensi, quia Triremes Sacri ordinis Hierosolymitani expeditionem susceperunt, ne otio videar meo abuti, breviter Tibi naturæ curioso perscribam, quid in Re Medica notatu dignum hic observaverim. Is enim est itinerum susceptorum finis, ut arti nostræ acquiram quicquid ubiq; seu natura gignit seu hominum industria. Univerſa terra Melitensis, quæ tamen rara est, quia Insula est petrosa, alexipharmaca est, quod benedictioni S. Pauli tribuitur, qui eodem loco naufragium passus est, quo nos appulimus magno vitæ discrimine. Maxime eruitur illa terra ex specu ubi S. Paulus pernoctasse dicitur, idq; extra urbem veterem. A tot jam seculis ex specu eruta fuit terra & in salutem plurimorum divendita, nec tamen imminuitur, unde vel miraculum subesse creditur, vel terram se multiplicare. Hanc in formas varias coquunt, & divendunt, crudam verò Tarantulæ morsibus aliisq; venenis applicant, Huic innascuntur glosso

glossopetræ, de quibus Dissertationem hisce diebus conscripsi, quas diligenter conquisi. Duro saxo adnati sunt lapides, quos *occhi de serpenti* vocant, unde in eosdem usus exsculpuntur & pro armillis asservantur à mulierculis Melitenfibus. Ex petra molliori alba ædificia constant, altera durior ex altera Insulæ parte usibus fontium inservit. Ex terra alba fictiles urnas elegantes conficiunt, quæ aquam semper, etiam soli expositam, frigidam conservant. Gossypii poma vidi collecta, quæ matura finduntur nonnunquam trifariam, nonnunquam etiam secus, ac Polluci visum, quatuor in partes, ut lanugo erumpat, quam carminant incolæ & nent. Hinc forsan vestes Melitenses tanto in pretio apud antiquos fuerunt, teste *Cicerone* & *Varone*, quod fierent ex lino gossipino. Rectè verò *Plinius* l. 19. c. 1. fruticem vocat, ita enim mihi hic occurrit. Planta *Glasto*, Melitenfibus *Ennir*, hic quoq; copiosè provenit, ex cujus aqua fit color dictus Indago. Rosæ Melitenses apud veteres pro raris & odoratis celebrantur. At rariores jam sunt, quia hortorum rarior cultura. Magni Equitum Magistri hortus splendidus in medio Insulæ malis præsertim aurantiis & citriis. Ex ipso pariete

ete

ete palatii ipsius in nova urbe ficus enascitur. Viperæ hic nullæ comparent, serpentes ad-
sunt, sed innoxii. In vicina Insula Gozze par-
væ viperæ sunt, quibus Pharmacopæi urbis
hujus ad oleum viperinum utuntur. Theria-
cam enim ex Oriente habent & à Venetis.
Muscae & insecta in hac urbe multa nos infe-
stant ob mare alluens, quæ in Melita veteri
non inveniuntur, urbe scilicet metropolita-
na. Canes Melitenses olim erant in deliciis,
sed jam genus illud desiit & cum incolis anti-
quis expiravit. Olim Insula ferax fuit gigan-
tum, vidiq; in palatio suburbano *Jo. Fr. Ha-
belæ* Vice Cancellarii ordinis sancti, qui nos
humaniter & lautè ibidem excepit, coxas,
dentem, costam gigantis hic erutam. Binas
quoq; urnas Phœnicum nobis monstravit,
qui ejectis gigantibus insulam postea incolu-
erunt, quarum altera feminae habebat faciem
ornamentis & vittis dependentibus, magni-
tudine humana, in qua cineres invenerat.
Præterea lignum petrificatum apud eundem
vidimus ex urbe Africae non ita pridem in pe-
tram conversa, ex qua quoq; urbe puer pe-
trificatus ad Card. Richelium fuit missus. Tur-
tures Majo mense hac transeunt in Barbari-
am, ut nidificent, unde quoq; redeunt men-

fe Septembri, ut in Orientem revertantur.
 Primus pagus extra urbem Vallettam, Casale de
 gli fournari dictus est, quod ibi pincentur & co-
 quantur omnes panes pro civitatis necessitate.
 Olim aër valdè fertur ibi insalubris, jam verò,
 quod notandum, saluberrimus est, quia igne
 fornacum purificatur. Aër urbis hæc novæ
 quoq; salubris, quia omnes plateæ recta ma-
 re respiciunt, quas eapropter ventus eventi-
 lat. Nosocomium duos habet Medicos,
 Gallum & Melitensem, Chirurgos tres per vi-
 ces ægros invisentes. Tenentur & Equites ipsi
 quotidie ægros inservire & de necessariis pro-
 spicere, habetq; singula natio suum in hebdo-
 made diem, v. g. Germani Veneris diem,
 quo novitii Equites ægros invisunt, & ut
 commodè cibentur provident. S. Juliani
 portus leucis duabus ab urbe distat, in quo
 statua ejus à Gallo quodam posita est. Quin-
 quaginta anni effluxerunt ex quo apertus ibi-
 dem fons, quo lavantur Podagrici & Nephri-
 tici, moxq; in vicinas arenas conjiciuntur, &
 sanantur, relictis in fonte interulis, sed præ-
 stare judicabat Monachus si nummi aliquot
 in usum pauperum relinquerentur. Quotidie
 in arena mulieres videas confidere, sed ma-
 jor festo Ascensionis est confluxus. Statuæ
 nomi-

nomina multa leguntur inscripta, & nos nostrum quoq; ibidem addidimus. Multa egregia de Insula hac Martis propugnaculo, & invicto ab *Habela* expectamus, qui justum de illa volumen confectum habet, cui carmine extemporaneo acclamavi. Vix finieram, quum navis Anglica quam conduxeramus in Ægyptum navigaturi, propter contagium ab hominum commercio excluderetur, mutandum igitur erit consilium, & repetenda iterum Sicilia, sicq; præter spem brevi vos revisam. Vale. Salutant te comites mei Jo. van Horn & Theodorus Fuijen. Melitæ XII. Maji 1644.

T.

Thomas Bartholinus.

EPISTOLA LIV.

De Saccharinis cannis Sicilianis, Manna Calabrica, & Salernitana schola.

JO. WALÆO

Leidam.

TAndem ad me eluctata est, quam mihi destinaveras, Epistola. Animum itinere molestissimo Siculo & Melitensi lassum, certissimo pristinae Tuæ benevolentiae indicio,

non leviter solabatur. Hackii vestri industriam operi nostro recudendo dicatam non possum non laudare, cujus editionem aliis omnibus præfero, etiam Italorum prælis tardioribus. Tres de operis mei impressione inter se contenderunt, dumq; ex invidia singuli litigarent, ob iter meum, omnes lucri spe exciderunt. De figuris nonnullis monuit Cl. *Veslingius* in unam contrahi posse, illas nempe, quas de Corde, partibus spermaticis, ossibus &c. rudior manus expressit. Pancreatis figura cum novo ductu Virsungiano omnino videtur addenda. Misit & Cl. *Wormius* de cranio figuram, proximè mittendam & cum aliis tuo iudicio submittendam. Siquidem scio controversiam inter magnos vestros Heroas literarios *Salmasium* & *Vorstium* de saccharo adhuc pendere, quæ de saccharo ejusq; cannis in Sicilia, ubi uber illarum proventus, observaverim non gravabor perscribere, si forsan ad illustrandum illud argumentum aliquid conferre posse existimaveris. In itinere terrestri, quod Messana ad Cataniam versus fecimus, transivimus urbem Tahorminam cui mons arenis rubris seu saxo rubro conspicuus imminet. Mox descendimus saxosa & invia via ad molam saccharinam prope mare sitam, in qua
appa-

apparatum magnum vidimus instrumentorum, torcularium & furnorum. Mense Junio & Julio succum exprimunt ex Cannis selectis. Modus hic est: Cannas primò minutim incidunt huic operi destinati homines, deinde forti torculari supponunt succumq; exprimunt, qui per latera torcularis insubjecta vasa destillat, lapis molaris interea à præter labente aqua movetur. Secunda expressione supponunt reliquias sacco inclusas pervio, communemq; succum injiciunt amplissimis furnis, foco largissimo, & quater coqvunt. Deinde in formis suis instillant, quas campanas vocant, in modum campanarum confectas, quibus inferiori parte foramen insculptum, ubi reservatur per quatuor menses in cubiculo, vel alio loco clauso, ut sensim indurescat, & per foramen exstillat humor crassior quem melázza vocant, qui decidit in vas circumpositum, & saccharum exinde fit pauci valoris, reliquus verò depuratur longiori temporis mora. In mola hac plures quam centeni occupati sunt magnis impensis, ubi & cumulus reliquiarum ex cannis exstructus cernitur, ex quibus aliquas selegimus. Saccharum ipsum nigrius est & ignobilius, propter cannarum & terræ vitium, præstatq; illud quod conficitur in urbe

Laqueducum inter Messanam & Panormum;
 at quod Panormo apportatur præstantissimum
 est, & Messanæ in cupediis adhibetur. Hinc
 devenimus ad agros saccharinarum canna-
 rum, quas *cana de mele* incolæ vocant, nuper
 plantatarum. Plantantur verò in Februario
 radices ex priori sectione superstites, ex qui-
 bus nova germina propullulant, quæ *Cochili*
 appellantur, primo in locum siccum, mox in
 humidiorum transferuntur, & tandem matura
 secantur ad radicem usq;. In Calabria quoq;
 ex arundinibus saccharum conficitur. Sin-
 gulis trienniis transplantatur arundo, tribus
 enim annis ex eadem radice novi stolones
 germinant. Arundinis pars inferior saccharo
 conficiendo, superior plantationi novæ inser-
 vit. In variis Siciliae littoribus sal quoq; co-
 quitur, quod passim vidimus cum syracusana
 littora usq; ad Trapanum legeremus, unde
 maxima salis quantitas exportatur. In scopu-
 lis verò receptacula efformant, ex quibus in-
 fluens mare relabi nequit, unde à sole in sa-
 lem siccatur, sed non nisi affusa aqua dulci.
 Reperiuntur alibi in Sicilia salinæ fodinæ, sed
 sal hoc amarius à paucis expetitur, nec emen-
 dare hoc vitium student incolæ, quia alio sale
 abundat.

abundant. In fodinis Calabriae praesertim montis Montalto prope Belvedere, mina auri praegnantis, sal gemmae reperitur, quod in profundo montis mollius est, deinde aëri expositum durefcit, unde in ipsis fodinis artifices artificiosè elaborant & in varias formas aptant. Splendidiores quaedam sunt partes, quas vocant *oculum salis*, quibus eleganter distinguunt ornantq; res exinde confectas. Ego rosam inde effectam habeo. Alioqui ex hujusmodi splendidis globulis corollas precarias componunt. Calabriam peragrantes gustavimus mannam ex ipsis arboribus Fraximi à nobis decerptam, non illam quæ in foliis cicris figura & magnitudine reperitur, sed alteram, quæ *sforsata* vocatur quia ex trunco Orni cultro vel securi exprimitur. Alternis enim ictibus truncum arboris proscindunt circum circa vulneribus hunc in modum signatis.) & mane sequenti colligunt humorem exstillantem, excipiuntq; & abradunt cultris ligneis, & abstergendo vasis imponunt. Lignei vel ossei cultri esse debent, ne colore nigrior manna evadat. Liquorem deinde in mensa explicant foli obversam, ut absumatur aquea humiditas & aciditas quæ suavitatem

corrumpit, idq; sæpe repetunt. Trunco arboris adhærebat illa quam gustavimus, candidans, dulcis, duriuscula, quia neglecta fuerat ab incolis. Impostores mannam foliatam imitantur, quam Bragerola vocant, nullius tamen pretii, transcolantes mannam S. forsatam per cribrum ut in ciceris formam mutetur. Cicadæ quoq; aperiunt suctione sua Ornum, ut succo dulci fruantur, deinde per apertum foramen liquor stillat. In civitate Apuliæ Barri ex genu S. Nicolai liquor dicitur extillare, quem incolæ vocant manna de S. Nicolo, febribus commendatus, qui licet sparsim ad alias terras mittatur, sponte tamen redire ad corpus suum occulta sympathia fertur, si vera sunt quæ credulis nonnulli persuadent. Hanc mannam ex alio loco venire rectius putat *Santorellus* noster, vel à Monachis afferri, quod hic Neapoli quoq; factitatum, atq; tum corpori balsamico affusam posse aliqua virtute imbui. Al monte Circello, qui locus est Ducis Caetani, ornus copiosè crescit. Hincq; magnus ex manna proventus. Spatio trium hebdomadarum mannam colligunt post incisionem trunci à superiori parte curvo cultello factam ad inferiorem, hinc extillantem aquam quasi glutinosam & à sole induratum vendunt pretio
sat

fat magno , libra enim mannæ hujus Juliis
tribus venit, qua loco Calabrinæ libentius
Romæ utuntur. Collegi & ipse & dulcedi-
nem laudavi. Si autem pluvia accedat inte-
rea, omnis diffluit. Quicquid sit eo modo
manna ex trunco arboris Orni stillat, quo ex
Pino resina, vel ex cerafo gummi. In transitu
Sālernum quoq; salutavimus, ubi Medicorum
adhuc Collegium satis splendidum antiquis
peristyliis ornatum visitur prope Templum
Cathedrale S. Matthæi. Nulla alia hujus scho-
læ gloria, nisi quod nonnullis candidatis Lau-
rea conferatur præmisso examine aliquali ex
textibus *Hippocratis* & *Aristotelis*, gaudeantq;
isti Medici privilegio, ut medicinam non so-
lum in toto Neapolitano regno sine licentia
Proto medici exercere possint, sed & in Impe-
rio Romano. Olim magna Doctorum Sa-
lernitanorum erat fama, quam ipsi sua invi-
diâ decoxerunt. Feruntur enim clam noctu
Puteolana balnea præstantiora, in quibus Salu-
taria remedia & modus utendi balnea, erant
scripta destruxisse, ut illis major esset quæstus,
quæ balnea adhuc confusa jacent, quamquam
hoc tempore conati sint quidam diligentius
ea inquirere. De his Medicis ita *Dion. Cartus*
ex Glossa ordinaria super Act. Apost. c. 28:

Virgilius fecit balnea medicinalia Puteolis, singula propriis inscripta titulis contra quem valerent ægritudinem. Salernitani Medici invidia ducti supervenientes, in manu forti titulos destruxerunt, & ædificia plurima mutilaverunt. Quod sequitur *Lyra*. Addit verò *Jo. Villanus* 1. Chron. Neap. illos Medicos, ubi noctu destruxerunt characteres, dum reverterentur, tempestate obrutos periisse inter Capreas & Minervæ promontorium. Sed cursum retraho, ad gratissimas tuas literas pauca responsurus.

Manuscripta P. Pauli diligentiori studio perlustrabo, quum Venetias venero, eaq; fidelitate quam ab amico expectas. Sed ut audio, multa in adversariis suis collegit quæ ab aliis accepit. Patavii Scribonium suum confectum habet *Rhodius* noster, & *Veslingius* de opobalsamo, dirimendæ liti Romæ inter doctos ortæ, Apologiam in lucem emisit. Venetiis *Folius* pinguedinem Italo Sermone illustravit. Florentiæ *Joh. Nardus* de Melle & Manna scripsit. Romæ quæstionem publicis libris de parte affecta in Pleuritide inter se agitant *Baldus* & *Manelphus* Lectores publici. Observationes à Panarolo editas referre non attinet. Neapoli opera expectamus maximi
istius

istius *Severint*, quæ indice signavi à Bibliopoli Lugdunensibus expetita. *Sanctorellus* de sanitatis Natura operosum Volumen nuper edidit, & praxin totam *Maliocchus*. Messanæ defuncti Cortesii successor P. *Castellus*, amicus noster cum ibi hæreremus, & Collega si voluissem, Emetica sua conficit tribus voluminibus, Methodum Consultandi, de Abusu Dierum Criticorum, ubi primum diem morbi ab hora invasionis incipere & cum occassu ejusdem diei finiri ex *Hippocrate* probat, reliquosq; dies cum sole & initium habere & finem: Hortum Messanensem à se in fossis urbis instructum: Antidotarium Romanum, Hyænam odoriferam, cujus in Musæo nobis *Skeleton* monstravit, Theriacam, Opobalsamum, de Abusu Phlebotomiæ, & alia infinita, quæ prompta ad scribendum manus effundit. Est verò *Castellus* totus Hippocraticus, olimq; Romæ cum *Martiano* Hippocrati illustrando operam suam contulit, sicut quondam Parisiis *Duretus*, *Jacotius*, *Hollerius*, magna illa nomina. *Licetum* ferè transmissem, qui pro *Aristotele* Cor vindicat, duplicemq; circulum sanguinis invehit, pro sanguinis utriusq; duplici in propriis vasis cursu, de quibus nec charta nec dolores Nephritici plura

in

in præfenti finunt perfcribere. Vale, magne
Medicinæ Antiftes, & me, ut foles amā. Opta-
tiffimus noster comes Jo. van Horne, pluri-
mum te falutat. Neapoli XXI. Jun. 1644.

T. T.

Thomas Bartholinus.

EPISTOLA LV.

De vomitu in calculo.

PETRO CASTELLO

Meffanam.

Critius memoriam tui recoluiſſem, niſi me
duplex morbus ædibus hætenus lectoq;
affixiſſet. Sanè pruriit manus, calamusq; sæ-
pe ſponte ſua impleri viſus eſt, tui recordati-
one. Obverſantur animo meo humaniſſima
colloquia, quibus nos Meſſanæ commorantes
fruebamur. Debitam nomini tuo veneratio-
nem publico hoc de Aneurysmate ſcripto or-
bi propalavi ea veritate qua præclaris experi-
entiæ infinitæ monumentis publicè hætenus
innotuiſti. In eo cultu nos quotidie exerce-
mus data apud ſummum Virum *Aur. Severi-*
um occasione, cujus genii operumq; ideam
à me procuratam editamq; mitto, ut virtuti-
bus tuis devotum nobiſcum exoſculeris. No-
ſtrarum

strarum rerum status ob imminentes æstus Neapoli adhuc solito turbatior est, Sirii exitum anxie expectantes. Interea frequentioribus literis, si ita placuerit, leniam absentis desiderium, ut etiam ex *Castello* otii mei fructum hauriam. Secundæ editioni Anatomiae nostræ accingimur. Si quid in pluteis Tuis fecundis hæreat nobis ex usu quod esse queat, publico neutiquam invidebis, qui dudum de *Sepulcreto* tuo spem publicam excitasti. Quid de Unicornu illo, quod apud Illustrem vestræ urbis Virum latere, præsens narrabas, sit statuendum, quo pretio æstimandum, quo colore & magnitudine efflorescat, Te interprete scire averterem, ut etiam hanc opusculi de Unicornu paginam impleas. Multa enim cornua hinc inde venditantur, quæ vel ad asinorum vel caprarum classem referuntur rectius. Imo omnia quæ in Gallia, Belgio, & in patria vidi, ejusdem sunt generis, nempe Cetaei ex Septentrione. Cæterum quæ calculoso meo symptomati singularis præsidii adjumenta suades? Frequentes prodeunt arenulæ dolorum in pubis regione causæ, quas vel Paternæ imbecillitatis innata dispositio mihi impressit, vel calidiora vina in his oris & apud vos, quibus tamen parcè usus sum, accer-

cerferunt. In tuo consilio magnum momentum sanitatis posui. Varia quæ vel amici vel varia lectio suppeditavit tentavi, sed à nullo levamen sensi, nisi ab aqua sorticum fabarum, quæ arenulas deturbavit, ut non dubitem id remedii genus pluribus commendare, & forsan plus illi in remedio illo calculum frangente apud *Augenium* l. 9. Consult. tribuendum quam millepedibus. An autem in huiusmodi affectu vomitus conducatur, à nemine rectius doceri possum, quam à *Castello*, qui libros de Emeticis confectos habet. Multi sunt artis initiati, qui ad præcautionem laudant, ut materia tartarea expellatur antequam vel ad renes vel vesicam derivetur. In ipso paroxysmo alii admittunt, quia natura per nauseam vomitumq; viam monstrare videatur. Quanquam huius vomitus alia sit causa, nempe compressio nervulorum sextæ conjugationis & membranæ venalis vellicatio, de nihilo non est, quod asseritur. *Hippocrates* tuus l. 6. Epid. post vomitum æruginosum levius habere dixit. Meo iudicio, vomitus ad expulsionem calculi vel arenularum eodem conatu confert, quo ad pellendum foetum, nempe totius vehementi commotione & musculorum abdominis compressione. Diligenter verò

verò cavendum, ne promiscuè vomitus excitetur iis qui ferendo non sunt, adeoque morbus morbo addatur. Mihi vesicam dolenti, id remedium suavit noster *Severinus*, sed ferè pleuresin eram passus. Consobrino verò meo Dn. Fuirenio, qui nobiscum est, ejusdem consilio, vinum Antimonio infusum feliciter successit, qui athleticè exinde vixit. De his verò Te malo audire annis & usu probatum, quam plura verba perdere, ex quibus pauci forsan vel docti fient vel sani. Cum literis expecto quoq; Lapidem Lazuli in Sicilia natum, quem discipulus ille tuus, quem nosti, te præsente olim promiserat. Vale, immortale Reip. Medicæ decus, & si amici preces aliquod apud Te pondus habent, promissum sepulcretum, seu Observationes Anatomicas, quas ex Centum Cadaveribus Romæ sectis, notasti, quasq; in Antidotario Romano Messanæ nuper edito promisisti, noli diutius suppressere. Salutaris amico voto à sociis meis D. van Horn, & Theod. Fuiren, ut & à Clar. Severino, qui Epistolæ de Salvatella exemplar anxie expectat. Scripsi Neapoli. XXIII, Jul, 1644.

T. T.

Thomas Bartholinus.

EPISTO.

EPISTOLA LVI.

De Glossopetris Melitensibus.

THOMÆ BARTHOLINO.

Neapolin.

JOANNES VESLINGIUS, S. P.

EGo verò deperacto feliciter Siculo Melitensiq; itinere tuo, Bartholine suavissime, tanto magis gratulor, ac gaudeo, quanto graviora fuere quæ subire voluisti, cum libertatis tum vitæ discrimina: certoq; mihi persuadeo, non defuisse quæ generosæ & vegetæ indoli Tuæ materiam suppeditare poterant, curiosæ pariter atq; utilioris contemplationis. Nam de Glossopetris optimum agnosco judicium tuum, quæ cur ex metallicorum ordine exigendæ sint, basin rationum parum firmam apud F. Columnam observo, de quibus incoram pluribus, si Deo visum est, agemus. De Opobalsamo tractatum meam, spero jam accepisse Cl. Petrum Castellum, recepitq; ejus in se curam Franciscus Corvinus Romæ, qui affinitate illi devinctus est. Quod in Cl. Severini nostri complexu etiamnum degis lætor, de cujus transmissa imagine nitidior, adjunctoq; scriptorum τῶν ἐκδότων ἔ ἀνεκδότων indice gratias ago, habeoq; planè singulares. Nos hic divino munere sospites, in otio degimus,

gimus & feriis studiorum æstivis: quamvis feriæ mihi nullæ fuerint, quotiescunq; benè de Te, deq; Tuis promerendi occasio adfulserit. Historiam Aneurismatis velim òcyus per-texas, & inclusas interca meas ad Cl. Severinum, cum officiosissima salute eidem tradere non graveris, rogo. Vale feliciter, & amorem nostri conserva. Patavii. Prid. Kal. Julii. cIo Ioc XLIV.

EPISTOLA LVII.

De Glossopetris.

JOANNI VESLINGIO

Patavium.

PROMISSA deGlossopetris argumenta insignis affectus Tui in me argumentum fuerunt, quibus proximis literis me solito more in-scasti. *Columnam* tueri videtur externa Lamiae dentis qualis qualis forma, quam ex Musæo *Imperati* hesterno die accuratius consideravi. Sed jugulum petit interior facies, Glossopetrarum diversa genere, magnitudine, colore & figura differentia, quæ magno studio Melitæ conquisiui mecumq; adsportavi ut in argumento suscepto mihi præluceant, de quibus si iudicium tuum in his subactum experiar,

Q

itine-

itineris, moram ægrius feram. Prodiit infelix meus de Aneurysmate foetus, quem sanè citius confeci quam fungi nascantur. Tu humi jacentem suscipies, judicioq; benigno confirmabis vel emendabis, donec ipse præsens præsentem stitero. Cæterum Anatomicas tuas de Vipera observationes expectat *Severinus* noster, quia *Campius* Lucenses amaret antevertere. Anatomiae nostræ editionem iterato in se suscepit *Leiden*sis Hackius, meq; per Cl. *Valæum* ad augmentum extimulavit de quo negotio tecum deliberabo. Vale, doctorum delictum à Cl. Severino & Hornio salutate. Neapoli 26. Jul 1644.

T. T.

Thomas Bartholinus.

EPISTOLA LVIII.

De Aneurismate, &c.

THOMÆ BARTHOLINO

Neap.

Vinces, quamvis signa canere ipse non jubeam, & quæcunq; de Glossopetris Columnæ illi innixa, quæ felicitas ingenii est, facile subruet. De aneurysmate tractatum
tuum

tuum apud Dn. Rhodium vidi, elegantem Jupiter, & Æsculapidium scholis dignum. Habeo tamen, quibus cum Hildano Fabricio nostro conciliem, quæ secus tibi visa sunt. Aurelio Severino Viro præstantissimo de Viperis dissectione satis jam fecissem, si gravidam vivis foetulis nancisci potuissem: quod si res moram menstruam haud patitur, conjiciam in chartam quæ parata habeo, & quam id primum fieri potest, Neapolin mittam. Anatomiae vestrae, præter pancreatis ductum; vix aliud adjiciendum arbitrer. De figuris aliquot partium accuratius repræsentandis jamdudum monui. Induxi animum syntagma meum Anatomicum augendi, emaculandi, figurisq; totidem quot capita continet, ex dissectione propria depromptis exornandi, si vitam & valetudinem cœlestis favor indulserit. Vale feliciter, eruditissime Bartholine, & cum Cl. Severino nostro, & Dn. Hornio plurimum salve. Scribo Patavii XII. Augusti, Anno 610 Idc XLIV.

Tuus ex animo

Joannes Veslingius.

EPISTOLA LIX.

MARCO AURELIO SEVERINO Copulæ
ET vindici Neapolin.

THOMAS BARTHOLINUS.

REddidimus vicem, quam copula nunquam dissolvendæ amicitiae tanto Viro impetavit. Utrique voto gratulatus sum, & Tibi, & Copulæ. Huic quidem de renatis te Æsculapio particulis, hætenus nescio quo Virbii fato de truncatis. Tibi verò, quod feliciter adeò minima tractes, ut maxima quæque superent, copulamque non minori facilitate, quam curta Curtorum gnarus integritati suæ restitueris. Si quæ Vati fides, ex copula copulam quæsisisti, dum individuo virtutis geniique conjugio & arctiori nexu famæ perpetuum vinculum tibi copulasti. Interea perge sexcenta ET, nomini aureo appingere, titulisque adde per copulam, quæ solo vocabulo magnitudinis tuæ capacitatem non assequuntur. Vale Vir summe, atque extemporaneam hanc Musam benigne, ut soles, excipe. Neapoli Cal. Octobr. 1644. XLIV.

Impress. Neapoli in libr. Severini Italico
La querela della ET accorciata:

1644.

EPISTO-

EPISTOLA LX.

De Gallis cornutis.

THOMÆ BARTHOLINO.

MARCUS AURELIUS SEVERINUS S.

Amicorum suavissime, literatorum eruditissime, literis optatissimis tuis equidem nescio majus inspersum affusumq; fuerit unde libet humanitatis tuæ specimen an suavitatis. Utraq; certe sub argumento nil perquisito mirum in modum cōplexa se prodidere, quæ proficiscuntur ab uno fonte, quæ mihi videtur *ἐν Φύσει*. Quamobrem oculatè tuam ego necessitudinem expetivi, recte tuo præsidio quoq; arctissime me munivi. Verum de his ne fusius, quam par est, quamve tua patitur pudibunda modestia. Gratuler satius incolumitati tuæ, de qua sollicitus animus meus plūs semel veritus est, præsertim suspiciosa jam imbecillitate, neutrove statu valetudinis tuæ. Gratulor & de pari firmitate sua Dn. Theodoro Fuien, Dominoq; Joanni van Horn Ahati tuo. Gaudeo verò mihi, quod tam efficaciter me commendaveris insinuaverisq; amplissimo Commendatori Puteo, ut indicibus & argumentis sese prodiderit in me propensum. Cui consummatas jam Hetru-

scæ copulæ vindicias Saturni die proxime venturo paro mittendas. Ipse, mi Bartholine, duplex exemplar inveneris Venetiis apud officiosissimum Aprosium, commendatum Archiatro Bensonio. Quod si plura exemplaria cupiveris, significa. Unum alterum destinabitur ornatissimo Wormio, plura non licet incommodo longinquitatis, præterquam quod haud concipio futuras alioquin has vestras cupedias. Accepi quæ solers Veslingii manus de Echidnatome procudit expostulata nulla non laude digna, de qua re dicam alias explicate. Choccolatam opperior gentis inquilinæ nectar & ambrosiam. Cum misera Amplissimo Puteo meam de Fungi mappa dissertatiunculam; equitis confido diligentiae communicabit suam alteram ejus concrementi figuram. Cum confederis in Adriæ subselliis, audies ab eruditissimo Benedicto Mariotto, expectari Venetorum typis meam Inermem Chirurgiam, quam doleo mihi recenseri mature non posse præ tot rerum ac negotiorum anfractibus. Ibidem ipse, Bartholine scientissime, fac tuum mirificum De Animantium Luce Volumen expeditissime cures excudendum. Inde lucem rerum magnarum eruerint Scriptores nostri seculi, Ad hæc
& luci-

& lucidissimam tuam, ut vocare solitus sum, Historiam Anatomicam, incudi novæ redditam amplissime instaure, dum nos hic & Schipanus, & Æmylius, & Capucius, & Riccius, & Meonius, & Donzellus, atq; amici alii Deos Deasq; omnes oramus, ut vita tibi suppetat felix, quatenus artes omnes bonas monumentis tuis indies exornare queas. De rebus tuis frequenter deq; amicis rescribe. Expectatissimo libro tuo de Unicornu congruam Historiam nescio num adnotaris, quam tamen non dubitabo referre. Gallo gallinaceo proVectiori calcaria radicitus recidunt vafri quidam veteratores naturæ periti, quæ resegminibus tenuis in radices cristarum ejusdem gallinacei scarificatas inferunt colligantes sic ut fiat coalitus, quæ imago quædam Villicæ infitionis, & Curtorum reparationis videtur. Ejusmodi gallum cum recurvis cornubus duobus alit in aula sua Excellentissimus Bisidiani Princeps Dn. Tiberius Caraffa Nobilitatis præcipuum ornamentum, cujus ejusdem Illustrissimum nomen mandes velim memoriæ per hoc splendidissimi Viri in indagandas res novas studium & sagacitatem. Lituris & sphalmatis inepti scriptoris, cujus me manu coactus sum uti tua bonitate fretus,

quæso, parce, & me ama. Claudio du Four Typographo Lugdunensi peculiaribus literis ad Juntarum procuratores Bibliopolas Neapoli datis flagitante parata est jam mitti Chirurgia Illustrata: quæ amico doctoq; Censore opus habet. Quare tuam humanitatem quæso commendes Excellentissimo Medico, quem alias nominasti, Gras. Hactenus ad priores tuas literas. Cæterum quod tot Heroicos viros amicos mihi paraveris, in primis verò dignissimum Wormium, cujus beatrix nedum exornatrices accepi literas divinamq; icona. Sedulitati & comitati tuæ nunquam pares acturus fuerim gratias, nisi quod habiturus fortasse non impares. Mittam ad singulos gestientis [ET] libellos parato jam amplissimo fasciculo, qui Juntarum Bibliopolis commissus est. Quod jussisti de Vipera deq; Seilem non est dormitem cessemve exequi. Tibi vivo totus nostro quippe amicorum & literarum ornameto. Perductus ad extremas epistolæ oras cogor tacere, Bartholini nunquam taciturus nomen, Neapoli XV. Octobr. clō Idc XLIV.

EPISTO-

EPISTOLA LXI.

De sceleto cum ligamentis propriis.

CÆCILIO FOLIO

Venetias.

Iucunda fuere & percuriosa quæ nuper a-
 pud Te in Anatomicis vidi, quum ad ædes tu-
 as Te reviserem, sed gratior animus benevolus,
 quem præsens variis officiis mihi monstrabas.
 In primis sceleton humanum arrisit à te con-
 structum propriis ligamentis cohærens, seden-
 tis formâ. Quanto quis propius naturam æ-
 mulatur, ejusq; nativas fibras servat, tanto &
 à natura & naturæ ministris plus laudis mere-
 bitur. Medicus naturam presse imitari debet,
 quantum potest. Anatomicus quoq; destructor
 machinæ elegantis, in ejusdem restitutione
 omittat nihil quod ex natura servari potest, &
 si tali artificio vasa reliqua sceleto affigerentur,
 sicut in tabellis, cum musculis exsiccatis, inæsti-
 mabili opere conatus censeretur. Non du-
 bito quin accuratâ tuâ manu indies arti no-
 stræ ingens augmentum accedat. Auditus
 ossicula nitida erant quæ nobis ostendebas.
 Quod verò quartum os Sylvianum diversum
 à tuo diceres, mirum mihi videbatur. Quæso
 per otium auditus instrumenta tuo more se-
 parata & si quid circa illa dignum memoriâ
 notasti,

notasti, nobis communica. De Chirurgicis aliisque observationibus, spem nobis faciebas, quum publicè in Theatro Anatomico cadaver dissecares & compta vestra lingua explicares. In Pinguedine ingenium excellens monstrasti & antiquitatis reverentiam in revocanda *Hippocratica* sententia. Dubia tamen non pauca me remorantur, alibi proferenda. Jam enim gratias agere Tibi constitui pro amicitia & honorifica mentione nominis nostri in laudata de Pinguedine Dissertatione. Ingenti verò desiderio tencor videndi Hippocraticam tuam Historiarum correctionem, de qua in coram faciebas mentionem, ut appareat, quomodo illos curare *Hippocrates* potuisset, quos mortuos scribit. Quidque denique insoliti in exercitatione tua Medica notaveris, non gravaberis verbulo ad me perscribere. Vale, Vir Illustris, & cum Magnis Vestris Æsculapiis Parisano & Aromatario plurimum salve. Scripsi Patav. XXV. Octobr. 1644.

T.

Thomas Bartholinus.

EPISTO-

EPISTOLA LXII.

Observationes quaedam Anatomicae.

THOMÆ BARTHOLINO

Pataw.

TEmporis mutationes accidentes repentinae verum eventum fecerunt sententiae Hippocraticae apportantes nobis Autumnum ita plenum infirmis, ut negando commoditatem cum cibo reddendi tributum debitum stomacho, & auferendo commoditatem somni & necessariae quietis corpori, simul cum occupationibus, ut prius exsequi non potuerim amica imperia Tuae claritatis, in causa fuerunt ut defectum commiserim quanto involuntarium tanto excusabiliorem apud tuam humanitatem, quae omni hora fuit prompta extollendi me favoribus non meritis: Hac fiducia interim in praesenti mitto illi paucas quasdam ex desideratis observationibus Anatomicis, quae si merentur correctionem, non illam detrectant, si non merentur applausum, detrectant. Hoc tamen non postulabo à tua humanitate, sed libentius à tua intelligentia, cui me submitto, & consigno. Venet. 4. Novemb. 1644.

Cecilius Folius.

Humanis

Humani corporis partium genericæ divisiones, quæ multæ ab Auctoribus proponuntur, tanquam inutiles, ac falsæ rejiciendæ sunt excepta Hippocratica, quæ clarioris intelligentiæ gratia aliquali eget expositione.

Exterior corporis cortex græce epidermis, latinè vero cuticula dictus, quamvis nullius usus, expers vitæ, minimeq; pars judicetur. Quoniam formatur ex semine, nutritur, augetur, nec non medium est sensus tactus, ideo secus asserendum affirmo.

Si quæ pars ab aliis sejuncta adæquatum tactus organon vocari meretur Cutis profecto ea erit, puta quæ symbolici quid cunctis cum partibus habere videtur. Ast ego sum qui credo talem nequam dari partem sed omnes simul subordinatè animæ ut sentiat inservire tamquam instrumenta proportionata.

Quas Peritoneo ascripsit utilitates Galenus, nullius, aut parvi esse momenti censeo. Unica namq; nec non præcipua est suspensio, & defensio vasorum umbilicalium ne cum omento s. confundantur ac circumvolvantur alter alterius actiones impediens; neve inter circumvolutiones intestinorum inserantur.

Umbili-

Umbilicalia vasa (Arterias intellige) quamvis simplicia ab Auctoribus designentur variè & ramificata ostendi.

Carnosas, & Glandulosas partes quam maximè apostematibus atq; exulcerationibus esse subjectas nemo sane mentis negabit. Ideo nec mirum si pluries orificia Ventriculi similibus teneantur morbis, quibus ita miserrimi egrotantes cruciantur, ut tandem post diutinos sevosq; dolores sepiissime vitam cum morte commutent.

Inter præcipuas intestinorum passiones non ultimum obtinet locum quem à Vermibus initiatur dummodo non vellicant ipsa tantummodo inquinantq; verum etiam ita in id ipsa infiguntur, ac ut ita dicam radicanter ut egrè evelli queant sine idipsum membranarum laceratione.

Tormina Abdominis non à flatu tantum, calculis, humoribusq; inibi contentis oboriri est dicendum, sed sepe ac sepius à glandularum Mesenterii pancreatisq; abscessibus & apostematibus, quarum sevitie post vehementissimos cruciatus infelicissimi patientes ad commiserandam mortem vehuntur.

Pancreas glandulosum viscus, lactei humoris est receptivum non ut ipsum Hepati
tantum

tantum impartiat, sed & reliquis fortasse visceribus. De Liene non dubito, quandoquidem id fieri per tenuem *Canaliculum* Venarum comitem à me sepius in brutis fuit observatum.

Vermes ubiq; gigni ac permeare posse testimonia fida non desunt; nec mea ad comprobandum deficiet experientia cum & in Pancreate nec parvum adinvenirem.

Renes à natura duos fuisse formatos nemini dubium est, nec desunt qui hoc Corporis equilibrio ascribant. Unicum tamen quandoq; posse inveniri non sit qui neget cum id ipse adinvenirem ac publicè patefecerim.

Lien alterum Hepar seu adulterinum, ut loquar cum Philosopho *unicum* ut sepe reperiri est satis notum, *duos* autem, *tres*, ac etiam *quatuor*, posse in uno corpore dari observari, nec non etiam consuetam magnitudinem aliquando excessisse ut decem, & septem librarum pondus æquarit.

Hepar lieni copulari, ac ita uniri vidi ut unicum viscus apparerent propter coloris etiam uniformitatem.

In fellea Cisti lapillos diversicolores multiplicesq; reperiri nec aliis, nec mihi latuit, albos siquidem, citrinos, nigros, atq; rubeos adinveni. Non

Non solum in Renibus, Urinaria, fele-
aq; vesica lapides procreari verum etiam alibi
pura palato, ac umbilico mihi videre licuit.

Menstruorum retentiones non ab aucto-
ribus allatis tantum de causis exoriri est cre-
dendum, sed ab apoltematibus etiam nec non
scirofis Uteri tumoribus qui ad tantam quan-
doq; duritiem deveniunt ut ossis naturam co-
lorem, cæterasq; acquirant qualitates uti à me
fuit demonstratum.

EPISTOLA LXIII.

Auris internæ delineatio.

THOMÆ BARTHOLINO.

Patavium.

CÆCILIVS FOLIUS.

Quas de auditus Instrumento Anatomicas de-
siderasti Observationes, Vir Clarissime, de-
lineatas libentissime mitto, partim ut Studiosissimæ
tuæ ac Virili obtemperem voluntati; partim ut
orbi hac pagina innotescat à veritate Comici illud
non recessisse:

Nunquam ita quisquam bene subducta
ratione ad vitam fuit,

Quin Res, ætas, usus semper aliquid ad-
portet novi.

Super-

Supervacuum namq̃ foret in Studiis longus labor, ait Quintilianus, si nihilliceret melius invenire præteritis. Hæc quamvis minima, non infimæ tamen utilitatis sunt censenda. Ad auditum enim perficiendum sicut maximopere faciunt, ita ad auditus naturam penitus introspiciendam, viam aperiunt, quod in Prælectionibus nostris anatomicis fusè demonstrabimus. Interim Vale, meq̃ tibi debitissimum, ut soles, ama.

Venetiis, Die 19. Novemb. An. 1644.

Figura prima.




Figura prima ostendit Cochleam, Labyrinthum, foramina ovale & rotundam, nec non Aquæductum Fallopii.


a Foramen rotundum, fenestra rotunda appellatum.

b Pars ossis petrosi à reliquo cranio separata, Cochlea nuncupata.

c Fora-

- c Foramen ovale Stapedis locus quod fenestra dicitur.
- ddd Circumvolutiones tres in cavitationem auditus desinentes, Labyrinthus dictæ.
- e Aquæductus Fallopii per quem transit portio durior nervi dicti Auditorii.
- ff Exigua duo foramina, per quæ exeunt ramuli parvi venarum, & arteriarum.

Figura Secunda.



R

Figura

Figura secunda monstrat os temporis cum Labyrintho, Cochlea, tribus ossiculis, atq; musculis duobus in situ proprio.

- a Cavitas in qua inferuntur nervi auditorii.
- b Girus Major Cochleæ.
- c Circulus osseus.
- ddd Circumvolutiones osseæ h. e. Labyrinthus dictus.
- e Incus qua parte malleo jungitur.
- f Caput mallei in situ proprio.
- g Subtilior processus mallei à nemine antea observatus, cui alligatur musculus alter auris externus.
- h Musculus auris externus.
- i Minor processus mallei cui adnectitur musculus auris rotundus.
- k Processus tenuior sed longior incudis cui stapes alligatur.
- l Stapedis osseus quidam globulus à Thoma Bartholino in Anatomia Parentis descriptus.
- m Stapedis figura, & insertio.
- n Os spongiosum.
- o Os temporis.
- ppp Squamosæ suturæ dicti ossis.
- r Musculus rotundus seu internus.

Figura


Figura Tertia.



*Figura tertia exhibet Ossicula auditus tria
Malleum, Incudem, & Stapedem cum ap-
pendicibus novis.*

- a Caput mallei rotundum.
- b Subtilior processus mallei à nemine ante-
tea observatus, cui alligatur muscu-
lus alter auris externus.
- c Minor processus mallei cui adnectitur
musculus auris rotundus.
- d Extremitas mallei quâ medio tympani
adnectitur.
- e Incus qua parte malleo jungitur.
- f Processus tenuior sed longior Incudis
cui stapes alligatur.
- g Stapedis, osseus globulus.
- h Stapedis figura.

Figura Quarta.



*Figura quarta habet Cochleam inversam,
ut videatur cavitas cum proprijs foraminibus,
& loco nervorum.*

- a Girus major Cochleæ.
- b Foramen per quod transeunt venulæ exiguæ.
- c Foramen nervi durioris quo exit, ut per aquæductum feratur.
- d Circumvolutiones osseæ, h. e. Labyrinthus dictus.
- e Cavernula in qua terminatur portio mollior nervi auditorii.
- f Origo aquæductus.

Figura Quinta.




Figura quinta. Ossicula in situ, nec non musculos, & circulum osseum cum osse temporis delineat demptis Cochlea & Labiryntho in secunda figura delineatis.

a a a Membranam Tympanum vocatam ostendunt reliqua patent ex superiori.

Figura Sexta.



*Figura sexta demonstrat foramina octo
cavitatis internæ.*

aaa Cochlea dissecta.

bb Intermedium quoddam cochleam in
duos giros dividens.

c Foramen rotundum in cavitatem audi-
tus, & in girum cochleæ inferiorem
desinens.

d Labyrinthe circumvolutiones appertæ.

eeeeee Venulæ per cochleam & labyrin-
thum disseminatæ.

g Fenestra ovalis.

h i Duo foramina tertiæ circumvolutionis
labyrinthe.

i Foramen rotundum in internam cavitatem
auditus desinens.

m m m

mm. Tres circumvolutionum duarum a-
perturæ, quæ tria foramina, dum
nondum sunt dissectæ demonstrant.

EPISTOLA LXIV.

De radice Heliotropij.

THOMÆ BARTHOLINO.

Patavium.

Quantopere me literæ tuæ exhilararint,
effari nequeo. Intellexeram enim Te af-
flictioris fuisse valetudinis, ac turbulento isto
Italiae statu, haud tutum omnibus futurum iter
per loca militibus obsessa transeuntibus, pro-
be noveram. Verum ut ex tuis vidi Venetias
vos appulisse, salva omnia gaudebam. De
Severini mihi gratulor amicitia, sed doleo
occasionem non dari crebrioribus literis de
variis artem nostram concernentibus confa-
bulandi. Cæterum commodum accidit tuas
ubi accepi, quod in horto meo Heliotropium
invenerim, cujus radices mox collegi, exper-
turus an Tibi imposuerit experimentum.
Collegi igitur, ac à sordibus & pulvere mun-
davi, exsiccavi & primo scindulæ lignæ im-
positam, pelvi, aquæ repletæ commisi, visurus
quo tenderet, quem motus rationem obser-

varet. Sed frustra, ad motum aquæ primo paululum movebatur; sed hac quiescente, quievit & illa. Locum quem utraq; extremitate ostendebat diligenter, pelvi incisa linea, notavi. Post aliquot horas rediens, in eodem quo antea inveni situ, nihil à primo distante. Hinc sine scindula nudam aquæ imposui, innatabat, levis enim est, sed pari successu. Non igitur possum quin dubitem de hoc arcano. Si res ita haberet dudum hoc ipse expertus fuisset Kircherus, qui in minutioribus curiosior esse solet, & nihil, ut scribit, sine experimento prodere. Planta namq; adeò rara non est, ac radicem habet teneram, lignosam, fibris crebris divaricatam, cortice puniceo, interiore substantia candidam. De monumento Wilhelmiano in Sicilia, quod certiores me reddideris gratias ago. In primis quod sollicitus sis adeò de Musæo meo locupletando. Avus longiorem tuam in exteris moram ægrius ferre videtur, utpote qui adventum tuum hac hyeme exspectaverat. Deus Te salvum & incolumem cum reliquis nobis sistat. Vale. Hafnia 29. Novemb. 1644.

T.

Olaus Worm D.

EPISTO-

EPISTOLA LXV.

De sceleto ficus Opuntia.

THOMÆ BARTHOLINO.

Patav.

MARCUS AURELIUS SEVERINUS.

τῆς δοξῆς τῶν κερυφῶν ἐπιλαυβάμεν.

QUod nomen meum exile deprædicantes
 extenderint te auditore pleriq; profecti
 ad vos undiq; gentium populares litterarum
 periti, utinam hanc celebritatem meis exten-
 derim factis, neq; laus interea promota fuerit
 penes amicos, à quibus sentiant honores meos
 libenter approbari, tuæ vero mirificæ erga
 me benevolentia voluerint astipulari. Nihil-
 ominus dicam, quod exinde accidit, gratio-
 sissime Bartholine, doceor his vocibus, exci-
 torq; potius ipsam, quæ longe me fugit, glo-
 riam animosius capeßere, præsertim ut tuæ
 gravissimæ de me existimationi quaquâ parte
 respondeam. Quod ad repræsentatrices vul-
 tus mei, quas expetis, formas, curassem ex his
 quæ supersunt, mittendas ad te quampluri-
 mas; Verum amabo Te, moram sustine tan-
 tisper, dum hac idea fideliozem è Chalcogra-
 phis Romanis expromat Illustrissimus à Puteo,
 qui delineatam coloribus imaginem dudum

R s

acce-

accepit. Sic Anatomicorum Principi Bauhino, cujus nomen jampridem à me cultu atq; Illustratæ meæ Chirurgiæ mandatum est, ut jam nosti, cujusq; benevolentia atq; in me proclivitati plurimum debeo, fatiscere fatius licebit. Interim si prioribus exemplis ad omnem modum uti velis, est comissimus Ludovicus Pouchius, qui ex duodenis illi communicatis, tradere valeat, quot velis.

Excell. Wormii summa cum voluptate, pariq; cum admiratione semper audio nomen, nec minori cum mea superbia accipio, Heroicum virum bene de me sentientem, ac benè mereri studentem. Ego verò, dum paratas suas opes, quæ monumenta sunt divinæ mentis, non dat habere, contentus fruar ejusdem specimine felicibus chartis expresso. Epistolam meam ad hunc virum jamdiu residem, uti voluisti, mittebam, verum ubi prælo destinatam sensi, vix sustinui mandatum; quippe vereor, ut aureum ejus monumentum obscureretur plumbeo nostro contrectatu. Verum tamen id me confirmabit mittentem, si tantum absolutissimus Rhodius scriptum omne recenscat, & expoliat. Suavis, ut disertissimi Wormii, sic feracissimi fuit Liceti commemoratio; qui cuperem omnino declararet acceptas secundum

cundas meas litteras, grave alioquin esset, in ambiguitate præteriri debitum veneratissimo viro meum officium, quaecumq; sit ipsum. Hujus & Clarimontis inimicitias ferre Pallas æqua non potest; adeo videntur absurdæ, ita sunt literatorum abominabiles etiamnum similitudines. Quæ verò suscitaverit Alecto dissidium, operæ precium esset agnoscere, quo compositionis & conciliationis officium subire posset Amicus quispiam. Illustrissimi Cassiani Studiorum Mecænatis sanctissimum hoc foret arbitrium, cui domino commendassem equidem provinciam, verum ignotis injuriæ seminariis, quidquam ego non ausus sum, ne male peritus aut inconsultus ejus rei viderer legatus. Quod Legati munus quis te, optime Bartholine, dexterius aut aptius exequatur? Præsertim in ista locorum vicinia auscultandis utriusq; causis accommodatissima. Studium infinitum, Bartholine, tuum, quo me per tui monocerotis antidotum adversus posteriorem interitum præmunisti, tantundem etiam infinite laudo, gratias item suo mature tempore repensurus; sed has interim egit amplissimus Carafa Princeps, qui fructus præcoces vellet. De Zootomia Democritææ, quæso te, Bartholine, percontare, num ad hoc
tempus

tempus uspiam visatur, indicibus porro Francofurdiensibus autumnalibus anni præteriti legi promissam; vulgatam opperior avidissimè. Cl. D. Combacho debeo plurimum, devoveoq; me meaq; omnia quantum huic domino sint ex usu. Ejus expectationem nitatur adimplere. Pleraq; mea concredita Typographis referas licet; inter quæ omnia Zoatomiam in mei gratiam curet Musæo suo cohonestandam. Non pænitebit legisse; sic neq; Choccolatæ medicaminis enarrationem. Hujus ego Viri nomen Illustratæ Chirurgiæ nostræ interserendum curavi, implorata typographi ad hanc rem fide. Sed heus bone non respondisti quidquam ad meam petitionem, qua rogabar, ut alicui Amico Lugdunensi Docto Viro commendares editionis meæ castigationem. Tuo isthoc officio plurimum opus est. Scioppium à me suspici renunciato, quem ne degravem Literis, non interpello. Tantum sciat veterem meam erga tantum virum propensionem. D. D. Veslingium, Rhodium, Offredum mihi fac in amando quam calentiissimos. Quod ad salebrosam tuam de Pleuro-pulmonia quæstionem mirum est profecto, quid Palæmonem me constituas, qui ad ambas usq; aures tanquam Tantalus inter aquas hac erudi-

eruditione affluas, præsertim in istis vestris, ut magnus Thomasinus vocat, Athenis; quid, inquam, ad meum rivulum recurras; omnium quippe mare non indiget, ut in veteri prudentium sermone dictitari consuevit. Verum de his postmodum. Bene tibi vult esse D. Capuccius, & D. Mæonius. Ego verò Dominis Germanis tuis fratribus, atq; ornatissimis Fureniiis, cum quibus & tute Musarum ocelle, Patriæ spes, literarum column, amicorum delictum, majorum tuorum & domus incrementum *εὖ ἀγαθῶ θεῶ* diu feliciterq; vive, cujus ego simulacro ferme loquenti viventiq; tam oppido delectatus sum, quam fieri potest maxime. Cum hoc vix minus ac tecum, mi Thoma suavissime deinceps vivere credam. Verum me ineptum, quid præterieram Oponitii folii resolutionem artificiosam? Parabitur hæc porro simplici tabefactu per affusam uberem aquam tamdiu complexuram, dum fibræ lignæ duritiæ restibilibus, omnis exsolvatur carnea portio. Quæ tibi ars ad Analyses plerasq; felix soli servator, nulli præterquam Achatæ revelanda. Fuit huic fabricæ opificium divinum in Dendranatome mea parva apud Zootomiam enarratum. O si viderim, aut contrectarim unquam hoc monumentum
pridem

pridem per transennam à nomenclatoribus
 Francofurtensibus indicatum. Interim sedulo
 mihi vigilans amicus Sebast. Ernestus Scheffe-
 rus attrahit has operas in Begerum civem
 suum Francofordiensem, qui bene refotus ex
 priore tertiam affectabat operis de abscessi-
 bus editionem, nisi quod monui per Lugdu-
 nensem exactissimam odornari, cui patrii pro-
 fessores operam conferant suam. Quæ Te
 volui, mi Bartholine, rescire consulturus
 quandoq; mihi, si quid in hoc genere queas.
 Neapoli XXV. Febr. M. DC. XLV.

EPISTOLA LXVI.

Dubia de Circulatione Licetiana.

FORTUNIO LICETO

Bononiam.

QUod jamdudum officii memor transmi-
 sissem, nisi Æoli imperio diutius apud Ne-
 ptunum hæsisset oneraria navis quæ opuscula
 mea Neapoli deferebat, id jam oculis tuis si-
 sto, & judicio pressiori examinandum com-
 mitto, Eruditorum Princeps Licete. Histo-
 ria est sine legibus, quia ea libertate scripta
 fuit, quam liber animus dictabat. Vera tamen, &
 actæ rei seriem sincera fide pertexit. Utinam
 sequaces haberet, quæ exemplo caruit. Sæcu-
 li enim

li enim mores nosti, omnia ex affectu potius quam veritate æstimare. Nec tamen dubitant falsè dictis Historiæ speciosum titulum suspendere, ut vel ficta specie precium mendaciis emendicent. Nolo in dictorum fidem ævi nostri historicos advocare, vanis rumoribus fallaci judicio & partium studio superbientes, ne de me historiam condant. Volusii profecto annalibus accensendi & loco digni unde prodierunt, foro nempe, quod sibi Circulatores, verba vendentes vindicarunt. Sincerius de historiæ nostræ contextu judicabis, Vir Magne, qui mores meos novisti. Non enim Principum arcana revelavi, nec furentes in perniciem humani generis acies instruxi, nec falsas de secretis dissidentium partium voces adoptavi; sed inter arma inermis, inter sanguineos tumores innocens, inter pugnantes naturæ morbiq; partes arbiter, in omnibus ita me gessi, ut plus rei difficultati quam mihi tribuerim. Quod penes te dijudicetur cui has partes sublime divinumq; ingenium, nullo mortalium invidente, concessit. Quidquid enim inter me & maximos sæculi Viros J. B. Sylvaticum & F. Hildanum controversiæ Aneurysmatis obscurum nomen suscitavit, tuum nutum expectat, quo vel dam-

nentur

nentur illi vel triumphem ego. Digna fanè res quæ ad Liceti calamum cui in litteras imperium summum Numen concessit, exactius revocetur. Quo fato extra naturæ concessos fines dilapsus cruor à corruptionis labe se tueatur. Qualege redeat & egrediatur. Cujus imperio, reciproco pulsus motu ventiletur sanguis, quum & disruptæ sint tunicæ per quas tremulum motum pulsandi vis transmittit, si Vew. Sequamur, & locus effluenti continuo cruori sufficiens non sit, nisi eum in ingentem molem excrecere sinamus. Qua ratione sine alterius noxâ membranarum altera rumpatur. Quo deniq; indulgentis naturæ privilegio oberrans extra limites vitalis liquor vel in pus non mutetur, vel in universali circularis motus circuitu non facile regrediatur. Gordii hi nodi te Alexandrum optant qui ex novis circularis motus principiis nova & scriptoribus nostris hætenus vix audita, ingeniosè curiosorum mentibus suggeres, nisi falsus ego serius Liceti genii æstimator. Quod si calami benignioris ductu ad vitæ fontem fons eruditionis diverteris, ne pigeat quæso explicare quem in expellendò sanguine motum perpetua vicissitudine fervare potuerit cor Germanici filii Drusi, quod adeo solidum, densumq; fuisse.

Sucto-

Suetonius & Plinius narrant, ut concremari non quiverit. Quo durius sine dubio erat scelesti illius cor, quod cartilagineum nobis in Anthropologia Riolanus descripsit. Notum enim humani corporis dissectoribus, si vel duriori substantiæ cujuscunq; particula meatus ejus obsideantur ob interceptum liberi motus com meatum, non contemnendam vitæ inferri noxam. Quippe ad venæ cavæ orificium in inopinata morte suffocatis, carnea quædam frustula cum pingui mole invenit Riolanus idem, & in phthisico Cl. Wormius noster ex utroq; cordis ventriculo carunculas quasdam emergentes vidit, ut & Bauhinus Anatomicorum Princeps, quod nobis quoq; Patavii pridem observatum. Ut taceam palpitatione cordis laborantem Sacerdotem apud Schenchium l. 22. Obs. cui circa cordis basin excre-
 scentia sex drachm. dependebat. Majoris autem miraculi est os in corde humano à Gemma & Riolo adversum, & illud quod ex cadavere Urbani VIII. P. M. nuperrimè extractum fertur. Platerus etiam osseum quid in palpitatione invenisse se testatur l. i. Prax. Verum cur brutis innoxium, quod exitio mortalibus nobis stat? Ossis ex corde cervino nota & fama & virtus, cujus obscuras ratio-
 nes

nes ad te fama & virtute notissimum, lubens de volvo, cui à tanto naturæ magistro erudiri volupe est. Tu interim, Vir cordate, has circa cordis fabricam & vitalium ductuum secretos excessus difficultates minimo verbo expedi, donec alias generoso tuo calamo digniores unicornu meum, quod ex prælo brevi eluctabitur, obtulerit. In quo profecto mirari subit Aristotelis altum silentium, inter clara Ctesiae, Herodoti, Æliani, Plinii, Philostrati & aliorum testimonia, ut Mercuriali Virò docto persuaserit animal hoc nec esse nec fuisse, silente Philosopho, cui obviam eo animo ivi, quo Bartholinum decuit. Ad te verò summum Philosophi Interpretem, vel verius Magistrum, litis hujus deferam arbitrium, si jusseris, sententiam mutabo, nunquam devotum animum. Vale publico bono, meq; ama. Pat. 17. Mart. 1645.

Thomas Bartholinus.

EPISTOLA LXVII.

De Menstruo Universalì.

THOMÆ BARTHOLINO Patav.

PER mihi gratum feceris, si quod commodo tuo fieri queat, ad me quam primum accedere

dere non gravaberis. Sin minus, te rogo ut
in hoc tuo itinere meis verbis salute amoris,
& officii plenissima impertiri velis, Medio-
lani Illustris. D. Vercellinum Vice comitem,
Clarissimos D. D. Franc. Bernard. Ferrarium,
Ant. Olgiatum & Anton. Salmatiam Collegii
Ambrosiani Doctores. Claris. D. Jacobum
Valerium Canonicum Scabanae Ecclesiae.
Claris. & Nobiliss. D. Casarem Burrum.
Mantuae Illustris. ac Reverendis. D. Scipio-
nem Agnellum Episcopum Casalensem, ætatis
nostræ decus, Illustris. D. Comitem Bruscum
Medicum præstantissimum. Curia Claris.
D. Fortunatum Sprecherum. Basileæ Claris.
D. Daniele Tossanum. Lutetia Nobiliss.
fratres Puteanos, Illustris. D. Hugonem
Grotium, Claris. D. Carolum Labbæum.
Claris. D. Guilelmum Setonium Scotum.
Leidæ summum Virum Claudium Salmasium.
Claris. Virum D. Fridericum Spanhemium.
Amsterdami summum Virum Gerardum
Johannem Vossium. In patria tua Claris.
Virum D. Olaum Wormium. Sicut iter ex
sententia tibi evenire in votis habeo, ita
omnium successuum tuorum literis tuis cer-
tior fieri aveo. Patav. ult. Maj. 1645.

T.

Gaspar Scioppius.

S 2

P.S. Per

P. S. Per far il menstuo Univerfale.

REcipe Marchesita negra netta è fannè ballotte, stringendole con le mani, e di quelle empie cinque ò sei Ritorte lutate fin à mezzo, ma nel liuto di terra ò di vetro ascende meglio il spirito. Dagli fuoco prima lento, & uscirà lo Hegma. Poi come vedi uscir lo Hegma, muta Recipiente ferando ben le giunture, & augmenta il fuoco: & usciranno fumi albi, & si convertiranno in acqua, della qual^a acqua potrai fare da dodeci fin à vinti boccali. Mettilo per alcuni giorni nel letame di cavallo per putrefattione. Poi comincia à metterlo à destillare per cenere con una boccia di vetro col suo capello, & uscirà olio, e nel capello si congelerà un sal volatile, come cristallo.

Poi abbruccia le feccie della marchesita, dalla quale destillasti l'acquas in forno di mattoni con fuoco gagliardo. Tira poi fuori il sal fisso con acqua caldissima: poi si congela seconda l'arte chimica. E troverai un sale bianchissimo di fuori, ma di dentro hà color di sangue invisibilmente. Li Filosofi lo chiamano il loro Re, Solè, oro, fuoco, vita, sangue, & mille altri nome.

Haven-

Havendo purificato questo sal fisso come cristallo, si unisce insieme col sal volatile e con la sua humidita cavata col sale della marchesita e non con altra acqua: E cosi si fa materia Triuna, quale si fermenta poi à suo tempo.

Del sale volatile.

Questo sale misto con la humidità acqua crea tutte le cose del mondo e sana tutte le infirmita con gran maraviglia. Qualche parte di questo sale misto con l^a acqua sua cavata dalla marchesita, (o vero con acqua fontana, o del pozzo) lette ò piu volte distillata solve tutti i corpi de metalli sine strepitu, e li riduce in olio.

Li Filosofi lo chiamano il loro Mercurio, Spiritum mundi, Reginam mundi, Lunam, Sal armoniacum, Aceto acerrimo, la loro Acqua.

La Marchesita cavata nel mese di Marzo entrando il Sole in Ariete è ottima.

Un altro modo.

Recipe Marchesita ben purgata da ogni cosa eltranea (il che si fa Lavandola bene con aqua) tenendola due mesi alla aria e rugiada: Recipe ancora acqua piovana in

vafi di terra invetriati e larghi di bocca, r-
voltandola e mescolandola infieme una volta
il giorno. Poi fà bollir la Marchesita con
tanta acqua piovana che sopra avanzi una
spanna per spazio di 12. hore à fouco lento
fin che si veda l' acqua piovana pregna di so-
stanza in modo che non possa capirne piu;
avertendo che mentre bolle per 12. hore spes-
so si rimetta acqua piovana calda sopra, acciò
si mantenga sempre nella medesima quantita.
Poi decanta, feltra, evapora suavemente in
vaso di vetro, ò di terra invetriata: è resterà
nel fondo una materia come miele liquido.
Mettilo in luogo fresco, e si congelerà in la-
pilli, altri come ariste di grano, altri come
foglie, altri come diamanti, & altri in varie
forme. Metti il tutto in boccia à distillare
suavemente. Prima uscirà un' acqua insipi-
da, poi un' acqua & olio fetidissimi & acu-
tissimi, doppo un fumo bianco che si conge-
lerà nel capello, in sal volatile. E questa è
la fontana del Trevisano.

Se non seguisse la prima volta, si ri-
distilli di nuovo l' humidita distillata, e se-
guirà.

Sis felix, Thoma, fueris quocunq; sub axe,
Hocq; tibi serva morientis munus amici.

Excellentis ingenii, eruditionis ac vir-
tutis tuæ amator & prædicator idem-
que mortis beatæ candidatus

Theophilus Montanus
quem nosti

i. e. Gasp. Scioppius.

EPISTOLA LXVIII.

*An cruor in vulneribus thoracis per pul-
mones illæfos ad fauces feratur?*

THOMÆ BARTHOLINO. Patavium.

MARCUS AURELIUS SEVERINUS.

Super eo problemate, quod à plerisq; con-
troversum est, vitii lateralis, an hoc sibi
sedem determinet pleuræ, vel pulmonis, quo
via pateat eruendo partis alterius, veriori de-
creto, declarandam ex me voluisti petiti-
onem, num sub plagis penetrantibus in vacui-
tatem thoracis, pulmonibus nihil attactis pro-
deuntem unquam ex faucibus compererim
cruorem. In quam equidem quæstionem,
ut verum fatear, meam aperire sententiam

cunctatus fueram, quia cum, humanissime Vir, iudicio meo tribuas supra quam par est, veritus equidem sum, ne solemni hac inter doctos controversia dudum extante, consuetus ipse decoris mei nunquam negligere usuram, hac eadem, quam agnosco nullam, in medium proferendam, uti velles autoritate: Quod si ad tui solius usum, placitumq; privatum certus ego fuisset, crasim exposci meam, expeditior calamus, deliberatior animus observationem rescribere statuisset. Interim verò ne debito deessem meo, sedulitati satisfacerem tuæ, doctiores amicos consului, qui communi sic consensu censuere. Sub vulneribus trunco ssi quidem thoracis, verum non sauciati pulmonis pro explorato sibi esse, suffusum pectore sanguinem ex ore sæpe rejectatum; sic in Empyematis nihil temerato corpore pulmonis educi diu visam purulentiam. Ex quo tabis discrimine post longum servatis hominibus apparere potuit demum nil respiratorii visceris violatum. Nimirum ab hocce periculo, nullus unquam restitutus empyicus fuisset, *ἀνίατα* siquidem, & *ἀούμφοις* suapte natura præter aliquot casus, qui miraculo fuerunt, observatione vulgata comperta sunt ulcera, vulneraq; pulmonis. Atqui pulmo nil mali post

post Empyematis exsiccatum, post vulneris solidatum perpessus restitit, longa sequuta sanguinis purisq; rejectione. Quæ puris à profunda sede thoracis ad os superius eructatio neq; difficilis, si verum amemus, videri debet, eo spectato, quod & alia pulmo corpora in semet transumere consuevit. Quod testimoniis observatorum non paucis relatum est, è quibus unus Nicolaus Tulpus in 2. suarum Observationum cap. XV. perhibuit, & solidum penicillum, seu per medentis, seu per ægrotantis incuriam è plaga perfossi thoracis, in hujus inanitatem demissum, post aliquod tempus naturæ ministerio per os expulsum: Verba sunt ejus hæc: Danus vulneratus in bello Germanico, & negligentius à Chirurgo habitus, attraxit in thoracis vacuum turundam plagæ impositam; sed post mensem sextum excrevit eandem iterum per os; sed qua via difficile dictu; valuit tamen deinceps satis pancreaticè, & sustinuit satis animosè, quibus equidem, & ipse præfui, variolas curans. Si sapias Chirurge fuge hunc scopulum, & constringe potius filo linamenta, quæ immittes in lubricum pectoris vulnus, quo resistant potius thoracis suctui, qui interdum tam validus est, ut per exilia diaphragmatis foramina at-

traxerit nonnunquam in se non modo ventriculum, verum etiam non exiguam intestini cœci partem, teste Paræo lib. 9. c. 30. Hæc ille. Quia verò commemoratus est Paræus, & hic etiam Vir præclara duo prodidit testimonia, quæ monstrant in thoracis faucii sinus injectis medicamentis amaris, horum sensum ad os usq; pervenisse, quod fieri profecto nequisset, nisi medicamenti portiuncula palatum & fauces attigisset; attigit autem ex ventre præcordiorum ad pulmones, & ad arteriam, & hinc ad linguam delata. Ambrosia non pigebit verba referri: Postera luce aliam injectionem validius detergentem paravi addito absinthio, centauro, alpe. Sed hinc tantus amaror in ejus os surrexit cum nausea, ut diutius sustinere non posset: tum subiit in mentem, quod olim paris rom ad parem fortunam in quodam, cui fistulosus erat ad thoracem sinus, in Nosocomio Parisiensi observaveram. Itaq; cum animo repeterem res ejusmodi amaras facile transumi in pulmonem, indeq; in asperam arteriam, fauces, atq; os assurgere, professus sum, me nunquam ejusmodi amara ægris exhibiturum: hinc enim multo plus molestiarum accedit, quam fructus, & emolumenti. Cæterum hac & simili arte tandem
ager

ager ille præter meam expectationem convaluit. Hæc Paræus. Cæterum quod ex me quæris, omniscie Bartholine, num ex ore nil læso pulmone rejectus fuerit aliquando sanguis? Scilicet idem ipse Paræus hoc eodem, quem nuper assignavi, libri loca professus est, sanatum ab eo militem Lutetianum, cui secundum thoracem confosso, sanguinis ingens in septum transversum effusio facta est, quem tussi sæpe rejectabat cruorem. Verum enim verò quid Ambrosium nominavi, non priorem Galenum, qui lib. VI. de Locis male affect. cap. IV. monstravit e pectoris lacunis, Natura curante, sublatum pus ad rimosas pulmonis intercapedines, inde ad bicipitium cordis læyum, & hinc per aortam ad emulgentem sinistram, atq; ad vesicæ vias deduci solitum pus. Cæterum qua via, quave ratione materiei hæc transpositio fieri possit; hoc explanatu non est ita facile. Nonnulli, de quorum numero Gal. fuit, in com. lib Aphor. ad solam naturæ providentiam vias invias adinvenientis, adstruxere; alii verò tunicam corpusq; pulmonis maximè porosum allegaverunt. Mihi placuit tum ad motus vim perennis, tum & ad eum pulmonis superni, tum diaphragmatis inferni complosum referri, quemad-

quemadmodum in Opere de Abse. in consultatione singulari pag. Franc. 55. declarasse memini. Haftenus de his carptim, & compendiosè, quæ tu, sapientissime Bartholine, qua viges ingenii facundia, qua styli polles disertitudine, commode valebis exercere ac ac dilatare. Interim vale, & amorem mei fove, foveq; Clarissimorum Virorum Veslingi & Rhodi gratiam. B. Vale, Neapoli III. Kal. Junii M. DC. XLV.

EPISTOLA LXIX.

An aqua ex latere Christi effluxerit ex cavitare thoracis vel pericardio?

THOMÆ BARTHOLINO, Patavium.

HIERONYMUS BARDI, F. P. P.

Nihil mihi unquam antiquius fuit quam de Rep, literaria benemeritorum Virorum amicitiam inire, quod mihi ex voto perbelle nunc accidit, dum tuæ cumulatissimæ literæ opera & industria P. Aprosii Poëtarum & minervæ mancipatorum antesignani, cui vel hoc solo nomine me plurimum debere profiteor, ad me deferuntur. Enimverò tuarum laudum cumulo me mirum in modum cohonestasti,
 Vir

Vir omniscie & politissime, sed extra lineam, & orbitam meæ tenuitatis tua sunt encomia, cum quantus quantus sim omnis præcogno-
scam: tamen quod tuis delicatissimis labiis mea placuerit opella maxima sum delectatione affectus. Sed quid mirum, quod à tanto Viro bonarum artium amantissimo, tanta præconiorum seges pullulaverit, non erit utiq; admirationi locus, si omnium ore decantatum occupetur, quod tui Doctissimi Patris vestigia prosequens, & longè superans sis.

Mercurialium custos Virorum.

Verum enimverò tuo patrocinio præmunitus Zoilorum tabidam luem me inficere posse impofterum non pertimescam. Meus igitur eris verus Apollo, mea altissima minerva à cujus fecundissimo Capite cum scientias omnes effluxisse finxerit antiquitas, verè ab indeficienti tuæ virtutis, & gloriæ Patris tui fonte manasse, vel apud Te firmam sedem fixisse cum Encyclopædiâ omnia occupet, apud omnes melioris notæ Viros sine fūco, & invidia necesse est ut in confesso habeatur, quo factum fuit ut prima subselia typis inclyta cum Patre tuo occupaveris. Grates igitur quas possum, si non quas debeo tuæ maximæ humanitati rependo, meq; tibi ad-
dictissi-

dictissimum esse scias pro tanto in me collato officio, & beneficio, & pro majori eorum pondere quo à tua humanitate occupari in votis habeo. Limam à domesticis tricis prorsus solutus aliis operibus adhibeo, sed quibusnam typis exarandis prorsus ignoro, cum tumultuosorum bellorum fragores torcularium strepitum impédiant, & librorum negotiationem prorsus tollant, sunt ad umbilicum perducta omnia à me promissa opera præter Medicinam sacram quàm ad incudem revoco. Verte igitur, eruditissime Vir, ingenii tui vastissimi dignissima promptuaria, & quidquid boni habes mihi libenti animo aperias, & liberè sententiam tuam proferas pro meæ Idææ Med. sacræ opella, cum eam tuæ Censuræ, penicillo, & spongiæ subjiciam, tuus enim erit in mea Medicina Sacra dignissimus locus, & favoris tui ampla commemoratio, & si quos libros mihi favere cognoscas admoneas, cum tui commentarii ad nos non perveniant, dies enim diei eructat verbum, & nox nocti indicat scientiam, quod mihi indies semper accidit, & cum nil sit sub sole novum quo ad substantiam, tamen quo ad rationem ab autoribus perpetratur, quod etiam à me factitatum in meorum operum argumento per-

pertractando esse profiteor, cum alienam orbitam calcare semper abhorruerim.

Venio nunc ad quæsitæ mihi proposita, quibus ut ingenue satisfaciam, & quid liberè sentiam proferam hic habes ut tuis mandatis obtemperem; velim tamen quod pro mercedè tui Patris, & tua commentaria ad me deferri cures, ut meam emendem opinionem, & tuis dictis acquiescam. Quæris igitur primo de Aquâ lymphâq; illa, quæ cum sanguine de Christi Domini mortui latere effluxit, an ex pericardio, seu cordis tunica exsilerit, an potius ex pectoris cavitate, ut Tibi Patriq; tuo Viris doctissimis placuisse asferis, sed non possum opinando tuæ adjungi sententiæ, nam Christi Domini temperies perfectissima ab humorum cruditæ immunis quam maximè fuit, nullis rheumatismis obnoxia, nullisq; morbis, ut Theologis omnibus visum; & quanquam in immani passione diris cruciatibus refertè, probabile videri possit à calore destitutum sanguinem aqueis humoribus respersum fuisse, morte inprimis ipsa accedente, nihilominus ab excessu frigoris non aqueus, non fluidus, sed crassus evadit sanguis, fluxuq; ineptus, ut in cadaveribus dissectis apparet. Nec dissentio à quibusdam Theologis,

logis, qui nulla excrementa in Christo Domino agnoscunt, non quidem ipsum sputum, non sudorem, non alia crassiora excrementa, sed de hac re alibi. Scio tamen non primos vos Proceres Viros fuisse qui contrarium sentierint, nam Abulensis Vir fastigiatus in omnibus scientiis, nam scibile discutit omne, ex ejus Epitaphio, aliique id opinati fuerunt, sed Medicos in hanc ivisse sententiam ignoro, & quos tecum cum tuis argumentis tuam sententiam fulcientibus scire percupio.

Sentio ego ad ictum Tribuni divinos latices effluxisse fracto lancea pericardio, in quo aqua perennat ad cordis exæstuantis refrigerium, ut placet melioribus anatomicis Bauhino, Salomoni Alberto, & aliis, & Præceptori meo Cabeo de Philosophia Magnetica meritissimo. Ut id opiner facit Hippocratis inprimis autoritas, qui lib. 1. de Corde. *Cor,* inquit, *tunicam circumdantem habet, & in ipsa aqueus humor, ut putari possit in vesica diversari cor, factum est autem ea gratia ut sanum in custodia efflorescat.* Nec aliunde putandum est hujusmodi lympham emanasse ad ictum divini lateris, in quo inerat hujusmodi Vesica, sicut in reliquis humoribus omnibus adest, cum citra miraculum aqua ab aperto eo latere mana-

manarit, citraq; humorum crudorum, & excrementitiæ aquositatis proventum. Dixi *citra miraculum*, non quod ablegem omnino supernaturalem influxum, hoc enim esset impium arbitrari cum nonnullis, sed quia substantia illa in pericardio perennabat antea, absq; novæ aquæ productione, ut inter alios etiam docet insignis Anatomicus Laurentiùs 9. 8. Igitur quoad substantiam nihil erat quod miraretur natura, sed modus egressus miraculi stuporem effecit. Sanguis enim illico cum aqua effluxit sanguine ab aqua non diluto, sed florido atq; germano, sicut limpida omnino exiit aqua, non infecta, sed clara, nam *continuo exiit sanguis, & aqua* ut habetur apud D. Jo. c. 19.

Scio D. Thomæ aliter censere visum esse 3. p. q. 66. ar. 4. ad 3. ut vetustiores omittam, qui miraculum etiam ab ipsa substantia non separant, quos sequuti sunt recentiores Theologi eximii Fr. Suarez q. si ar. 3. ad 3. & ante ipsum doctissimus Salmeron tom. X. tract. 47. de apertione lateris Christi mortui, Mald. in cap. 27. Matth. Sed si cum Anatomiae inscii fuerint videntur meritò excusandi, si cum rei natura philosophati non fuerint, in Theologicis potius versati. Multa alia essent à me adhiben-

benda quæ cum Epistolæ limites transcendant, in præsentia liberè silentio involvo, & hæc satis sunt, quæ æqui boniq; consulas prolata à vero & candido veritatis philosophicæ Professore, præsertim verò ut tuis jussis obtemperarem. Quod secundo loco à me requiris de hyssopo Christo Domino morituro ab Hebræis propinato, nusquam legi, si sese obtulerit aliquid, quod legendo eligam, in medium proferam, & à quo originem ducat hæc traditio scire percupio, cum de hyssopo pertractet doctissimus Lemnius de Herb. Biblicis. Sed de eo nulla huic mentio habeatur. Cæterum vale iterum atq; Vale mæcenas augustissime, neq; tuis in me maximis pro meritis necesses condecorare. Napalli ex meo Musæo Idibus Septemb. 1645.

Impress. Leidæ 1646.

EPISTOLA LXX.

De Hydrope acclamatio.

HENRICO FUIREN

Basil.

THOMAS BARTHOLINUS. B. A.

QUod aquarum colluviam & exsurgentes
inde humanæ vitæ insidias sub doctio-
rem

rem calamum vocaveris, mirabitur fortasse iniquus Censor. Non miror ego, & in sinu gaudeo quod opinionibus ab illo distem. Ingenium enim tuum novi & generosi pectoris impetus, quod colluvies & morborum & hominum susq; deq; habeas, quibus in luto se volutare adeo est volupe, ut in hoc palmam sordidis manibus quærant. Quærant dum velint. Nunquam ab erectis mentibus harum deliciarum, quas nitidissimo scilicet porcorum gregi debent, impetrabunt commercium. Tu dudum huic consortio valedixisti, antequam lucem videris, quæ superum risu, nativitatis splendore & cultissimi genii favore tibi cluxit. Et quoniam universi fluentium rerum cursum aquæ juxta mutabilem, animo plusquam constanti intueris, non poterit firmam mentem in contrarium flectere orbis simulacrum, mutabiles elementorum vices, aut fallaces principiorum ductus. Quidquid ex corporis similitudine communi forte circumfers, licet aquæ subiectum, animo paret qui igneæ divinitatis & ætheræ conditionis portionem mutuatur. Frustra erunt, qui adiment, quod certatim superi contulerunt, & quod sibi denegatum sciunt, ne inferiores aut ad stygias aquas damnati videantur, furtivis vocibus invident.

Quid hos moraris, qui ex se sapiunt, & ex lultento naturæ suæ fato te metiuntur? similes sanè videntur in mare perituris, qui in aliorum excidio salutem quærunt. In vado es; terras legis, mox cœlum, quid suspirantes in mediis aquarum angustiis respicis, qui animi sui iniquitate ad inferos veluti suspensio pondere trahuntur & invitum genium ducunt jam jam ignobili elemento periturum. Emergisti ingenti felicitate, & aliorum naufragia securus in portu spectas. Virtutis hoc non fortunæ opus, quæ cunctis subinde favet quibus volubilia abblandiuntur. Tu tamen infra virtutem non putasti aquarum in corpore turgentium rivos exhaurire. Quid dicent, qui altiore à tanto calamo expectarunt. Vis dicam? Jovem lapidem jurarim, nisi se turpes dederint. Nesciunt etiam ad cœlos aquas pertingere, quia sacra ob profanam mentem excidunt, & aquas sua Numina condere. Quid quod immortalitatis hieroglyphicum sit indivulsus aquarum fluxus & famæ duraturæ. Quæso continuum liquidorum nexum dividant, qui in aquis infelices sapiunt, & nudam virtutem monstrent. In se recurrit quod elabitur, & posterior priorem trudit, partes habet, sine partium discrimine, videmusq; quod præterit, & præ-

& præsens est quod futurum credimus, in orbem fertur quod mansurum putamus & sui copula manet quod fuit divisum. Æternitatis hoc exemplar pressius imitaris qui in aquis invenisti, quod seculi infelicitas texit, & in iis triumphas quæ incautos oppressit, immortalitate indignos. Diluvium invida mortalibus fors corporibus sæpe indixit, & aquas minitantur aquæ ventris utere conditæ. Tantalo miseriore sitim cum anhelante anima explerunt. Tu calidiores Phœbi radios orbi inducens terris siccitatem, lymphaticis salutem, utriq; securitatem erudito scripto promittis. Et ne quid ad laudem desit, insitum naturæ suæ liquorem liquor abjurat, ut tibi superiori imperium deferat. Hoc demum etiam inviti non recusabunt inscriptum aquis permanfurum nomen. Obscura aliorum merita absorbent lymphæ. Tu famam perennaturo aquarum motu ad alios soles deferendam innoxie trades. Sed jam fluentem cum aquis pennam sisto. Votum ibit, & post sæcula reversum subsistet. Vale, mi Consobrine, vel eo nomine ut invidiam superes. Basileæ Octobr. cId Idc XLV.

Impress. Basileæ 1645.

EPISTOLA LXXI.

De Hyssopo in cruce Christi.

THOMÆ BARTHOLINÆ

Patav.

HIERONYMUS BARDI F. P. P.

Scripsi D. V. nusquam me invenisse in Sacris Bibliis Hyssopum formaliter propinatum fuisse mortuo Redemptori nostro. Verum cum de Hyssopo multiplex sit mentio, de quo tamen Lemnius oblitus est, rem benè meditati occurrit Augustinus & alii antiquiores, qui spongiam aceto plenam Hyssopo seu ramusculis Hyssopi, quasi funiculis circumponentes arundini, scilicet ne spongia dilaberetur, & ut acetum virtute Hyssopi condiretur, aperiunt. Verum malim fortasse cum Estio, & quibusdam aliis dicere vitio Typographorum, vel Scriptorum positum ὑσσώπω, pro ὑσσῶ, id est pilo, hasta, telo, vel ut Marcus cap. 15. vers. 36. calamo, ut Matth. cap. 27. v. 48. arundini. Primum tamen etiam potest sustineri, & si dixissent Hyssopum, nullam mihi faceretur difficultatem, & existimo fuisse Hyssopum nostratem amarissimum, ad experiendum an sensus gustus mortuus esset, illa enim amaritie acuitur acetum, vel ad illusionem, quam Judæi impii maximè attecebant.

bant. In lubrico laboranti hæc sunt quæ addere possum ut tuo quæsito satisfaciam, quæ æqui boniq; cōsulas à candido amico tibi obsequio mancipato.

Addo quod unus militum lancea latus ejus aperuit, ut exploraret (secundo signo) an certo mortuus esset, inquit S. Cyrillus. Putat Cornelius à Lapide in Zacch. c. 13. v. 1. non solum latus sinistrum, sed etiam dextrum apertum fuisse, verum huic meditationi opponitur sanctissima Sîndon Taurini asservata in qua observatur unicum tantum vulnus. Impacto autem vulnere continuo exiit sanguis, & aqua vera, & elementaris inquit idem Cyrill. & Innoc. 3. lib. 3. Decret. tit. 41. de celebr. Miss. c. 8. In quadam. Non quæ ex resolutione mortui corporis nata fuerit (ut sentit idem Innoc. verum minus probabiliter, quia Christi corpus, & si anima destitutum corruptionem non sentit Psalm. 15. v. 10.) sed quæ in Pericardio receptatur ut docent Anatomici, & Jo. Bapt. Ruschius Anatomicus Pisanus ad mē nup̄r rescripsit in quocunq; secto cadavere magis vel minus observasse. Verum quid in vivo vere sit corpore quis scit? Cæterum hac pericardii perfossione simplici mortis Christi omnino plena facta est fides, inde

enim aqua promanante certum dabatur signum lanceam pericardium penetrasse illius aquæ receptaculum, quo vulnerato necesse est protinus animal omne mori, sed & Cor penetrasse etiam dicere debent, cum exierit sanguis, sicq; confossum esse, & lanceam innum pectus penetrasse. Sed quid dicet Tilesius, & cum eo Campanistæ, qui animal vivere posse etiam corrupto aliqua ex parte corde observari omninò putant, quibus quanta sit fides adhibenda nescio. Peroptarem Parentis tui libellum, & argumenta pro tua sententia. Admoneas quæso quos scias mihi aliquam luculam allaturos pro mea medicina sacra ferè ad umbilicum perducta, ut fiat luculentior, & qui novi isthic procudantur, qui nostro genio & ingenio possint deservire. Vale mi amantissime, meq; tibi deditissimum esse senties pro innumeris in me tua dulciloqua epistola quæ operis frontem occupabit, collatis beneficiis. Vale Medicinæ decus eximium iterum atq; iterum. Napalli ex meo Musæo Kal, Decembris 1645.

Impress. Leidæ 1646.

EPISTO-

EPISTOLA LXXII.

De latere Christi aperto Responsio.

HIERONYMO BARDIO

Genoam.

THOMAS BARTHOLINUS, S. P. D.

DUdum humanissimis tuis reddidissem vi-
ces, nisi pudore suffusus an forsan ad
alium potius quam me spectarent, diutius de-
liberassem. In nomine sanè tituli errasse su-
spicio non levis fuerat, quum eas laudes in me
non agnoscerem quas plena manu largiebaris.
A me tamen impetravi ut crederem laudasse
te impensius illum quem amabas vehemen-
tius. Unde affectus potius tui hæc signa in-
terpretor, quæ meritum meum quanquam
transgrediantur, infra nimium tamen amorem
subsistunt: quem vel ideo majoris æstimo,
quod insigni eruditione temperata institutum
meum non parum videantur promovisse.
Ea docto calamo excutis, in quibus multa se-
cula laborarunt, non ita pridem sudavi ego.
Sed doleo te à nostra sententia dissentire,
quum tantum Virum partibus nostris optare-
mus. Æquior tamen fores sine dubio, pro
candore, quem ostendis, sententiæ meæ, si le-
via illa vidisses quæ olim pro novo cavitatis
thoracis fero in publicum expendi. Nunc

T s

quia

quia hanc mihi imponis necessitatem, in tuis
versabor, ut amicus, qualem singularis tua
humanitas me adoptavit, planè amico calamo.
In utraq; Epistola elegantissima id agis, ut pe-
ricardium vulneri lanceæ patuisse demonstres,
coq; confidentius, quo ibi aquam fluxui
promptam reperiri, Medicorum placitis sit
stabilitum firmitus. Ad scopum omnia fere
collineant quæ sparsim leguntur, nempe de
perfectiōne corporis Christi & sanguinis na-
tura. Verum enim vero nihil illorum plane
est quod non pro liquore thoracis æquius
pugnet, quam pericardio. Nam quod peren-
nem aquarum moram in pericardio pro-
pugnas, non repugno, modo id quoq; mihi
des, perennem etiam in capacitāte thoracis
inveniri, quod satis hactenus à professoribus
diligentioribus observatum, suadetq; ratio in-
victa. Nulla enim pars cava in corpore re-
peritur, quæ non suo complexu humorem
quendam contineat, ut per singulos ventres
discurrenti innotescet. At enim major ne-
cessitas liquorum in thorace, partim quod sic-
cior ob ossium viciniam sit hæc regio, partim
quod perpetuo motu manifestius agitentur hic
viscera, unde, quo commodius id fiat, liquo-
rum substerniculo indigebant ne ad partes
duri-

duriores alliderent. Quemadmodum enim cordi prospectum crumena illa lymphatica, ita aquam totius cavitatis, reliquis partibus in thorace & ipsi capsulae cordis, ut molle stragulum, substravit Natura. Hanc verò non humorum cruditas in Christo produxit, quod tuum argumentum est, sed nativa corporis temperies, quæ quo magis ad sanguinem probum accedit, eo plus sanguinis serosi excernit, sine quo nempe sero cruor nec est nec fluit. Christi autem temperies sanguinis probi mixturam habuit plurimam, ut testantur Eusebius & alii Patres: unde non mirum, serum hoc sanguineum copiosius à prima nativitate parietes thoracis inundasse: quoq; cor temperatius, eo quoq; minus feri discutit naturalis. Igitur quod ex Christi perfectione desumis argumentum, pro me militat. Sed non cogar huc me conferre. Fateor enim nativam Christi temperiem nihil pravorum humorum produxisse, quia perfectissima; at à causis externis, vigiliis, cruciatibus, itineribus, vulneribus & mille tormentis quid non præter consuetam naturæ divinæ perfectionem productum credimus? Ad hæc sano sensu id accipiendum, nihil pravorum humorum in corpore Christi generatum. Quod verum quidem si de præ-

terna-

ternaturalibus loquatur excrementis, secus si de naturalibus, quæ etiam perfectissimam temperiem necessario consequuntur. Sputum enim; sudores & alia excrementa hominis perfecti necessaria imperfectio, quam non potuit effugere Salvator, partim quia per omnia nobis, excepto peccato, fertur similis, partim quod non semper optimis usus sit cibus in itineribus perpetuis, vel si maxime exquisitum victum habere potuisset, superflui tamen humoris plusculum omnia condunt quæcunq; hominum animaliumq; ori destinavit Numinis indulgentia, ut in substantiam nostram verti cunctæ particulæ nequeant. Idq; de Salvatore innoxie dixeris, quem scimus manducasse, bibisse, dormivisse, ambulasse & quid non egisse ut se hominum cunctis actionibus, quæ secundum naturam sunt, submitteret: sputum emisit quum luto misceret ad curandum cæcum, & sudavit ingruente martyrio, & sine dubio non parum feri in thorace collegit, quod, aperto post mortem latere, emanavit. Non me movet frigus extincti corporis, quo sanguis condensatus fluxui fit ineptus. Primo enim frigus non statim corpus Christi cum morte invasisse norunt illi, qui morituris adesse solent, integro subinde die post animæ exilium per-

permanere in cadavere calorem superstitem,
 me teste, confirmantes, ut nulla congelatio
 liquorum in Christi corpore, quod brevi in-
 terposita mora aperuerunt, potuerit induci.
 Adhæc in cadaveribus etiam frigidis jam, nul-
 la unquam congelatio observatur ab Anato-
 micis nostris, nisi in grumos subinde abeat,
 quin fluxilis manet semper feri liquidi benefi-
 cio. Quod si vel maxime obtinuisses cruorem
 congelari, nunquam sane evinces serum
 sanguineum posse concreescere. Manet quip-
 pe liquor, & ubiq; humoris fluidi servat con-
 ditionem. Si me urgeas ulterius, ipsum te ad te
 remittam, quia concedis Pericardii aquam flu-
 xisse & sanguinem cordis, certissimo indicio,
 etiam propria confessione, non concreescere
 mortuorum liquores. Hinc autem quum
 fluorem illum repetere possimus, non necessa-
 rium reor ad pericardium remotius confuge-
 re, varias ob rationes alias. Quippe non sta-
 tim exivisset, sed mora interposita. Præterea
 non extra latus effluxisset, sed ad inferiora loca
 interius concidisset. Ad hæc latus nec peri-
 cardio, nec cordi attribuitur, quod perforatum
 urget Scriptura. Novi quidem Præcordia la-
 toris dici apud Poëtam Medicum cuius MSum
 possideo membranaceum.

Cum

Cum dolor insanus lateris præcordia pulsât.

Sed *latus* non ad præcordia referendum quum solum ponitur. Urget enim Poëta, insanum lateris dolorem etiam sensum mali ad præcordia deducere. Πλευρὰ solius est lateris externi thoracis munimenti, ubi vera fit πνευρίτις, nec unquam cordi, vel pericardio consignatur, quanquam de pulmonibus aliqua ex Coo nostro sit dubitatio. Nolo omittere aquam pericardii illam non fuisse quæ effluxit. Nam illa simplex est, urinæ non ab-similis, ut depingunt Auctores nostri. Hæc autem sanguinea fuit & tincta rubore, qualis in capacitate Thoracis apparet ubiq;. Scio sanguinem te cum non nemine à Corde ad-vocare. Sed vulnus profundum adeo vix concipio. Puncturæ enim comparatur. Et in Romana, Complutensi & Plantiniana editione κατωρχήσαντο constanter legas, hoc est, insultarunt. Quod agnovisse & videtur B. Hieronymus, nec non 70. Interpretes. Præterea ex mente istius vulneris, quod inducitis, liquores seorsum non mixtîm fluxissent, cui tamen Patres plurimi & vis vocabulæ καὶ apud Evangelistam repugnant. Non potuit seorsum fluere sine
mira

miraculo, quod hic citrà impietatis culpam, planè excluderim. Enim vero si in substantia, quod concedis, nihil miraculosi, cur quæso in modo effluxus mirabilia ponimus? quum ita fluat quemadmodum secundum naturam aptum est fluere. Meo judicio non opus erit confingere duplicem motum aut diversum, nec binos liquores distinctos, quando & unus motus sufficit & uni motui simplex serum, substantia sua aquam, colore sanguinem monstrans. Quod nisi fallor alibi variis demonstrationibus obtinuimus. Vehementer sanè doleo adeò obtuso me natum genio, ut percipere non possim qua necessitate Cor aut pericardium debuerint pertundi, si quidem ex sola pleura perforata omnia potuerint perspicere quæ ex corde & pleura vos urgetis. Vultis ut signa vitæ vel mortis perforato corde de se daret: profecto majorem doloris sensum ex pleuræ membranæ læsione quam seu ex corde crassiorum partium seu pericardio minus sensibili ostendisset. Acutior enim membranæ pleuræ dolor, & acrius se movet compuncto latere cruciarius quam tacto corde, quod experiuntur illi infelices quibus in Empyemate costarum tunica aperitur. Fallax quoq; ex corde & pericardio vitæ experimen-
tum

tum defenimus, quum pericardium sine noxa vitæ possit aperiri, imo deesse, ut in Echino terrestri, nec vulnera cordis lethalia sint omnia, ut optimè quoq; insinuavit Tilesius tuus, cui cur non sit adhibenda fides, quum ei plurimorum adsistat auctoritas, alibi à me adducta? Vivimus enim quamdiu movetur reciproco motu cor, quod etiam in vulneratis persistit & corrupto ex parte corde, quanquam imperfectior. At imperfectiorem motum cordis in tota passione facile divines, quia ad omnem injuriam patuit. Vulnus lateris non hoc fine inductum indicat Evangelista, quia jam viderant eum animam exspirasse, sed à petulantia mera militis, ne sine vulnere esset post fata quum reliquis frangerentur ossa, id solidum dependebat. Addo ad majorem fidem, nec cor nec pericardium aperta fuisse, quia solum latus S. Thomæ monstravit inspicendum. Ex qua historia rectius de simplici unius tantum lateris vulnere iudices contra Cornelium à Lapide, quam ex alio signo, quo omnium fere Interpretum Versiones conspiciunt. Hæc breviter ad pericardium à te defensum reponere volui, donec plenior rei explicationem ex Opusculo meo hujus argumenti ipse hauseris, quando ad te mittendi dabitur

dabitur occasio. Non quod te docere vel intendam, vel desiderem, qui inter hæc sacra quotidie versaris, sed ut curiositati tuæ morem geram ad quævis mutui obsequii officia paratus. Tu interim æquata lance quando expenderis cuncta, quid ulterius tibi de nostris responsis sit animi, candide, ut soles, perscribes, simulq; quid doctior pollex in promisso opere premat, amice monebis, ut commodius autorum operi instituto proficuerum catalogum, quem expetis, tibi pertexam. Tuus enim sim ad quævis amici vota, si in amore incepto paria non sis omissurus. Vale, Vir Doctissime, cum Aprosio nostro & Ruschio, meq; ama.

EPISTOLA LXXIII.

Fernelii Epitaphium.

JO. WALÆO

Leidam.

POST Helvetiam relictam Parisios revertimur hyemem traducturi. Dum de amicis solliciti apud curiosissimum *Patinum*, intelleximus bene valere quamplurimos, inprimis *Walæum*, gaudio exultavimus, & lætitiæ testes has literas expedivimus donec futurum Ver ipsos nos junxerit. Interea ne inanes magno

temporis tui pretiosi dispendio compareant, lectionem magni Fernelii nomine tibi; grato interpungam. Quanti facias *Fernelium*, testari possumus, qui Te Fernelii monumenta olim explicantem, non semel audivimus & hoc nomine nobis adhuc gratulamur. Extat ejusdem Epitaphium hic Lutetiæ in templo D. Jacobi de Macello, quod, quia nusquam legi, placuit exscribere, Tibi; mittere:

Deo immortalī Opt. Max. & Christo
Jesu hominum Salvatori sacrum.

JOANNI FERNELIO,

AMbianensi, Henrici II. Galliarum
Regis Confiliario & primo Medico
nobilissimo atq; optimo, recondita-
rum & penitus abditarum rerum scru-
tatori & explicatori subtilissimo, mul-
torum salutarium medicamentorum
inventori, veræ germanæq; Medicinæ
restitutori: summo ingenio, exquisi-
taq; doctrinâ Mathematico, omni in
genere Philosophiæ clario, omnibusq;
ingenuis artibus instructo, tempera-
tissimis sanctissimisq; moribus præ-
dito,

dito, focero suo pientissimo, Philibertus Barjotius supplicum libellorum in regia Magister, magniq; Regis Consilii præses, affinitate gener, pietate filius, mœrens posuit, anno à salute mortalibus restituta M. D. LVIII. Obiit XXVI. Aprilis, Anno M. D. LVIII. Vixit annos LII.

Magni hujus Parisiensis Doctoris vestigia legunt alii adhuc superstites Doctores Parisienses eruditi, qui cum magna laude & bonis suis ægrorumq; rebus medicinam facientes, scholæ hujus ornamenta singularia florent. *Jo. Riolanus* ad hanc classem spectat, vivens adhuc valensq; redux ab itinere decennali cum Maria Medicæa, quam ad tumbam duxit. In scholis thesin proposuit de circulatione sanguinis, quam suo modo correxit. Invisere senem morosum animus fuit hisce diebus, sed dissuasit *Ren. Moræus*, quia mihi non faveret quod in nervis pudendorum contradixerim parenti illius. Ægrè quamvis feram magnorum Virorum inimicitias; Tamen obfirmandus erit animus, susq; deq; ferendum quod mutari non potest. Laudatus *Moræus* candoris, gravitatis & eruditionis laudem meretur. Ingenio, officiis

ficiis & varia promptaq; lectione eminet G. *Parinus*, totus noster, cujus nuper filium *Carolus Patinum* nondum natum annos 13. in collegio Præleo-Bellovaco de Philosophia erudite respondentem audivimus. Est autem gymnasium Præleo-Bellovacum, illud idem, in cujus aream decidit è summo tecto *Petrus Ramus*, ejusdem gymnasii Gymnasiarcha, in Ianiena Parisiensi, anno 1572. à perditissimis sicariis quammultis vulneribus miserè confossus. Non prætereundus *Jac. Mantelius*, qui magno merito majorum gloriam tuetur, & præclara multa pollicetur in re Medica, quibus perficiendis felicitatem præcor, Tibi verò, Vir summe, annos nestoreos quos fama assequutus es, meritisq; antevertisti. Vale diutissime publico commodo, cui invigilas, meq; amare perge. Paris. ult. Decemb. 1645.

T. T.

Thomas Bartholinus.

EPISTOLA LXXIV.

De Dubiis in Anatome nostra.

THOMÆ BARTHOLINO

Parisi.

ABRAHAMUS PRATÆUS.

PAucis te volo, Vir Clarissime: Ecce aliquot Institutionum Anatomicarum penultimæ editio.

editionis loca quæ luce egere aliqua mihi videntur. Pag. 181. lin. 2. *mentis dissectioni subijcimus*, legendum puto, *ventris dissectioni*. Pag. 199. lin. 14. *sicut fasciculus stramineus quo diuturnior sit* (videtur addendum *ignis*) *à fabris aqua mergi solet*. Pag. 221. l. 20. *nec ab aëre impulsio elevatur pulmo &c.* Totum hunc articulum non intelligo, nec vim rationum sentio. Tu rem si placet apertius declarabis. Pag. 234. l. 34. *in seminis magis perspicua est*. Dubito an legendum *conspicua* Pag. 243. lin. antepenul. *pili non planè abradendi, quia defluxiones inde concitantur, &* Pag. 244. lin. 7. *Celsus in diuturno pituitæ cursu pilos adcutem tondere præcipit*. Hæc duo loca videntur contradictoria. Pag. 244. l. 13. *In demortuis sunt qui ad 24. annos cum Plemptio animam superesse volunt*. Dubium an pro Plemptio Paræum indicare volueris, de quo supra hoc ipso capite. Qui sint illi quinque modi quibus virgo illæsa virginitatis nota concipere possit, de quibus tu pag. 165. lin. 8. fac sciam. Tu interim æquo animo accipe nostram in te adeundo & consulendo libertatem, quæ non aliunde proficiscitur quam ex ingenti illo studio quo præclarum illud *μάρμαρον* opus ornare contendo. Vale & me ama tui studiosissimum.

V. 3

fiſſimum. Dabam Lugduni Gallorum VI.
Idus Decembr. An. 1645.

EPISTOLA LXXV.

De Trivemibus veterum.


THOMÆ BARTHOLINO.

Parif.

JOHANNES SCHEFFERUS.

Dici non poteſt, Vir Clariffime, quam jucundæ mihi litteræ tuæ fuerint. Sentiebam enim ex iis meum erga Te amorem ratione ineffabili quam maximè confirmari; tantum humanitatis, tantum eruditionis ac doctrinæ continebant. Ac uti de humanitate tua prius dicam, quam ſingularis ea eſt, quam contra perfidi & arrogantis & cuncta juxta ſe deſpicientis ſæculi conſuetudinem. Ultro mihi ſcribis. Doctus, indocto. Genere literisq; clarus, ignobili. Inſtructus rerum plurimarum experientia, omnium earum vacuo. Et amicum interim me vocas, cum melius ſervum aut clientem dixiſſes. Addis elogia, ſcripta noſtra laudibus attollis: quæ etſi non agnoſcimus, haud illibenter tamen legimus, quoniam indices affectus tui animiq; erga me ac voluntatis eſſe videbantur. Diſſer-
tatio

tatio de Navibus ante triennium invitó & tunc peregre in Gallis agenti ab amicis extorta potius, quam nostra sponte emissa est in lucem, ex quo fit, ut multa secus se in ea habeant, quam vellem, optemq; nunquam lucem aspexisset. Interea, quam de triremibus in ea proposui sententiam, non muto, eamq; accuratius in majori opere declaro. Tu interim imaginem hanc, interpretem ejus, nisi fallor, clarissimum accipe. Dextrum triremis latus est, cui simile sinistrum cogitabis. Orbiculi, foramina indicant, per quæ remi exeruntur. Cætera ex literis adjectisq; nominibus intelliges.



a *Θρανίταις*. Unde Thranitæ remiges, de quibus videnda Aristophanis Scholia.

b *Ζυγίταις*. Unde Zygitæ.

c θάλαμη. Unde Thalamitæ remiges. Hi
 sunt tres *versus* sive ἐλασίαι seu σοιχοί.
 d primus ordo } Hi sunt tres ordines, ex qui-
 e secundus ordo } bus navis dicta est Trirc-
 f tertius ordo } mis.
 g parasimon
 h rostrum
 i aplustre.



Pro nummi, alteriusq; naviculæ imagini-
 bus transmissis gratias Tibi ago, deq; iis ita
 sentio. Navim quæ in nummo est, non or-
 dines, sed versus indicare, si quid omnino in
 ea est, quod ad rem pertineat. Alteram esse
 ex fluviatili navicularum genere, ut ita dicam,
 quod Græci à contis, quibus impellitur, κεν-
 τωπῆς solebant nominare. Primum enim in-
 cedentis nautæ totoq; corpore nitentis est
 imago,

imago, cum in aliis navigiis sederent. Perticam deinde pectori & humero admovet, navimq; protudere videtur, cum qui remis impellerent, eos scalmis haberent alligatos, protensisq; manibus, ut Batavorum Rusticæ, cum ex pascuis veniunt, moverent. Non tamen eo minus inter lulorias referri potest, si nimirum eas intelligimus, quæ Seneca & prius ævum ita appellarunt. Aliæ enim sunt, de quibus loquitur Vegetius sub finem sui operis, Epiphanius, & quod Cl. Gothofredus me admonuit, cum apud ipsum super ista re disputarem, Codex Theodosianus. De reliquis nummis in quibus simplicem ordinem conspici scribis, ita judico: non simplicem sed plures ordines ostendere, singulos tamen non pluribus sed singulis tantum remis indigitari. Ita enim fieri necesse erat, ob spatii angustiam. En exempli gratia nummum Antonii. Hexerem esse dico, versusq; ejus inferiores tegi à superioribus, atq; ideo in tam parvo præsertim spacio exprimi non potuisse. Hexerem inquam, quia sex remorum ordines exhibet, nam unumquemq; remum in hoc nummo veri hexeris ordinem (sive is quinque aut sex pluribusve remis constiterit) exhibere puto. Æliani variam, non & animalium historiam

hac vice dare constitui, tantum ut in scholis
pueri haberent, quod cum jucunditate simul
& utilitate legerent. Igitur præter textum,
quantum fieri potest, emendatum, notas pau-
cas, quibus aliqua in scriptore vel emendamus
vel explicamus, græcum latinumq; indicem
nova forma confectum, nihil continet. Pue-
ris enim scribimus, ut dixi, non eruditis, con-
scii infirmitatis nostræ, quæ ipsa prius uberio-
ri instruenda est doctrina. Quod si tamen
etiam hanc operam carmine quodam peren-
nem esse jubebis, contraq; sæculi malignita-
tem tuebere, gratissimum mihi feceris. Si
præsertim caveas, ne humanitatis benevolen-
tiæq; modum excedendo, invidiam pro amore
mihi concilies. Opera tua de Unicornu, De
naturalis corporum lumine, pridem videre
gestio, sed frustra hætenus, nescio an invidia
Italorum, num propter temporum calamita-
tem. Si ex M. S. Æliani Codice enotatas ha-
bere possem lectiones, optatissimum mihi fo-
ret, operamq; darem ne ingratus tibi viderer.
Sed tantum laborem tibi non impono. Vale
Vir amicissime, meq; ama. Cl. Boeclerus ite-
rum officiose Te salvere jubet. Fratres jucun-
dissimos, cæterosq; quorum erga nos benevo-
lentiam experti olim sumus, non omittes meo
nomine

nomine salutare. Dabam Argentorati 17. Janu-
 nuar. An. 1646. quem annum cum sequen-
 tibus vicissim prosperum ac secundum tibi esse
 precor. Iterum Vale.

EPISTOLA LXXVI.

De Respiratione Cartesiana.

THOMÆ BARTHOLINO. Paris.

A. PRATÆUS εὐ πρὸς τὸν.

GRatias ago quamplurimas, quod abundè
 satisfactum à Te fuerit ad illa mea dubio-
 la proposita. Dubius tamen etiamnum hæ-
 reo circa vim ratiocinii tui contra Cartesium
 & Falcoburgium. Nam quod ad primam ra-
 tionem attinet, *aërem facile condensari posse*,
 illos non videtur urgere, cum nondum pro-
 baveris tunc temporis actu condensari, nul-
 lamq; assignaveris causam qua hæc fieri possit
 condensatio: quæ certè nec à natura interna
 aëris, nec à causa aliqua extrinsecus advenien-
 te contingere posse videtur. Ad secundam
 respondere possunt adversarii, satis esse, mo-
 dò aër motu thoracis moveatur. Ad tertiam
 verò, aërem vicini cubiculi moveri motu tho-
 racis ob agitationem aëris ambientis, alteri
 conti-

continui. Meam autem sententiam ea de re si exquiras, non absurdum censeo, totum respirationis negotium peragi tum insito & interno Thoracis & imprimis Diaphragmatis motu, tum etiam appulsu aëris externi à Thorace agitati & in ejus cavitatem irruentis. Quæcunq; accesserunt postremæ editioni, singula suis locis reddidi. Lunulas illas de consilio amicorum prætermisi, tum quia nonnullis in locis alteram deesse reperi, tum etiam quod notarum illud genus nimis insolens & peregrinum nostris hominibus fore putavi, nec eas ferre posse gallicum idioma, ut non omnis fert omnia tellus. De fide & diligentia mea in interpretando opere Anatomico securus esto. Tua enim in re agenda, meam etiam nonnihil versari scio: ut & de observationibus Præstantissimi Gassendi, de quibus adjiciendis nunquam cogitavi, ex quo te repugnantem sensi. Quædam ecce loca ultimæ editionis, quæ nonnihil remoram faciunt. Pag. 69. lin. 34. *ordinato defectu*. Explica clarius. Pag. 148. lin. 3. *In Virginibus Præyanis Campania*. Hæreo hic, nec satis scio qua voce reddendus hic locus. Pag. 195. fig. 1. littera E. *Vena aorta*. Dubium an rectè dictum. Pag. 288. lin. 14. *Permanet*, forsitan prominet.

net. Pag. 289: lin. 29. *Placentio*. forsan Placentino, videlicet Casserio. Pag 317. linea 7. *Galenus qui sectiones vivas amplius sexcentas habuit*. Num hic hyperbole, & numerus certus pro incerto. Pag. 319: lin. 21. *quod advertit Frambesarius*. Fortassis addendum in venis mesaraicis. Dubius sum utrum scribendum Fuereh an Fuienus, utroq; enim modo scriptum reperiri. Quaecunq; à me proficisci possunt officia ex animo offero. Cl. Meyslonerit literas habes apertas, quales mihi redditæ fuerunt. Cl. Sponius te quam plurimum salutat. Vale. Scribebam Lugduni Gallorum XIV. Cal. Febr. 1646.

EPISTOLA LXXVII.

De motu pulmonis contra Cartesium.

ABRAHAMO PRATEO,

Lugd. Gall.

THOMAS BARTHOLINUS, S.

GRatissimæ mihi fuerunt instantiæ, quibus opinionem Cartesianam juvare nuper es conatus. Eruditæ illæ quidem & ingeniosæ, qui enim aliter potuerunt à Te proficisci? verum parum, ut mihi videtur, dubiam sententiam promovent. Manet quippe argumenti
primi

primi veritas, in qua sufficebat aërem posse in se recedere ob diffusam tenuitatem & raritatem, nec alium locum necessario quærere si prematur, quod in fistulis videmus & tubis flagellisq; quibus verberatur aër, & omninò in quolibet igne qui ex percussione pyritidis chalybisq; emergit. Urges tamen, nos non probare tum temporis actu condensari, quia nec externam causam assignavimus, nec internam. Possem dicere, probatione non esse opus actu tum condensari, quia tantum inferre volumus, ex possibilitate condensationis non necessario aërem in thoracem ingredi, si à thorace prematur. Unde ad condensationem dispositus aër est etiam ab interno principio. Densior enim aëris congressus non mutat ejus naturam, quæ in minimis atomis, si veri veteres, consistit, modò latius expansis, modò arctius constrictis. Sed ab externo thoracis impulsu condensari æquè dixerim quam ad pulmones compelli. Si illius probationem aliam quæsieris, ego hujus quoq; petam. Hinc quum probassem non necessario moveri ad alium locum aërem circa thoracem diffusum, superadditis rationibus experimentisq; demonstravi revera non moveri ad thoracis motum ea violentia ut proximam cavitatem

anxiè

anxiè quærat. Quandoquidem thoracis motus nec levissimum corpusculum permovet, quod tamen necessarium foret si aër, in quo hærent volantq; levia, præmeretur, & pelleretur. Nec satis est, quod pro adversariis adfers, modò aër motu thoracis moveatur, quoniam si non moventur subtilissima in aëre corpuscula, quomodo aër dimovebitur. Medici sanè ex motu plumæ ori admotæ respirationem explorant adhuc superesse in Apoplecticis, mulieribusq; ab utero præfocatis. At si in imbecilli corporis statu tantum movet aër, cur non in sano moveret, si à thorace ipse agigaretur nondum morbis debilitato. Quod si pennam graviolem dicas, suppone lanam, vel quodcunq; placuerit aëre subtilius, in quibus si motum quendam à thorace deprehenderis, manum porrigam. Non deniq; experimento secundo opposita responsio nos stringit. Clarior enim est experientia, quam ut negari possit. Aër vicini cubiculi continuus neutiquam illi est qui thoracem ambit, quum densum parietis corpus subinde intercedat. Nam tantum fiat foramen, quod applicato ori sufficiat. Ingeniosus autem tuus in concilianda utraq; dissidentium parte conatus valdè placeret, nisi entia citra necessitatem

tatem augerentur. Quid enim extra quærimus, quod insito nobis principio largita est natura? Cæterum laudare oportet insignem operi promissam operam, cuius debendi reus mecum erit literatus Galliæ vestræ orbis. De fide versionis tantò minus dubito, quanto de Tua certior sum eruditione & sinceritate, quam præfens vidi & per literas indies experior. Lunulas prætermitti, quia ita Tibi visum, non improbo. Verum ne mea additamenta cum Parentis textu confundantur, lectorum interest, & Parentis qui ætate sua & scriptis plerosq; antecessit, quos in Notis meis advocavi; præsertim quum in prioribus Anatomiae Parentis editionibus nihil horum inveniat. Unde vel monendus ea de re in Præfatione Lector, & additamenta mea textui Parentis immediata serie compingenda iudico, sed alio charactere, currente nempe, si textus erectior fuerit stantibusq; similis. Quod si fiat, propria autorum nomina iisdem quoq; cum textu typis poterunt exprimi. Parum enim retulerit. Et alia quæ currente stylo leguntur. v. g. Pag. 1. Definitio Ferneliana, maioribus paulo literis commodè exponuntur. Rarò lunulas istas in ultima editione abesse animadverti. Pag. 69. lin. 34. ordinatum defectum

fectum illum voco, qui ordine fiat à majori ramo ad minimum mediis ramulis eandem proportionem inter se servantibus. Pag. 148. lin. 3. Prayani incolæ sunt Regni Neapolitani, cujus princeps olim pars fuit Campania, Pag. 195. venam aortam vocat Folius, sine dubio quia ex corde pari ratione amplo orificio oritur quemadmodum Arteriæ. Quem tamen religio non est, deseruisse. Pag. 288. *Permanet* retinendum, quia Deltoides totus carnosus est & talis permanet. Pag. 317. lin. 7. rectissimè hyperbolen interpretaris. Pag. 319. lin. 21. Frambesarius de venis lacteis loquutus est, non Mesaraicis, in ultima Scholæ Medicæ editione. Nomen autem Consobrini mei ubiq; Fuiren est, qui te amice per me salutat itineris hætenus comes. Clarissimum Meyssonerium quoq; ex me salutabis amico voto, cujus doctissimas accepi literas, sed non facile ob difficilem festinantis manum à me intellectas. Quod si ulterius me dignatus fuerit alloquio, Te parario per Bibliopolas nostros rectè acceperim. Jam enim iter me habet totum, cujus successum patriæ redditus Tibi amicissimo perscribam. Interea vale, & me Tibi ad mutua obsequia addictissimum amare perge, siq; amicitia communis

X

mere-

meretur, bonas aves amico precare. Clarissimo Sponio mea officia deferres. Scripsi veloci ut vides calamo, in procinctu itineris. Lutetiæ Parisiorum Gal. Febr. clb. Idc, XLVI.

EPISTOLA LXXVIII.

De usu glandule Pinealis Cartesiano.

THOMÆ BARTHOLINÒ Parisios.

LAZARUS MEYSSONIERIUS

in Alger.

Reditæ sunt mihi tuæ literæ nudius quintus, dum practicis distractus artis operibus extra domesticos lares abessem: cum vero per eos nullum daretur vel hospitis vel diversorii signum in urbe numerosissima, vix in tanto pelago quò optabam me appellerè posse sine hac cynosura ut te mutuo conveni-rem sperare ausus fueram, mœstumq; illa me diutius detinisset ἀδυναμία ut quasi mollius loquar, nisi Vir ingenuus qui comitate sibi familiari tabellarii vice fuerat, me iterum atq; iterumq; adiisset, si non per se per amicum saltem Lutetiæ habentem quod avidius expectabam indicaturus. D. Prateum intelligis satis opinor interpretem ut audio in Gallia nostra

stra tuum, quem non hæc modo quas protuli animi dotes, sed etiam eruditio singularis & erga syncerioris Philosophiæ Professores studium inprimis commendant. Iis tamen me distrinxit temporis angustia ut paucis atque nocturnis horis coactus brevius quidem quam mihi proposueram & forsan minus accurate respondeam, at votis quæ excupiveram tuis satis sim: Maxime circa illa quæ Cl. N. Fontanus de Conario movet dubia in suis ad Vesalium notis, quæ an hic prostant nondum satis scio. Cum tamen res sit mihi cum homine rei Anatomicæ peritissimo, sed quod magis est oculatissimo totius naturæ contemplatori, non verebor dum cogar brevis esse obscurus fieri, quod de se lyricus. Nam & principia Physiologiæ nostræ tibi nota sunt, illius inquam in Pentagono duplici & novæ febrium doctrinæ exercitationibus orbi datæ, & non semel tecum secuit cerebri totius parenchymatis illius nobilis molem accuratissimus & diligentissimus, ut aliquid epitheto tuo addam, D. Franciscus Sylvius, ut ex nutu intelligas statim quod *ὅτι ἐπιτομή* responderi possit objectis à Cl. Fontano rationibus, quarum summa est, (si quod in Epistola scribis rectè capio) non posse Conarion esse genuinam

specierum ab externis partibus per nervos in unum locum delatarum sedem, quod & à centro cerebri & ab origine nervorum longius ab sit, ut communione tanta frui & tam facile spirituum commeatui ultro citroq; inservire possit. At ignoscat mihi Vir aliunde perspicax, ut ex aliquot ejus editis superioribus annis observationibus notare licuit, ignoscat inquam, si mihi non satis perite centrum exacte geometricum in cerebro quærere videatur, cum ipsa quæ Te & Cl. Sylvium docuit *αὐτοψία* illa eadem sæpius etiam mihi ipsi demonstraverit, caudati cujusdam cometæ instar inter humana membra cerebrum exprorectum esse, capillitii cujusdam & radiorum more non solum superiores nervos, sed & equinam illum quoquoeversum expandens ramulorum membranis vestitorum caudam; Et si aliquod dari debet, aliud *ἀνεξεργαστὸν* assignari non posse, quam spatium illud quod est inter nervorum paria sensui maxima parte inservientia, & ea quæ potissimum movendis partibus assignata esse videntur. Ego enim, ut hic sed non sine fructu digrediar, privatim sensum omnem tactum esse sentiens motorium, cumq; à sensifica differre tantum arbitror
quan-

quantitate spiritus, ad motus necessariâ multâ, minore ad sensus, & mollioribus cerebri medullæ fibris, ac ut conceptui meo vocem inveniam ex chymicorum officina filtris qui facilius moveri possint ab objectis speciebus, & verberatione sua ut ita loquar majori aut minori, simili aut dissimili efficere hoc vel illo modo spiritum; cum duriores & validiores necessariae sint in motibus ne divellantur & disrumpantur partim, quod convulsionem induceret, dum spiritus sursum retrahitur aliis inversis aliis ruptis, sed coagmentatis. Uno eodemq; conatu spiritus ejus fluxum & refluxum qui librationem inæqualem semper in antagonismo muscutorum & conjugatorum nervorum distributione efficit. Adsit ipse Polycletus & ad normam suam expendat omnia corporis loca ut inveniat concursui nervorum centralem sedem, non possit commodius; circularem nihil opus est, in qua lineæ sint omnes æquales, nam distantia tam varia tot partium quibus natura sensum motumq; concessit minime patitur in humano corpore quod non est *ἀεὶ ἰσότητος* ut fingam cogitationi meæ vocabulum. Miror præterea quod Vir sagacissimus tantopere laboret de motus spiritus difficultate

ficultate à conario ad nervos & vicissim, cum ipse ad imos pedes in momento feratur, & quod adhuc expetat in nervis explosam à præceptore Hippocrate καὶ λόγῳ lib. de locis in Homine & ab experientissimo ejus interprete Galeno comm. i. in 6. Epidem. si non fallit memoria, turget ille locus in quo glandula pinealis sita est spiritu, & hæc sedes ex contactu truncorum quatuor medullæ spinalis rudem quandam imaginem ani nobis exprimens, turget inquam spiritu qui sequitur prædictæ medullæ fibras ubicunq; meningibus illa vestita coarctatur, & derivatur in partes corporis ac fruitur illapsu aquæ per anastomoses venarum & arteriarum imbris cujusdam rorantis instar (quod in renibus Cl. Beverovicus, & nos in omnibus partibus arteriis venisq; donatis aperuimus) cerebrum perfundentis ac tandem per ventriculos primum & secundum in tertium & ab eo in prænotatos medullæ rivos: Et ne superfluens evolveretur ros magis quam supra notatus eorum usus postulat exundansq; in cerebrum superius tanquam à spongia excepta quod lethargum & paralyfin facit; aut opprimens arterias retium instar cum venis per oscula coeuntes, per
quas

quas spiritus vitalis cum sanguine circulariter motus excitat spiritum animale ut in doctrina nostra febrium nova indicavimus apoplexiam induceret; anteriori altero foramine ne tertio prædicto ventriculo quod superest ad glandulam pituitariam descendens sequitur membranarum tunicas & musculorum fibras, ut in os delabatur & subjectas partes irriget quod fusius libro nostro jam citato Exercitatione prima proposuimus. Hæc à me ideo dicuntur ut intelligi possit non difficilius quam ex cordis cavitatibus in quibus vitalis spiritus potissimum viget & quoquo versum in universum corpus per arterias diffunditur, Animalem etiam spiritum è porta nobilis sui ventriculi in divaricatione medullæ in omnes nervos quotquot sint illi qui sensui motuiq; inserviunt ire, redire, agi, commoveri & motu suo commovere ennoëtice species censatas in conarii gradibus profundius immerfas vel ad faciem tantum adhuc expansas, quod memoriæ varietatem facit commovere, eo modo qui à nobis explicatus est in libro nostro Gallice edito sub titulo *Des maladies nouvelles & extraordinaires. chap. du mal d'amour*. Unde facile indicavimus tum loquelæ infantium, tum varias deliriorum & mentis motionum.

causas veras genuinas & ut metaphoricè diagnostices vocabulum huc transferam pathognomonicas quo melius assequaris, quemadmodum & varietates somniorum, quod absit verbo ut jactantia sic invidia à nullo factum fuisse certò scimus. Doleo sane quod nolu-
erit hunc tractatum nostrum tibi seorsim concedere Typographus meus. Adjunximus Practicæ Medicinæ quæ Gallicè inscribitur *Le Miroir de la beaute & sante corporelle*, editionis novissimæ, invenies apud omnes Bibliopolas Parisienses, qui cum nostris Lugdunensibus negotium exercent, quales sunt plerique qui vicum Jacobæum dictum inhabitant. Alias si dabitur occasio de novis Gangrænæ causis ex sententia nostra scribam; temporis angustia, quod in principio dixi, anxie me retinent plura dicere volentem, ut quæsito tuo de tonico musculorum hyoidis motu satisfaciam. Non insolens erit nova diatriba, quæ exercuit Piccolomineum, Laurentium & Bauhinum in varia distractos. Angit me hæc plurimorum hominum doctissimorum scribendi ratio qua nomen suum ut extollant aliorum conatus deprimere, impetu quodam in singulos, nituntur; unde jurgia & rixæ in literata Europa nostra: Te tamen laudo qui paternum

num nomen à malevolorum nebulis ut emineat doctrinæ tuæ radiis liberare contendis, & magno conamine circumvolitantem caliginem dissipas, perge Vir Eruditissime, & priusquam in Daniam tuam redeas indica sigillatim quibus hominibus Lutetiæ & Amstelodami possimus communes observationes & cogitationes Philosophicas Medicas vicissim transmittere. Interim vale & amare ne desine Tui amantissimum, qui Tibi iterum & affini tuo quem hic tecum videre contigit salutem dicit plurimam, Lugduni ad confl. Araris & Rhodani Anno Æræ Salutiferæ cdo. Inc. XLVI. XVII. Kal. Februarii sub ipsius noctis medium, raptim adeò ut vix relegere potuerim, quod addo ut lituras & *καταρχαφίαν* excuses.

EPISTOLA LXXIX.

De Hofmanno & Helmontio iudicium.

THOMÆ BARTHOLINO

Aureliam.

Litteras tuas Aureliis 24. Nov. datas 6. Januarii accepi quo tempore mater tua, ut & matertera, vestras Parisiis datas simul monstraverè. Gratulor verò vobis de acquisitis in celebri Academia Basileensi summis honoribus,

X s

bus,

bus, in qua & Avus & Parentes & ego eosdem nacti sumus. Deus porro conatibus adspiret, patriæ honori, vobis emolumento ut cedant. Miror verò Te non respondisse iis quorum Tua maximè intererat, cujusq; gratia ultimas meas ad Te dedi. Est procul dubio quod Te moretur, quodq; haud scio an ex usu tuo sit futurum. Hofmannus generalem sibi in omnes censuram vendicare videtur, quomodo tractet Fernclium, Comitem Montanum & alios non sine indignatione vidi. Sic fatis pro imperio omnia. Institutiones non vidi. Omnibus insultare qui gestit, paria expectabit. Elegans fateor est ultima editio Anatomiae Bartholinianæ, quam Hackius nobis dedit, nec credo futuros qui typis & iconum splendore eum superabunt. Noster Simon Pauli Germanicam ejus meditatur versionem in Chirurgorum gratiam, sed, ut intelligo, in Synopsin redactam. Charisium bene valere cupio, ejus de reditu in patriam meditationes, tot fuere annorum, ut jam spem frangant omnem. Ante mensem circiter ad me pervenit, Lochenensis monumenti accurata descriptio, sine literis mittentis, ni me fallit manus Charisiana referebat lineamenta. Si ab ipso profecta, summas age gratias meo nomi-

nomine. D. Henrico Fui renio fausta quævis meo nomine præcare: in ære meo est, siquidem ad ultimas meas nondum respondit. Est in Belgio prope Bruxellas, ni fallor, mirus Paradoxorum faber Johannes Baptista van Helmont, qui Medici nomine indignum judicat, qui febricitantem non restituit intra quatrimum, qui unica falce amputat omnium febrium causam occasionalem, qui per emplastrum centenas quartanas se tuto sanasse absq; recidiva gloriatur, aliaq; miranda in re Medica præstare se posse ait. Eo si veneris, hominem inquire, ac num quid veritatis hisce subsit ampullis investiga. Vale feliciter. Hafnia 24. Januar. 1646.

T.

Olaus Worm D.

EPISTOLA LXXX.

De Laryngotomia.

RENATO MOREAU

Parisios.

THOMAS BARTHOLINUS. S.

Versabar nuper cum *Severino* nostro in diligentiori Anginosæ puerorum affectionis cogitatione, dubiâ subinde curâ, nec satis certâ.

certâ mente. Commune tandem consilium fuit, infestum ætati huic fascinum forti manu & intrepida aggrediendum. Frustra enim Caprimulgus ille *Lilith & Stryx*, cunis parvorum inimica cohors, vel lustralibus salivis vel appensis collo bulla, allio, re turpi, vel alyssis terretur, nisi, ut loquitur ille, infamis digitus

----- *frontemque atque uda labella*

Expiet.

Fideli digitorum medicorum indigent opera, quibus & restis conficitur & adigitur ferrum. Sed cum de hoc cogito horret animus, sensuq; dolorum infantilium tangitur. Hinc operis difficultas remoratur, illinc imminens periculum, nec jugulum jugulari sibi ex re putat. Laryngotomiam Chironis filii appellarunt, quam ad te Vir Eruditissime, magnum seculi lumen, devolve, ut quod genii nubecula assequi non possum, te magistro perspiciam. Tu enim salutari fidere orbi literato renatus dignissimis cedro monumentis monstrasti alias, quid supra vulgus, diviniior animus possit. Qui innocentissimas Musas ita sustines, ut sæterioribus medendi curis misceas, omniumq; seculorum labores tui juris fecisti & arbitrii, fidus antiquitatis Machaonicæ interpret. Pereant illi licet temporum injuria, te salvo
revi-

reviviscant, apud quem eorum salus vertitur. Accedit invidendis animi tui dotibus ratum non fictæ humanitatis exemplum, quo falsam aliorum industriam superasti. Quam felicem eruditionis comitem, à quo in amicitiam tuam admissus fui, admiratus sum semper, eaq; fiducia adhuc fretus nomen tuum hic advocavi, ut quo Loco Laryngis sectionem antiquis mendedi legibus introductam nos habere velis, more tuo h. e. solidè & candidè perscribas. Ab ea, quidem non abhorruit nostro ævo *Spigelius*, notæ famæ Anatomicus, ut superstes adhuc muliercula amicorum hospitio Patavii cognita fidem facit: Nec aversabatur Neapoli *Severinus*, manu promptus & genio, ne *Tulpium* in Observationibus aliosq; referam cordatæ Chirurgiæ autores: Ego tamen jure vel injuria in Angina nostra puerili an damnem cruentam hanc manum, penes te deliberabitur. Acutus enim morbus & motus celerioris, tardum hoc remedii genus vix expectat, dum cutis separatur & cuticula, musculiq; ordine suo distinguantur, cannula intrudatur, aptetur, alligetur, vires præsertim tenerioris colli, ubi confusiores annuli & omnia ex ætate molliora, dispereunt. Augetur insuper ex inflammationis metu difficultas, ne spe auxilii incensæ partes

partes incrementum capiant. Sin adultior fuerit, læsæ Laryngis difficilem nobis sanitatem spondet. Verum ex voto successerit apertio Laryngis, vel frustraneus ejus erit usus, vel noxius. Frustraneus, quando quidem ea annulorum est conditio, ut levissimo quocunq; colli motu in se redeant, & spreto exilis plagæ intervallo concidant. Idq; magis in medio tertii quartiq; circuli spacio, quo loci sectio imperatur, quia adeo hæ cohærent cartilagines, ut pro continuis aliqui venditarint. Noxam tam vulneri inflicto, quam pulmonibus afferet. Illi quidem ob liberum aëris tactum & insolitam cannulæ metallicæ viciniam; his verò ob repentinum crudi aëris transitum, qui alioquin in ore præparatus alienam solet qualitatem deponere. Nulla deniq; ad extremum remedium suoq; periculo gravius cogit nos necessitas. Respirationis quippe gratia instituitur. At, si veterum stamus opinione, ad sui refrigerium cor per extrema arteriarum venarumq; in cute oscula, aërem simul recipit & expellit fuligines. Quod aucta necessitate Cynanchicis, crebris frictionibus foret promovendum. Præterea non-nunquam respiratione ipsa, quæ voluntatis fertur fieri autu, carere possumus, ut suo malo mulieres hyste-

hystericæ experiuntur, inprimis pueri, quibus exordio vitæ laxior pulmo contigit. Hujus nempe ratione ranas, mures fluviatiles & alia diu à respirationis munere vacare, *Aristoteles* de Respiratione prodidit. Id privilegii autem sanguineis denegat propter caloris abundantiam, quæ sanè infantibus copioso humido temperatur, per patula corporis spiracula facile, si opus, ventilando expurgandoq;. Vocis ante omnia in gratiam, quum aër reciproco itū attrahatur, ea quidem curationis tempore per se non loquax poterit caruisse. Sed jam mali commercio vox deficiet & oratio, nisi per calamum tibi familiarem auram inspira- veris, qua tot eruditis vitam reddidisti. Non deerit suscepti laboris gratia. Pro utroq; sponsor sum, non Castori aut Polluci, sed Tibi ob filios salutis restitutos vota soluturos. Nec minori me devincies beneficio, si aliquid de filo purpureo monueris, in quo adeò nuper sudavi. De eo quum *Marcellum Empiricum* cap. 31. consuluissem, plus dubii reportavi quam solutionis. Quid enim coccum gala- ticum, aut quod auxilium sedandis hæmorrhoidibus afferat phœnicium linum, non satis perspexi. Deinde quo modo antiquitati conso- nat, dum filum illud rufum per aciam exponit
cap.

ficultate à conario ad nervos & vicissim, cum ipse ad imos pedes in momento feratur, & quod adhuc expetat in nervis explosam à præceptore Hippocrate *καίλοτης* lib. de locis in Homine & ab experientissimo ejus interprete Galeno comm. i. in 6. Epidem. si non fallit memoria, turget ille locus in quo glandula pinealis sita est spiritu, & hæc sedes ex contactu truncorum quatuor medullæ spinalis rudem quandam imaginem ani nobis exprimens, turget inquam spiritu qui sequitur prædictæ medullæ fibras ubicunq; meningibus illa vestita coarctatur, & derivatur in partes corporis ac fruitur illapsu aquæ per anastomoses venarum & arteriarum imbris cujusdam rotantis instar (quod in renibus Cl. Beverovicus, & nos in omnibus partibus arteriis venisq; donatis aperuimus) cerebrum perfundentis ac tandem per ventriculos primum & secundum in tertium & ab eo in prænotatos medullæ rivos; Et ne superfluens evolveretur ros magis quam supra notatus eorum usus postulat exundansq; in cerebrum superius tanquam à spongia excepta quod lethargum & paralyzin facit; aut opprimens arterias retium instar cum venis per oscula coeuntēs, per quas

quas spiritus vitalis cum sanguine circulariter motus excitat spiritum animale ut in doctrina nostra febrium nova indicavimus apoplexiam induceret; anteriori altero foramine ne tertio prædicto ventriculo quod superest ad glandulam pituitariam descendens sequitur membranarum tunicas & musculorum fibras, ut in os delabatur & subjectas partes irriget quod fusius libro nostro jam citato Exercitatione prima proposuimus. Hæc à me ideo dicuntur ut intelligi possit non difficilius quam ex cordis cavitatibus in quibus vitalis spiritus potissimum viget & quoquo versum in universum corpus per arterias diffunditur, Animalem etiam spiritum è porta nobilis sui ventriculi in divaricatione medullæ in omnes nervos quotquot sint illi qui sensui motuiq; inserviunt ire, redire, agi, commoveri & motu suo commovere ennoëtice species censatas in conarii gradibus profundius immerfas vel ad faciem tantum adhuc expansas, quod memoriæ varietatem facit commovere, eo modo qui à nobis explicatus est in libro nostro Gallice edito sub titulo *Des maladies nouvelles & extraordinaires, chap. du mal d'amour*. Unde facile indicavimus tum loquelæ infantium, tum varias deliriorum & mentis motionum

causas veras genuinas & ut metaphoricè diagnostices vocabulum huc transferam pathognomonicas quo melius, assequaris, quemadmodum & varietates somniorum, quod absit verbo ut jactantia sic invidia à nullo factum fuisse certò scimus. Doleo sane quod nolu-
erit hunc tractatum nostrum tibi seorsim concedere Typographus meus. Adjunximus Practicæ Medicinæ quæ Gallicè inscribitur *Le Miroir de la beaute & sante corporelle*, editionis novissimæ, invenies apud omnes Bibliopolas Parisienses, qui cum nostris Lugdunensibus negotium exercent, quales sunt plerique qui vicum Jacobæum dictum inhabitant. Alias si dabitur occasio de novis Gangrænæ causis ex sententia nostra scribam; temporis angustia, quod in principio dixi, anxie me retinent plura dicere volentem, ut quæsito tuo de tonico muscutorum hyoidis motu satisfaciam. Non insolens erit nova diatriba, quæ exercuit Piccolomineum, Laurentium & Bauhinum in varia distractos. Angit me hæc plurimorum hominum doctissimorum scribendi ratio qua nomen suum ut extollant aliorum conatus deprimere, impetu quodam in singulos, nituntur; unde jurgia & rixæ in literata Europa nostra: Te tamen laudo qui pater-
num

num nomen à malevolorum nebulis ut emineat doctrinæ tuæ radiis liberare contendis, & magno conamine circumvolitantem caliginem dissipas, perge Vir Eruditissime, & priusquam in Daniam tuam redeas indica sigillatim quibus hominibus Lutetiæ & Amstelodami possimus communes observationes & cogitationes Philosophicas Medicas vicissim transmittere. Interim vale & amare ne desine Tui amantissimum, qui Tibi iterum & affini tuo quem hic tecum videre contigit salutem dicit plurimam, Lugduni ad confl. Araris & Rhodani Anno Æræ Salutiferæ cdo. Idc. XLVI. XVII. Kal. Februarii sub ipsius noctis medium, raptim adeò ut vix relegere potuerim, quod addo ut lituras & *καταρχαφίαν* excuses.

EPISTOLA LXXIX.

De Hofmanno & Helmontio iudicium.

THOMÆ BARTHOLINO

Aureliam.

Literas tuas Aureliis 24. Nov. datas 6. Januarii accepi quo tempore mater tua, ut & matertera, vestras Parisiis datas simul monstraverè. Gratulor verò vobis de acquisitis in celebri Academia Basileensi summis honoribus,

X s

bus,

bus, in qua & Avus & Parentes & ego eodem nacti sumus. Deus porro conatibus adspiret, patriæ honori, vobis emolumento ut cedant. Miror verò Te non respondisse iis quorum Tua maximè intererat, cujusq; gratia ultimas meas ad Te dedi. Est procul dubio quod Te moretur, quodq; haud scio an ex usu tuo sit futurum. Hofmannus generalem sibi in omnes censuram vendicare videtur, quomodo tractet Fernclium, Comitem Montanum & alios non sine indignatione vidi. Sic fatis pro imperio omnia. Institutiones non vidi. Omnibus insultare qui gestit, paria expectabit. Elegans fateor est ultima editio Anatomiae Bartholinianæ, quam Hackius nobis dedit, nec credo futuros qui typis & iconum splendore eum superabunt. Noster Simon Paulli Germanicam ejus meditatur versionem in Chirurgorum gratiam, sed, ut intelligo, in Synopsin redactam. Charisium bene valere cupio, ejus de reditu in patriam meditationes, tot fuere annorum, ut jam spem frangant omnem. Ante mensem circiter ad me pervenit, Lochenfis monumenti accurata descriptio, sine literis mittentis, ni me fallit manus Charisiana referebat lineamenta. Si ab ipso profecta, summas age gratias meo nomi-

nomine. D. Henrico Fuirenio fausta quævis meo nomine præcare: in ære meo est, siquidem ad ultimas meas nondum respondit. Est in Belgio prope Bruxellas, ni fallor, mirus Paradoxorum faber Johannes Baptista van Helmont, qui Medici nomine indignum judicat, qui febricitantem non restituit intra quatrimum, qui unica falce amputat omnium febrium causam occasionalem, qui per emplastrum centenas quartanas se tuto sanasse absq; recidiva gloriatur, aliaq; miranda in re Medica præstare se posse ait. Eo si veneris, hominem inquire, ac num quid veritatis hisce sub sit ampullis investiga. Vale feliciter. Hafniæ 24. Januar. 1646.

T.

Olaus Worm D.

EPISTOLA LXXX.

De Laryngotomia.

RENATO MOREAU

Parisios.

THOMAS BARTHOLINUS. S.

Versabar nuper cum *Severino* nostro in diligentiori Anginosæ puerorum affectionis cogitatione, dubiâ subinde curâ, nec satis certâ

certâ mente. Commune tandem consilium fuit, infestum ætati huic fascinum forti manu & intrepida aggrediendum. Frustra enim Caprimulgus ille *Lilith & Stryx*, cunis parvorum inimica cohors, vel lustralibus salivis vel appensis collo bulla, allio, re turpi, vel alyssis terretur, nisi, ut loquitur ille, infamis digitus

----- *frontemque atque uda labella*

Expiet.

Fideli digitorum medicorum indigent opera, quibus & restis conficitur & adigitur ferrum. Sed cum de hoc cogito horret animus, sensuq; dolorum infantilium tangitur. Hinc operis difficultas remoratur, illinc imminens periculum, nec jugulum jugulari sibi ex re putat. Laryngotomiam Chironis filii appellarunt, quam ad te Vir Eruditissime, magnum seculi lumen, devolvo, ut quod genii nubecula assequi non possum, te magistro perspiciam. Tu enim salutari sidere orbi literato renatus dignissimis cedro monumentis monstrasti alias, quid supra vulgus, diviniior animus possit. Qui innocentissimas Musas ita iustines, ut sæverioribus medendi curis misceas, omniumq; seculorum labores tui juris fecisti & arbitrii, fidus antiquitatis Machaonicæ interpret. Pereant illi licet temporum injuria, te salvo.

revi-

reviviscant, apud quem eorum salus vertitur. Accedit invidendis animi tui dotibus ratum non fictæ humanitatis exemplum, quo falsam aliorum industriam superasti. Quam felicem eruditionis comitem, à quo in amicitiam tuam admissus fui, admiratus sum semper, eaq; fiducia adhuc fretus nomen tuum hic advocavi, ut quo Loco Laryngis sectionem antiquis miedendi legibus introductam nos habere velis, more tuo h. e. solidè & candidè perscribas. Ab ea quidem non abhorruit nostro ævo *Spigelius*, notæ famæ Anatomicus, ut superstes adhuc muliercula amicorum hospitio Patavii cognita fidem facit: Nec avversabatur Neapoli *Severinus*, manu promptus & genio, ne *Tulpium* in Observationibus aliosq; referam cordatæ Chirurgiæ autores: Ego tamen jure vel injuria in Angina nostra puerili an damnam crucientam hanc manum, penes te deliberabitur. Acutus enim morbus & motus celerioris, tardum hoc remedii genus vix expectat, dum cutis separatur & cuticula, musculiq; ordine suo distinguantur, cannula intrudatur, aptetur, alligetur, vires præsertim tenerioris colli, ubi confusiores annuli & omnia ex ætate molliora, dispereunt. Augetur insuper ex inflammationis metu difficultas, ne spe auxilii incensæ partes

hystericæ experiuntur, imprimis pueri, quibus exordio vitæ laxior pulmo contigit. Hujus nempe ratione ranas, mures fluviatiles & alia diu à respirationis munere vacare, *Aristoteles* de Respiratione prodidit. Id privilegii autem sanguineis denegat propter caloris abundantiam, quæ sanè infantibus copioso humido temperatur, per parula corporis spiracula facile, si opus, ventilando expurgandoq;. Vocis ante omnia in gratiam, quum aër reciproco itū attrahatur, ea quidem curationis tempore per se non loquax poterit caruisse. Sed jam mali commercio vox deficiet & oratio, nisi per calamum tibi familiarem auram inspira- veris, qua tot eruditis vitam reddidisti. Non deerit suscepti laboris gratia. Pro utroq; sponsor sum, non Castori aut Polluci, sed Tibi ob filios saluti restitutos vota soluturos. Nec minori me devincies beneficio, si aliquid de filo purpureo monueris, in quo adeò nuper sudavi. De eo quum *Marcellum Empiricum* cap. 31. consulissem, plus dubii reportavi quam solutionis. Quid enim coccum galaticum, aut quod auxilium sedandis hæmorrhidibus afferat phœniciū linum, non satis perspexi. Deinde quo modo antiquitati consonat, dum filum illud rufum per aciam exponit
cap.

cap. libri secundo. Nam plures in re metallica fibularum consentiunt eruditi, qui à tuo libenter arbitrio dependebunt, si vel authoritate tua juveris, vel excusaveris. Quo titulo hæc mea quoq; suspendo, gloriæ certus, si à tanto Viro didicero. Vale Galliæ tuæ orbisq; ornamentum, ut felicius & literæ valeant & mortales, atq; cum Clariss. *Patino* amorem mihi perennæ.

EPISTOLA LXXXI.

De eadem Laryngotomia Responsio.

THOMÆ BARTHOLINO Parisios.

RENATUS MOREAV. S. P. D.

EX morbis qui populariter grassantur (*Vir* *Eruditissime*) frequentissima est *Angina* ab ἀγχύνη Græcorum dicta, non secus ac ango ἀπὸ τῆς ἀγχέειν quod stringere & strangulare significat. Est enim *Angina ἀναπνοῆς μέσση*, quemadmodum loquitur *Aretæus*, suffocationi juncta velut à constringente laqueo; quo nomine ab Hispanis *Garrotillo* appellatur, ut eadem patiantur *Angina* laborantes quæ facinorosi homines cum injecto circa collum fune strangulantur. Non constat quo vocabulo veteres

veteres affectum eum vocaverint, aut σωάγ-
 χης aut κυνάγχης. Hanc perpetuo vo-
 cem usurpasse *Hippocratem* observavimus, quasi
 Canum morbum esse voluerit, vel quod eo
 affectus genere canes tententur (quod non-
 dum ab iis qui de educatione Canum egerunt,
 video animadversum, ac ne quidem à *Thæmo-
 ne* in κυνοσφίω, nisi cum *Josepho de Aromata-
 riis* rabiem cum *Angina* confundamus,) vel
 quod etiam per valetudinem exercere linguam
 soleant, quod in *Angina* sæpe contingit, lingua
 propter inflammationis vehementiam non so-
 lum oris capacitatem implente, sed extra
 quoq; dentes prominente. Video tamen apud
Aretæum & Cælium Aurelium Anginam ap-
 pellari σωάγχην οἷον συνεύχσασιν ἔνδον καὶ
 ἄγχσασιν, quasi interius urgentem & angen-
 tem. Sed utcunq; vocata fuit, gravis illa est,
 periculosa & ipso aspectu horrenda, degluti-
 tionem & respirationem intercipiat; atq; eo
 ipso metuenda, quod quibus subito finita est,
 in pulmonem id malum transeat, & sæpe intra
 septimum diem occidat, vel saltem aliqua parte
 suppuret, ut loquitur divinus senex aphoris 10.
 sect. 4. & post eum *Hippocrates* Latinus. Va-
 gari autem frequentissime per constitutiones
 Y Epide-

Epidemicas & pestilentes præter Hippocratis auctoritatem, libris ἐπιδημιῶν testatur Joa. Wierus lib. observationum rararum facta descriptione Anginæ cujusdam Epidemicæ, quæ an. 1564. & 1565. in quibusdam inferioris Germaniæ locis grassata est. Nec profecto absq; ratione; cum enim populares morbi communem causam habeant, aërem inquinatum & infectum; quod ille ob respirandi necessitatem eatq; redeatq; viam toties per fauces & asperam arteriam, malignitatis suæ vestigia partibus istis imprimit, maxime in iis corporibus quæ calidiora sunt, humidiora, atq; molliora, quibusq; caput infirmum & imbecille, cujusmodi sunt puerorum. Nota est Galeni sententia cap. 7. lib. 8. meth. Naturas calidas & humidas καὶ καθ' ὃν ὑγιαίνει χρόνον ἐγγὺς σηπεδόνης etiam per ipsam sanitatem proximas esse putredini. Observabat vero com. ad part. 24. sect. 2. lib. 1. epidem. pueros convulsionibus obnoxios ἀλλὰ τὴν ἀσθενεῖαν τε ἅμα καὶ μαλακότητά τῃ νευρώδεϊ γένει, ob idq; facile ex parvis causis fieri illis affectus. Commemorat Hipp. lib de aer-loc. & aq. humidam regionem incolentes pueros corripi καὶ πασμοῖς καὶ ἄσθμασι, convulsionibus quidem.

quidem ob caput infirmum, anhelationibus vero ob angustiam partium respirationi ministrantium vel inflammata arteria & larynge, vel repletis arteriis, vel accenso pulmone ex comm. *Gal.* ad Aph. 34. sect. 4. Porro circa *Garrotillo* Hispanorum ignorare non potes (Vir Doctiss.) jam à longo tempore excitatos tumultus & gravissimas contentiones obortas inter eorum scriptores: aliis *suffocatorium affectum* ad *aphtas*, aliis ad *carbunculum Anginosum*, nonnullis ad *ulcera Syriaca Aretæi & Ætii*, cæteris ad *Anginam* revocantibus; qua de re disputaverunt *Joa. Alphonsus defontecha* disputationibus de Angina & Garrotillo Compluti excussis an. 1611. *Franciscus Perezius* Libro de affectionibus puerorum Matriti edito eodem anno. *Andreas de Tamayo* opusculo de Garrotillo Valentiaë emissio 1621. *Alphonsus Gometius de la Parra* in Polyanthea sua Matriti impressa 1625. & *Hieronimus Gil y de Pina* singulari opere Sarragonæ vulgato 1636. Nec minus acriter pugnatum Italos inter Neapolitanos, Siculosq; Medicos *Franciscum Nolam* de Epidemio phlegmone Anginoso, *Joa. Bapt. Carnevallem* de Epidemico strangulatorio affectu, *Joa. Anton. fogliam* de Anginosa passione, *Joa. Andream Sgambatum* de pestilente faucium affec-

tu, *Marium Paramatum* de Angina pestilentiali, *Marc. Anton. Alaymum* de ulcere Syriaco, *Aëtium Cletum Signinum* de morbo strangulatorio, *Marcum Aurelium Severinum* de pestilente ac præfocante pueros abscessu, qui ferè in diversas semitas abeunt uno articulo concordēs tam perniciosum videlicet affectum & epidemicum & contagiosum esse. Circa ipsum video te esse securum, nec quo nomine donandus sit, aut quibus præsidiiis expugnandus, valde laborare. Angit duntaxat te *Laryngotomia*, de qua meum expostulas iudicium: An scilicet tuto & ex arte in Angina suffocante pueris administrari possit. Paucis rem expediam. de Angina vera & solitaria, non de illa Epidemica Neapolitana, quæ & Febris est pestilens, & conjunctos habet alios affectus, lethargum, hæmorrhagiam lethalem, pustulas in ore, ulcera in faucibus, crustas, gangrænam, sphacelum. Equidem video de hoc præsidii genere à veteribus fuisse dubitatum. Nam inter Græcos *Aretæus* lib. I. de curat. acut. cap. 7. nec in usum revocatum putat, nec innoxium esse credit. Quicumq; inquit, strangulationem ab Angina verentes, quo laxius spiritus duceretur, arteriam secuerunt, non sanè experimento rem comprobasse videntur. Quippe caliditas inflamm-

inflammationis major ex vulnere efficitur, strangu-
 gulatum adauget, tussimq; commouet. Quin e-
 tiam si aliqui periculum id evaserunt, vulneris
 oræ in unum coalescere nequeunt, ambæ enim
 cartilagineæ atq; inter se inglutinabiles sunt. Ap-
 ponam auctoris verba, ut legi debent ὁκῶσι
 δὲ ὑπὸ' εὐλαβίης τῆς ἐπὶ τῆς σωάγχης πι-
 γῆς τὴν δὲ τηρίαν ἔταμον ἐς ἀναπνοὴν, ὃν μοι
 δοκεῖσι πείρη τὸ πρῆγμα πειρώσασθαι· ἥτις γὰρ
 θερμασίη τῆς φλεγασίης μέζον ἐκ τῶ τρώ-
 ματος γίνεται, καὶ προστιμωρεῖ τῇ πηγῇ,
 καὶ βήσσει· ἡ δὲ καὶ ἄλλως ἐκφυγῶσι τὸν
 δὲ τὸν κίνδυνον, ὃ ξυνάγεται τὸ τρώματι
 τὰ χεῖλια, ἅμφω γὰρ χοιρῶδεα καὶ ἀξυμ-
 φυτά. Ex Latinis verò Caelius Aurelianus lib.
 2. acut. morbor. cap. 4. fabulosam censuit ar-
 teriæ ob respirationem divisuram, quam & La-
 ryngotomiam & Pharyngotomiam lib. 1. acutic.
 14. vocavit, atq; à nullo antiquorum traditam,
 sed & caduca & téméraires Asclepiadis inventio-
 ne affirmatam, cum tamen paulò ante à veteri-
 bus eam Asclepiadem accepisse scripsisset: quod
 fortassè de Hippocrate aut ejus genero Polybo
 est intelligendum, qui libro περὶ δὲ ὧν do-
 cet manifestum esse quod præfecto guttore δια-

τετμημένον τὸ λάρυγγ & aër attrahi in cavi-
 tatem oris non possit, sed per præfectam partem
 exhalet. Verum posteriores Græci, Arabes,
 Latini, non inutile auxilium in *Bronchotomia*
 (sic enim vocari debet) reposuerunt, nec ita
 periculofam eam ἐγχείρισιν agnoverunt.
 Ingenuè tamen profitebor, paucos hætenus
 extitisse, qui eam in usum adducere ausi sint,
 vel periculi metu deterriti, vel agendi oppor-
 tunitate destituti, vel ab ægrorum amicis
 propter rei novitatem revocati. Ad me quod
 attinet, infinitos vidi *Angina* laborantes sola
 venæ sectione è brachiis multoties celebrata
 servatos, pauciores aut vehementia morbi, aut
 præfidiorum opportuno tempore administra-
 torum defectu è vivis sublato, paucissimos
 quibus consultò & tempestivè *Bronchotomia*
 administrari debuerit. Nec nisi semel atq;
 iterum, memini à me fuisse in usum revoca-
 tam, primò quidem in *Hortulano* qui adhuc
 integra valetudine fruitur, deinde vero in *Mi-
 lite*, qui à morbo & à vulnere convaluit, su-
 perstite tamen levi vocis raucitate. Neq; plu-
 rimum negotii, aut molestiæ in illa admini-
 stratione sustinendum. Decumbat æger in
 lecto erecto pectore, inclinato quantum fieri
 potest

potest in posteriora capite, eoq; in pectus famuli requiescente: deinde arrepta per eundem famulum utrinq; transversim anterioris collicute, quod intermedium est è regione asperæ arteriæ, scalpello vel forcipe secundum longitudinem disseccetur, mox phlebotomo latiore, aut simili instrumento, quod in eam rem paratur, vocariq; potest *Bronchotomon*, spatium membranosum inter tertiam & quartam cartilaginem interjectum transversim latitudine unius pollicis aperiatur exguo è plumbo vel argento tubulo leviter incurvo & depresso, amplioris capitis seu umbellæ introducendo, cui habenulæ longiores lineæ annexæ sint, collo circumvolvendæ instar retinaculi. Hac patente via spiritus à pulmone trahitur expelliturve cum sibilo, donèc inflammatione fauces constringente resoluta aut ad suppurationem perducta respirandi per fauces liberas restituatur; Ut acutissimus ille morbus est sua tempora velocissimè percurrent, sic intra paucos dies educta fistula facilius vulnus obducitur quàm tibi persuadeas sarcoticis præsidiiis & delinctis & admotis. Labia vulneris inter se junguntur perpetua capitis versus sternum inclinatione ac depressione, quæ instar vinculi est & futuræ.

Verum si tales moras duceret
Y 4 morbus,

morbus, ut propter fistulam & externum aërem labia vulneris aliquo pacto occalescerent; renovandum esset vulnus inductis levioribus scarificationibus, futuraq; instituenda foret. Nec enim minore negotio induceretur cicatrix, quam vel vulnerata nasi cartilagine soleat, aut remota ex aperto thorace fistula post empyema exsiccatum. Atq; ut hæc in grandioribus & adultis foelici successu peracta observavi, sic non diffiteor quin eadem foelicitate in pueris perficiantur. Nam expectanda ad celebrandum præsidium extrema suffocatio aut virium exolutio. Captet peritus & prudens Medicus agendi occasionem, ut nec pendente administratione deficiat æger, nec ea peracta statim exolvatur. Facile coerceri possunt pueri à famulo & constringi ad operationis non admodum diuturnæ exitum. Imo ut ignoratione rerum, nec ferrum nec manum Chirurgi reformidant blandimentis quibusdam & ludicris rebus ad tempus quieti contineri poterunt. Non ita quidem in illis distincti cartelaginum annuli quia molliores, sed eo quoq; ipso vulnerati citius coalescunt. Tubulus brevior & leviter inflexus in oppositum arteriæ parietem, unde tussis & dolor excitari possent, non impinget. Externus aër frigi-

frigidity quidem eximia, quam cruditatem vocas, pulmonibus adversus tepore cubiculi facile emendatur. Nec à vulnere inflictò inflammatio circumstantium partium nec pulmonis incendium superveniet ob earundem partium mollitiem & humiditatem, pulmonisq; constitutionem humidiores, propter quam videmus pueros raro peripneumonia tentari, & ea semel correptos longè facilius quam adultos liberari. Non est securum committere totum spei sustinendæ & protrahendæ vitæ negotium perspirationi, quæ nonnunquam respirationis vices subit, sed in iis qui nec inflammatione insigni premuntur, nec febrili uruntur incendio. Periculum non video à viribus: neq; est enim diuturnior illa operatio, neq; acerbitate dolorum ferox, neque immoderato sanguinis profluvio stipata. Nam & ea ætate secamus venam, & modiolum, cum necessitas exigit, capiti admoveamus, & fracta luxataq; ossa restituimus, & foeliciter lithotomiam exercemus longè periculosiorem & atrociores. Terremur sæpe rebus inexpertis, quæ in usum semel revocata eadem securitate admittuntur qua peraguntur facilitate. Quod de jugulorum venarum apertione & calculi extractione confir-

matum habemus. Centies enim *Jugulares* aperiendas curavi, non tantum innoxie sed etiam foeliciter, nec operose magis aut periculosè quam cæteræ venæ secantur, quod tamen pleriq; omnes vel sola cogitatione præstare exhorrescunt. *Lithotomia* ævo magni *Hippocratis* Medicis omnibus terrori fuit ægris exitio: Nisi divini Senis verba in alium quam vulgo accipiantur sensum trahantur. Nam & intelligi possunt de *Orchotomia* & *Eunuchismo* illis temporibus familiari, à quo abstinendum, velut à re impia præcipit *Hippocrates* ὁ τρυφερός δὲ ὁ δὲ μὴ λίθωντας, non secabo verò inquit, ne quidem lapidem non habentes, cujusmodi fuere qui castrabantur: Cum enim calculo non laborarent, exsecabantur tamen, ex quo dicebantur τρυφαί. Vir autem pudicissimus, ne castrationem rem turpissimam & ut fieri solebat sceleratissimam verbo nominaret, honesta circumlocutione usus est, ut ambiguo sensu significaret, nec se calculosos, nec eos qui calculo non laborarent, secaturum. Quæ igitur veteribus calamitosa habebatur calculi extractio, nobis est salutaris, ut idem dicendum sit de plerisq; operationibus Chirurgicis, ac nominatim de *Bronchotomia*.
Ad

Ad Marcelli Empirici nostratis (nam oriundum è Gallia alias demonstrabimus) locum quod attinet ex cap. 31. desumptum, qui sic habet *Luna XIII. hora nona antequam exeant vel erumpant mori arboris folia, oculos tres tolles digitis Medicinali & pollice manus sinistrae, & in oculis singulis dices, absi ab sa phereos, mittesq; in coccum Galaticum, & in Phœnicio-lino conchiliatæ purpuræ conligabis, & dices, tollo te hinc tota hæmorrhoida, absis paphar, & nudum eum cui remedio opus est, præligamine illo cinges; non est à me tibi lux speranda, sed à Rhodia nostro magno sæculi nostri lumine, qui propediem auctorem illum emaculatum & illustratum editurus est.* Dicam tamen in Cocco Galatico nihil esse obscuri; *κακκὸν* enim βαφικὸν intelligit primæ notæ & melioris, qualem ferebat Galatia: Eam Tertullianus de pallio Galaticum ruborem vocavit. Coccum inquit Plinius lib. 2. cap. 41. Galatiæ granum rubens aut circa Emeritam Lusitaniæ in maxima laude est. Addit granum illud gigni & in Galatia, Africa, Pisidia, Cilicia cap. 8. lib. 16. ubi Galaticum primo loco memorat, quod & fecit lib. 22. c. 2. Atq; ut scileamus, inquit, Galatiæ, Africæ, Lusitaniæ granis, coccum imperatoriis dicatum paludamentis transalpina Gallia herba Tyrium atq; canbylium stingit.

stingit, omnesq; alios colores. Pausanias in Phocæicis auctor est coccum à Galatis qui supra Phrygiam sunt patria lingua vocari ὄσϋλε', unde Hyginius color dictus, quem tamen differre à Coccineo, Salmasius Eruditorum Phœnix in exercitationibus Plinianis Pag. 272. demonstravit, & ex illo Joa. Bodæus ad lib. 3. Theoph. de Historia plantarum cap. 16. sed nec prætermisit Dioscorides lib. 4. cap. 48. Optimum inquit gignitur in Galatia & Armenia, deniq; in Asia & Cilicia, locum postremum obtinet, quod in Hispania provenit quæ à Serapione iisdem propè verbis repetuntur, ut non alio consilio commemoratus videatur coccus Galaticus à Marcello Empirico quum ut optimus & præstantissimus intelligeretur. De auxilio Phœnicii lini in hemorrhoidum doloribus, nihil est quod à me expectes. Eadem superstitione adducta libro illo sunt, quæ pleraq; alia & anilia & fabulosa, quæ fidem non merentur. Explorata & experta multa dicuntur, quæ ne quidem tentata, sed soli famæ pervia, At ea plerumq; ut loquitur Plin. lib. 5. cap. 1. fallacissima experimento deprehenduntur, Quia dignitates cum indagare vera pigeat, ignorantia pudore mentiri non piget: haud alio fidei proniore lapsu, quam ubi falsæ rei gravis auctor existit. De Acia & de sibus metal-

metallicis te non morabor, res enim est confecta ab eruditissimo *Rhodio*, jamq; recordor me in leges Epistolarum peccasse, quæ brevitatem commendantur. Vale ergo & de republica litteraria benè mereri perge. Scriptum Lutet. Paris. Calendas Martias. an. 1646.

Impress. Paris. 1646.

EPISTOLA LXXXII.

*De cruce apud Prudentium & Lancinantis
Medicis, & oculorum Phoenix jubare
apud Claudianum.*

NICOLAUS HEINSIUS Dan. Fil. Lutetiam.

Quamquam gratissima mihi semper visa sit Lutetia, nuper tamen solito magis placuit. Non quod rerum fuerit mutata facies, & ædium superbarum additamentum, sed quod magnis Viris, quibus urbs abundat, tu quoq; accesseris. Gratulabar sæpius Belgio vestro ingeniorum feracissimo, quod Te in spem maximam genuerit, nec minus orbi nostro literato, quem feliciter illustrare cœpisti. Parenti quoq; inter summa famæ dudum collocato æternitatem augurabar, quam meruit dudum, non solum quod divinis scriptis orbem impleverit, sed quod in Te expressam

pressam virtutum suarum imaginem transtulerit. Inprimis verò meam amicitiam optimè sperare jussi, cui Tu accessisti, veteri nomine charissimus. Nolo in laudes tuas ire, quas mecum recolo. Sat erit ad laudem tuam, si Te Heinsum dixerò. Accedit, quod connatam famam & eruditionis gloriam hæreditario quasi jure à Parente derivatam pari exemplo juves. Perge igitur de Nasone tuo, ut coepisti, porrò benè mereri, nec diuturniore mora spem nostram illude. Pro Claudiano, dignò tuæ industriæ Heroë, pariter intercedo, & Aurelio Prudentio, quo aurei tui ingenii prudentia eluceat. Locus apud hunc dubius mihi occurrit, de quo judicium tuum expecto. Is in Hymno est de Hyppoliti Martyris Passione:

----- crux istum tollat in auras,
Viventesq; oculos offerat alitibus.

Quid in auras tolli sit, mihi cum Lipsio non convenit, qui lib. 1. de Cruce c. 4 alluisse arbitratur Poëtam ad ethymon *τὸ σταυρῶν* ab Hesychio traditum. Nam tolli in auras is mihi videtur, qui in cruce alta omnibus spectandus proponitur. Stauri autem apud Hesychium in aura consistunt, quia libero aëri exponuntur.

tur sine fulcro. Ille crucis altitudinem designavit, à qua ὕψους illa apud Johannem, & cruci salum apud festivissimum Plautum, de quibus data industria fusius egi in Dissertatione mea de Latere Christi. Apud eundem Prudentium Lancinatores maximorum gregum, nescio an Medicorum filii dicantur, quorum manus laniendam Hippocraticam ibidem appellat. Alii apud eundem legunt laniantes, alii lancinantes, quod ex Celsi præfatione mutuati sunt, in qua Herophilus veteresq; vivorum prosectores Latrocinantes audiunt. Idem sanè Herophilus Tertulliano Prosector, & Laniò nuncupatur, Asclepiades Sector Celso, & Medicus Archagothus carnifex Plinio, Tu de loco Prudentii quædam mone, si forte occurrant, dum ego Medicorum justæ incumbo defensionì. Si in otium tuum peccò, amicitiae condonabis fiducia, & Prudentii amorì, cui curas tuas partitus es. Ex Claudiano tuo pauca delibarem, si epistolii angustiae permitterent. Unum tamen de Phœnice decerpo, cui

Arcanum radiant oculi jubar.

Radios hos non oculis, sed temporibus
contribuit Ausonius;

Ales

Ales Cinnamæo radiatus tempora nido,
 seu nimbo, ut Scaligero placuit. Toto capi-
 ti applicat Lactantius in Eleg. Phœnicis:

Æquatur toto capiti radiata corona.

Ubi membranæ meæ manu scriptæ ha-
 bent: Equataq; noto capiti radicata corona.
 Qua id veritatis specie, per otium indicabis.
 Nescio an huc respexerit Solinus: Capite ho-
 norato in conum plumis extantibus. Quid si
 capite coronato reponamus, ad Lactantii i-
 mitationem? quanquam & honoratum caput
 dici possit, ut apud Claudianum:

----- igneus ora

Cingit honos rutilo &c.

Sed hæc prosequor in Comm. de Luce
 Animantium. Tibi interim iter, quod lau-
 dabili animo in Latium suscepisti, ut ex voto
 succedat, Deum oro. Ego patriam meditor
 diu desideratam. Tu mihi bonas aves præca-
 re, & amorem perenna. Vale amicorum de-
 cus. Leidæ XVIII. Mart. cId. Idc. XLVI.

T. T.

Thomas Bartholinus.

EPISTO-

EPISTOLA LXXXIII.

De Scorpii marini in tenebris fulgore.

THOMÆ BARTHOLINO

Leidam.

EX ultimis tuis Lugduni Batavorum 11. April. datis, intellexi ad Te non pervenisse meas quas fratri Erasmo perferendas tradidi. Nervosissimam tuam Disputationem Basiliensem, ut & Orationem elegantissimam apud Avum vidi, quorum participem me quoque reddes, cum scias avidissime me expetere quæ à Te proficiscuntur, utpote ingeniosa & raro judicio elaborata. De Luce tua cogitans, non possum quin referam quid hisce diebus mihi contigerit. Emerat in foro piscario nuper ancilla mea, inter alios pisces Scorpium marinum, Schonveldio sic dictum, nobis vulgo en Ullck/ hunc cum excoriasset, ac exuvias cum capite in locum fordibus excipiendis destinatum projecisset, post dies aliquot illac circa crepusculum transiens famulus, vidit insolitam lucem in tenebris ibidem micantem, quæ terroris haud parum ejus animo incutiit, unde domesticos reliquos convocans ostentum demonstravit. Qui attoniti cum aliquamdiu lucem hanc aspexissent, ex iis animosior quidam, propius se admovit, quid subesset rei

Z

explora-

exploraturus. Offendit verò caput & corium
piscis exenterati, quod in diem sequentem stu-
diose asservavit. Mane me convenit ac rei
gestæ hystoriam pluribus exposuit circumstan-
tiis. Jussi corpora luminosa adferret, quæ
semiputria in angulum Musæi abdidi. Aliquo-
ties verò in diurno lumine versanti ac trac-
tanti, nihil tale animadvertere licuit. Vesper
verò ingruentibus tenebris, rem ut narravit
comperi: accuratius verò observanti, quatuor
quasi discretæ luculæ oculis obversabantur, ex
quatuor diversis capitis partibus emicantes;
supra quemvis oculum una, ad inferiorem
mandibulam utrinq; una. Hæ autem partes
unde lux emicabat, per candelam lustratæ, non
ut corium reliquam, nigræ, sed candicantes &
mucosæ observabantur. Spectaculo hoc per
noctes quatuor aut quinq; diversis temporibus
oculos pavi, aliisq; id monstravi, donec ca-
lore ambientis exsiccatum caput, paulatim
lumine destitueretur. Humidum igitur illud
lentum & mucosum in subjecto niveo ad pu-
tredinem disposito, ad hujus lucis naturam
multum contrulisse arbitror. Hæc dum con-
sidero, venit mihi in mentem quod non ita
pridem legeram in Epistola Allatii ad Lice-
tum, de Gammarorum reliquiis in tenebris
lucen-

lucentibus. Extat vero hæc Epistola in Doctissimo Clarissimi Liceti tractatu de Lapide Bononiense cap. 33. pag. 123. sed hæc hæctenus. Controversiarum. Mearum spem nulli facere valeo, cum non sit, qui excudendi laborem in se suscipere velit. Vale & porro ama, Hafnia 24. April. Anni 1646.

T.

Olaus Worm.

EPISTOLA LXXXIV.

An Aneurysma tuto secetur?

JOHANNI BEVEROVICIO Dordrechtum.

Tuæ humanitatis dulcedine nuper inescatus quum ex itinere devius ad urbem vestram inclutam tuo solius videndi desiderio deflexissem, absens gratius memoriam vestram recolo, quo certiori augurio divinus animus prælagit Charontis terrorem & mortalium delictum jam publico literarum bono morbi tædium superasse quo affligebaris. Interest sanè communi saluti, cui dudum te devovisti, tam chari capitis salus, in quo Musæ habitant omnes & Charites æterno foederis vinculo sociatæ, Quod si amici aliquid vorum apud

superos valet, te ferum cœlorum incolam ve-
lim, ne tecum iusto citius migrent & literæ,
quas illustras, & salus mortalium, quam divinâ
arte promoves. Quid enim ad utriusq; con-
tuleris hætenus dignitatem, me tacente, orbis
loquitur eruditus, maximis ingenii industriæq;
tuæ monumentis clarior redditus & superbior,
ut frustra essem, si tantò famæ splendidissimæ
lumini fenerarer lucem, sat erit, si & me, quod
præfens inchoavi, tuarum virtutum cultorem
protulero, qui in tui admirationem jamdudum
ivi, ex quo videre contigit quæ felicissimâ
pennâ in publicum hætenus expeditisti. Quo
securius credas, euntem ad urbem vestram
Doctissimum Virum Dn. Mollèrum, sine litteris
mei proni affectus interpretibus abire passus
non sum, & ne vacuæ ad manus tuas occu-
patissimas venirent, adjunxi Anatomicam A-
neurysmatis Historiam olim à me conscri-
ptam, ut & de Monstris Oratiunculam, & Cl.
Folii mihi de Officulis auditus inscriptum mu-
nus, ea mente ut limatissimum tuum iudicium
singula experirentur. Inprimis autem, quid
de Aneurysmatis nova ab Hildano causa in-
ducta, contra quam disputavi, sententiæ feras,
& cur extravasatus sanguis in pus non con-
vertatur, de quo anxie laboravi, ex summo
tuo

quo ingenio, mihi exponere ne dedigneris. Superfunt non paucae Observationes de ejusdem Aneurysmatis curatione, quas iteratae editioni destinavi, si symbolam quoque huc contuleris. Digna sane altiori Tuo genio quaestio, An tuto sectio hic adhiberi possit, praesertim in minoribus tumoribus, & partibus à pectore remotis? Suadere videtur similis varicum apertio, & Arterioto-miae usus antiquis usitatus, nec nostro aëvo cordatioribus invisus, aliaque quae non afferro, ne sus Minervam. A te enim solidam horum expecto solutionem, qui tot dubiis hactenus facem praeluxisti ipse, partim certatim Eruditorum excitasti industriam. Vale, Vir Maxime, publico bono diutissime superstes, me amare ne cesses, ad quævis officia & amici obsequia paratissimum. Leidæ XXVIII. April. 1646.

T. T. Thomas Bartholinus.

EPISTOLA LXXXV.

Responsio.

THOMÆ BARTHOLINO.

Leidam.

JOH. BEVEROVICIUS εὖ πεγνέν.

Eleberrime Vir, gratissimæ mihi fuere Literæ Tuæ, quas heri uxor Dordrecht

ad me misit. Summas etiam gratias tibi habeo, pro tot muneribus literariis, quibus me liberaliter honorare dignatus es. Jam magnam partem legi, quare vereor ne impar futurus sim scriptioni, quam requiris. Ne tamen videar peccare in exorientis, & exoptatæ amicitiae sacra, tentabo aliquid, ubi domum & cum Musis in gratiam rediero. Hic enim longè dispari negotio sum implicitus. Effigiem tuam inter *κειμήλια* cum aliis magnorum Virorum imaginibus servabo. Raptim Hagæ 4. Maij 1646.

EPISTOLA LXXXVI.

De Hyssopo in Cruce Christi.

JOANNI BEVEROVICIO.

Dordrechtum.

THOMAS BARTHOLINUS, S. P. D.

RECTÈ meas curatas humanissimæ tuæ literæ testantur quas Haga nuper ad me misisti, in quibus id amo quod semper in Musis æstimare solemus. Expressa enim animi tui elucent vestigia & humanitati junctus candor, quem immensa eruditione adeo feliciter temperas, ut digniorem Musæ Charitesq; sedem haud facile inveniant. Unum doleo quod publicæ

publicæ res, quibus in patriæ commodum destinatis, non patiantur frui otio literario. Ita est, partem tui patria sibi vindicat, quæ se totam in sinu tuo reponit sapientum arcanis gubernandam. Hic fructus philosophiæ feverioris, quæ nobis imperia dividit; supra quam dignitatem major non est felicitas. Utrique ego, tibi patriæque gratulor, quod tu patriam consiliis, hæc honoribus tantæ virtuti debitis te augeat. Cæterum si publica comoda permiserint, optarim equidem tibi ab aula inducias vel mei solius causa, qui nuper in *Epistolicas tuas Quæstiones* eruditissimas incidens de Hyssopo in cruce Christi plures concepì difficultates quam ex proprio possim expedire ingenio, & tamen in Dissertatione mea de *Latere Christi aperte* aliquid mihi erat determinandum: Hyssopum enim pro arundine seu frutice accipere te cum Incomparabili *Salmasio* intellexi, quod consensus *Evangelistarum* suadere videtur, variorumque Interpretationes. Arabs enim *قصبة* calamum reddidit, arundinem seu cannam, & Persica *Xaveri* Historia summitatem arundinis, *Italica* quoque Versio vetus, *un bastone d' Isopo* expressit. Quod ut verum sit, hyssopum antiquorum à nostro

diversum statuendum, & genere differre quia illorum frutex, nostrum herba sit. Sed ut securius vestrae sententiae applaudam, discere à te Medicæ rei peritissimo velim, qua veritate veterum hyssopus, non minus quam nostra, *mā* nuncupetur à *Dioscoride* lib. III. cap. XXX. *Augustino* 2. de Doctrina Christiana cap. XVI. *herba* brevis & humilis, *Ætio* quoq; Tetrab. IV. sect. III. c. XXV. hyssopus *herba*, quum ab hyssopo *humida*, de qua *Myrepsus* Sect. III. de Ungu. c. II. distinguitur. Nusquam sane inter frutices locum obtinuit, sed cum herbis eadem serie explicatur à *Dioscoride*, media inter Absinthia & Stachades classe. Imo ubiq; pulegio, Origano aliisq; humilis generis in compositionibus veterum sociatur, ut ex *Galeno*, *Oribasio*, *Ætio*, *Marcello* reliquisq; auctoribus nostris liquet. Eadem suspicio ex veterum descriptionibus emergit. Nam folium Origano Heracleotico assimilat *Dioscorides* lin. III. cap. XXXII. & pro Origano substituit Galenus. Onitidem haud dissimilem hyssopo prodidit *Plinius*, & idem lib. 27. hist. Nat. c. 12. comam Hyssopi stachadi assignat. At inter herbas quum referantur Origanum, Onitis & Stachas, non video quo jure ex hac nomenclatura

tura excludatur veterum hyssopus, nisi πόναν
παλύκλοναν dicamus. Et quanquam Dodonæi
vestri argumentis lib. 4. Pempt. 2. c. 19. pro-
positis convictus largirer aliam esse hyssopum
nobis notam ab illa quæ in veterum hortis
colebatur; non tamen fateri cogar illorum
fruticem fuisse, quum id necessitatis non im-
ponant mihi indicia à Dodonæo prolata. Quod
si vel maxime id verum foret, auctoritate an-
tiquorum caret, caules fruticis calamum vel
arundinem appellare, quæ voces in historia
Evangelica occurrunt. Ego quemadmodum
calamum spongiam amplectentem libenti
animo in Cruce concedo, quia altior crux ta-
lem requirebat; ita arundinem hanc ex hyssopo
confectam non facile inducor ut credam.
Utrique enim historico sacro *Matthæo* pariter
ac *Joanni* ratio constat. Nam adfuit fortasse
utrumque; & hyssopus herba & calamus cui al-
ligatur, quod *Toletus* in Johannem & *Michaeli*
de Palatio Granatensi Theologo quoque pla-
cuisse video, ne antiquiores repetam. Cala-
mum hunc sui generis nescio an bona Erudi-
torum venia ex *thyrsos* mihi liceat derivare Li-
bero Patri Venerique olim sacro, quippe ut canit
Sidonius Appollinaris carm. 22.

Cantharus & Thyrsus, dextra lævaq; feruntur.

Thyrsus enim globoso cacumine spon-
giam alligatam facile sustinebat, unde latens
telum Liber Pater gerere dicebatur apud *Ma-
crobiū* in Saturnalibus. Huc coniecit me
Arabica N. T. vox قتيقوا quæ pro hyssopo
posita est & calamus signat seu baculum
thyrsi, ut in plurium numero قتيقوا ad-
vertit *Raphelengius*. Cæterum si aliquod ami-
citæ precium ponis, de singulis sententiam
tuam mihi aperiās, ut quæ pleniori calamo in
Dissertatione mea deduxi, auctoritate tua vel
confirmentur, vel emendentur. Hanc enim
legem scriptis meis posui, quam vitæ mori-
busq;. Meliorum exemplum sequor, quam-
quam subinde hanc passibus æquis. Interim
tuum responsum avidius exspectabo, quam in
Phœnicia servi faces Orientis diei, si res tuæ
publicæ permiserint, in quas videor longiori
epistola peccasse. Sed menti calamoq; insedit
illud *Comici*, *Rud. Act. 2. sc. 3.*

Omnes sapientes decet conferre, & fa-
bulari.

Vale, Vir Amplissime & magnum literarum
columen, ut felicius utraq; Respublica per te
valeat, &, si me amas, munus hoc literarium
de

de Ascire Amantissimi mei Consobrini D.
Fuirenii, benignis oculis excipe.

EPISTOLA LXXXVII.

De Hyssopo Responsio.

THOMÆ BARTHOLINO

JOH. BEVEROVICIUS. S. D.

QUOD eruditissimis literis tuis, Vir Clarissime, iterum me condecorare dignatus sis, vix dici potest, quantum tibi debeam. De Aneurismate quæ edidisti, talia sunt, ut omnem plura cogitandi ansam aliis præciderint. Nec minus accurate excepisti Hyssopum, de quo paullum reponam, non quod necessesse sit, sed quia amica flagitatione mihi necessitatem imponis. Dicis me Hyssopum cum incomparabili Salmasio pro frutice accipere, idque consensum Evangelistarum suadere videri, suadereque variorum interpretationes. Recte Frutex enim debuit esse, cujus cuspidi circumponeretur spongia, quæ erigi posset in altum. Ideo, quod Johannes dixit ἀπόρον ὑσώπω περιθείς, Matthæus expressit καλάμῳ. In quem locum Beza nodum tangit, sed non solvit. Et circumposuisset, inquit, καὶ περιθείς, i. περιθείς, imposuisset, extremo nimirum calamo circum-

circumvolutam. Calamum autem potius, quam arundinem interpretor hoc loco, non modo, quia usitatum est Latinis vocabulum; sed etiam, quia fortassis Hyssopi culmum declarat, sicut videtur apparere ex Johannis 19. 28. ut illis quasi arborefcere Hyssopum oporteat, sicut & Sinapi Matth. 13. 32. quemadmodum etiam Sesamam & Miliū Herodotus ferio testatur, ut oculatus testis, in Babylonia in proceram arborem assurgere. Hoc tamen affirmare non ausim, cum I. Samuel. 4. 33. videatur, tanquam inter herbas humilimas, cedris, arborum procerissimis, opponi, *Verum fruticantem Hyssopum hic confirmant interpretes, quos adducis, ut & Hispanus, qui vertit, una vara de Hyssopo.* Hoc cum minus conveniat Hyssopo nostro vulgari, eum differre à veterum statuunt Monachi, qui in Mesuen commentati sunt, Dodonæus, Poëna, Lobelius, Dalecampius, Bauhinus, &c. Sed non opus est diversas species statuere; quod ratione magnitudinis solenne Botanographis, cum quotidie videamus, plantas pro loci proprietate (quod etiam notat Dioscorides) & anni temperatura citius tardiusq; adolescere, atq; celsius assurgere. Sic scribit Plinius 29. 4. authores tradere, in Arabia Malvas septimo mense arbo-

arborescere, baculorum usum præbere exemplo. Idem, non facta mentione Arabiæ, cultura fieri testatur Theophrastus 1. Histor. Plantar. V. Itaq; si Malva, quæ herba flaccida est, varietate foli, vel sola cultura ad tantam magnitudinem, ac firmitatem pervenire potest, ut baculi usum præbeat, quanto magis solum Orientis natura sua aptum, quippe à cælo & solo præparatum, id efficere queat in Hyssopo, herba per se fruticosa? Cur ergo, objicis, veteribus habita pro herba, & Dioscoridi simpliciter *μά* appellata, qui etiam Origano Heracleotico similem facit? Similem facit, sed folio: quanquam vidi hic sæpius utrumq; lignosis furculis duorum pedum superare altitudinem. Et talis Hyssopus absq; dubio in Judæa altius excrevit, ita ut pro calamo facile usurpari potuerit. Quod urges vocem *μά*, scio ex divisione Theophrati cit. *μά* quartum plantarum genus constituere, cum eam ab arbore, frutice, & suffrutice distinguit: Sed nec ignoro etiam sumi pro quavis planta. Hesychius, *μά*, *βοτάνη ἐκάστη*. Et quidni talis Hyssopus etiam pro frutice haberi queat, cum Thymum *ῥαμνίσκιον Φρυγανόειδές*, exiguus frutex, furculosus, quod

Gaza

Gaza diceret suffrutex, & Abrotonon *ἰσχυρὸν
δενδρείδης*, frutex arborescens Dioscoridē
nuncupentur. Abrotono; magnitudine, aut
furculorum duritie vix cedit Absinthium, quod
tamen eodem, quo Hyssopus nomine, *ῥώσπιον*
ῥώσπιον indigetatur à Dioscoride; qui &
ipse in præfatione cum Abrotono, Absinthio,
& aliis, inter fruticosa, *ἐρρώδη*, recenset Hys-
sopum. Quare frustra duo, quos citas, ad duo
diversa confugere videntur, Hyssopum nem-
pe & calamum, cum ipse Hyssopus calamum
præbeat satis longum spongiæ ori cruciarū
admovendæ. Et idcirco quod alteri Evange-
læ Hyssopus simpliciter dicitur, alter ab usu
calamum vocat. Vale, Vir præstantissime, &
applaudente fama præstare perge, quæ alii ea
ætate solent promittere. Pro elegantissimo
libro Cl. Fuirenii iterum tibi debeo. Dor-
drechti IV. Eid. Quintil. clō Ibc XLVI.

EPISTOLA LXXXVIII.

De quibusdam MStis.

THOMÆ BARTHOLINO Leidam.

ITa ego infortunatus fui, ut quo me tempo-
re hic quæreres, ego te Lugduni frustra
quæsi-

quæfiverim. Verum non mihi idem licuit, quod Tibi, ut testimonium aliquod affectus mei tibi relinquerem, quemadmodum tu mihi fecisti. Non minus interim mente gratus fui, quam tu re beneficus. Quod si nullum grati animi dederim indicium, forti id potius quam voluntati imputandum. Gratias itaq; ago pro munere mihi relicto, quod quamvis carissimum mihi fuerit suo merito, carius tamen fuit propterea, quod à te profectum sit. Remitto observationes tuas de Unicornu, quas quanto cum gustu legerim vix dixerim. Illud quod minimi ponderis in illis obtinet, id unica nominis mei litura possit redimi. Gaudeo quod me monueris de duobus illis libellis scriptis, qui in auctione Commeliniana prostabunt. Vidi utrumq; Sed illud Cyrilli non magni facio. Si tamen parvo pretio possit haberi, velim mihi comparari. Alterum verò Chronicon nimirum Stuyonerise quovis pretio habere velim. Aliquid in eo est quod mihi usui esse possit. Folia Theæ simulatq; acceperim transmittam: id autem fiet cras, aut perendie ut spero. Corpus Medicorum cujus editionem parat Rhodius admodum videre desidero. Celsi novam editionem parat D. van der Linden. De Marcello Empirico

pirico scripsi Salmasio. Vale. Amstelodami
 clō Idc XLVI, XVII. Maj.

T. T.

Isaacus Vossius.

EPISTOLA LXXXIX.

*De Terra antiscorbutica. Aue Topau,
 & Unicornu cranio.*

THOMÆ BARTHOLINO Leïdam.

Terra illa Antiscorbutica, cujus mentio-
 nem facit Câtalogus meus, prope Bergas
 in Norwegia reperitur, eam mihi attulit D.
 Fabricius Medicus Regius, qui refert ejus ci-
 vitatis Poliatrum non sine successu, ad sudo-
 res in scorbuto movendos ejus uti Drachmam
 unam in aqua appropriata. Cum effoditur
 impura valdè est, radiculis, fibris & sabulo mi-
 sta: mundata lentorem & pinguedinem nul-
 lam habet, sed formam pulveris refert, colore
 Turpethi mineralis ex ☿ confecti. Ego ejus
 experimentum nunquam feci. Aquæ meæ
 Antiscorbuticæ, cujus miram hic indies expe-
 rimur efficaciam, mitto descriptionem. Quid
 conferre possim laboribus Dn. de Laet, com-
 mentarium in Boëthium de Lapidibus medi-
 tantis, non video, cum vix quicquam possideam
 quod

quod ab aliis non sit descriptum. Noctuas ergo Athenas feram. Interim capfas meas data commoditate lustrabo, ac si quid invenero notatu dignum proxima commoditate Dn. de Laet perscribam. Ad alteras tuas literas (quæ mihi oblatae cum hæc scribere meditarer) ut transeam. Felicitatem istam vestris literarum Antistitibus non possum non invidere, quod egregiis tuis Opusculis de Unicornu & aliis gaudeant, nobis verò hic ne tantillum concessum. Interim gaudeo Te familiariter uti magno Salmasio & meo Latio, Viris de Republica Literaria optimè meritis. Sed si animus sit iterum de Unicornu agere, suadeo legas Samuelis Purchassii Anglica lingua conscriptum Tomi 3. lib. 3. c. 1. 22 & lib. 4. c. 19. & c. ubi de hisce animalibus observationes invenies haud ingratas. Avis istius quam Topau vocavi rostrum, à quodam mercatore accepi, hoc ipso nomine ex Indiis advectum. Interim non me latet ab Aldrovando lib. 12. Ornithol. cap. 20. Rhinocerotem avem vocari. A Domino de Laet in Exoticis istis versatissimo certiora disces. Interim neminem adhuc videre licuit, qui integram historiam hujus avis proposuerit. Rostrum saltem habuisse videtur Aldrovandus, ego totum caput cum rostro.

Balenæ Narhual sceleton, ut potuit delineavit glyptes, ita est, ut dicis, non accuratè observavit in totius icone, sinistram maxillæ partem occupare dentem, aut in minuta ista forma exprimere non potuit, corrigi hoc facile ex reliquis quæ junguntur, cum accuratè satis id ostendent. Penes me adhuc extat cranium, mutuo acceptum à Nobili Viro, quod Te vidisse exoptarem. Quid jam agat Salmasius mone. De materia medica opus meditari, mihi retulit quidam, utinam huc cogitationes dirigeret, nemo enim ipso felicius eam tractare posse abundè docent divinæ Exercitationes Plinianæ. Ebenbeterum cur nemo vestratum in Arabum scholis enutritorum nobis det, valdè miror, cum vel solius hujus authoris Versio gloriam polliceatur immortalem. Inter rariora quæ ex Hispania attulit Eilhardus Ulfeldius & lignum erat quadratum, utrinque literis Arabicis, ut hic vides, insignitum, hujus enucleationem à vestro Professore Arabico si impetraveris, rem gratam feceris. De rebus tuis in Italia relictis aut Neptunò commissis quid tibi sit spei mone. Hafn. 22. Maj 1646.

T

Olaus Worm D.

EPISTO.

EPISTOLA XC.

*De Unicornu varia Observationes,
& Annotationes.*

THOMÆ BARTHOLINO Leidam.

QUas ad me 20. April. dedisti Lugduno Batavorum cum adjuncto fasciculo literas, jam primum 29. Maij accepi. Gratias verò ago maximas pro transmissis & diu à me desideratis Opusculis, in primis quod in tractato de Unicornu, non solum sæpicule mei mentionem facias honorificam, sed ad calcem Doctorum de Aureo Cornu judicia subjunxeris præclara. Si quid in tui honorem vicissim à me proficisci possit, senties me in paribus haud segnem. Avidè & magna cum delectatione ubi perlustrassem eruditissimum De Unicornu opus, juxta monitum, Avo tradidi, qui summis laudibus non semel illud extulit. Perge, non de Patria modo, sed toto orbe literato benè mereri: si non aliud, certè immortalem nominis gloriam hinc reportabis. Cæterum quia intelligo tam ex literis tuis, quam catalogo Nundinarum Francofurtensium, Te iteratam ejus moliri editionem, non potui quin quæ percurrendo animadverterim notatu digna, monerem, ut si inde conatibus

tuis,

tuis quid accedere possit augmenti, diligentius expendas. Erat & mihi cum doctissimo & nobilissimo Viro Dn. Isaaco Peyrerio Gallo, qui in comitatu Illustriss. Dn. Legati de Thuilleries hic fuit, dum Christianopoli de pace tractabant, per litteras, de Unicornu Colloquium, quod communicandum duxi iisdem quibus inter nos habitum verbis, ut inde aliquid in rem tuam decerpas. In meliorem partem cuncta interpreteris rogo. Vale mi Bartholine & amare me perge. Hafniæ 5. Junii 1646.

T.

Olaus Worm.

Quæ obiter percurrendo librum tuum de

Unicornu observaverim hæc sunt:

Pag. 47. Si erraverim vocando avem Rhinocerotem Topau, in errorem inductus sum à Mercatore nostro qui rostrum attulit. Facile igitur me corrigi patiar à Clarissimo amico meo de Laet, in his exercitatissimo.

Pag. 53. Rhinocerotis infecti aliud genus, depictum ex Galliis mihi transmisit Charisius noster, cornu ostentans in extremitate bifidum & in dorso gibberum valde eminentem bifidum quoq;. A nemine, quod sciam, hoc animal depictum; magnitudine & reliquis linea-

lineamentis cum eo convenire mihi videtur, quem tu proponis.

Pag. 91. Inter pisces cornutos non immerito Centrinam nobis *Hafmus* / & canem marinum, Haa nostratibus dictum retuleris, qui unicum cornu, verè corneum & acutum in dorso gestant, quò ad dentes purgandos, etiam argento & auro ornato utuntur nostrates, à doloribus & aliis incommodis præservare credentes. Quamvis alii hoc cornu aculei nomine (cum parvulum sit respectu totius piscis & aliorum cornuum) potius dotandum censeant. Illorum piscium duos in Musæo teneo, marem & fæminam, uterq; duplici præditus est genitali.

Pag. 95. *Anteriori dentium serie, &c.* Balæna nostra nullos plane habet dentes, præter unicum illum longissimum, quem Unicornu vocant, unde arbitror illum quem vidit Holstenius Rosmari fuisse. Nec prope Spitzbergam invenitur aut capitur; Sed in freto Davis Grönlandiam alluente. Mercatores nostri, totas naves hisce non implerunt, sed inter reliqua mercimonia, particulas quasdam & unum aut alterum integrum, ab incolis emptum, reportarunt.

Pag 103. Strias indente non rite expressit glyptes tuus, radicem etiam tenuiorem iusto finxit, melius meus, quamvis in radice exprimenda etiam erraverit, cum crassitie æqualis ferme sit parti vicinæ. Forſan ex re eſſet monere, datam à Te effigiem, partem palati interiorem referre, ne in dextra maxillæ parte ſitum dentem quis exiſtimet. Accuratiuſ cuncta exhibere mihi videtur tabella nupere tibi à me miſſa.

Pag. 103. Non puto Scaligerum per Elg intelligere Uros ſeu Uthroxen. Elg enim convenit cum noſtro Els., quo addito Quit / Alcem, exprimunt noſtrates, cum cervo maiorem quam cum bove habentem affinitatem.

Pag. 123. Carnem Alcis guſtavi, duram, nervoſam, concoctu difficilem, quæ quamdiu aſſervatur cruda, ſanguine ichoroſo ſcatet, ut ego in fruſtulo mihi dono dato expertus ſum.

Pag. 140. Poculum ex cornu Rhinocerotis in India eleganter elaboratum poſſideo, colore ſuccinum referens flavum, niſi quod in fundo maculas quasdam nigras oſtentet. Iconem miſiſſem ſi faſiſſet pictor.

Pag. 141. Ex eodem animali dentem poſſideo molarem, quem ad dolorem dentium ſumme deprædicabat is, qui ex Indiis attulit.

P. 142. Mi-

P. 142. Miror cur porosam substantiam tribuas cornu Rhinocerotis, cum æque sit solida ac cornuum bouum nostratum. In pocula ad aptatum liquorem infusum percolari aut diffuere non sinit. Graveolentia exusti cum omnibus cornubus ipsi est communis. Pro nutu animalis contrahi, extendi & flaccescere, vix mihi persuadeo, cum solidæ, duræ & corneæ ejus substantiæ hoc repugnet.

P. 197. Cavitas illa naturalis est omnibus ejus generis dentibus, ut in aliquibus quos tractavi animadverti, & ex Epistolis quas mitto uberius percipies.

P. 199. Subtilitas non impedit, quo minus ex iis pocula conficiantur, cum naturâ cavi ex parte sint dentes hi, ut ex Aldrovando lib. 1. De Quadrupedibus colligis, ubi iconem proponit poculi Sigismundi Regis Poloniæ ex eo confecti. Mihi particula est hujus dentis pedem Romanum longitudine superans, adeò cava, ut ex ea facili negotio poculum eximium conficere valeam.

P. 200. Cavitas naturæ dentium non repugnat, cum dentes Elephanti, Apri, Rosmari & aliorum ejus generis animalium cavi sint ex parte.

P. 203. Cornu Serenis. Regis nostri non aptè satis expressit. Striæ enim angustæ nimis, ut supra monui, & radix tali involucro, quale proponit, non tegitur, sæpius enim vidi & tractavi. In omnibus radicem concernentibus, cum nostro convenit.

P. 257. Mihi sunt aliquot sagittæ, ex Lapponia, ut credo, allatæ, cornubus acutis armatæ, ea parte, qua scopum tangere debent.

P. 259. Edda non est conditor Historiæ alicujus, nec nomen Viri, aut Autoris alicujus: sed liber ita dictus, continens fabulas varias, quarum usus est in Poësi Danica prisca. Similis planè liber ei quem edidit Natalis Comes, quo Græcorum & Latinorum fabulas persequitur, quibus in carminibus uti solent Poëtæ.

Sed manum de hac tabula.

EPISTOLA XCI.

De Cruce dubia proposita.

CLAUDIO SALMASIO

Leïdam.

THOMAS BARTHOLINUS. S. D.

EO jam sumus ingenio qui mortalitatem
conscia mente circumferimus, ut de illis
quæ

quæ fugax transmisit ætas, magis sumus solliciti quam quæ futura speramus. Hæc enim quum non dubia minus sint quam metuenda, ancipiti non rarò nobis spe illudunt; illa non certa tantum, sed ex transactâ ætate venerationem mutuuntur. Solemus quippe tantum fanis tribuere sanctitatis, quantum adstruxerint vetustatis, & in lucis antiqua robora non tam ob speciem quam ætatis religionem amamus. Idq; jure meritissimo; quod non ignoras qui omnis Antiquitatis es promus condus. Nam præterita in exemplum ducimus, ut ex singulorum fato nostrum informemus si conferamus utrumq;. Futura vel ideo detestamur, quod eventu dubio incertam volvant sortem. Unde jam de felicitate certus, qui occulto omine non fallor, sed certa præteritorum fide nitor, Oraculum tuum consulo, Delphico eo nomine præferendum, quod hoc fallaci spe & ambage flexa pavorem mortalium, solatia ficta blandiretur; illud certissimo eventu de omnium seculorum dubiis det responsa, & in antiquis obtinuit palmam, ne cum tripode in futuris falleret. Magna profecto ingenii Tui, Vir maxime, majestas, quod antiquorum ætate inferior omnes tamen magnitudine antecedas, & qui veteres excussisti, omnes ut disceres,

jam versa rerum vice si redirent prisca secula
in tuis invenirent quæ ignorarent. Adeò te
solum sacrorum suorum videntur optasse cu-
stodem, qui & judex esses & interpret. Dum
Viros ad custodiam Sibyllini libri à Tarquinio
impetrarunt, eosq; sacerdotes nobilissimos,
quorum numerus cum adulta Roma crevit
donec plane decresceret & in auras iret.
Nostrum seculum in eo antiquis felicius, quod
& plura habet oracula, sacra, profana, publica
privataq;, sed unum Oraculorum mystago-
gum, qui & libros custodiat, & sine S.C. adeat,
renunciet, procuret, omnia deniq; agat solus
in quibus ad publicam veterum laudem per
partes defudarunt plurimi. Quod singulorum
jus ad te devolverunt penes quos literarum
stat arbitrium, Regemq; sacrorum in Comitibus
literariis, non Centuriatis, publico orbis ap-
plausu crearunt, ut in Deorum gratiam &
mortalium, regnum amplissima eruditionis
dignitate sustineas, ultra quam in humanis
sperare audemus amplius nihil. Ego qui ad
sacra hæc adspiro, crucisq; altiora secreta sum
scrutatus, nunquam penetralia mihi promisi
nisi ejus admissione cui omnia patent. Quod
tanto feci confidentius, quo mihi præsentem
majora facilitatis tuæ nec fucata ostenderis
indicia.

indicia. Suasit quoq; publicus majorum gentium Virorum consensus, qui à te didicisse nunquam infra decorum putarunt. Qui enim potuerunt majora sperare quam ab illo, cui nihil magnum videtur aut arduum quod non altissimo ingenio assequatur? Nec ego gloriosius duxi quicquam, quam ab eo sacris his initiari, qui & sacrarium ipse in corpore circumfert, & justissimo imperio moderatur. Hoc si recluseris, non alium Te videbimus quam hactenus admiramur. Crucem mihi in cruce esse fixam non quidem ignoras, qui Dissertationem inspicere nostram benignis nuper oculis voluisti. Ascendi crucem altiore, ex qua deficientibus gradibus, si vera fama, nullus regressus. Adstat quippe militum caterva, quorum Antesignanus Longinus fertur, qui & hasta petit & gladio, & suppedaneum vehiculumq; subtrahunt non pauci, quibus & pedes sustentur & medium corpus. Quo utrumq; jure fiat non tam ex nostra eloquentia, quam ex tuis sensibus judicabitur. Longini hastam *λόγχη* vocat sacer Joannis Vates & ex antiquioribus pleriq; tibi quam mihi magis cogniti. Nonnus tamen *μάχαιραν* appellat diversa omnino instrumenti

menti militaris nomenclatura. *Μάχαιρα*
 Prætoriani milites gestare solebant, quam
 Polybius Hispaniensem nominat, dextramq;
 fuisse ex Commentariis vestris Eruditissimis in
 Ælium Spartianum perspexi. Eodem instru-
 menti genere ad capiendum Christum Matth.
 XXVI. Marc. XIV. & Luc. XXII. sese arma-
 verat cohors impia: quo etiam in perfodien-
 do sanctissimo latere uti potuerunt, quia
 punctim quoq; feriebant gladiis tiones apud
 Vegetium lib. I. c. 12. An igitur, ut aucto-
 ritatem D. Joannis tueamur, dicendum sua-
 des, vel *μάχαιρα* dictam fuisse hastam ob
 brevitatem, vel utroq; telo sese accinxisse mi-
 lites? Prætorum sane insigne & hasta erat, &
 gladius, unde utriusq; ad milites Prætorianos
 fonsan transit usus Christo adstantes, siquidem
 subactissimo tuo ita visum fuerit iudicio, cui
 etiam *πῦμα* crucis utrumq; committo, ut
 felicius de cruce mihi suscepta descendam.
 Vehiculum apud Irenæum lib. II. cap. XLII.
 adversus Kalentinum, neutiquam medium il-
 lud esse lignum ubi medio quasi corpore re-
 quiescebat cruciarius, eo ducti argumento e-
 xistimant novitii quidam, quia & in suppeda-
 neo solo requiescere posset clavis affigendus
 quan-

quanquam stans : adeoq; etiam apud Justinum Martyrem in medio defixum lignum in quo feruntur & quasi invehuntur, de eodem *Suppedaneo* esse explicandum, siquidem & stantes in curribus vehi dicantur triumphantes. Verum quidquid de triumphis decreveris qui totiens victor tot eruditos in triumphum duxisti, quietem illam cruciarii in sedilis excessu expressius collocat Tertullianus adversus Nationes, distinguitq; *sedile* à *Soli staticulo*. Sed quid huic Afro *dipalus*, quod in vetusto codice invenerat ille Doctissimus (Jacobum Gothofredum puto) cujus in amplissimis Solini Exercitationibus injectam reperio mentionem? An in *rudem palum* mutandum? An potius de antenna explicari concedis, cujus antennæ duo cornua seu extremitates, quibus *bipalium*, rusticum Varronis instrumentum, exactè refert, ut ita apud Tertullianum legamus: *sine forma cum dipalio*: pro eo quod Codex Regius habet: *sine formarum dipalo*. Inter multa circa crucem nostram dubia, veritatem conjectura imitari potest, quum ad obscuriorum intellectum pectus nimis alioquin nobis sit angustum. Tibi mortalium doctissimo, cujus illustrior gloria & perspectior humanitas totius literati orbis in se convertit

ocu-

oculos, quidquid obscurior nobis mens sug-
 gessit in solidum committo, vel sinceriori ap-
 probandum laude, vel debita corrigendum
 censura, ut nobis doctrinam frustra apud ali-
 os quærendam, tibi verò, quam dudum sum-
 mo tuo merito obtinuisti, ingentis nominis
 præstes perpetuitatem. Vale, Vir verè in-
 comparabilis, ut & Musas languentes foveas,
 & nos ames.

Impress. Leidæ 1646. cum Responsione
 Cl. Salmasii, quæ prolixior est, quam
 ut hic inseratur.

EPISTOLA XCII.

De Hyssopo pauca.

JOANNI BEVEROVICIO Dordrecht.

PRO eruditissimis de Hyssopo controversa
 literis eas gratias ago, quas mens concipere
 possit imbecillior. Utinam tanto favori par
 essem, sidera crederem tetigisse vertice.
 Quantum autem ex illis didicerim, nollem pri-
 vatim edisserere. Publicè id testabor in Opu-
 sculo quod sub prælo jam fervet, ubi, quia
 aliud nequeo, Tibi tua reddam publicè rele-
 genda cum aliis quæ egregiis suis Epistolis ad-
 ditura

ditura sunt maxima lycæi hujus lumina Salma-
fius & Vorstius, quorum nec tibi ignota virtus
nec amicitia. Eruditè sanè, ut soles, fruti-
cescentem hyssopum ex conjectura & similium
herbarum comparatione asseris. Unum tan-
tum desiderare mecum cogit summus Vorstius,
præsentis nempe hyssopi *αὐτοψία*, quam qui-
dem ad fruticem surgere nulli orbis incolæ
oculatam fidem fecerunt. Sed ingeniosè à te
prolatis, tanto minus aûsim repugnare, quod
Salmasium, dæmonium illud hominis, à tuis
habeas partibus, qui operosa Epistola fusius id
ad me perscripsit. Movet me tantum *ὁ κίω-
λαμ* seu arundo, quam si fruticem ullo
auctorum testimonio asserueris, mecum de-
inceps mussitabo. Aliquid quidem ex Con-
stantino Geoponico in eam rem mēditatus
sum ex cava utriusq; natura; sed nescio an
Vorstii nostri impetraturus sim assensum, cu-
jus ad prælum exspecto responsionem. Interea
dum hæc inter nos agitur fabula, Observati-
ones meas novas de Unicornu & de Angina
Exercitationes benevolæ Tuæ censuræ sub-
mittendas transmitto. Memini quidem te a-
liquid de Unicornu scripsisse, ut præsentī nar-
rabas, sed necdum tale opusculum licuit in-
venī-

venire. Verbo significabis quid ex hoc genere cornutorum observaveris, ut iteratæ editioni, quam Magni Salmatii & Laetii suasu meditor, commodius inspergam ante abitum. In procinctu enim sum itineris, ut patrios fumos aspiciam, quod tanto alacrius suscipiam, quo de perennaturo tuo securior ero affectu. Quem sicut mihi ad felix iter auguror, ita Tibi felicissima cuncta apprecor & feram ætatem. Vale, Vir maxime, & me ut cœpisti, quanquam remotiorem & alio Sole calentem, porro ama. Lugd. Batav. XVII. Jul. clō Idc XLVI.

T. T.

Thomas Bartholinus.

EPISTOLA XCIII.

De cranii vulnere.

THOMÆ BARTHOLINO

Leidam.

JOH. BEVEROVICIUS benè navigare.

NOn desinis me, V. N. obstringere literatis fœcundi ingenii monumentis. Ego ne plane ingratus sim, remitto Thesaurum, nomine, vereor ne reapse carbones. Unicornu nobis docte & copiose enucleasti, ita ut nihil
ad

ad Persium, quæ ego inter alia remedia scripsi. Historiis de læso cerebro, non ab simile est, quod ante paucos dies hic vidi. Puero sexenni, ex alto baculus in sinistram capitis partem perpendiculariter decidebat, unde fractum ad mensuram crassitudinis baculi cranium. E parvo tamen primum ossis syncipitis foramine cerebrum paullatim prodiit instar fungi, donec tandem sponte decideret. Statim ab illato vulnere convulsus est in opposito latere, mox in eodem, quo læsus, resolutus, deinde iterum convulsus, donec vulnus & symptomata decimo quinto à vulneris accepti die cum morte commutaret, exhausto usq; ad corpus callosum cerebro. De calamo cum Salmasios, & Vorstios domi habeas, frustra quæreres alios foris. Gratulor Te, V. N. patriæ, quam petis, & ut diu sospes ejus decus sis, æternum numen veneror. Dordrecht Idib. Sextil. clc lcc XLVI.

EPISTOLA XCIV.

De Crucis altitudine & Hyssopo.

CLAUDIO SALMASIO Leidam.

THOMAS BARTHOLINUS.

Sicut illi qui diutius carceribus clausi & tenebris damnati fuerunt, si subita mutatione

luci libertatiq; donentur, cæcutire planè incipiunt, & vi infucti luminis affici: ita mihi quoq; mens oculiq; steterē & obstupuere lectis nudius tertius literis πολυμαθεσέεαις, quas Typographo excudendas de cruce dedisti. Ita enim affectus sum, ut præ tanto tuo lumine & immortalī eruditionis face jam obriguerint oculi imbecilliores. Dubito de illis quæ scire mihi videbar, quum tenebras quorundam palparem, & scivisse erubesco, quæ falsa judicasti. Solis enim tui radios quis intentis oculis innoxie ferat: sistimus gradum necesse est, si obfistas tu, in quō an magis mirer scientiæ capacitatem universæ, an tantæ eruditionis fiduciam, non facile dixerim. Unicum collatæ in me gratiæ deest, quod à tuâ benignitate expecto. Tenebras quæso discute, magne literati orbis Phæbe, quas veteris ignorantiae constantia mihi ingessit, quum tua opera ad veritatis lumen pertraherer. Nolim præter te sapere, sed de quibus nunc dubito, mox pressiori gradu advolvar, si manum dederis adjutricem, ne amplius tenebras credam, quæ tibi ἰσθῆω placuerunt. De crucis altitudine agitur, cui tu exequias ivisti, metuoq; ut perpetuo damnetur, quia ipse glebam congeris. Illam tamen,
opis

opis indigam, adstruxerit quis ex famosa Christi persona, cui omnia magna minabantur Judæi sive odii causa sive putati delicti. Hic enim supra vulgus eminebant cruces. Præterea singularis famæ, Prophetæ, sive Messia, Vir, singulari quoq; præter consuetam cruce fuerat mulctandus, non minus quam Haman, Regulus, Pæni, aliq; veteribus memorati. Quod persuadet & Tertullianus 2. adv. Marcionem:

Hujus de latere, ligno pendentis in alto.

Et statura seu corporis forma requirebat, quam præ aliis eminentiorem deprædicant Patrum nonnulli & communis Romanorum fama. In quam rem urgent quoq; G. Nazianzenus Orat. Apol. I. Lactantius l. 4. c. 26. conspicuum omnibus esse debuisse, ut cunctis gentibus passio Dei innotesceret. Id quod à commodo astantium dependebat aspectu. At si uno tantum vel altero capite crux supra hominum regionem surrexisset, à remotioribus non visa fuisset, quibus viciniore interceptum aspectum, nec typum expressisset serpentis in deserto erecti, qui omnibus, qua patebat campus, erat conspicuus. Necessaria etiam vel ideo visa ex mente Hebræorum, ne cruciarium Christum facile discipuli sectatoresq;, quod metuebant, surriperent ex

cruce breviori, quia per aliquot dies in cruce erat relinquendus nisi Paschæ imminuisset solennitas. Ex pedum loco idem suspicari licet, five suppedaneum credamus, five non. Hunc locum tribus tantum vel quatuor à terra pedibus dimetitur Epistola nunquam non laudanda, qua me orbemq; erudire dignatus es. Ex eo autem & crux longior hominis statura haud minimi videtur, & suppedanei necessitas inferitur. Nam gressus nostri vix trium pedum excedunt spatium, ne ulterius protensos ad vehiculum dicam, quod dubio procul erat à pedibus remotius, quantum nempe à pedum digitis inguina distant. Tres autem vel quatuor pedes vix jam languentis Christi langvidiores gressus assequebantur. Multo igitur minus ad medium *πύμα* potuit insilire, nisi gradus apponamus, certissimo majoris crucis, ut videtur, indicio. Stratores quidem equum ascensuros olim sublevabant, verum fanos, & qui conatum stratorum ipsi possent adjuvare robore suo. De Christo autem viribus planè exhausto, alia ratio & diversa. Præterea veteres Equites an subice pedaneo caruerint, nolim ab alio quam te discere, qui unicus omnis Antiquitatis es Dictator. Nihil sane de illis stapiis Xenophon de Arte equestri,

Ari, nec Julius Pollux, nisi aliter monueris, à
cujus dependeo auctoritate. Scythas plane
caruisse, Hippocrates noster L. de Ære Aq. &
Loc. tradidit, indeq; ex equitatione *κεδναται*
aborta equitantibus, quod semper pendulos
ex equis pedes habuerint. Videtur nihilo se-
cius suppedaneum alias apud Romanos in-
ductum, ut ex Inscriptione Mulæ lepida liquet
in Vico Tiburtino:

CIUCIÆ DORSIFERÆ. ET. CLUNIFERÆ.
UT. INSULTARE. ET. DESULTARE.
COMMODETUR PUB. CRASSUS. MULÆ.
SUÆ. CRASSÆ. BENEFICIENTI.
SUPPEDANEUM. HOC. CUM. RISU.
POS.

VIXIT. ANN. XI.

Et illud quanquam equitibus denegemus,
vices tamen stapiæ supplebant eminentes in
viis lapides quos ascendebant. Eos in via
Appia adhuc reliquos non semel vidimus.
Quos similesve si Christo quoq; substernamus
nihil erit ad crucis magnitudinem validius.
Sed cur scabellum inducimus, aliaq; adjumen-
ta? Præstaretne suppedaneum retinere, quod
Gregorium Turonensem ex cerebro suo finxis-
se nimis forsitan foret durum dicere, quum &
Nazianzenus in Tragædia sacra, si verus is sit

cruce breviori, quia per aliquot dies in cruce erat relinquendus nisi Paschæ imminuisset solennitas. Ex pedum loco idem suspicari licet, siue suppedaneum credamus, siue non. Hunc locum tribus tantum vel quatuor à terra pedibus dimetitur Epistola nunquam non laudanda, qua me orbemq; erudire dignatus es. Ex eo autem & crux longior hominis statura haud minimi videtur, & suppedanei necessitas inferitur. Nam gressus nostri vix trium pedum excedunt spatium, ne ulterius protensos ad vehiculum dicam, quod dubio procul erat à pedibus remotius, quantum nempe à pedum digitis inguina distant. Tres autem vel quatuor pedes vix jam languentis Christi languidiores gressus assequebantur. Multo igitur minus ad medium *πῆγμα* potuit insilire, nisi gradus apponamus, certissimo majoris crucis, ut videtur, indicio. Stratores quidem equum ascensuros olim sublevabant, verum sanos, & qui conatum stratorum ipsi possent adjuvare robore suo. De Christo autem viribus planè exhausto, alia ratio & diversa. Præterea veteres Equites an subice pedaneo caruerint, nolim ab alio quam te discere, qui unicus omnis Antiquitatis es Dictator. Nihil sane de illis stapiis Xenophon de Arte equestri,

stri, nec Julius Pollux, nisi aliter monueris, à
cujus dependeo auctoritate. Scythas plane
caruisse, Hippocrates noster L. de Ære Aq. &
Loc. tradidit, indeq; ex equitatione *κεδνατα*
aborta equitantibus, quod semper pendulos
ex equis pedes habuerint. Videtur nihilo se-
cius suppedaneum alias apud Romanos in-
ductum, ut ex Inscriptione Mulæ lepida liquet
in Vico Tiburtino:

CIUCIÆ DORSIFERÆ. ET. CLUNIFERÆ.
UT. INSULTARE. ET. DESULTARE.
COMMODETUR PUB. CRASSUS. MULÆ.
SUÆ. CRASSÆ. BENEFRUENTI.
SUPPEDANEUM. HOC. CUM. RISU.
POS.

VIXIT. ANN. XI.

Et illud quanquam equitibus denegemus,
vices tamen stapiæ supplebant eminentes in
viis lapides quos ascendebant. Eos in via
Appia adhuc reliquos non semel vidimus.
Quos similesve si Christo quoq; substernamus
nihil erit ad crucis magnitudinem validius.
Sed cur scabellum inducimus, aliaq; adjumen-
ta? Præstarene suppedaneum retinere, quod
Gregorium Turonensem ex cerebro suo finxis-
se nimis forsan foret durum dicere, quum &
Nazianzenus in Tragædia sacra, si verus is sit

auctor, idem *πικρὸν ξύλον* agnoverit, cui affixit pedes. Quod si aliorum de ligno hoc silentium obtendatur, in promptu erit responsio tibi examinanda, qui cunctorum potes moderari judicia. Quippe & ignobilior crucis fuit pars, & adeo infilienti crucifalo crediderunt necessariam, ut non opus fuerit quidquam de illo narrare quod omnium confessione credebatur adesse. Et quum pedibus tegeretur, non minus quam sella, vulgo non apparebat. Cæterum de crucis Christi magnitudine liberius ferrem iudicium ex latronis patibulo, quod Helenæ tempore fertur cum sancta cruce repertum, nisi suspectam illam apud te, cunctorum rerum perspicacissimum censor, historiam viderem. Refert Jo. Helffrich, Civis Lipsiensis, in itinere suo Orientali, adhuc servari in monte Olympo Insulæ Cypri apud Monachos crucem ligneam excedentē parum hominis justam magnitudinem, quam pii latronis dicebant esse crucem, à qua monti quoque crucis indiderunt nomen. Verosimile autem est, Christo altiore fuisse, in quem omnium convertebantur oculi. Credoq;, si credere sat sit, impiam Judæorum turbam data industria tantum Christianæ addidisse cruci, quantum detraxerunt latronibus, ut illum, innoxium.

nempe,

nempe, magis redderent astantibus conspicuum, hos vero, quantum possent, supprimerent. Cur autem tibi, maxime sacrorum veterum mystes, adeo inventæ crucis historia displiceat, non ausim quærere, quia nec quicquam gratis dixisse te unquam memini. Eam tamen historiam bona fide, ut credimus, Theodoretus, aliiq; Classicæ monetæ auctores texuerunt. Eusebius forsan ejus seculi scriptor illam pressit, vel quia cunctis nota, vel quod incerta adhuc esset referentium fides, ut optimo consilio silentii pallio involveret, donec clariora indicia sequens tempus addidisset. Cruces ibi tot bellorum everfionibus conservatæ, singulari fortasse Dei providentia, vel casu aliquo à Superis directo. Ita tot antiquitatum monimenta relictæ nobis Romæ visuntur alibiq;, quam nullum fere solum majores fortunæ variæ vices fuerit expertum. Testantur nummi, statuæ, inscriptiones, saxa, marmorâ, columnæ, portæ, obelisci, amphitheatra, thermæ, piscinæ, pontes, aquæductus, templa, lucernæ, ossilegia, & alia numero non pauca, quæ casu quodam furorem militum effugerunt. Quam aleam experta quoq; crux Christi à summo forsan Numine temperatam. Miraculum hic damnare vetant iidem, quia etiam in utriusq;

crucis discretionē sanatum mulierem scribunt. Repertos Latronum titulos tacuerunt, quia tacuit & Evangeliorum historia, facile ignobiliora illa supprimentes dum magnæ Christi crucis indagatiōi vacarent. Vel fortasse literas coloresq; ex tabella ætas detraxerat, quam *σενίδα λευκήν*, atramento pictam, non sculpram satis, Vir admirande, hætenus probasti, ut postea post tot seculorum recursum nequiverint dignosci. Sed horum, ut dixi, arbitrium à te, Heros literarum, dependet, qui crucem hoc nomine deprimis, quod à reo debuerit portari. Ego, qua sum ingenii infelicitate, exinde inducor ut suspicer, longam quidem fuisse, sed leviolem nec compactam adeò aut ponderosam, siquidem, ut obvium pluribus, magnitudinì exile pondus non repugnat. Patibulum, quanquam alibi totam crucem designet, apud Nonium de antenna sola sumi, ex Plauto pro Lipsio videor posse probare, quia expressè inter patibulum distinguit & crucem totam Plautus. Imo ex Varrone apud eundem Nonium cruciarius deligatur primo & circumfertur ad patibulum, deinde demum cruci defigitur. Ubi apparet, aliud fuisse crucem, aliud patibulum. Nec enim ad crucem circumferebantur, sed patibulum, nec ad pa-
tibu-

tibulum solum defigebantur, sed totam crucem. Quod si crucem gestasse dicantur, eam crucem homo ipse efformabat antenna humeris imposita. Titulum cunctorum in oculos incurrisse puto, ab candorem in nigra tabula admodum illustrem. Nihil enim ad remotiora diffunditur magis, quam in candido pariete nigrae emicantes notæ. Quia, ut explicant Aristoteles in problematis & de Coloribus, & Aphrodisæus, ex luce candor componitur, ad quam quo color quis propius accedit, ita lucidus magis est & conspicuus, præsertim si cum extremo dissidentis nigroris gradu conferatur. *Λευκόματα* enim majoribus literis exarata vetas credere. Sed eadem forsan cum aliis Inscriptionibus titulorum fuit ratio, quæ & in edito loco collocatæ, & majoribus characteribus, pro diversa ejus dignitate cui erigebantur monumenta. Ita Romæ grandioribus literis quadratis signata sunt peristylia augustæ Antonini ædis in foro Romano, sublimi adhuc loco, à me tamen, quam non satis oculato, lectis. Pari pacto, ut majorem cruciario Salvatori conflarent invidiam, superbam cruci nostræ potuerunt præfigere inscriptionem. Scalas admotas crucibus altioribus video concedi, ut nec

Christo eas subtrahere sit fas, si quidem inter altiores numeratus fuit. Eas scilicet passim annotarunt in picturis suis Durerus, Sadlerus atque Apelles, quos urgerem acrius nisi infelicius à pictoribus succederet argumentum. Hæ si denegentur, ex jacente cruce commodum foret effugium, de qua sive prona adhuc, sive cum cruciario erecta, optime quoque quadrare arbitrarer loqvutiones, excurrere in crucem, ascendere crucem, insilire in crucem, tolli in crucem, ubi nempe nulla altitudinis fit mentio, sicut scamnum ascendimus ad pedes positum. Tollebatur igitur Christus cum cruce sublata & cum eadem ascendit. Crura de plano fracta dubium fuit nonnullis. Militem equitem fuisse, qui latus aperuit, Fr. Xavier in historia Christi Persica divinavit, quod cum facit & Versio N. T. Bohemica. Et quia in orbem longiori spatio cruciarius patibulum circumferebat, vero minus fit simile, milites idem iter tædiosum pedibus fuisse emensos. Dicit quoque posset, nescio an tua venia, siquidem pedites erant, crura latronum fregisse ex minoribus crucibus dependentium, Christi autem sublimiores pedes quum tangere nequiverint, ad hastam coactos confugere, ut, loco pedum fracturæ, quo ægre quoque illi face-

facerent mortuo quem mortuum tam cito do-
 lebant, latus aperuerint. De calamo per ha-
 stam non explicando, is mihi ortus est scru-
 pulus, quod locus Plinii dubius sit, quia & ha-
 stæ sua habent spicula. Favetq; Plinius idem
 de Indicis calamis, pro hastis, ut & Theophra-
 stus, quos calamos ad Palæstinam in mutuo
 gentium commercio pervenisse mirari non
 possum. Nec opus fuit ex Indis advocare,
 quum, si magnitudo ad hastas desideratur,
 Cypria vicina fuerit, crassa satis, auctore Dio-
 scoride l. I. c. 97. Unde & חֶסֶד Hebræis de
 hasta, & قصب Arabibus. In opinione Ludo-
 vici de Dieu hæreo, quia calamus κατ' ἐξοχήν
 non semper de odorato sumatur. Nam
 Dioscorides πρὸς καλάμων lib. 1. cap. 97.
 simpliciter agit de quinque speciebus aliis
 arundinis, neutiquam de calamo aromatico,
 quem descripturus cap. 17. restrictim addit
 πρὸς καλὰ μὲ ἀρωματικῶν. Ita & σχοῖνον di-
 citur ἀρωματικὸς eidem cap. 16. Quod si
 hoc loco Dioscorides sine additamento κά-
 λamon expressisset, excusari debuisset, quia
 ex se intelligeret Lector aromaticum esse,
 qui in serie aromatum collocatur. Idem de
 junco existimandum, quem, extra hunc scili-
 cet

cet ordinem, χαῖνον appellat Hippocrates
 noster de Morb. mul. non simpliciter, sed
 ἡδύσμον, & εὐνοσμον, & εὐώδεα, alii
 μυρεψικόν. Extra quem aromatum catalo-
 gum quum in historia Christi describatur, si-
 ne dubio non κάλαμον solum, sed adjecto
 cognomine compellasset, si de odorato calamo
 intelligi voluisset. Quod quo magis opinemur,
 hyssopum aromatico calamo non fuisse con-
 generem, illi jubent, qui veterum hyssopum
 non inter aromata, sed alexiteria numera-
 runt. Inter quos Theophrastus, qui ὡς δη-
 λητερώδες traducit, & Cous ipse, Actius,
 Celsusque, qui vomitorium poculum ex hys-
 sopo miscent. Hæ sunt densiores tenebræ
 oculis meis menti; oblatae quum satis claris-
 simam vestram lucem perspicere non possem,
 de qua quanto minus dubitō, tanto alacrius
 perpetuo applausu sectabor, si obducta cali-
 gine lumina, solita tua dexteritate exterseris.
 Nec amplius mussitare animus erit, si silenti-
 um imposueris, apud quem summa eruditi
 orbis est potestas. Vale, valere dignissime
 Vir, & si pro aliis intercedere licet, crucis alti-
 tudini, sin minus, mihi quæso favere perge,
 homini quo nullum spondeo inter mortales
 tibi

tibi habebis devotiorem. Scripsi Lugduni ad
Rhenum in procinctu itineris XXVIII, Julii
clō. Idc. XLVI.

Impress. Leidæ 1646. cum Responsione
Secunda & Tertia Cl. Salmasii.

EPISTOLA XCV.

De calamo in cruce Christi.

ADOLFO VORSTIO

Leidam.

THOMAS BARTHOLINUS, S. D.

MEmineris, Vir Eruditissime, quum nuper
ad deambulationem me humanissime in-
vitares, pares gressibus nos æquasse sermones,
& inter pedum labores menti quoq; litasse.
Nolo rēpetere quæ tum sibi devorarunt
Nymphæ nemora vicina incolentes & perpe-
tua arboreti corona Palladis vestræ urbem
cingentes. Unicum de Hyssopo colloquium
illis inviderim, quia foris degunt, & nuper
in eandem rem ego pluribus in Dissertatione
prælo Mariano submissa disputaveram, quæ
non parum lucis sunt habitura si repetito qua-
si gradu in chartam conjeceris, quæ pari pas-
su sed erudito ingenio in Floræ regno maxi-
mus Floræ amor alterno colloquio reposuisti.

Res

Res tota ad Hyssopum in Cruce Christi redibat, quam de arundine seu ὕσσῳ cum Camerario explicasse te memineram, nec favere hyssopo arborefcenti, quia neq; in Oriente, utpote plaga sicciore, ad talem magnitudinem excrescere videatur simile vero, quod tamen credit in data ad me Epistola Doctissimus Jo. Beverovicus amicus quoq; tuus. Me iudice, hoc tota vertitur controversia cardine, de quo certiore me fecerit ingenii tui ubertas, ut majori securitate opinioni huic diffidere queam. Variis id quidem probare satagit Vir idem Amplissimus, sed scrupulum non exemit, qui adhuc me pungit. Quippe admissa hyssopo arborea, restabat eidem arbori arundinem ceu calamum consignare ut auctoritatem sacrorum Vatum tueamur. Videor mihi aliquid pro magno Viro invenisse. Nam, caulis arboris hyssopi, arundinis potuit mereri appellationem, ob similem porosi cavique corporis substantiam, quemadmodum hippuris seu caudæ equinæ caulem vacuum velut harundinis vocat Cassianus Bassus in opere Geoponico lib. 2. c. 5. ex Democrito. Eodem sane jure arundini compararetur caulis hyssopi, si cavum esse ulla constaret auctoritate. Quanquam Democritum credam

dam hippurim arundini comparasse non quia cava esset, sed quia articulos haberet illi similes, unde Geoponicum scriptorem ita, mutata parum verborum serie, emendarem: αὐτὸς δὲ ὁ καυλὸς ἐστὶ κενὸς, ἔχων τὰ ἄρθρα ὡς ὁ κίλαμος. Ἄρθρα illa alibi γίνεσθαι nuncupat, quæ omni calamorum generi sunt propria. Secus de cavitare. Nam arundines quoq; solidas describunt Dioscorides & Theophrastus, & ipse Cassianus ex Democrito μεσοκαλάμους agnovit, hoc est, plenas harundines, ut interpretatur Cornarius, imo βαλίτας σύριγγας δασεῖς καὶ ἀπαλὰς, densas & teneras. Videtur quidem τὸν κάλαμον confundere cum syringa, quem κοῖλον vocat Theophrastus tuus lib. 4. hist. plant. c. 12. non habentem ξύλον nec σάρκα, sicut & Plinius lib. 16. cap. 36. distinxit, Theophrasti, ut suspicor, sequutus ductum: Verum à partibus suis habet Dioscoridem, qui l. 1. c. 114. συριγγίαν appellat πολύσαρκον, πυκνογύνατον vel παχύσαρκον ex vetusto Saraceni Codice. Non tamen ita sunt δασεῖς, quin leves maneant & porosi calami, adeòq; ad conficienda tela & hastilia apti erant apud Romanos milites in martyrio Christi.

Christi. Hinc apud Virg. l. i. & 5. Æneid. sagittæ celeres, quia ex arundine levi, &, si fides Operi Geoponico lib. 5. c. ult. *τρέφονται ὑπὸ τῶν ἀνέμων οἱ κάλαμοι*, à ventis nutriuntur, quod de alimento terræ aquæve leviori & ventoso intelligendum vel ideo reor, quod per bulbos ferantur. Sed siquidem pro arundine pugnas, quæso erudito tuo calamo nos doceas, quodnam calamorum genus tibi arri-deat. Scio Dioscoridem *Ναστὺν κάλαμον* advocare, ἐξ ἧς *πέ βέλῃ γίνεται*, idq; quia solida ea sit arundo, & facta, ut exponit Matthiolus, hastis peridonea, unde Plinio sagittaria, eadem forsan quæ Theophrasto *τοξικὸς*, & Democrito apud Constantinum, si verus sit, Geoponicum, *βαλίτης*, seu, ut Sarraceno placuit, *βελίτης*, quanquam constanter *βαλίτης* legatur in exemplaribus omnibus MSis Palatinis, quæ Illustris Salmasii manu collata apud te vidi, servaturq; in edito Codice Jo. Alexandri Brassicani. *Ναστὺν κάλαμον* apud crucem habere potuerunt milites, siquidem in usum sagittarum accipi à Syris probat Matthiolus, quibus vicinus miles Hierosolymitanus Prætoris. Sed quum idem memoriæ nostræ prodiderit, in Italia arundinem eam non
oriri,

oriri, militibus Prætorianis, tanquam Romanis, fortasse denegabimus, nisi dixeris ex Syria derivatos illuc bulbos. Quorum omnium difficultates effugere videtur conciliatio à me tentata in dissertatione de Latere Christi, si quidem exactiori iudicio tuo probabitur. Vale, Musarum & amicitiae delictum, & in orbis Lyceiq; ornamentum cum Floralibus publicis porro floresce.

EPISTOLA XCVI.

De eodem calamo Responsio.

THOMÆ BARTHOLINO

Hafniam.

ADOLFUS VORSTIUS.

Vix tanti erant, Vir doctissime, ut chat-
tis illinenda putares, quæ tecum ambu-
lanti mihi, ante discessum hinc tuum, in ser-
mone familiari ὁδῷ παρρηγῶν exciderunt. De
Hyslopo, divo Joanni, in historia Passionis
Dominicæ, memorata, tum temporis actum
esse memini probè; ducente nos cò Disserta-
tione tua de aperto Christi latere, in qua
huic enodandæ controversiæ caput peculiare
à te tributum. Dixi pro re nata sententiam
tunc meam; quæ cum tuæ aliquomodo vide-
retur favere, iteratis litteris, hanc uti scripto

conſignarem, petere tibi viſum, Obſequar
igitur voluntati tuæ, quia id me facturum in
me recepi, ſcribamq; , quàm potero breviffi-
me, quid ſentiam, aut potius conjiciam. Quæ-
cunq; enim vel olim ad locum veteres, vel re-
centiores, maximiq; hujus ævi viri attulerunt,
quorum non unius eruditioni libens aſſurgo,
omnia meræ ſunt conjecturæ, plurimum inter
ſe discrepantes, prout ingeniorum judiciorum-
que magna ſolet eſſe diverſitas. Quibus lectis i-
dem eveniſſe mihi fateor, quod Terentiano illi
Seni, qui filii in cauſa cum varios conſuluiſſet
advocatos, auditis ſingulorum pugnantibus
ſententiis, Incertior, inquit, ſum multò, quam
dudum. Non permittam mihi tantum, ut ali-
orum aut examinem opiñiones, aut prolixè re-
futem. Eſt enim illud tum operoſum nimis,
tum minus fere gratum. Suo proinde quẽmli-
bet frui ſinam ingenio, ut mihi meo liceat. Jo-
achimi Camerarii, viri de tota re literaria opti-
me meriti, correctionem, pro *ἡθέρῃ ὑδρῶ-
πῳ* in Joanne, *ὑδρῶ* legentis, hoc eſt haſtæ,
non diſplicuiſſe mihi apud te profeſſus ſum, ſed
obiter tantum, & re nondum accuratè perpen-
ſa. Nunc verò penitus eam introſpicienti ex-
cutientiq; , nihil prorſus mutandum videtur,
quod

quod tota vetustas, & quotquot antiqui hactenus reperti fuerunt Codices MS. ad unum omnes in hac lectione concordēs sint. Nam cum sine horum autoritate, ne in profanis quidem scriptoribus ejusmodi facilē sit admittenda ex sola conjectura mutatio, multò minus in sacro Codice, cui major quædam debetur reverentia, hanc licentiam ferri posse existimo. Ad commodam itaq; interpretationem, quo in speciem modo dissonantes Evangelistarum loci in concordiam redigantur, confugiamus potius. Tradunt Evangelistæ duæ, Matthæus nempe & Marcus, Servatori nostro in cruce pendenti, extrema jam omnia perpesso sitientiq;, spongiam aceto imbutam, calamoq; circumpositam, ab astantium uno ad os fuisse porrectam; sive id præ commiseratione fecerit & sitis sublevandæ gratia, sive contumeliæ, quod magis reor. Postremum hoc confirmant Lucæ c. 23. v. 36. verba. *Ἐνέπαιζον δὲ αὐτῷ καὶ οἱ στραῖται, προσερχόμενοι, καὶ ὄξος φέροντες αὐτῷ, καὶ λέγοντες, εἰ σὺ εἶ ὁ βασιλεὺς τῶν Ἰσρααίων, σῶσον σεαυτόν.* Illudēbant autem ei & milites, accedentes & acetum offerentes ei: & dicentes, si tu es rex Judæorum, salvum te fac. Atq; hoc modo divini oraculi impleta est



veritas, quod exstat 69. Psalmo Davidis, qui
 Christi typum gessit: Potaverunt me aceto in-
 siti mea. Scribit enim Joannes, ἵνα τελειωθῇ
 ἡ γραφή, λέγει, διψῶ. & subjungit mox, ὅτε
 οὐκ ἔλαβε τὸ ὄζον, εἶπε, τέλειται. Ex altera
 parte Joannes rem gestam eandem enarrans,
 pro calamo Hyssopum posuit, cujus vehiculo
 spongia acetata Christo oblata fuit. Eadem a-
 pud omnes loquendi ratio, πειθεὶς καλὰ μὲν,
 ὡς ὅπως πειθεῖται, idem usus calami & Hyssop-
 i, quorum interventu Servatoris os attingi
 debebat, satis arguunt ipsos in summa rei con-
 venire Evangelistas. Sed tota in eo consistit
 difficultas, quod calamus & Hyssopus res sint
 diversissimæ. Cui etiam ego opinioni, ut her-
 barum scientiæ peritus, adhærere cogor. Quis
 enim per κάλαμον simpliciter & ἀνευ περὶ ὁ-
 κης positum, Hyssopi plantam intelligere que-
 at? Ac, vice versa, per Hyssopum, calamum
 aut arundinem, ut vetus interpres in Matthæo
 eam vocem transtulit? quam tamen τὴν τὴν
 nonnulli hic sibi sunt imaginati, & ex veteri-
 bus nominatim Origenes, arbitratus sic ab o-
 mni dissensu immunes se præstitisse Evangeli-
 stas. Non hac ratione incidendus erat iste no-
 dus, neq; ulla huc nos impellit necessitas. Nam
 in

in calami summitate & Hyssopi, passim in montibus Hierosolymitanis obviæ, fasciculus esse potuit & spongia commodè eidem imponi, quod ego planissime credo. Dicat quis, cur ergo reliqui Evangelistæ Hyssopi non meminērunt? Nimirum satis illis erat, instrumentum indicasse quod spongiæ in altum tollendæ sufficeret. Joannes autem, qui oculatus testis passionis Dominicæ cruci proximus adstitit, Hyssopum additam, vel contemptus ergo, vel ut spongia melius extremitati arundinis hæreret, & ab aliis omissam, historicæ huic narrationi inseruit. Quæ discrepantia in lævi quadam circumstantia sita est, non autem in iis quæ aliquod dogmatis, aut historiæ momentum in se habent, nihilq; detrahit auctoritati scriptorum N. Fœderis. Quinimo, autore Theophylacto, Bulgariae Archiepiscopo, δι' αὐτὸ τοῦτο μᾶλλον ἀληθεύετε, ὅτι μὴ κατὰ πάντα ὡμοφώνησαν. ἐνομιώθησαν γὰρ αἱ, ὅτι συγκαθίσταντες ἀλλήλοις καὶ συμβουλευσάμενοι, ἔγραψαν. οὐκ δὲ ὁ παρέλειψεν ἕτερον ἔγραψεν ἐκείνῳ. καὶ διὰ τὸ τοῦτο δοκῶσιν ἐν ποσὶ ἀλλάττειν. Loquitur autem; περὶ τῶν ἐλαχίστων non περὶ τῶν κυριωτέρων καὶ ἀναγκαιοτέρων, in quibus mira ubiq; omnium consensio. Arundini er-

go veræ, non calamo aromatico, qui exiguus, rarus, pretiosus & alterius usus, Hyssopus adjecta, brevis frutex sive *Φρύζανον*, & quotidiani in Judæorum religione ad immundorum expiationes usus, sicuti ex veteri T. patet. Numeror. c. 19. ita præcipitur. Et quicumq; in agro cadaver gladio cæsum tetigerit, aut aliqui mortuum, aut ossa hominis, aut sepulchrum, immundus erit septem diebus. Accipiant igitur pro immundo isto de cinere combustionis peccati, & infundantur super illum aquæ vivæ in vas aliquod, & accipiat mundus aliquis Hyssopum, & intingat in aquam, & spargat super tentorium, & super omnia vasa, atq; super animas quæ fuerunt illic, & super eum qui tetigit ossa, aut interfectum, aut mortuum, aut sepulchrum. Vides hinc, aspergillis ex Hyssopo usos fuisse Judæos, quibus aquam lustralem contaminatis & expiandis aspergerent.

Cum vero *κεκρίστος*, in quo Christus crucifixus est, plenus ossium & immunditiei esset, mirum neutiquam videri debet, Judæos, rituum suorum observatissimos, qui eo ad spectandum convenerant, de Hyssopo cogitasse. Huc quoq; facit egregiè, quod me monuit doctissimus collega, idemq; amicissimus cognatus, Constantinus L'empereur, scribere Talmudicos,

cos,

cos, ubi de immundorum lustratione agunt, Hyssopum ad asperisionem aptam tribus constare debuisse culmis sive caulibus, qui breviores si essent, tum ligno alicui Hyssopum alligasse Judæos. Quæ observatio meam quoq; roborat conjecturam, Hyssopum, cui sponsia fuit circumposita, calamo sive arundini longiori fuisse alligatam, eximitq; præterea cogitationem omnem de Hyssogo arborea, quæ nusquam gentium hætenus observata, ne in ipso quidem Oriente, teste Clarissimo Golio, Collega & amico veteri, Qui in Syria cum esset, non semel Hyssopi humilem plantam vidit, legitq; per terram repentem, cubitalibus ramis, foliis Majoranæ similibus, odoris grati, saporis amari, quibus notis, ab ipsis Arabum Botanographis, Malaiesæ, Abubeitharo aliisque, insignita describitur, &  appellatur, ab  Hebræorum proculdubio, per *αἰφάρετον* τὸ Alif. Ex quo liquet, Hyssopum nostram vulgarem ab Orientali, atq; ea etiam quæ Dioscoridis est, distare plurimum. Hæc, amicissime Bartholine, mea qualiscunq; est de hac controversia sententia, quam doctiorum judiciis æquissimo animo, si non arrideat, corrigendam submitto. Vale, & boni consule quæ valetudine non ita

firma, animoq; minus ob id excitato, in chartam conjeci. Scrib. Lugd. Batav. An. clo clo XLVI. IV. Novemb.

Impress. Leid. 1646.

· EPISTOLA XCVII.

De Cartesio judicium, & alia.

THOMÆ BARTHOLINO

Hasn.

SAMUEL SORBERIUS.

QUod in patriam, Vir Clarissime, tandem post longam admodum peregrinationem faustè appuleris ex voto nostro factum est, qui Tibi secunda omnia solventi adprecabamur: quod verò commodum appellens nostri memineris, id summæ humanitati tuæ debetur, qui ex affectu in literas & bonas artes nos potius æstimas, quam ex re & operâ navatâ: Etsi enim desides haud quaquam simus, & horas multas quotidie impendamus mentis cultui, imò subinde chartis aliquid perituris illinamus: at nescio quomodo nobis in dies tantò fieri obtusiores videmur, & tantò altiores radices infigit ἀναπλεψία. Expectamus adhuc Incomparabilis nostri Gassendi Commentarios de vitâ, Moribus & universâ Philosophiâ

Epi-

Epicuri, unde lux tenebris nostris affulgeat. Librum Hobbii de Cive edi curavimus, ut eliceremus quæ Vir ille admirandus circa naturam mittere pollicitus est. Nam quæ Cartesius & Regius emiserunt non omnibus satisfaciunt, & cum tenuitate fidei operisq; admirabilia, quoad usum tamen & rerum veritatem frivola & inania apparent. Tuum de Luce Animalium Tractatum avidè expeto, quem inter desiderata reposuerat acerrimi iudicii Cancellarius. D. Beverovicium fuisse, hic boni omnes & eruditi ægerrimè ferunt. De Bibliothecâ Avunculi mei Samuelis Petiti gratias ingentes ago, quod sermonem feceris & catalogum ostenderis Episcopo Reverendissimo, cui, si traderet nobis Amstelodami decem millia librarum, quas vocant Turonicarum, ibidem deferri, tradiq; curaremus amplissimam illam suppellectilem librariam, M. S. Codicibus ornata, atq; inprimis Excerptis illis Constantini Porphyrogenetæ, unde Valesius sua in Polybium desumpsit, & innumera alia supersunt passim usurpanda ad bonos authores illustrandos. Verum si emptores Massiliæ merces accipere vellent aliquid detrahi de pretio illo posset. Sed Tu, Vir Clarissime, videbis, & rescribes quamprimum ad fratrem mentem nobi-

lissimi Viri, quam materteræ meæ significabo, efficiamq; ut quam commodissimè res ista perficiatur. Vale. Lugd. Batav. Kalend. Febr. clb. Idc XLVII.

EPISTOLA XCVIII.

De sinistris judiciis.

JACOBO MATTHIÆ

Arhusium.

O Tium haftenus optavi, ut commodius te compellarem, sed frustra video me fuisse, quum majora indies mihi emergant negotia. Invitum fanè in hoc studii genere spiritum traho. Aliis enim inserviando, gratis ipse consumo, nec tantum quicquam mihi indulgere possum, vel literis. Tu ex præsentium necessitate affectum metiaris, nec ex silentio, immemoris animi culpam arguas. Dum occasionem exspecto, elabitur ex insperato, quia curis premimur, quas novis aliis videmur pellerè. Nihil tamen promoveo. Unum concoquere non possum, quod cum Musis benignioribus redire in gratiam non liceat. Retrahunt Receptæ, horrendū ægris mihiq; nomen. Nec sinunt bonā mentem amplius tueri iniquiora invidorum judicia qui in Reipublicæ nostræ sinu malum delitescunt. Quid amplius sperandum, nisi ut antiquum animum damnemus, bonum quidem,

dem, sed malum patriæ incolam. Geographos brevi consulam, ut ad fontem lethes me perducant. Nihil enim scivisse commodum videtur & moribus patriæ non ingratum. Prius tamen mihi erit adversariis respondendum, qui nuper partim publicis scriptis meam Dissertationem de Latere Christi aggressi sunt convellere, partim furtivis vocibus ea mihi affinxerunt, quæ nefas esset hic credidisse. Doleo occupationes Practicas (invitas sane) omne otium mihi surripere, ut necdum composito animo ad Apologiam accesserim. Accedit quod ignorem ipsius quid olim definiverim, nisi per primum tabellarium libri mei partem transmiseris quam apud te reliqui, quia necdum, confectum alioquin opus, ad nos detulerunt Bibliopolæ. Quod vere proximo futurum auguror. Dabunt quoque ex officina sua Libros meos de Luce jam sub proelis ipsorum sudantes, forsan & de Armillis Veterum schedion, quod confeci. Iniquiores quippe sunt typographi nostri, nescio an cœli patrii vitio; & ego hic rude videor donatus, ut nec de aliis Opusculis meis cogitare velim, nec possim. Tu interim, inter rara patriæ exempla numerande, si mereor, me ama. Vale. Ham. Cal. Mart. 1647.

Thomas Bartholinus.

EPISTO-

EPISTOLA XCIX.

De Philologia abusu.

THOMÆ BARTHOLINO

Hafniam.

Vir Cl. Affinis pl. dilecte, Intervenisse varias differendi officii causas, ex quo vultum nobis vocemq; subtraxisti, non est quod operosè adeò excuses. Facile enim differt qui quotidie scripturus est, nec ideo obsequium omittit qui securæ occasionis captat compendium. Novi quonam sis animo, & quali vigore sanguis Tibi caleat, vacillent alii, & fidem mutant, nunquam pectus illud levi erit sententiâ, in quo se humanitas & eruditio pari cultu & concordia explicuit. Non placent qui amicos intra dentes conclusos habent. Ego cum affectus tui sim securus, nihil in amore nostro revoco ad vulgi arbitrium, nec tanti erit ulla in scribendo mora, ut ea propter præjudicio velim peccare aut vadimonium deferere. Spiritum ducit, qui dormit, quid obstat, quo minus amare possit, qui manum ad tempus succingit, & à scribendo nonnihil feriatur. Unâ voce, tuus erò, quamdiu erò. De cætero, gratulor tibi quod ea fiducia numeroq; operam tuam ambiunt, quos imbecillior valetudo affligit, ut nec tibi nec Musis ex voto possis vaca-

vacare. A mœnioribus studiis satis datum est; in eo genere quid possis orbi meliori non sine eruditorum applausu testatum fecisti. Noli ægre ferre quod Æsculapius tibi aurem subinde vellicet, manumq; ad practicas occupationes convertat. Habeint literæ humaniores, & illa ποικίλη Φιλομάθεια nescio quam vim Ίππο-
 συρτικῆν, ut quos Musa illa semel afflavit, semper ad antrum illud respiciant. Sentiant præter te & alii. At verò ubi expendimus qualem spicam culmus iste ex se effundit; quid quæso cultoribus suis nisi steriles aristas, nudam, inquam, delectationem, & famam sui tædium sensuram tandem relinquit. Quod certè non eo fine à me scribitur, ut conatus tuos omni laudè majores improbem, aut te in stadio πολυίστορίας currentem sufflaminem, quod qui tentare vellet suam inscitiam turpiter proderet, sed consilii mei hic scopus, hæc meta est, ne ita te studio rerum antiquarum & humanitatis impendas, ut medicinam ei postponas. Illa lusum hæc usum habet. Sit illa pedissequa, hæc Dux & comes. Malè autem sit illis, qui scripta tua, stimulante invidiâ arrodunt. Si fas esset tempora tua morari, rogarem ne grave duceres, verbo me docere, quid in Dis-
 serta-

sertatione tua de Latere Christi invenerint obelisco aut tristi literâ dignum. In me ne sit mora quo minus adversariis tuis maturè occurras, librum de quo certandum est, remitto. Vale, & si quid ultra est, vive immortalis.

Arhusii 16. Martii 1647.

Semper Tuus

Jacobus Matthias, D.

EPISTOLA C.

Contra Pharmacopæos.

THOMÆ BARTHOLINO

Hafniam.


DE elegantissimo tuo libro De Latere Christi, cum Cl. Salmasii & aliorum de Cruce Epistolis, gratias ago infinitas. Non sine summa animi voluptate eum ex amantissimi Fratris Casp. Bartholini manibus accepi, sed illud mihi penè funestum fuit, quod nullas à Te literas acceperim; suavissimum enim mihi fuisset, si per tuas discere licuisset, præsentem rerum tuarum statum: nempe quid nunc habeas laboris in manibus? An cogites de tui Itinerarii Europæi promovenda editione? An de Opusculo quod ante hac habuisti in mente, pro Clariss. Parentis vindiciis, adversus hominem moro-


morosum & mordacem, Casp. Hofmannum? an quid aliud? quidquid sit de illis, summo me afficies beneficio, si me monueris docuerisve quid de singulis istis opusculis habeas in mente. Hanc quoq; gratiam à Te postulo, Vir Clarissime. Patere quæso ut reficem Tibi memoriam à Te antehac, Dominisq; Fratribus tuis ante aliquot annos promissorum, nimirum Operum Clarissimi Parentis vestri Casp. Bartholini, Hafniæ editorum, præsertim verò suæ Physicæ, quam ardentissimè desidero: quibus singulis si addideris Instit. Medicas eruditissimi spectatissimiq; Viri D. Olai Wormii, Regem me feceris. Cura precor, & da operam ut hæc omnia in hanc Urbem devehantur tutoq; mihi reddantur: quod si effeceris, & ut spero facies, gratus ero de tanto beneficio, pretiumq; libentissime refundam ei qui mihi istum thesaurum in manibus tradiderit: aut quidquid volueris librorum ex hac urbe pro acceptæ gratiæ compensatione per eam viam quam mihi indicaveris, illicò mittam. Postremo verò, fuit hîc me Præsîde & Autore, disputata *Quæstio De Sobrietate ad longam vitam requisita*: ipsa Thesis omnibus placuit, præterquam Pharmacopæis nostris, qui de illa mihi litem moverunt: sed misere cum illis actum est:

est: in medio enim Senatu, me perorante, sine ullius Patroni opera, & eorum fraudes, suæq; artis imposturas æquissimis iudicibus indicante & aperiente, causâ suâ turpiter ceciderunt, non sine eorum contumelia, publicoque infinitorum auditorum risu. Illius Theodos exemplaria duo ad Te mitto: quorum unum si placet per Te accipiet D. Wormius, cujus tuumq; de ea iudicium utinam tandem accipiam. Valete ambo, quos toto corde saluto, ut & D. D. Fratres tuos: vobisq; singulis omnem felicitatem tota mente exopto. Dabam Lutetiæ Parisiorum, 20. Junii die, 1647.

Tuus ex animo

Guido Patinus, Bellovacus,
Doct. Medicus Parisiensis.





TH. BARTHOLINI
 EPISTOLARUM
 MEDICINALIUM
 CENTURIA SECUNDA.

EPISTOLA I.

De Pharmacopœis.

GUIDONI PATINO

Parisiis.



Quod prolixas pro Dissertatione nostra nuper egeris gratias, id totum humanitati tuæ adscribendum. Non merentur enim Schediasmata nostra vel tantillum pretiosi otii tui, ne applausum dicam. Video autem te foetus nostros eo excipere animo, quo me solebas, & ex iis redire in sinceræ amicitiae memoriam. Displicet inprimis, quod ad Te reliqua nostra mittendi non detur occasio. Locorum impedit distantia; & conducti internuncii dona hæc pretio nimio vendunt. Non dubito quin ex

Dd

Bel-

Belgio ad vos delati sint libri mei De Luce Animalium, de quibus iudicium tuum desidero. Dum in patria versor curas practicas dispunxi editione duorum librorum, quorum alter Synopsin exhibet Antiquitatum Veteris Puerperii, alter Armillas Veterum præsertim Danorum, persequitur. Quamprimum licebit, ad vos eos mittam. Ad prælum tradidi Apologiam de Cruce, oppositam impugnationibus B. Nihusi, qui me publico scripto laceravit. Hofmannus interea, dum aliis occupor, quiescit, nec Itinerarium meum publicam lucem aspexit. Gratulor Tibi de parta victoria, quod disertissimo ore profligaveris Seplasiarios. Si me in consilium vocassent, suavissem ut amicè potius cum Patinò transigerent, quam intentata lite. Nota jam & huic hominum nationi erit infelix Marsyæ cum Apolline pugna. Nescio cur illis adeò ubiq; ferè gentium pruriat cutis, ut intra officium nequeant continere. Plerumq; enim vani ostentatores ad exercendam medicinam furtim se ingerunt, quumq; apud ægros inferius tantum guttur eluere deberent, superius audent inquinare, sicq; in Medicorum messem immitunt rudem falcem, & relicto ministerio servili, cui dicati sunt, Dominorum suorum, seu
Medi-

Medicorum, famæ & fortunis struunt insidias. Magnam cladem apud vos passi sunt à *Guiberti* vestri Medicina Charitativa, ex qua quisq; domi suæ præparare discit, enemata, decocta, syrypos &c. pro usu domestico, ut exigua apud vos amplius Pharmacopæorum superbiorum sit necessitas. Id si sequantur aliæ quoq; nationes, jam vilescet Sepulchriorum pretium & cristas demittent. Tu interim victor & profligator monstrorum, perge, ut magni hominis magnæq; eruditionis Tuæ persentiant virtutem. Thesis ipsa tua nostro non indiget encomio. Sufficit, Patini esse thesin. Gratias tamen tibi utriusq; nomine ago, & ut parem rependat vicem Magnus *Wormius* noster, Institutiones suas Medicas cum aliis Exercitationibus Medicis hic editis mihi consignavit, quamprimum ad Te mittendas, si, ut accepi, vergente autumno ad vos rediturus est Legatus Regis Vestri Christianissimi, Tibi ob patrem haud ignotus. Qui, si volet, deferet quoq; Physicam *Parentis*, & alia quæ Typothetæ nostri parturiunt. Vale, Vir summe, cum Cl. *Moræo*, & si quæ Tibi exercitatissimo rara in calamus venerint, Observationibus nostris Medicis brevi prodituris, quæso ne invidas. Clarissimus *Wormius*, & fratres, &

Consobrini Fuiireni officiosè te salutant. Haf-
nia 17. Jul. 1647.

T. T.

Thomas Bartholinus.

EPISTOLA II.

Pro Apologia sua.

BARTOLDO NIHUSIO

Moguntum.

PRO literis humanissimis Tibi, mi Nihusi,
gratias refero, & pronum tuum in me
affectum libens amplector. Utinam ex voto
tuo succederent cuncta, me applaudentem
haberes, Kircheriana Musurgiae Synopsi me
non parum nuper tibi devinxisti. Amicis of-
ficiis certas, & ego me nollem inferiorem, si
ita ferret occasio. Non est quod ægrè feras
meum de Cruce controversa ad Te respon-
sum. Dissentiamus incolumi amicitia. Ego
sanè nunquam inimicos scriptis meis sum ve-
natus, sed amicos, nec Te illa Apologia volui
irritare, sed devincire, ut ipse perspicies si at-
tentius illam relegeris. Nec unquam Ecclesiae,
quod sciam, fui injurius, quin Patres & Eccle-
siam pro me Tibi opposui, si erravi, hominem
me scio, & orbis censuræ me publicè exposui.
Unde composito animo & Tibi modestè, uti
spero,

spero, satisfeci, & aliis. Miror cur rus tibi in mentem venerit? Quid verbis illis sinistrorsum acceptis cum rure commercii? Si rus olent, innocentia sua & simplicitate se tuebuntur, nam & ruri aliter olent sues aliter catuli. Prolixiore verborum amicorum apparatu in præsentem supersedeo, quia publica negocia graviora me revocant, & Alcides Hofmannus mihi est debellandus. Tu, mi Nihusi, omnia in meliorem interpretare partem & certò credas mihi esse antiquius nihil, quam amantem redamare. Vale itaq; Vir clarissime, & quod olim suasi candido animo, publicas lites seponamus, Hafniæ XIII. Maj. clō Ioc XLVIII.

Thomas Bartholinus.

EPISTOLA III.

De situ valvula coli.

JOHANNI SPERLINGIO.

Witteberg.

GRatissimum fuit munus amica manu nuper per internuncium vestrum mihi transmissum vel hoc nomine quod ad amicitiam tuam, quam semper ambivi, viam straverit expeditam. Labores in publicum commodum quis non æstimet aut amet? Antiquum id tibi & proprium videtur, cujus quippe eruditioris

Dd 3

pennæ

EPISTOLA XCIX.

De Philologiae abusu.

THOMÆ BARTHOLINO

Hafniam.

Vir Cl. Affinis pl. dilecte, Intervenisse varias differendi officii causas, ex quo vultum nobis vocemq; subtraxisti, non est quod operosè adeò excuses. Facile enim differt qui quotidie scripturus est, nec ideo obsequium omittit qui securæ occasionis captat compendium. Novi quonam sis animo, & qualis vigore sanguis Tibi caleat, vacillent alii, & fidem mutant, nunquam pectus illud levi erit sententiâ, in quo se humanitas & eruditio pari cultu & concordia explicuit. Non placent qui amicos intra dentes conclusos habent. Ego cum affectus tui sim securus, nihil in amore nostro revoco ad vulgi arbitrium, nec tanti erit ulla in scribendo mora, ut ea propter præjudicio velim peccare aut vadimonium deserere. Spiritum ducit, qui dormit, quid obstat, quominus amare possit, qui manum ad tempus succingit, & à scribendo nonnihil feriatur. Unâ voce, tuus erò, quamdiu ero. De cætero, gratulor tibi quod ea fiducia numeroq; operam tuam ambiunt, quos imbecillior valetudo affligit, ut nec tibi nec Musis ex voto possis

vaca-

vacare. A mœnioribus studiis satis datum est; in eo genere quid possis orbi meliori non sine eruditorum applausu testatum fecisti. Noli ægre ferre quod Æsculapius tibi aurem subinde vellicet, manumq; ad practicas occupationes convertat. Habeint literæ humaniores, & illa ποικίλη Φιλομάθεια nescio quam vim *Ἰππο-
συρτικὴν*, ut quos Musa illa semel afflavit, semper ad antrum illud respiciant. Sentiant præter te & alii. At verò ubi expendimus qualem spicam culmus iste ex se effundit; quid quæso cultoribus suis nisi steriles aristas, nudam, inquam, delectationem, & famam sui tædium sensuram tandem relinquit. Quod certè non eò fine à me scribitur, ut conatus tuos omni laude majores improbem, aut te in stadio *πολυπορείας* currentem sufflaminem, quod qui tentare vellet suam inscitiam turpiter proderet, sed consilii mei hic scopus, hæc meta est, ne ita te studio rerum antiquarum & humanitatis impendas, ut medicinam ei postponas. Illa lusum hæc usum habet. Sit illa pedissequa, hæc Dux & comes. Malè autem sit illis, qui scripta tua, stimulante invidiâ arrodunt. Si fas esset tempora tua morari, rogarem ne grave duceres, verbo me docere, quid in Dis-
serta-

fertatione tua de Latere Christi invenerint obelisco aut tristi literâ dignum. In me ne sit mora quo minus adversariis tuis maturè occurras, librum de quo certandum est, remitto. Vale, & si quid ultra est, vive immortalis.

Arhusii 16. Martii 1647.

Semper Tuus

Jacobus Matthias, D.

EPISTOLA C.

Contra Pharmacopæos.

THOMÆ BARTHOLINO Hafniam.


DE elegantissimo tuo libro De Latere Christi, cum Cl. Salmasii & aliorum de Cruce Epistolis, gratias ago infinitas. Non sine summa animi voluptate eum ex amantissimi Fratris Casp. Bartholini manibus accepi, sed illud mihi penè funestum fuit, quod nullas à Te literas acceperim; suavissimum enim mihi fuisset, si per tuas discere licuisset, præsentem rerum tuarum statum: nempe quid nunc habeas laboris in manibus? An cogites de tui Itinerarii Europæi promovenda editione? An de Opusculo quod ante hac habuisti in mente, pro Clariss. Parentis vindiciis, adversus hominem moro-


morosum & mordacem, Casp. Hofmannum? an quid aliud? quidquid sit de illis, summo me afficies beneficio, si me monueris docuerisque quid de singulis istis opusculis habeas in mente. Hanc quoq; gratiam à Te postulo, Vir Clarissime. Patere quæso ut reficem Tibi memoriam à Te antehac, Dominisq; Fratribus tuis ante aliquot annos promissorum, nimirum Operum Clarissimi Parentis vestri Casp. Bartholini, Hafniæ editorum, præsertim verò suæ Physicæ, quam ardentissimè desidero: quibus singulis si addideris Instit. Medicas eruditissimi spectatissimiq; Viri D. Olai Wormii, Regem me feceris. Cura precor, & da operam ut hæc omnia in hanc Urbem devehantur tutoq; mihi reddantur: quod si effeceris, & ut spero facies, gratus ero de tanto beneficio, pretiumq; libentissime refundam ei qui mihi istum thesaurum in manibus tradiderit: aut quidquid volueris librorum ex hac urbe pro acceptæ gratiæ compensatione per eam viam quam mihi indicaveris, illicò mittam. Postremo verò, fuit hîc me Præsides & Autore, disputata Quæstio *De Sobrietate ad longam vitam requisita*: ipsa Thesis omnibus placuit, præterquam Pharmacopæis nostris, qui de illa mihi litem moverunt: sed miserè cum illis actum est:

est: in medio enim Senatu, me perorante, sine ullius Patroni opera, & eorum fraudes, suæq; artis imposturas æquissimis iudicibus indicante & aperiante, causâ suâ turpiter ceciderunt, non sine eorum contumelia, publicoque infinitorum auditorum risu. Illius Theſeos exemplaria duo ad Te mitto: quorum unum si placet per Te accipiet D. Wormius, cujus tuumq; de ea iudicium utinam tandem accipiam. Valete ambo, quos toto corde saluto, ut & D. D. Fratres tuos: vobisq; singulis omnem felicitatem tota mente exopto. Dabam Lutetiæ Parisiorum, 20. Junii die, 1647.

Tuus ex animo

Guido Patinus, Bellovacus,
Doct. Medicus Parisiensis






TH. BARTHOLINI
EPISTOLARUM
MEDICINALIUM
CENTURIA SECUNDA.

EPISTOLA I.

De Pharmacopœis.

GUIDONI PATINO

Parisiis.

uod prolixas pro Dissertatione nostra nuper egeris gratias, id totum humanitati tuæ adscribendum. Non merentur enim Schediasmata nostra vel tantillum pretiosi otii tui, ne applausum dicam. Video autem te foetus nostros eo excipere animo, quo me solebas, & ex iis redire in sinceræ amicitiae memoriam. Displicet inprimis, quod ad Te reliqua nostra mittendi non detur occasio. Locorum impedit distantia; & conducti internuncii dona hæc pretio nimio vendunt. Non dubito quin ex

Dd

Bel-

Belgio ad vos delati sint libri mei De Luce Animalium, de quibus iudicium tuum desidero. Dum in patria versor curas practicas dispunxi editione duorum librorum, quorum alter Synopsin exhibet Antiquitatum Veteris Puerperii, alter Armillas Veterum præsertim Danorum, persequitur. Quamprimum liguerit, ad vos eos mittam. Ad prælum tradidi Apologiam de Cruce, oppositam impugnationibus B. Nihusi, qui me publico scripto taceffivit. Hofmannus interea, dum aliis occupor, quiescit, nec Itinerarium meum publicam lucem aspexit. Gratulor Tibi de parta victoria, quod disertissimo ore profligaveris Seplasiarios. Si me in consilium vocassent, suasissem ut amicè potius cum Patinò transigerent, quam intentata lite. Nota jam & huic hominum nationi erit infelix Marsyæ cum Apolline pugna. Nescio cur illis adeò ubiq; ferè gentium pruriat cutis, ut intra officium nequeant continere. Plerumq; enim vani ostentatores ad exercendam medicinam furtim se ingerunt, quumq; apud ægros inferius tantum guttur eluere deberent, superius audent inquinare, sicq; in Medicorum messem immitunt rudem falcem, & relicto ministerio servili, cui dicati sunt, Dominorum suorum, seu
Medi-

Medicorum, famæ & fortunis struunt insidias. Magnam cladem apud vos passi sunt à *Guiberti* vestri Medicina Charitativa, ex qua quisq; domi suæ præparare discit, enemata, decocta, lyrypos &c. pro usu domestico, ut exigua apud vos amplius Pharmacopæorum superbiorum sit necessitas. Id si sequantur aliæ quoq; nationes, jam vilescet Seplariariorum pretium & cristas demittent. Tu interim victor & profligator monstrorum, perge, ut magni nominis magnæq; eruditionis Tuæ persentiant virtutem. Thesis ipsa tua nostro non indiget encomio. Sufficit, Patini esse thesin. Gratias tamen tibi utriusq; nomine ago, & ut parem rependat vicem Magnus *Wormius* noster, Institutiones suas Medicas cum aliis Exercitationibus Medicis hic editis mihi consignavit, quamprimum ad Te mittendas, si, ut accepi, vergente autumno ad vos rediturus est Legatus Regis Vestri Christianissimi, Tibi ob patrem haud ignotus. Qui, si volet, deferet quoq; Physicam *Parentis*, & alia quæ Typothetæ nostri parturiunt. Vale, Vir summe, cum Cl. *Moræo*, & si quæ Tibi exercitatissimo rara in calamus venerint, Observationibus nostris Medicis brevi prodituris, quæso ne invideas, Clarissimus *Wormius*, & fratres, &

spero, satisfeci, & aliis. Miror cur rus tibi in mentem venerit? Quid verbis illis sinistror-
sum acceptis cum rure commercii? Si rus o-
lent, innocentia sua & simplicitate se tuebun-
tur, nam & ruri aliter olent sues aliter catuli.
Prolixiore verborum amicorum apparatu in
præsenti supersedeo, quia publica negocia
graviora me revocant, & Alcides Hofmannus
mihi est debellandus. Tu, mi Nihusi, omnia
in meliorem interpretare partem & certò cre-
das mihi esse antiquius nihil, quam amantem
redamare. Vale itaq;, Vir clarissime, & quod
olim suasi candido animo, publicas lites sepo-
namus. Hafniæ XIII. Maj. clō Idc XLVIII.

Thomas Bartholinus.

EPISTOLA III.

De situ valvulae coli.

JOHANNI SPERLINGIO.

Witteberg.

GRatissimum fuit munus amica manu nu-
per per internuncium vestrum mihi trans-
missum vel hoc nomine quod ad amicitiam
tuam, quam semper ambivi, viam straverit
expeditam. Labores in publicum commodum
quis non æstimet aut amet? Antiquum id tibi
& proprium videtur, cujus quippe eruditioris

Dd 3

pennæ

pennæ fructum non Autumni singuli, sed
nundinæ spondent. Remitto debendi reus
vindicias meas illi oppositas, quem, ut ex Phy-
siologia tua Doctissima perspicio, & novisti &
lectitasti. Citius illæ natæ, quam coquantur
asparagi. Quod si bono feni vita sit superstes,
quod ferio voveo, vel ipse inveniet ex ingenio
quæ culpet, vel alios fortasse subornabit.
Quidquid futurum sit, pari animo h. e. intre-
pido excipiam. In motu thoracis ab eo feci
discessum, cui tu planè acquiescis, vel fanè,
quia collata inter se Hofmanni & Laurentii
verba tantum affers, iudicium tuum suspendis,
alioquin in his subactum. In situ valvulæ colli
nullus planè cum Bartholino dissensus, si pro
vario & anfractuoso intestinorum situ illud
fursum, deorsum, rectè accipias. Tu enim cor-
pus respicis & rectum ad inferiora excremen-
torum descensum, nos intestinorum positum.
Sed res ista non meretur divortium, nec opi-
nionum, nec amicitiae. Tu Vir Doctissime,
benè vale, & me, ut coepisti, porrò ama tui
studiosissimum. Saluta quæso meo nomine
Grovium, Scavenium, Resenium, inprimis
magnum Collegam tuum Buchnerum.
Hafn. XXIII. Decemb. clō Idc XLVIII.

T. T. Thomas Bartholinus.

EPISTO-

EPISTOLA IV.

Pro Respiratione Cartesiana.

THOMÆ BARTHOLINŌ

Hafniam.

HENRICUS REGIUS S. P. D.

Accepi Vindicias tuas Anatomicas, ad me per Conterraneum tuum missas. Certè ingentes tibi, pro honore exhibito, habeo gratias. Perlegi illas, ac summopere tuam singularem in Patrem pietatem, singularemq; in adversario refellendo dexteritatem & solertiam, summamq; eruditionem sum miratus. Nihil video, quid ab illo reponi possit, præter inanes pervicacis philautiæ & invidiæ conatus. Verum, dum respirationis rationem à Cartesio & me, per solam impulsionem aëris, ex dilatatione thoracis, pulmones necessario, citra ullam fugam vacui, ingredientis eosq; distendentis, rectè, ut opinor, propositam & explicatam, refellere conaris, magnopere, meo iudicio, errare videris. Causam potissimam tui erroris in eo sitam existimo, quod aërem æquè facile condensari atq; de loco deturbari posse; ac proinde dilatatione solâ thoracis, inter respirandum passim contingente, illum non necessario in pulmones impellendum, sed foris potius condensandum putas.

Dd 4

Cum

Cum tamen aër, ob summam suam fluiditatem, facillimè in locum commodum impelli, & inter se secundum suas particulas conturbari; difficulter autem, & non nisi magna vi, propter vehementem particularum suarum, perpetuo inter se volitantium, expansionem & dilatationem, ab æthere, sive subtili materiâ, illum continuo vehementerq; percurrente & agitante, factam, condensari possit. Atq; hoc in sclopetis & fontibus pneumaticis, aërem magna vi condensatum recipientibus, & postea, aperto aliquo foramine, aquas inclusas ad magnam altitudinem, & glandes plumbeas aliaq; durissima tela, per crassa obstantia corpora, maximo aëris, magna vi antea condensati & jam tum sese dilatantis, impetu propellentibus, est manifestum. Nec quicquam nobis obest, respiratio tua, in cubiculo per fistulam, ori, clausis naribus, insertam, & parietem, usq; ad externum aërem, transeuntem, peracta. Cum enim cubicula habeant januas, fenestras, aliasq; fissuras; hinc facile patet, quomodo aër continuo ductu foras protensus, per illos januarum, fenestrarum, aliarumq; fissurarum meatus, è cubiculo illo ad fistulæ, extra cubiculum prominentis, partem, & inde in pulmones, solo pectoris, in inspiratione sese

ne sese dilatantis, impulsu, satis commodè adigi possit. Hæc si paulò attentius considerare in animum inducas, non dubito, quin pro tuâ ingenii solertia & candido veritatis amore, faciliè pedibus in nostram sententiam sis concessurus. Forsan autem aliquid auxilii ea, quæ in Physicis nostris Fundamentis de Natura aëris & subtilis materiæ tradidimus, ad ad hanc rem præbere poterunt. Consobrinum tuum cum Chirurgis jam aliquoties in-visi. Res ejus jam planè abeunt in melius, quo optima quæq; speramus. Mea cura, ubicunq; ipsi quicquam poterit prodesse, illa ipsi, tum tuâ, tum ipsius causâ, semper erit paratissima. Vale Vir Excellentissime, & rem Anatomicam ac Medicam strenuè promoverè, meq; redamare perge. Dabam Ultrajecti VIII, Februarii Anno 1649.

EPISTOLA V.

De eadem disputatio.

HENRICO REGIO

Ultrajectum.

Benevolum Tuum de Vindiciis necessariis
Judicium libenter legi, quod amem tanto-
rum virorum probari censuræ ea quæ &


Dd 5

pietatem

est: in medio enim Senatu, me perorante, sine ullius Patroni opera, & eorum fraudes, suæq; artis imposturas æquissimis iudicibus indicante & aperiente, causâ suâ turpiter ceciderunt, non sine eorum contumelia, publicoque infinitorum auditorum risu. Illius Theos exemplaria duo ad Te mitto: quorum unum si placet per Te accipiet D. Wormius, cujus tuumq; de ea iudicium utinam tandem accipiam. Valete ambo, quos toto corde saluto, ut & D. D. Fratres tuos: vobisq; singulis omnem felicitatem tota mente exopto. Dabam Lutetiæ Parisiorum, 20. Junii die, 1647.

Tuus ex animo

Guido Patinus, Bellovacus,
Doct. Medicus Parisiensis.





TH. BARTHOLINI
EPISTOLARUM
MEDICINALIUM
CENTURIA SECUNDA.

EPISTOLA I.

De Pharmacopœis.

GUIDONI PATINO

Parisiis.

Quod prolixas pro Dissertatione nostra nuper egeris gratias, id totum humanitati tuæ adscribendum. Non merentur enim Schediasmata nostra vel tantillum pretiosi otii tui, ne applausum dicam. Video autem te fœtus nostros eo excipere animo, quo me solebas, & ex iis redire in sinceræ amicitiae memoriâ. Displicet inprimis, quod ad Te reliqua nostra mittendi non detur occasio. Locorum impedit distantia, & conducti internuncii dona hæc pretio nimio vendunt. Non dubito quin ex

Dd

Bel-

Belgio ad vos delati sint libri mei De Luce Animalium, de quibus iudicium tuum desidero. Dum in patria versor curas practicas dispunxi editione duorum librorum, quorum alter Synopsin exhibet Antiquitatum Veteris Puerperii, alter Armillas Veterum præsertim Danorum, persequitur. Quamprimum licebit, ad vos eos mittam. Ad prælum tradidi Apologiam de Cruce, oppositam impugnationibus B. Nibusi, qui me publico scripto taceffivit. Hofmannus interea, dum aliis occupor, quiescit, nec Itinerarium meum publicam lucem aspexit. Gratulor Tibi de parta victoria, quod disertissimo ore profligaveris Seplasiarios. Si me in consilium vocassent, suasissem ut amicè potius cum Patinò transigerent, quam intentata lite. Nota jam & huic hominum nationi erit infelix Marsyæ cum Apolline pugna. Nescio cur illis adeò ubiq; ferè gentium pruriat cutis, ut intra officium ferè nequeant continere. Plerumq; enim vani ostentatores ad exercendam medicinam furtim se ingerunt, quumq; apud ægros inferius tantum guttur eluere deberent, superius audent inquinare, sicq; in Medicorum messem immitunt rudem falcem, & relicto ministerio servili, cui dicati sunt, Dominorum suorum, seu
Medi-

Medicorum, famæ & fortunis struunt insidias. Magnam cladem apud vos passi sunt à *Guiberti* vestri Medicina Charitativa, ex qua quisq; domi suæ præparare discit, enemata, decocta, syrypos &c. pro usu domestico, ut exigua apud vos amplius Pharmacopæorum superbiorum sit necessitas. Id si sequantur aliæ quoq; nationes, jam vilescet Sepulchriorum pretium & cristas demittent. Tu interim victor & profligator monstrorum, perge, ut magni nominis magnæq; eruditionis Tuæ persentiant virtutem. Thesis ipsa tua nostro non indiget encomio. Sufficit, Patini esse thesin. Gratias tamen tibi utriusq; nomine ago, & ut parem rependat vicem Magnus *Wormius* noster, Institutiones suas Medicas cum aliis Exercitationibus Medicis hic editis mihi consignavit, quamprimum ad Te mittendas, si, ut accepi, vergente autumno ad vos rediturus est Legatus Regis Vestri Christianissimi, Tibi ob patrem haud ignotus. Qui, si volet, deferet quoq; Physicam *Parentis*, & alia quæ Typographæ nostri parturiunt. Vale, Vir summe, cum Cl. *Moræo*, & si quæ Tibi exercitatissimo rara in calamum venerint, Observationibus nostris Medicis brevi prodituris, quæso ne invidas, Clarissimus *Wormius*, & fratres, &

spero, satisfeci, & aliis. Miror cur rus tibi in mentem venerit? Quid verbis illis sinistrorsum acceptis cum rure commercii? Si rus olent, innocentia sua & simplicitate se tuebuntur, nam & ruri aliter olent sues aliter catuli. Prolixiore verborum amicorum apparatu in presenti supersedeo, quia publica negotia graviora me revocant, & Alcides Hofmannus mihi est debellandus. Tu, mi Nihusi, omnia in meliorem interpretare partem & certò credas mihi esse antiquius nihil, quam amantem redamare. Vale itaq;, Vir clarissime, & quod olim suasi candido animo, publicas lites seponamus. Hafniæ XIII. Maj. clō Ibc XLVIII.

Thomas Bartholinus.

EPISTOLA III.

De situ valvule coli.

JOHANNI SPERLINGIO. Witteberg.

GRatissimum fuit munus amica manu nuper per internuncium vestrum mihi transmissum vel hoc nomine quod ad amicitiam tuam, quam semper ambivi, viam straverit expeditam. Labores in publicum commodum quis non æstimet aut amet? Antiquum id tibi & proprium videtur, cujus quippe cruditoris

Dd 3

pennæ

pennæ fructum non Autumni singuli, sed
nundinæ spondent. Remitto debendi reus
vindicias meas illi oppositas, quem, ut ex Phy-
siologia tua Doctissima perspicio, & novisti &
lectitasti. Citius illæ natæ, quam coquantur
asparagi. Quod si bono feni vita sit superstes,
quod ferio voveo, vel ipse inveniet ex ingenio
quæ culpet, vel alios fortasse subornabit.
Quidquid futurum sit, pari animo h. e. intre-
pido excipiam. In motu thoracis ab eo feci
discessum, cui tu planè acquiescis, vel fanè,
quia collata inter se Hofmanni & Laurentii
verba tantum affers, iudicium tuum suspendis,
alioquin in his subactum. In situ valvulæ colli
nullus planè cum Bartholino dissensus, si pro
vario & anfractuoso intestinorum situ illud
fursum, deorsum, rectè accipias. Tu enim cor-
pus respicis & rectum ad inferiora excremen-
torum descensum, nos intestinorum positum.
Sed res ista non meretur divortium, nec opi-
nionum, nec amicitiae. Tu Vir Doctissime,
benè vale, & me, ut cœpisti, porrò ama tui
studiosissimum. Saluta quæso meo nomine
Grovium, Scavenium, Resenium, inprimis
magnum Collegam tuum Buchnerum.
Hafn. XXIII. Decemb. clc Idc XLVIII.

T. T. Thomas Bartholinus.

EPISTO-

EPISTOLA IV.

Pro Respiratione Cartesiana.

THOMÆ BARTHOLINO

Hafniam.

HENRICUS REGIUS S. P. D.

Accepi Vindicias tuas Anatomicas, ad me per Conterraneum tuum missas. Certè ingentes tibi, pro honore exhibito, habeo gratias. Perlegi illas, ac summopere tuam singularem in Patrem pietatem, singularemq; in adversario refellendo dexteritatem & solertiam, summamq; eruditionem sum miratus. Nihil video, quid ab illo reponi possit, præter inanes pervicacis philautiæ & invidiæ conatus. Verum, dum respirationis rationem à Cartesio & me, per solam impulsionem aëris, ex dilatatione thoracis, pulmones necessario, citra ullam fugam vacui, ingredientis eosq; distendentis, rectè, ut opinor, propositam & explicatam, refellere conatis, magnopere, meo iudicio, errare videris. Causam potissimam tui erroris in eo sitam existimo, quod aërem æquè facile condensari atq; de loco deturbari posse; ac proinde dilatatione solâ thoracis, inter respirandum passim contingente, illum non necessario in pulmones impellendum, sed foris potius condensandum putas.

Dd 4

Cum

ne sese dilatantis, impulsu, satis commodè adigi possit. Hæc si paulò attentius considerare in animum inducas, non dubito, quin pro tuâ ingenii solertia & candido veritatis amore, facile pedibus in nostram sententiam sis concessurus. Forsan autem aliquid auxilii ea, quæ in Physicis nostris Fundamentis de Natura aëris & subtilis materiæ tradidimus, ad ad hanc rem præbere poterunt. Consobrinum tuum cum Chirurgis jam aliquoties invisi. Res ejus jam planè abeunt in melius, quo optima quæq; speramus. Mea cura, ubicunq; ipsi quicquam poterit prodesse, illa ipsi, tum tuâ, tum ipsius causâ, semper erit paratissima. Vale Vir Excellentissime, & rem Anatomicam ac Medicam strenuè promovere, meq; redamare perge. Dabam Ultrajecti VIII. Februarii Anno 1649.

EPISTOLA V.

De eadem disputatio.

HENRICO REGIO

Ultrajectum.

Benevolum Tuum de Vindiciis necessariis
judicium libenter legi, quod amem tantorum virorum probari censuræ ea quæ &
D d 5 pietatem

pietatem secum & veritatem ducunt. Respirationi Cartesianæ cur necdum assensum potuerim polliceri, aer efficit, quem dixi condensari posse, non necessario à thorace loco moveri & propelli. Difficultatem moves, credisq; facilius aërem ob summam fluiditatem impelli, quam condensari. Meo judicio contraria Tibi est Natura. Facilius enim leve corpus & exile comprimitur, quam propellitur, quia propulsio ad distans fit, compressio ad vicina. Majus autem robur ad illam, quam hanc requiritur. Dum de his cogito, sacculus plumarum ex avibus, quas Eider vocant, ex Islandia nostra mihi mittitur. Nostris culcitris in lecto sunt percommodæ, quia leves & molles. Plumis his aërem compara. Plumæ autem illæ facile levi manus compressione arcto sacculo compressæ includuntur, & angustum spatium occupant. Sibi verò relictæ extra culcitram vel saccum dilatant se & locum amplum implent. Ita motu thoracis quocunq; angustatur aer vicinus & condensatur, ut minorem locum occupet, nec necessario in thoracem regrediat, præsertim quia ubiq; obstacula invenit, quæ thoraci prementi respondeant. Si non prematur, dilatari concedo, & se expandere. In tali compressione violenta quacunq; ,
quando

quando condensatur, exprimitur ætherea illa materia, quam objicis quaq; antea dilatabatur. In machinis pneumaticis aërem condensari certum est, nec id negare audes, At per vim id fieri urges. Fateor, sed minore vi opus est in exili condensatione, quæ in aëre thoraci vicino sufficit. Et vim à thorace moto accedere, neq; vos negare potestis. Experimentum alterum à me adductum de respiratione per foramen in aliud cubiculum patens, diluere conaris, eo quod per januas, fenestras, & fissuras parietum aër penetrat. Sed & tardior & imbecillior est ille aër penetrans, quam ut pulmones & citò & validè implere queat. Si id non satisfacit, addo magnum vitrum angustî oris colliq;, & ampli ventris, per hoc vitrum ori arctò appositum, commodè nonnihil respiramus, nec tamen dicere potes, per poros vitri aërem penetrare à thorace impulsum, quia per vitrum non penetrare aërem, cucurbitulæ cuti affixæ demonstrant. Hæ fateor Difficultates me adhuc suspensum tenent. Non ero tamen in opinione hac contumax, si meliora videro & veriora. Tibi verò, mi Regi, multum debeo pro affectu quem consobрино meo fusè demonstrasti. Debendi reum me semper habebis, illiusq; amicos propiores. Vale, Vir celeberrimo, & publi-

publico bono diu vive, meq; ama, Hafniæ
XII. Februar. 1649.

T. T.

Thomas Bartholinus.

EPISTOLA VI.

Gratulatio Nuptialis.

THOMÆ BARTHOLINO

Hafniam.

ADOLEFUS VORSTIUS *ἐν πρᾶτλει.*

IGnosce, quæso, cunctatori in rescribendo
nimio, mi Bartholine, & credere noli Vorstii
tui animum immutatum ab illo tempore,
quo postremum nos vidimus; sed eundem
semper & fuisse, & futurum in posterum, hoc
est tui amantissimum. Hoc singularis tua eru-
ditio, hoc morum perspecta mihi suavitas,
nec sæculi hujus candor, tum datæ in discessu
hinc tuæ dextra fidesq; jure quodam suo à me
exigunt, imò vel ab invito extorquere possent.
Reliquisti apud nos, tanquam communis ami-
citiae obsides, par nobile fratrum, quale mihi,
ita si liceret, exoptarem. Uterq; ingeniosus,
uterq; diligens, & suis non indignus naturali-
bus, ac tanto Patre teq; fratre. Quam fui ga-
visus, quum debitum eximiae eruditioni Tuæ
virtu-

virtutibusq; in patria Academia obtigisse tibi locum intelligerem. Gratulor animitus istam tibi provinciam, quam & docendo, & scribendo ornare jam cœpisti. Quod uti quam diutissime possis, D. O. M. supplex oro venerorq;. Quæ Hofmanno, pro scriptis paternis præter meritum vellicatis, cordatè reposuisti, non potuerunt non placere. Tantum debebas Patris, τὴ μακαρίτης, memoriæ ac famæ, æternum duraturæ. De cætero, malim te contentiosis abstinere argumentis, quod animi tranquillitati, cui ego tecum præcipuè studendum esse censeo, hoc scriptionis genus obsit quamplurimum. Sed frustra ego hoc tibi occino, qui per te sapias, & pectus multa prudentia jamdudum habes imbutum, longisq; peregrinationibus subactum iudicium. Terentianum tamen illud in te competere noluisti, *Et quod beatum putant illi, uxorem duxi nunquam.* Non culpo, imò laudo quod animum ad eam appuleris. Desponsatam non ita pridem tibi audio virginem, quæ in ipso ætatis est flore, magno progeneratam Consule, unicam ac benè dotatam. Eveniat tibi benè feliciterq; istud matrimonium, optime Bartholine, & liberis hac via inclaresce, ut libris hæctenus. Lucem hoc adferre poterit tuis
de

de Veterum Puerperio Antiquitatibus. Jocos meos, uti confido, ægrè non es laturus, qui totus jam in Gameliis es, à quibus terrica omnia exulare oportet. Fratris tui Doctissimi *Alberti* Panegyricus funebris, magno Principi dictus, gratissimus mihi fuit, & semel iterumq; lectus, arrisit vehementer. Utique Trojani equi instar familia vestra esse mihi videtur, è qua & plures viri eruditione insignes jam prodierunt, & spes non incerta aut vana est, exoritueros insuper alios quoq; Grotius, Barlaeus, Vossius, magna illa scientiarum & literarum columnina esse desierunt. Veniant alii, qui, quod orbi literato horum morte est ereptum, restituant ac suppleant. Vale, Vir Clarissime, nec uno mihi nomine dilecte, cum tua suavissima *μελλο*-uxore, & me, qui totus sum tuus, ama. Salveant Consobrini tui Fuirenii à me officiosissime. Raptim Lugd. Batav. cło Ιεc XLIX XVI. April.

EPISTOLA VII.

De itinere suo.

THOMÆ BARTHOLINO Hafniam.

CL. SALMASIUS.

BInas tuas nuper accepi, Præstantissime Bartholine, quibus me benigne invitas domum

domum tuam. Pro qua benevolentia quam non meruisse me fateor quantum tibi debeam non possum exprimere. Enimvero etiam in Sueciam mihi per Daniam vestram pergenti vel tridui itinere deflectendum esset à recta via haud dubitarem eam moram properationi meæ injicere, ut Te viderem & amplecterer. Tuo tamen hospitio ne utar illud maxime prohibebit quod non solus eo sed cum conjuge, & præterea festino. In transitu tamen statui te videre, ut possim tibi præsens præsentem testari, quanti te merito tuo faciam, & quantum me à Te amari desiderem. Cum jam sim in procinctu itineris, non possum pluribus verbis ad te. Cætera coram. Interim amare me perge. Vale, Vir eximie. Leydæ XXIV. Maj. c15 15c L.

EPISTOLA VIII.

De Hofmanno & Riolano.

THOMÆ BARTHOLINO

Hafniam.

NUnquam dubitavi de constanti tua in me benevolentia, quanquam & itinerum ambages, & locorum distantia causæ fuerint dilatæ scæpionis tuæ. Nobilissimos illos viros, per

faciunt. Celeberrimo Wormio, Clarissimis Viris Fratribus tuis & Fuieniis ex me quoq; salutem & officia. Filius meus cujus meminisse dignaris Parisiis à 5. mensibus versatur. Utinam vero frequenter à te literas accipere liceret: id sane mihi foret jucundissimum. Vale. Basileæ ad diem III. Non, VIIbr. cId Idc L.

Tuus ex animo

Jo. Casp. Bauhinus.

EPISTOLA IX.

De variis apud S. Clementem mundis.

THOMÆ BARTHOLINO

Hafniam.

Dulcissimæ tuæ literæ, Vir Excellentissime & Experientissime, quas superiore autumno ad me scripsisti, tandem aliquando rectè ad me sunt perlatae, cum non parvo intervallo in vestra urbe detentæ essent. Satis verò ex iis intellexi amoris istius in me tui, quem præsentì mihi haut obscure ostendisti, constantiam: cui etiam nihil vereor, ne decesserit quidquam ex eo tempore, quo tuas literas scripsisti. Quod tuam de Cygno Diatriben literis junxisti, id quoq; pergratum mihi est, & eo nomine ago tibi gratias. Εμφυλ-

Ee

λιδες

Λίδες meæ, quas ipse ad Te misi, nullam partem merentur earum laudum, quas Tu illis tribuis in tuis literis. Neq; eò nunc ad te mitto alias quasdam, quod putem dignas esse, quibus legendis quicquam tribuas temporis, sed ut modò demonstrarem tibi, qualibus studiis, quamvis non satis feliciter, hoc in loco occupari soleam. Cl. Vossii iudicium de S. Clemente pronunciavi equidem paulò iniquius mihi esse visum. Neq; enim sustinui credere, Clementem tam fuisse absurdum, ut plures tales mundos, qualis iste est, cujus partem singuli premimus, somniaret existere. Putavi autem ita habendum omnino esse, Clementem *τὰς μετὰ τὸν ὠκεανὸν κόσμους* intellexisse magnas unius mundi partes, quæ alii mundi queant videri. Sic omninò mentem Clementis cepit Origenes *περὶ ἀρχῶν* lib. secundo. Deinde nec aliis Veterum magnas istas mundi partes fuisse incognitas planè, à Lipsio credidi, Grotio atq; aliis non inepte demonstratum esse. Sed Tu, Vir Excellentissime, alium sensum videri tibi S. Clementis verbis subesse, haud obscure significasti: quem & infelici huic ingenio perspectum esse credis. Vellem igitur, te mentem tuam paulò plenius exposuisse mihi super
 Clēmē-

Clementis verbis. Nam adhuc quidem nullâ conjecturâ eam ex literis tuis mihi licuit assequi. Peto autem abs te, ubi aliquid ad me literarum mittendum putaveris, de isto argumento me doceas amplius. Quid de Rep. Literariâ juvandâ nunc cogites, Vir Excellentissime, cogniturum me aliquando spero vel ex tuis literis, vel saltem isto, qui hæcce literas ad te perfert, interprete. Anatomiam tuam credo ad umbilicum jam perductam esse in Bataviâ. Certum tamen de eo cogniturum me spero, ut & de quibusdam aliis, cum Welſchius, cui hæcce do perferendas, ad nos redierit. Langius, antequam istinc abiit, recepit mihi, se literas aliquando ad me missurum, & de conditione suâ perscripturum. Nihil dum autem literarum ego accepi. Si te non latet ubi nunc gentium degat, *Φίλον κάρα*, quaq; conditione utatur, quæso te ejus ne me expertem finas. Cl. Salmasium, *τὸν θαυμάσιον*, fama est in Suecis adhuc esse & conflictari illic morbo quodam. Servet nobis Deus imprimis istum Virum amplius incolumem. In nostrâ Germaniâ acres Theologorum pugnas nondum desiisse, crebris rumoribus credo ad vos perferri. *Ἐχθα Ζῆλον*. An verò καθ'

Μηνύων semper, ipsi viderint. Longum Vale,
Vir excellentissime, & me sic, ut cœpisti, perge
amare. Rostochii III. Kal. Junias, Anno
cIdo Idc LI.

Tuæ Excell. sincerus cultor

M. Johan. Vorstius.

EPISTOLA X.

De Miltoni scripto judicium.

THOMÆ BARTHOLINO Hafniam.

INstar beneficii fuit, quod Miltōnum Salma-
sio adjunxeris. Si quid judico, nihil olim
tam dispar fuit in armis Glauci & Diomedis.
Pugnat Salmasius fortioribus telis, omniumq;
seculorum consensum ad partes vocat. Alter
verò obsistit, quā potest, circumit, discurrit,
mutat in cornu pugnam, ut copias instruat
provehendis turbidis consiliis pares. Ubi ne-
cessaria defunt argumenta, cavillis rem agit,
& ut affectus suos ulciscatur, Salmasium mo-
do Grammaticum modo ardelionem vocat.
Temporum nostrorum summa est infelicitas
quod ejusmodi scribendi materiam suggerat.
Calamis hætenus res acta est, aliter brevi ar-
gumentum istud tractabunt hinc Scoti illinc
Angli,

Angli, cum res ad manus atq; mucrones devenit. Optarem Anglos eodem successu pugnare, quo scripsit Miltonus, ut tandem temeritatis suæ poenas luerent. Vertat se Miltonus in omnes, quot potest formas, nullis undis tantam gentis suæ labem eluet. Habet quidem speciosa subinde nomina, semper tamen velut funebre velum cadaver tegunt. Me verò mi Affinis vicissim habebis debendi reum, quod ejusmodi novis scriptis ex intervallo me recrees. Invideo vobis tantam librorum supellectilem, quorum Hafnia hisce Comitiis, confluentibus undiq; Bibliopolis præter solitum fuit ferax. Sed ætas mea eo est in flexu, accedente longâ, qua tabesco, ægritudine, ut has epulas aliis cogar relinquere. Vale affinis suavissime, meoq; nomine Socerum, conjugem & filiulam officiosè saluta. Arhusii 6. Julii 1651.

Semper Tuus.

Jacobus Matthias D.

EPISTOLA XI.

*De Chelidonio, Gryphe, Pisce cornuto,
sudore sanguineo & lacteo.*

THOMÆ BARTHOLINO

Hafniam

Nunc tandem desideratum fortassis lapidem,
Ee 3 dem,

dem, aut si mavts lapideum cornu mitto, uti-
nam spem conceptam præsentia sua non fru-
straretur, vix tanti, puto, res, uti considera-
tionem tuam hac in parte mereatur, alia ali-
às, quamquam illa minutiora, adveniente æ-
state, si Deus volet, oculos tuos intrabunt, pu-
ta frustula Unicornu haftenus pro vero mihi
habiti. Chelidoniorum, quos vario colore ac
specie vivis juvenularum hirundinum ventri-
culis exemi, multos perquam similimos repe-
ri in ora maritima, sic ut facile Plinio credam,
præterquam quæ de ipsorum virtutibus fabu-
lantur, eosq; inde à grandioribus, aliave flu-
minis ripa collectos recens exclusis pullis per
rostrum inferi atq; intrudi, quo delicatulus
ventriculus spatiosior factus, escas suas, ver-
miculos, insecta, eo facilius citiusq; recipiant,
& ad avolandum maturentur. Habui non ita
pridem in Germania ungulam corneam, quæ
curvaturâ ferè ulnam longitudine æquabat,
præter id, quod ubi radices egerat resectum
fuit, ob soni credo reflexum, quippe ejus in
venatione quondam usus, gryphis ungula ali-
quibus credita, cui equidem fidem haberem,
nisi ex Herodoto Plinioq; commentum esse
quæ de gryphe feruntur, edocerer. Ejusmodi
ungulam in templo pagi cujusdam ad primum
lapi-

lapidem Helmstadio, pendentem vidi è lacuna-
 ri, cæterum longè huic dissimilem, etiam mi-
 norem, Hildesii item si benè memini aliam
 vidi in Templo S. Michaelis quæ falso pro un-
 gula gryphis habebatur, verius cornu capri-
 num videbatur, sed hujusmodi in thesauris
 Wormianis inquirenda. In cornua incidi,
 de iis referam novum quid, mihiq; hætenus
 planè inauditum, Nestedii Scelandiæ oppido
 priori anno lucium piscem ingentem atq;
 multorum ut apparebat annorum captum esse,
 cornu ipsi media fronte firmissime adhærente,
 longitudine digiti, ejusdemq; fere ad radicem
 densitate, paulatim in extremitate cuspidato,
 intus concavo, retulit mihi oculatus ejus rei
 testis. De Chymista (rectus Chémico) quem
 suspensum in Ducatu Charitinarum, ipsiq; ex
 oculis duo cornua longitudinis instar digiti
 enata vidit Kornmannus d. mirac. mort. P. 5.
 cap. 7. notius fortasse exemplum. Paucula de
 Unicornu attingo. Observatt. de eo. tuat.
 c. 29. agitur de signis veri Unic. de ebullitione
 videlicet in aqua, de circulo venenatum circum-
 ducto, de sudore &c. Priora duo in meo de-
 prehendo, de sudore ambigo, quem ipsi nec
 inesse nec competere ullo modo posse tecum
 puto, emisisse tamen etiam sanguineum, &

homines & columnas, maxime ligneas, aut miraculosè, aut arte Dæmoniaca historiæ loquuntur. Prioris est instar in Salvatore nostro in hortu, ubi superata nimirum iræ æterni parentis magnitudine, naturâ nostrumq; pressus criminû mole sudorem dicitur emisisse sanguineum. Apud Thuanum legisse memini: militum Præfectum quendam, urbi Galliæ in præsidium datum, audita subita hostium insperataq; urbis expugnatione, captumq;, mortis horrore, sudorem illico stillasse sanguineum, quo pacto & Gismariæ Hassiæ opido, anno h. f. 30. miles quidam præsidiarius per integram horam sanguinem sudarit, prodidit Joan. Philip. Abelinus Continuat. Hist. f. 97. ad an. 30. Petrarcha gravis autor Sacchino, memorabil. ultimo columnam ait marmoream Romæ sudasse sanguinem. Crucifixi imaginem quandam in Rhodo Turcarum telis petitam, sanguinem aliquando stillasse, sibiq; dum loca illa perlustraret ostensam scribit Salom. Sweigger. Itinerar. sui l. 3. c. 8. Cujusmodi & mihi ante annos Hildesii visa in templo D. Pauli, ab Equite ebrio globo è bombarda manuali emissio trajecta sanguinem per aliquot dies stillans. Sed quod admirationem simul & considerationem meretur, accidit, ut elapsis pluri-

pluribus annis Hanoveræ, quæ mihi lucem dedit, vetustæ domus trabs liquorem aliquamdiu stillaret, imò effunderet lacteum, me etiam tum puero in denso hominum confluxu id ipsum spectante, multi hoc tum temporis ad causas naturales trahebant, quemadmodum Psellus, quod alii imposturæ fraudiq; Sathanæ tribuebant. Muros quoq;, panem, alia, sanguinem sudasse exempla mihi tum notata, tum visa, quomodo verò suspensi cujusdam Myrtilleti in Palatinatu cadaver per integros 14. dies in furca sanguinem sudare se vidisse scribat Kornman. loco ante citato, non capio, velim, si molestum non fuerit, abs Te erudiri, puto quæ hujus commatis sunt, apud Magiæ scriptores indaganda. Sed leges supergredior epistolæ. Ignosce, pro tua humanitate, quæ cum alias, certè & hic proclivis erit ad veniam, dabis interim hoc ingenuo meo erga Te amoris, si pro voluptate fortean tædium ceperis, dabis hisce temporum calamitatibus, quod hodiernus primum dies diuturni literarum silentii finem attulerit. De cætero satis habuero, tuam mihi gratiam, favorem, amicitiam, quibuscumq; possum maximis humanitatis officiis demerere, nomenq; tuum, decus Daniæ, in fronte epistolæ licentius (da veniam) exponere.

ponere, argumentum tuæ humanitatis patiter
atq; authoramentum meæ in Te observantiæ.
Vale. Dab. ex Insula Bornholm. VI. Eid. Xbr.
anni cId Idc LI.

T. observantis.

Justus Bertramus.

EPISTOLA XII.

De edendo Seneca vulgari.

BRIGITTÆ TOTTIÆ de Turebye Soram.
Ingentis officii memor calamum laudibus
tuis implerem, si vel par ego essem, vel tu
satis laudari posses. Ego certè ne minimis
sufficio, at tu, Matrona Perillustris, vel maxi-
mos antecedis. Sexus nostri jam nos pudet,
nec in mento nec mente habemus, quod nos
amplius vindicet. Vincimur, & sequiori se-
xui fasces submittimus. Ignosce quæso, Hero-
ina, iniquius verbum loquendi consuetudo
extorsit. Ad sequiores amandamur nos &
sexum mutamus. Tu decus feminei sexus u-
trosq; supergrederis, hisq; monstras quid esse
possint, illis, quid debeant. Hunc animum
nobis Viri optamus magis quam assequimur,
& vestræ demum felicitati incipimus invidere.
Obmu-

Obmutuisse credidimus seculorum lapsu Sibyllas, & antra sua æterno silentio occupasse. Cæterum in Te redivivas veneramur, & clariores illas credimus, quia Te videmus. Pluribus non audeo, quia infra minima subsisto. Constans loquitur semperq; sibi similis Stoa, cujus in te patrocinium felici conatu suscepisti, loquatur Seneca, cordatæ philosophiæ assertor, quem penè expositum & derelictum adoptasti. Sed in tanto præclaræ mentis fastigio graviter peccabis, si procos Senecæ invideas, aut cordatos ejus sensus intra parietes tuos illustres cohibeas. Sat tibi placuit, & tu illi. Aliis quoq; loquatur & vivat. Æternum erit meritum multarumq; salute pensandum, si in Stoam alios aliasq; admiseris. Noli tantum in mortales nostras beneficium, tuâ culpâ pereat, cujus ore Seneca loqui amat. Tibi debebitur soli si ab omnibus pari facilitate audiatur, qua tu ab illo. Sic sexum vestrum lucraberis, sic nos omnes, qui sexum beatum amamus, qui adversa fortiter, prospera prudenter & animi quadam moderatione & constantia ferimus. In literatorum censum adscripsit feminas Schurmanna, invidenda Belgio anima, & adhuc inter vivas merens, tu inter beatas numeraberis, si tam lubenter animi mo-

mi motus apud illas correxeris, quam illa animum ipsum. Utriusq; æqua apud te potestas, quanquam pro passionibus intercedam, quia de reliquis spes decollavit. Omnia tamen arbitrio tuo relinquo, quæ publicam utilitatem invidiæ & pravis judiciis, ex veterum placitis, nosti præferre. Deus Te, Generosa Matrona, diu servet sibi, tibi, nobis. Vale illustre feminarum sidus, & me inter virtutum excelsarum cultores numera. Hafniæ XX. Decembr. 1651.

T. T.

Thomas Bartholinus.

EPISTOLA XIII.

De novo cbyli Receptaculo & Hepatis usu.

HERMANNO CONRINGIO Helmstad.

TAndem rupto silentio Te affari audeo, Vir summe. Audaciam hanc humanitati Tuæ imputabis, & famæ illustrissimæ, cui dudum ex debito assurrexi, spemq; fecit indubiam Cl. Arnisæus noster, homo ad magna natus, hoc officii genus quaecunq; tibi placitum. Nec tamen clausam hætenus in præcordiis his virtutum tuarum venerationem in præ-

præsenti propalasset, nisi publicum me movisset. Nolo per partes repetere maximi ingenii & immensæ lectionis monumenta, quibus universum orbem & me quoq; aut docuisti, aut excitasti. Cæterum siquidem doctissimo calamo chyli vias & generationem, Libro De Sanguinis Generatione, es complexus, patere quæso, ut de novo chyli Receptaculo, judicium tuum in his subactum exquiram. Observavit Jo. Pecquetus Gallus in nupera Dissertatione, inauditâ & supra ætatem felicitate, novum chyli Receptaculum, sub mesenterio supra lumborum vertebrae inter musculum *ψόας*, chylum ex venis mesenterii lacteis exsugens, eundemq; refundens per candicantes ductus continuo tractu ad subclavios ramos, in quos inferuntur, ubi circa jugulares externas intra venam cavam mixtus chylus cum sanguine miscetur ad cor transiturus: ad Hepar verò nullam venam lacteam deferri vidit, unde transcolatorium jecori tantum usum assignavit. Miraculo vicinum, rem manifestam tot seculorum oculis imposuisse. Sensibus ipsis assensum non denegabimus. Sedulò in rei veritatem inquisivi, sectisq; canibus & evisceratis, quarta circiter post pastum horâ inveni

veni clariora omnia & quædam ab ipso Pec-
queto non animadversa, Receptaculi nempe
cavitatem insignem, sub rene sinistro sitam,
tubulos duos tumidiusculos utrinq; sub dia-
phragmate latentes, qui modò juncti modò
intermediis ramulis sejuncti per spinam dor-
si ad subclaviam sinistram adscendunt, in
quam chylum eructant, ut digitis præment-
ibus videre est & cultro. Cæterum in hepar
quoq; ex mesenterio diffundi ramulos lacteos
observare mihi visus sum, unde nolim pror-
sus in exilium agere epar, sed partiri credo
cum corde sanguificationis opus, quia copio-
sior in mesenterio est chylus quam per solas
vias illas novas in thorace satis exiles traduca-
tur. Forsan igitur tenior chylus ad reficien-
dum cor statim per novos ductus fertur, unde
subita virium ab assumptis restauratio, cras-
sior verò longioris coctionis indigus hepar
ingreditur. Certè alimenta crassiora in ven-
triculis canum adhuc supersunt, tenuioribus
in Receptaculo & novis ductibus copiosè di-
stributis. Sed de his tuam sententiam expec-
to, donec alia fecero experimenta in Urso,
quem in hunc usum servo, & homine post
pastum strangulato, quibus Serenissimus Rex
noster, Regiam suam præsentiam nobis cle-
men-

menter condixit. Responsum quæso ne differ, ut de omnibus te applaudente sim certior antequam meditata de his Dissertatio lucem videat. Ex prælo prædiit Anatome mea Reformatæ, in qua non semel illustre tuum nomen advocavi, quod hic & ubiq; eminet velut in campis tumuli & tori in coronis. Vale, Vir Incomparabilis, ut Respublica literaria per te diu valeat, & me tui observantissimum, inter amicos numera. Hafniæ XX. Decembr. 1651.

T. T.

Thomas Bartholinus.

EPISTOLA XIV.

*De Lacteis Pecquetianis responsio
& dubia.*

THOMÆ BARTHOLINO

Hafniam.

Literæ tuæ, Clarissime Bartholine, mirificè me exhilaravere, idq; multis nominibus. Jamdudum enim ex quo Anatomica paterna elegantissime abs te bis recensita, & quæ de Animantium lumine, latere Christi aperto, Armillisq; veterum edidisti in manus meas pervenere, suspexi ingenium tuum, boni pu-
blici

blici studiosum atq; ad solidā gloriam erectum, nec minus varia doctrina subactum excultumq; : ausus etiam sum reipublicæ literariæ & nostro huic seculo præclarissima quæq; de te polliceri, ubi vidi indicem aliorum abs te editorum librorum complurium. Itaq; cum jam ante amarem te prout merebatur virtus & doctrina tua, vehementer fane sum gavissus, quando ex literis tuis intellexi provocari me quasi abs te ad ipsa penitioris amicitiae sacra dudum desiderata. Quidni vero etiam me exhilarent illæ, quibus me prosequutus es, laudes? Quamvis enim rectissime omnium ego intelligam quantum illæ captum indolis meæ excedant, non potest tamen non me afficere impetus ille magni tui erga me amoris. Esto igitur inter nos, mi Bartholine, impofterum vera & solida amicitia, quoniam ita vis: nec enim patiar in me quidquam desiderari, idq; ut tibi persuadeas, etiam atq; etiam rogo.

Haud parum vero delectaverunt me etiam literæ tuæ elegante illa Pecquetiana observatione Anatomica, tuo studio industriaq; egregiè exculta. Ne fando quidem de illa hætenus mihi innotuerat quidquam, eoq; illa quidem doctrina omnino mihi insperato accidit. Adco verò desiderium, oculis rem illam novam

vam

vam contemplandi penitus, in me accendisti, ut simulac nonnihil otii à laboribus alienis plurimisq; (qui me tantum non conficiunt) hactus sum, itatim ad vivorū canum *ἀνατομήν*, vetera mea oblectamenta; redierim. Nec vero ad tuas respondere, nullo facto ante experimento; fas duxi; quia haud aliā de causa perinde fui hactenus in respondendo tardior. Ita autem est, mi Bartholine, prout narras: omnia qualia descripsisti & ego hic inveni: sed & vidi præterea ramulos varios à lactea illa thoracica in cavam venam sparsos. Quin imò spem certam concepi, fore brevi, ut alii novi ductus connexionesq; lactearum cum venis inveniantur hactenus incogniti. Neq; vero copia lactei chyli & angustia paucitasq; hactenus cognitorum vasorum; aptorum in id uti chylum ex receptaculo possint aliò transferre, me quidem permittit dubitare de aliis hactenus ignotis viis. Ut sanè per illum à Pecquetio inventum ductum omnis possit meare; *ἔν ἐστ τῶν ἀδυνάτων*. Nimis etiam paucæ sunt & angustæ venulæ quas in venam portæ, in cava hepatis, in venam cavam, inferi dudum cum aliis tum etiam mihi, (quicquid negat Pecquetus) est observatum. Jami ante decennium nonnihil aliquid ea de re sum suspicatus;

Ff

tus;

tus, quod habetur pag. 81. libri de sanguine e-
 ditionis Batavicae: imposterum si ferant ne-
 gotia curiosius inquiram, imo vero Tu, feli-
 cissime Bartholine, invenies. Efficiunt verò
 adeo diversæ lactearum connexiones, ut ma-
 gis magisque declinem in antiquissimi ævi illam
ᾧ ἐν αἵματι ὥστεως sententiam, nempe *ἐξ αἱμα-
 τῶν* (ceui loquitur Aristoteles) sive primum
 sanguinis rudimentum passim in venis fieri,
 adeoque in hepate non nisi *κατὰ συνβεβηκός*,
 in corde autem quoniam ibi calor est maxi-
 mus ultimum accipi complementum; non
 quod omne eo momento quo in cor pervenit
 statim perficiatur [id enim vetat me credere
 is qui sanguini permistus est *ἰχθὺς* crudus,
 quem per cor traductum esse nullum est dubi-
 um qui tamen nondum plene excoctus est] sed
 quod tamen vi caloris nusquam ita queat
 perfectionem suam ultimam consequi. Certe
 paucitas illa & angustia meatuum lacteorum
 qui in hepær pergunt non permittunt, uti cre-
 damus imposterum hepær præcipua quadam vi
αἱματοποιητικῇ valere. Et vero videtur na-
 turæ rerum rectius consultum si chylus variis
 multisque in locis cum venoso sanguine miscea-
 tur, quam si omnis uno loco temporeque con-
 ficia-

ficiatur: hoc fanè longè est difficilius quam prius illud. Num illa cum jugulari connexio singulatim faciat aliquid ad citam restaurationem virium cordis (ut affirmem tibi quod sentio, Vir Clarissime) multum dubito. Primo enim æquè expedite & brevis via videtur in cor ex hepate aut vena cava abdominis, & omnino ante illam connexionem ramuli, ceu ante dixi, sparguntur in cavam qua parte cordi est propinquior atq; est jugularis externa. Secundo in illa thoracica lactea nihil reperias nisi aliquot à pastu horis: ut proinde chylus ex cibo crassiore confectus videatur per hunc meatum deduci, is autem non est adeo facilis & idoneus ad restaurandas corporis vires. Hæ scilicet sitæ sunt in illo animali igne, quem pinguiissimis sanguinis partibus ali, fortassis haud vanis argumentis probavi libro de Animalis Igne.

Sed quid ego tibi narro cogitationes meas? tuas potius unice exspecto, quanquam pro recentis amicitiae jure libere apud te sententiam impofterum sum dicturus. Vale Vir Clarissime & plurimum salve 6. Febr. 1652.

à Tui nominis studiosissimo

H. Conringio.

Ff 2

P. S. Mihi

P. S. Misi nuper libellum de Electione Paparum: eum spero jam redditum. Ejus auctarium ut & librum de Germanicorum corporum habitu secundæ *Εκδοσεως* habebis prope diem. Quod si & reliquorum quid meorum petieris, mittam; si quidem ad manum fuerit. Rogo verò ne graveris meo nomine salutare magnum illud Hafniæ imò omnis Septentrionis ornamentum Wormium, epistolari consuetudine mihi quondam familiarē.

EPISTOLA XV.

De Generatione Harvei.

HERMANNO CONRINGIO Helmstad.

Maximi beneficii loco fuit, Vir Summe, quod ad literas meas non ita pridem respondere non putaveris infra dignitatem, & amicitia tuâ me dignatus sis; qua nihil unquam habui antiquius, felicemq; me æstimavi tanti amici, omnium calculis doctissimi & candidissimi accessione. Quantum in me erit tuo honori & famæ æternæ litabo semper. Quid de ingenii mei laboribus benignè judicaveris, quia tenuitatis meæ mihi sum conscius, amori potius in me & humanitati adscripserim quam

quam meo merito. Quam vellem alios tam modestos æquosq; mihi censores optare. Ad observationem Pecquetianam quod operam tuam contuleris, publico nomine gratias ago. Inseri ramulos in cavam elegans inventum est, & dignum tuo cultro. Cætera quæ de partita chyli distributione eruditissimè disseruisti, digna judicavi quæ publicè quoq; legerentur. In nonnullis dissensum planè amicū à me profiteris, præsertim circa subitam virium restorationem, argumentis ingeniosis-
simis, quibus pauca reposui ea modestia & amoris fiducia, qua amicū integerrimū decuit. Nec ægrè feres pro candore Tuo incolūmi amicitia nos dissentire. Tuæ tamen censuræ libenter acquiescam meliora edoctus. Mitto Historiam Anatomicam De Lacteis Thoracicis, in qua brevibus sum complexus, quidquid hætenus de illis observavi, tuo iudicio in solidum committendum. Plura nova inveni, quæ propediem in lucem mittentur, si Deus, si valetudo, si occupationes permiserint. De Electione Paparum, quæ misisti, internuncii negligentia perierunt. Submersa aquis Pharmacopola referebat, qui nomine Tuo me salutavit plurimum. Majori voluptate ad nullius scripta legenda accingor, quam

ad Tuam, ex quibus quisq; discit quantum & velit & possit. Librum de generatione sanguinis & chyli, de Igne Animali, & Introductionem ad Naturalem Scientiam, cedro digna opuscula Bibliopolæ ad nos detulerunt, uti & observationes *Salmuthi* à te vindicatas. Reliquorum operum copiam si ex condicto mihi feceris, grato animo semper agnoscam. Paria repromitto, si vel verbulo monueris. Non dubito ad manus vestras pervenisse Harveji nuperas de Generatione Animalium Exercitationes. Nisi molestum fuerit, quid sentias, scribe. Nihil tribuit semini seu virili seu muliebri, sed utrum turgere à spiritu vel ex semine ipso vel à toto corpore profluente aut irradiante. Varias habet observationes, & more suo *αὐτοψία* pugnat. Riolanus Enchiridii partem alteram meditatatur, cum Response ad Gassendum, Harveum, Highmorum, Pecquetum, & Slegelium, quam brevi ad me missurus est. Rothomagi prodiit Giffarti quoddam opusculum, de Lactis generatione, cui se opposuit Auzotius Parisiensis doctissimus. Sed quid hæc coram Te, Conringi Clarissime. Tua potius expectamus, cujus jam orbi innotuit virtus, & eruditio summa. Vale,
Vir,

Vir summe, meq; Tibi addictissimum, ut coepisti, amare perge. Cl. Wormius noster, officiosissimam Tibi, amico veteri, per me salutem transcribit. Hafniæ 24. Maji 1652.

T. T.

Thomas Bartholinus.

EPISTOLA XVI.

De Pecqueti invento.

THOMÆ BARTHOLINO Hafniam.

EUimus Spectatores hisce diebus, & ego & nonnulli alii literarum ac rerum studiosi, istius εὐρήματος, de quo a. d. X. Kal. Januar. ad Γενικάσιον nostrum Conringium scripseras, pro quo Picqueto quidem primum, à quo tam singularis & nobilis Naturæ latebra detecta fuit, mirificas gratias ac planè ingentes debemus, deinde Tibi, quo & internuncio & adjutore ad nos primum illius notitia pervenit, ad quos quidem multis de causis, si absq; Te fuisset tardius pervenisset. Sed quoniam adhuc privatim inter paucos res peruestigata est, alienum sit pluribus nunc agere, donec incomparabilis Viri Conringii cum ingenium tum diligentia accesserint, quem per hos dies

occupationes sic distentum habuere, ut manum adhibere ipse, & rimari omnia ἀκριβέστερον minimè potuerit, quod tamen eum propediem facturum non dubitamus. Interea quod in iisdem literis tam amicam mei, tamq; præclaram & honorificam mentionem fecisti, non minus Tibi privatim hoc nomine debeo, quàm propter eruditionem & præstantissimas Virtutes Tuas publicè, quare velim Tibi persuadeas, me, quanquam is sum, qui neq; præstare aliquid prædicandum & magnum, neq; operam navare amicis pro voluntate sua possit, tamen nihil carius aut antiquius unquam habiturum, quàm si Tu intelligas, mihi amicitia Tua neq; jucundius & gratius, neq; honestius & præclarius contingere quidquam potuisse, Vale πολυμαθέστατε Bartholine & me ama. Scrib. Helmstad. in Acad. Julia a. d. propriid. Id. Januar. An. clō Ioc LII.

Nom. & Dignit. T.

Devot.

Fridericus Arnisæus.

Mirum quantum Tibi deberemus Excell. Bartholine, si Exercitationis illius Picquetianæ exemplum ad nos perferri posset καλὴν ἔργον, in qua re affinem meum Opt. Virum Samue-

Samuelem Mejerum non defuturum sumptibus esse, penitus certus sum. Quare, si ita mihi apud Te licet, ut id curæ habeas vehementer etiam atq; etiam à Te contendo. Iter. Vale.

EPISTOLA XVII.

De Pulchritudine Christi.

THOMÆ BARTHOLINO Hafniam.

ANimum tuum in me propensissimum, literis tuis aliisque documentis testatissimum, gratâ mente agnosco; Gratiasq; tibi ingentes habeo de misso libello tuo lectissimo, quem pervolanti quidem oculo inter concatenatas occupationes sed non sine aviditate ac animi voluptate perlustravi. Limata atq; exasciata illa tua de Cruce Christi Hypomnemata mihi mirifice placent. Reconditam namq; Eruitionem produnt, & orthodoxæ veritati, quantumvis nova, non adversantur. Hypomnema tuum, de Sudore Servatoris verè sanguineo, veræ humanitati Christi adstruendæ oppido inservit; Eodem tu παῖς μου Christi vera & acerba fuisse, Christum omnes infirmitates nostras expertum, quin crimina nostra sanguinea sudore Christi verè sanguineo

expiata esse, piè asseveras. Particulam ὡς, in phrasi ὡς ἰερεῖς αἵματι, ritè & dextrè explanas, ipsâ non invitâ Scripturâ: Etenim consimilis phrasis occurrit Joh. i. v. 14. καὶ ἐθεοοίκησα τὴν δόξαν αὐτῶν, δόξαν ὡς μονογενὲς παρὰ τοῦ πατρὸς; ubi particula ὡς (quæ per Apocopen eadem est cum ὡς, ejusdemq; significationis) notat non ἐμοιό-της sed ὁμοσιότητα vel ὁμοουσίαν. Salmasio equidem ceu Primipilo Literatorum herbam porrigere fas est; neutiquam tamen est adeò ὁ πᾶν, tantævè autoritatis, ut tuam de facie Christi sententiam ipsius opinioni, quam le-ctorem ἐν προόφω mones, præferre non au-
sim. Nicephori autoritati antiquorum Pa-
trum testimonia prævalere nequeunt, nisi hi
magis quam ille vivam Christi faciem ἀντίπαι-
aspexerint. Priscis numismatis vultum Serva-
toris exactè repræsentari, argumentum est vix
Topicum, nedum Apodicticum. Quam fal-
lax sit fides & autoritas numismatum in ex-
primendis iconibus, affatim testantur nummi
nostræ ætatis, quorum pleriq; vultus Magna-
tum, omnium judicio, fallacissimè expri-
munt. Facies Servatoris pulcherrima tantum
abest servili ejus formæ & conditioni obstat,
ut

ut τὰ πρὸν ὥσεως, ἐλαττώσεως καὶ κενώσεως statum, quo ille velut profundissimo pelago immergebatur, quàm maximè illustret: Conspēctior sane est contemptus, quando speciosus habitus & pulcherrima facies, quàm quando deformis habitus aut teter vultus, deformatur, conspurcatur, obscuratur; Enimverò contraria juxta se posita magis elucescunt: Exinanitioni magis conforme est ex pulcherrimo teterrimum quàm ex tetro tetrum aut ex deformi fieri deformem. Sicut Servator, exinanitus, Divinitatis Majestatem, personaliter communicatam, non exseruit; ita humanitatis formositatem suscepit, ut per Exinanitionem ea deponi & cum deformitate commutari posset Esa. 53. 2. 3, Persuasum habeo Patres Nicephoro antiquiores non aliam vultui Christi adscribere deformitatem, quàm quæ ex formositate per exinanitionem facta sit. De Christo ejusq; vultu, cum hic spinis laceratus, pugnis contusus & sputo conspurcatus esset, demum (non antea) dicebat Pilatus, Ecce homo! Herodi Servatorem ludibrio extitisse ob vultus deformitatem, plasma est humani cerebelli atq; commentum ἀγχα-
Φαν. Pulcherrimus præ filiis hominum perhibe-

hibetur Servator propter decorem tam corporis quàm animi: Pulchritudo proprie est Qualitas externa, in oculos incurrens, ac proinde tribuitur corpori *πρώτως* & proprie; animo verò *δεύτερως*, & improprie seu Metaphorice. A literali & proprio sensu non recedendum, nisi id strictè urgeat necessitas, analogia fidei, aut ipsa Scriptura. Salmasii rationibus inductum, sententiam te tuam, veri longè similiorem, vel mutasse vel mutaturum ægrè fero. Amicus mihi Salmasius; magis tamen amica veritas, adeoq; magis mihi amicus Th. Barth. Casp. F. Quæso, Clarissime Vir, qui Salmasium impense amas, veritatem ama impensius, & pristinae sententiæ tuæ, Salmasianâ saniori ac meliori, cordatè immorare. Maacte præclaris ausis, bellissimè vale, diutissimè vive, mihiq; Tui amantissimo in offenso tenore fave. Dabam ocyus Lund. 8. Januar. Anno 1652.

Tuus ex animo

P. Winstrupius D.

EPISTO-

EPISTOLA XVIII.

De Picqueti inventi Utilitatibus.

THOMÆ BARTHOLINO

Hafniam.

QUum mihi Optatissimum sit, ubi me sentio diligi à Te, propterea quod nihil homini Sapienti arbitror evenire posse jucundius, quam si bonis se placere intelligat; beasti Tu me quidem, cum singulari comitate Tua; tum candore atq; ingenuitate propè incomparabili, Excellentissime BARTHOLINE; qui tam diligenter tuearis officia constantis amicitiae; quasi ego id mererer maxime; quem Tu scire potes neq; his Virtutibus præditum; quæ amorem cujusquam postulent, tum ab eruditione ita imparatum esse, ut nec Tuo respondere possim; nec pol meo ipsius judicio. Quare quod amori Tuo indulges erga me; est id quidem totum comitatis & mansuetudinis Tuæ, quam si ego rependere vel perpetuis studiis meis me posse confidam, impudens sim atq; etiam ineptus; quod potest enim esse officium tantum; ut comparandum sit cum Clarissimi hominis integra & constantissima benevolentia? Atq; illud propè admirabile, quod quum ad Te scripsissem me teneri desiderio legendæ Exercitationis novæ Picqueti;

de

de qua mentionem feceras in Tuis ad me literis, ubi exemplum ipsum, quod unicum erat, perferri non posse intellexisti, ultro laborem sumisti non exiguum, eaq; descripsisti manu Tua, quæ propius spectabant ad quæstionem propositam, qua quidem opera Tua id effecisti, ut nisi ego invicem rem gravissimam & factu maxime difficilem exhausero, existimem me hominum vivere ingratisimum. Quid verò ego sentiam de re illa universa (quanquam non is sum ipse, qui nimium meæ fidam sententiæ, aut eam valere cupiam in tanto numero rectius judicantium, tamen ut dicere incepi, quid ego sentiam de tota re, si quis ex me quærat, nimirum primum felicitatem Picqueti laudem, & diligentiam prædicem, & hoc seculum etiam atq; etiam beatum dicam, quo solo, atq; paulò superioribus temporibus, tam multæ, tam variæ res, tam scitu exploratuq; dignæ inveniuntur, quæ cum antiquiorum præclarissimis inventis, paria facere possint & nonnunquam majora, tum nostrum aliorumq; iudicium amare occipiam, qui solis argumentis adducti hactenus in Aristotelis sententiam *ὡς αἰματώσεως* concesseramus, cui nunc tam liquido Naturam ipsam videmus subscribere, Quid enim fingi potest aut cogitari
Aristo-

Aristotele εὐστοχώτερον? Quàm omnes objectiones Galeni, omnes ratiunculas Medicorum pro jecoris ὑπερβολῇ hæc una res momento unico disjicit! quare eam quidem laudem debemus Picqueto libenter omnes, & non dissimulabimus, ubi usus venerit. Quàm vellem autem idem ille Picquetus Venarum lactearum ingressum in jecur negare animum non induxisset, qui si tanto Viro, & tam perspicaci non in oculos incurrit sæpius, multò magis mirum est, hæc eum præterire potuisse, quod nos in omni refectione αὐτοφθάλμῳ, & tam certò scimus ita se habere, quam nos vivere: Oportet aliud subesse, cum id fateri & veritati manus dare non velit. Quod si ita existimat sese istoc Ascelliano invento præcludi ab integra possessione laudis suæ, nihilo sanè minor propterea illius fama habebitur, nosq; apud Prætorem sic agemus, ut nihilo secius ille rem suam possideat, ita uti quis optima fide, optimòq; jure possidet. Tuum nunc est Excellentiss. Bartholine augere hanc rem sedulitate & diligentia Tua, qua de te scriberem plura, nisi tempore excluderer. Fac existimes omnia quæ à Te profiscuntur, ita uti merentur in magna spe esse, tum me ex tuis laudi-

laudibus tantam voluptatem capere ut majorem non possim. Vale: Ubi majus otium nactus fuero scribam ἀκριβέστερον. Helmsted. a. d. VII. Kal. Mart. An. clō Ioc LII.

Nom. & Dign. T.

Devot.

Fridericus Arnisæus.

EPISTOLA XIX.

Cur lacteas in hepate Pecquetus non annotarit?

FRIDERICO ARNISÆO

Helmstadium.

NON est quod multis dubites, cur Te amem & multis aliis in amore præferam. Meretur magna Tua indoles, meretur ingenium magnum, meretur eruditio magna, ut de parentis fama meritisq; nihil dicam, quæ pro alienis habes, qui magnus fores quanquam magnum Patrem non habuisses, meretur deniq; amicitia quam minus fucatam experior, ut & mihi de amico & patriæ de cive magno gratulari debeam. Non dubito quin de repetenda patria quamprimum cogites, ut reapse experiaris, quantos amicos habeas Tibi tuisq; rebus

rebus prorsus addictos. Gaudeo quod Pecqueti inventum per me vobis innotuerit. Dignum est Medicorum observatione, & Philosophorum, qui pro suo Aristotele sensim illud *εὐρηκα* inclamabunt. Necdum tamen hepar possum deferere, quanquam cordi ex parte faveam inventis his Lacteis Thoracicis. Forsan divisum imperium cum Jove Cæsar habet, & pro sanguine conficiendo pro tanta familia duo coqui rerum suarum satagunt, si quidem ad hepar quoq; lacteæ Asellianæ pertingunt. Pecquetus negat & præterit. Omnibus tamen hætenus visæ sunt. An umbram pro Junone? Monstravi non semel, & adhuc pro iis pugno, quanquam animus vacillare cœperit. Non ausim tamen antiquos limites movere, quamdiu supererint pro hepate suppetiæ. Mihi multa nova animo obversantur, & nisi valdè fallor brevi novum vasorum genus propalabo, de quo nihil publicè adhuc audeo proferre, antequam plurimis experimentis confirmaverim cogitationes. Ut eapropter justam causam habere potuerit Pecquetus, lacteas prope Hepar inficiandi. Quæ enim ibidem apparent, non lacteæ sunt, sed aqueæ, talesq; jam aliquoties observavi, nec prope hepar tantum, sed & alibi in

artibus, quæ tandem in novum fluvium erumpent. Distrahor tamen, & mihi non satisfacio. Interea Lacteas Thoracicas notas jam illustrabo, multa pro Hepate moliturus, ne si aliter imposterum res pro illo ceciderint, novaq; vasa illi inimica emerferint, mihi vel inconstantiae vel temeritatis culpa imputetur. Nubes oriuntur, in pluviam uberem desiturae, & campum Anatomicum irrigaturæ. Tandem serenitatem inde expectabimus à veritatis fautoribus quos ad hoc spectaculum invitabo. Inter quos incomparabilem Conringium æstimo, quem tanti facio, ut pluris neminem. Tu quoq; mi Arnifæ, Aristotelis tui fata solare, & me ama. Hafniæ prid. Cal. Maji 1652.

T.

Thomas Bartholinus.

EPISTOLA XX.

De Regina Christina.

THOMÆ BARTHOLINO

Hafniam.

Nondum licuit mihi multis negotiis obruto in hoc adventu ad Te scribere. Ut primum occasionem nanciscor hac epistola Tibi gratias ago immortales pro tot acceptis à Te

à Te gratias, velim etiam agas gratias tuis Cognatis qui tam humaniter me exceperunt, eosq; meo nomine plurimum salutes. Expecto Tractatus duos à Domino Furen de aquæ potu copioso ab assumpto medicamento solutivo. Gaudet Regina de omni doctrinæ genere, maxime de Medico, in quo est versatissima. Retuli ipsi quantum artem illam promoveas, sedulitate, experimentis & ratione, vellet inter Suecos esse qui eodem veritatis & gloriæ desiderio tenerentur. Acceptissimus fui in hac aula, jamq; nota est mihi Reginae munificentia, nec non Eminentissimi Comitis de la Garde, sed nullos hucusq; vidi Medicos præter Dominum Vulden Batavum, cæteri latent, ignoro an metu an odio. Ego vero fero pacem, si absint canam mihi & Reginae quæ est instar omnium nec non quotquot sunt literatorum. Illa est fama multo major, nec illius vim ingenii hac epistola valeam exprimere. Vale Anatomicorum lumen & me redama qui sum.

Tuus ad omnia paratissimus

P. Bourdelot.

Holmiæ 15. Mart. 1652.

EPISTOLA XXI.

De Lacteis, Aquæ Potu, & semine muliebri.

THOMÆ BARTHOLINO

Hafniam.

P. BOURDELOT, S. P. P.

DUm multa de Te Smæ Regina retuli muneris illud mei fuit. Id debebam veritati non amicitiae. Gaudet Regina habere in vicina Virum in Anatomicis Sectionibus sic insignem. Virtus tua de qua mirifica dixit Regina Professoribus Upsaliensibus fuit incentivum ipsorum animis, qui jam sedulo sectioni animantium incumbunt, aliquis ex illis eandem observationem de Thoraticis chyliiferis fecit, ignoto Pecqueti nomine, sic enim asserit, multa promittit. Ad me scribit Auzotius Parisiensis se parare librum de generatione Lactis contra Guifardum Rothomagensem, in quo probat fieri à sanguine non à chylo immediate, est Vir mathematico more differens, nihil profert in medium perperam. Scribit Riolanum vidisse librum Schlegelii & sprevisse, & multa in illum moliri, sed credo fore irrita, fenescit enim illius Viri virtus, & vult legentibus fidem extorquere, jure veteri sed jam obsoleto & autoritate dicentis. Vellem Dominum
Fui ren

Fuiren, quem multum si placet meo nomine salutabis, ad me misisse illos duos tractatus de aquæ potu, curassem postea eosdem ad illum referri, credunt hic me aquæ bibendæ auctorem, faceret plurimum ad propugnationem meæ sententiæ, si haberem exóticos medicos comprobatores, saltem mittat titulos librorum, curabo ex Italia quamprimum huc asportari. Tota in me medicorum contumelia, ab aquæ potu Regina præscripto, illa dum huc accessi erat mera bilis, quæ jam restinguitur aquæ potu, balneo & somno juxta præscriptum divini senis: si tamen D. Fuiren mittat ad me tractatus ab amanuensi exaratos, solvam impensam ibi aut alibi ubicunq; præscripserit. Ita obrutus fui negotiis ut vix potuerim vel rebus necessariis par esse. Jam ita res meas disposui ut debeam mox mox vacare studiis, scribam ad Te quæ de Aneurysmate & serpentibus Braccianis proposui, & incumbam experimētis faciendis, de quibus Te faciam participem. Accepi literas quæ ferunt Te observasse thoracicas lacteas se inferere in sinistram subclaviam non in dextram, hoc interea jam circumferebatur. Mitto ad Te portiunculam lapidis amianthes dicta, cum lana ejusdem parata, cujus est methodus conscripta à quodam Italo Genuensi, est

etiam portio funisue fili sed crassioris, nec non mitto byssum verum veterum, vellem esset major copia apud me, sed quod habeo impertior. Mitto etiam Elegiam in obitum Ruteani, cujus facies participes clarissimos nostros sodales quos saluto. Scribe quid sentias de opinione Harvei de generatione Animalium, nihil adscribit femini muliebri neq; virili, sed utrum turgere à spiritu vel ex semine ipso vel à toto corpore profluente aut irradiante dum mulier patitur orgasmum, non credo materiam illam inutilem nec tantum vasorum spermaticorum apparatus, dixerat tamen antehac Sinibaldus Romanus, vel minimam feminis portiunculam sufficere ad generationem. Iterum Vale & me ama, habeas excusatum quod hæc currenti calamo scripserim. Holmiæ 18. Maji 1652.

EPISTOLA XXII.

*De Aquæ potu post medicamentum,
& de Harvei opinione.*

PETRO BOURDELOTIO

Holmiam.

IN magna gloriæ parte reputo, tantæ Regi-
næ placuisse mea studia & Anatomicos labo-
res, quibus defungor. Quid Upsalienses ob-
serva-

servaverint de lacteis thoracicis, scire percu-
perem. Ego publico scripto edidi, quæ post
tuum discessum, in Homine observavi. Re-
ceptaculi loco glandulas tres lumbares inveni.
Nec insertionem duplicem thoracici ductus
videre potui, sed unam solam, eamq; in sub-
claviam sinistram, quemadmodum ex Historia
mea Anatomica percipies, quam prima occasi-
one mittam. Opuscula Ingrassiæ & Sylvatici de
aquæ potu post sumptum medicamentum ex
Bibliotheca Fuieniana brevi faxo ut habeas.
Magna tua prudentia potum frigida recte sua-
det in biliosis & calore æstuantibus, ut acri-
monia calidi pharmaci obtundatur in ventri-
culo. Hoc consilio ægrotanti Siciliae ProRegi
Johanni de Vega, post sumtum pharmacum
Ingrassias aquæ frigida libram unam cum pau-
co saccharo dedit, unde & felicem medica-
menti successum procuravit, & vas idem ar-
genteum, ex quo frigida propinata, pretii au-
reorum quinquaginta, obtinuit. Majora Tibi
auguror, si consilio eventus responderit.
Faventes habes inter veteres Ætium, & Mesuen,
quorum ille tetrab. I. Serm. 3. c. 133. aquam fri-
gidam absorbendam aut colluendam dat si
facile purgentur, postquam biberint medica-
mentum: Hic vero Theor. 3. facultatem ex-

pultricem imbecillam aut medicamento actionem debilem aqua modice frigida juvari tradit. Nostris tamen moribus receptum est, non tantum calida juscula epoto medicamento superbibere, sed in prandio quoq; cerevisiā calentem vel tepidam haurire. Dandum aliquid consuetudini, dandum quoq; aëri nostro septentrionali, & cacochymicis corporibus frigidioribusq;, quibus non ita tuto frigida aqua exhibetur. Nostro enim ventriculo ea non conferunt, quæ Siculo, quia variant & homines & cœlum. Pro amiantho, & bysso gratias ago. Habui similia ante, sed filum tuum elegans inter Musæi rariora locum meretur. Juxta tecum sentio, contra paradoxa Harvei, inutilem non esse tantum vasorum spermaticorum apparatus, & quanquam primo mense ex semine in utero nihil ipsi apparuit, fuit tamen, vel certè in tubis uteri interea delitescit, de quo tamen nihil definiverim, quia tantam habet inter Anatomicos auctoritatem, ut mentiri non credatur, & nos subinde malumus ἐπεχειν quia contrarias experientias, æquè manifestas afferre non possumus subsidiis deficientibus. Hisce Vale, Vir acutissime, mihiq; favere perge. Hafniæ XXVII. Maj. 1652.

T. Thomas Bartholinus.

EPISTO-

EPISTOLA XXIII.

De Morbo Magico.

THOMÆ BARTHOLINO

Hafniam.

NON mediocriter exultavi præ gaudio, quum è carissimi & suavissimi fratris *Erasmii Bartholini* manibus litteras tuas accepi *Hafniæ* datas 28. Febr. per quas de duobus doceor, de tua nimirum valetudine, de qua sit laus omnium bonorum authori: & de tua in nos liberalitate, pluribus nempe libris, quibus me beare voluisti, & Bibliothecam meam locupletare. Eos autem omnes quum Deus voluerit accipiam; neq; enim ignoro quantæ sint itinerum difficultates propter bellicos tumultus, pro mercibus ad nos usq; devehendis. Eos verò, quos *Erasmio* fratri tibi in *Daniam* mittendos commisi, ante mensem, utinam quoq; brevi & feliciter accipias: cædem enim difficultates & turbamenta vos æquè respiciunt. Hîc apud nos currit sub prælo novus liber Domini *Riolani* Antiquioris Scholæ nostræ Magistri, cujus erunt duæ partes, & multi tractatus ex admodum varia materie: ut & de inverso situ lienis & hepatis in quodam sicario, mense Novembris depræhensio, initio mei decanatus, anno Christi, 1650.

Tractatus peculiaris de Circulatione sanguinis, adversus *Harveum*, Medicum *Anglum*, primum tanti mysterii repertorem: alter adversus Dominum *Gassendum*, Professore regium, & virum eruditissimum: alter adversus *Pecquetum* Diepensem Anatomicum: alter adversus *Nathanaelem Highmorum*, nuperum Anatomes Scriptorem, & Professore in Academia *Oxonensi*: alter adversus *Marquartum Slegelium* Medicum *Hamburgensem* celeberrimum, & alios. Habebitur quoq; *Encheiridij Anatomici & Pathologici pars altera*, quorum singulorum editio ad finem deveniet ante junium mensem: Eum librum ubi prodierit, statim tibi mittendum, & adhuc à prælo sudantem, *Erasmio* fratri committam.

Quod autem Medicæ artis observationibus te delectari scribis, & ex iis nonnullas à me postulas, ecce unam tibi subjicio, alias quidem suggesturus, si eas scribendi otium suppeteret, planè raras ac insolentes.

Vir quidam nobilis, Campanus, ingeniosus & ad unguem factus, sanguineo & melancholico temperamento ab ortu præditus, multi jugæ eruditionis & literaturæ, postquam per plures annos pro Christianissimo Rege nostro militavit, laboriosæ istius vitæ pertæsus, ad studia

studia juris civilis regressus est, quibus tam acriter incubuit, ut in iis, imò & in singulis facile excelleret. Dum *Lutetiæ* moratur initio hujus anni 1652. incidit in febrem, cum quodam dolore ad dorsum & lumbos, & totius corporis tremore insolito, (qui post paucos dies feliciter desuit,) & fluxu hæmorrhoidali, lento quidem & paucò, sed dolorifico: post aliquot dies utroq; symptomate adaucto, eruditus quidam Medicus ad eum deducitur: cujus auxilium recusat, nullam à Medicorum præceptis opem sperans, incurabili quodam, ut agebat, affectu laborans: Rogatus à Medici, cur istud morbi genus desperatum & ἀνίατον censeret? Respondit esse morbum magicum, pravis magorum artibus sibi immisum, quo abundabat illa regio in qua per aliquot annos militaverat: (*Lotharingiam* subaudiebat, ut ab ejus obitu intellexi:) quibus dictis Medicum illum dimisit. Ingravefcēte tamen affectu, & fere incandescēte, amicorum precibus inductus, ad eum accessi, eiq; per aliquot dies Medicinam feci: ratione febris urgentis quater fuit illi detractus sanguis, impurus admodum, planè putris, & ab alimentarii sanguinis natura omnino alienus: unde dubium & ancipitem morbi eventum,

non

non obscure ominatus sum: nihilominus tamen paulò melius habere sibi visus est: venæ sectioni, per quam singula mitiora facta fuerant, successit blanda purgatio, ex cassiæ medulla, cum foliis orientalibus & syrupo diarhodon veteri, ad vitandum irritamentum, purgat enim ad instar Scammoniatorum recens paratus & novus ille syrupus: ex illa catharsi adeo levatus fuit, ut in convalescentiæ spem lubens devenerit, nec amplius incurabilem morbum esse reputaverit. Postquam tali remedio quater fuit repurgatus, etiam interdum addita diaprunis solutivi Drach. j. quietis dies aliquot sibi indulgeri postulavit, neque dimisit: inter hos dies stillatitiam quandam aquam ex cornibus & corde Cervi, à Principe quadam fœmina sibi subministratam assumpsit, quasi præstantissimum adversus magicas artes, & ad conciliandum cordi robur, ut agyrtæ loquuntur, alexiterium: sed frustra, & nullo successu, imò pessimo: ideòq; cum multo vino, eòq; meraciori usus esset, ac incalescente febre, ad eum revocatus fuisset, omnia longè deteriora depræhendi, præsertim vero colorem in facie cadaverosum, & foetorem corporis nulli ferendum: mecum adscitis in consilium tribus è nostris Senioribus, Jo. Ri-
olano,

olano, Anatomicorum principe, & Antiquiore Scholæ nostræ Magistro: una cum *Jac. Perreau*, & *Ren. Moreau*, Professore Regio, viris sapientissimis & consultissimis, nulla salutis spes nobis superesse visa est, propter summam illam virium prostrationem, & ἀναισθησίαν quandam, quæ hominem detinebat, cum fugaci delirio, à quibus post biduum extinctus est.

In dissecto cadavere apparuerunt omnia viscera nutritia supra modum pallida, à veteri intemperie biliosa, quæ toto vitæ decursu dominatum obtinuerat, sed absq; ullo eorum substantiæ vitio. Ex utroq; pulmone leviter compresso, serum putre & foetidum defluebat: substantiæ cerebri serum multum instar feri lactis subvirescens innatabat: cujus portio in spinam dorsi decidua, tremorem illum initio morbi concitaverat. Quænam igitur mortis causa fuit? ingens abcessus in toto pancreate latitans, cum multo pure & foetore intolerabili: pure inquam putidissimo, & subviridi, cujus acrimonia glandosum corpus penè universum exederat atq; discerpserat. Hæc est vera certa; mortis causa, tetra nimirum labes & putrilago summa totius pancreatis: non autem veneficia, non incanta-

men-

mentum, non magicæ artes, humani ingenii talibus nugis seipsum excruciare soliti, figmenta atq; mera ludibria. Tuum erit, eruditissime *Bartholine*, dispicere & decernere quid facto fuisset opus, & qua arte quibusve aliis præsiidiis potuisset tantus affectus expugnari: ego quidem planè immedicabilem & naturâ suâ lethalem fuisse puto. Tu verò quid sentias aliquando scribes, si volueris.

Vale, amicorum suavissime, & candidissime, & me quod facies amare perge.

Scripsit filius me dictante Parisiis, die Jovis 28. Martii, 1652.

Tuus ex animo vetus & constans
amicus

Guido Patinus, Bellovacus, Doct.
Medicus Parisiensis, & saluberrimæ Facultatis Decanus.

EPISTOLA XXIV.

De Infantis ex chylo nutritione.

GUILIELMO HARVEJO

Londinum.

Aterna nominis tui fama & in Remp. literariam merita summa, hætenus mihi spectatissima fuere. Meruisti profecto candidorum

dorum omnium calculos Circulatione Tua sanguinis, qua nihil elegantius, utilius nihil, nihil verius mortalis industria invenire potuit. Nec Exercitationes Tuæ de Gen. Anim. mihi prætereundæ planè divinæ, quibus inaudita literatum orbem docuisti. Quid de tantis ingenii tui & eruditionis stupendæ monumentis judicet literatorum candidè rem æstimantium chorus, nolo longo sermone pertexere, nec operæ educo præciū, quum ipse haud dubio quotidie magnum tuum nomen ubiq; gentium legas. Ego vero eruditorum minimus, quam affectu in literas & amore maximus, aliis principiis olim initiatus & imbutus, verissimum sanguinis Circulati inventum, amore veritatis, lubentissimè sum amplexus, & auctori benè ominor. Publicis id disputationibus non semel proposui apud externos alio sole calentes, & in patria Academia, cui jam persuasi verissimum Harvei dogma. Optassem equidem ab authore ipso & inventore totam Anatomem juxta hæc principia fuisse Reformatam, cæterum quum majoribus illum curis viderim districtum & cum temporum difficultatibus luctantem, negotium id in me suscepi. Utinam satis ex voto publico & Tua, Vir summe, mente, Quid egerim, forsan ex Anatome mea Reformatam

mata tertium apud Belgos edita & ad sanguinis Circulationem accommodata vidisti. An ubiq; mentem inventi sim assequutus, verbulo monebis. Pro viribus certè conatus sum, sed quum totam Anatomen à nullo viderim tum correctam, majus in me onus suscepi, quam tulerint fortassis humeri. Exinde tamen ad nos pervenit Highmori elegans & erudita disquisitionio Anatomica, quæ idem saxum volvit. Jam autem totus occupor in experimentis tuis de animalium generatione, & Democriti speculancam non rarò tecum ingredior. Inprimis Hippocratis nomine gaudeo, quem semper sequor, quod embryonem per os chylum sugere probaveris. Cæterum in viis hæremus, quibus chylus ad uterum feratur quum præter arterias venasq; sanguine conspicuas compareant nullæ. In prægnantibus canibus, lactantibusq; feci periculum, sed inveni nihil quod planè mihi satisfaceret. Inposterum tamen diligentius inquiram. An arteriæ vehunt? At quomodo à cruore colliquamentum separabitur, aut unde arteriæ haurient, siquidem in mesenterio chylo vehendo destinatæ non sunt. Tuum hic acclamo auxilium & infinitam experientiam. Conatus sum aliquid hac de re commentari in Hist. Anat. de lacteis thoracicis
nuper

nuper inventis, quam Tibi mitto, tradetq;
 lectissimus Juv. Wilh. Wormius summi apud
 nos Viri Olai Wormii Medici & Polihistoris
 filius haud degener, quem iccirco tuo favori &
 amicitiae insinuo. Quid de isto invento lacteo
 statuas, & cur in Exerc. de sanguinis circ. contra
 Riolan. nuperq; de Gen. Anim. venas Asellii
 lacteas habeas suspectas, si ita negotia tua
 tulerint, me docere ne graveris per fidem
 tuam rogo. Deniq; pro publico apud Te
 intercedo, ne alia in Anatomicis demorsos
 ungues sapientia, diutius nobis invideas.
 Privatas causas prætendere non ausim, nisi me,
 quod impensè opto, & hac tabella deprecor,
 ad intimiorem amicitiam admiseris, sic Tibi
 semper ero devinctissimus, & vertice sidera
 tangam. Deus te, Vir Incomparabilis, in
 Reipublicae Anatomicae emolumentum, diu-
 tissimè servet. Hafniae Cal. Maji 1652.

T. T.

Thomas Bartholinus.

EPISTOLA XXV.

De Anatome Helmstadiana.

THOMÆ BARTHOLINO

Hafniam.

DEbitæ erga Te, Vir Excellentissime, Patro-
 ne ac Promotor maxime, observantiæ

Hh

meæ

meæ ratio postulasset equidem, ut Hamburgo protinus aliquas ad Te perscriberem: veruntamen tamdiu epistolæ missionem differendam censui, usq; dum, oblati Celeberrimo Conringio vasis lymphaticis ejus sententiam essem rogatus: quam lubentissimè ex ipso præfens acceperim, sed tantâ felicitate frui haud quaquam licuit; quoniam præpostera comitis mei festinatio ultra diem unicum Helmstadii commorari non patiebatur, ideoq; suavissimæ ejus conversationi citius opinione subtrahebat. Eo tamen die ternis vicibus Exc. Conringium invisi, humanissimè ab eo exceptus semper; interea multa invicem de variis rebus differuimus, inter quæ non parum temporis sibi vendicarunt vasa lymphatica à Te descripta, de quibus sententiam ferre distulit, cum quod nondum accuratè scriptum Tuum perlegisset, tum quod nondum ipse, quæ qualiave esset expertus; nihilominus multas de origine progressu, insertionem, usuve agitabat quæstiones ad quas pro ingenioli modulo ei respondi: Brevi autem se de iis aliquid ad Te perscripturum promisit, si alia negocia, (politicam videlicet concernentia, cui totus vacare videtur) tantum temporis concesserint, ut experimentum hujus facere posset. Idem scriptum Hamburgi

bürgi Dn. D. Placcio perlegendum tradidi, cui omnia perplacuerunt, ut iteratò etiam legeret; hoc saltem, quod de Slegelio b. m. habetur, minus ei arrisit; falsum namq; fuisse rumorem istum divulgatum sanctè mihi testatus est, & facilè fidem verbis ejus attribuo, cum intimà familiaritatē conjunctos fuisse ex aliis acceperim: furciferum autem tertio à suspendio die scalpello anatomico aggressus est Slegelius, ubi quæso tamdiu vitæ reliquiæ delituissent? Ipse vero Slegelius p. m. jam antea de adversa valetudine conquestus, altero post exorsam sectionem die febre malignā ac petechiali decumbere cœpit, quæ etiam die decimo septimo eum extinxit: mutandum itaq; illud alio tempore amicè censebat, ne fortassis à quopiam olim falsitatis crimen Tuæ Exc. intenderetur. Interim multam salutem Tibi, quem olim Lugduni Batavorum novit, nunciare jussit, ac gratulari de incremento nominis Tui ac unā reipublicæ medicæ.

Sed Helmstadium commodum revertor. In auditorio medicorum tantoperè celebratas partium corporis ad vivum depictas effigies penitus excussi permultumq; in iis desideravi. Rudi omnes penicillo delineatæ erant ut partes accuratè distingvere vix liceret præcipuè

minutiores, five eminus five cominus adspice-
res. Omnes ex integro homine pedibus dun-
taxat mutilato desumptæ erant, atq; uti olim ipse
suspicebaris, anterior solum facies ostendeba-
tur, posterior nusquam : paucissimæ quoq;
partes è corpore extractæ cernebantur. Desi-
derabam insuper totam capitis Anatomem,
sensuumq; organorum omnium: muscoli iti-
dem colli, dorsi, lumborum pedum defi-
ciebant, neq; partes genitales muliebres
nusquam comparebant, adeò ut maximè
imperfectum hoc opus mihi non sinè causa
videretur uti ex dictis satis superque liquet.
Optarem itaq; hisce meis contueri oculis Au-
gustam Tuæ Excercitat. Anatomem, tam qua
vivas, quam qua æri incisas icones, ut verè
cognoscerem, quantum distent æra lupi-
nis: neq; enim contemplatio harum figura-
rum animum novitatis cupidum exsaturare
potuit. Verum facilius est, hæc optare quam
sperare, quis novit enim, an hæc unquam sit
reditura dies, quâ præsens denuò Hafniæ Cla-
rissimorum Virorum colloquio fruar, quos
absens in oculis & animo fero.

De Statu hujus Academiæ hoc tempore
nihil differere queo, qui hesterno duntaxat die
hic loci appulerim. Quamobrem, cum nihil
præte-

præterea adjiciendum obveniat, Te divinæ protectioni seriò commendo Deum Ter O.M. calidis suspiriis precatus, ut plurimos annos termino vitæ tuæ adnumeret Teq; cum universa familia ab omnibus malis quam diutissimè præstet incolumem. Vale felicissimè & me ut soles, semper amare perge. Wittebergæ 15. Junii 1652.

T. Cl. Exc. ad aras
devot.

Michæel Lyserus.

EPISTOLA XXVI.

De valetudine sua, & itinere.

THOMÆ BARTHOLINO Hafniam.

CL. SALMASIUS S.P.

IN eo eram ut ad te scriberem, Vir summe, cum tuum librum de Cruce sed sine litteris, reddidit mihi Studiosus Danus. Pro eo gratias tibi summas habeo, & ago, quando referam nescio. Nam ex quo huc redii, nihil aliud fermè curavi nisi valetudinem de posteritatis studio valde securus. Quod non maturius ad te scripserim scito non unam causam fecisse, quæ totidem sint mihi excusati-

Hh 3

one,

ones apud te. Primum, valetudo impediit quæ manus libertatem adimebat, sæpius chiragra recurrente, ac debilitate præterea in ea permanente, quam morbus Chronicus in Suecia contractus fecerat. Præterea querebam occasionem aliquam tutam & commodam ad te scribendi, ubi manui sanitas rediit. Utcunq; excusatus esse velim, fateor tamen me in culpa esse, nec ea deprecor, non ut propterea agnoscam me immemorem vivere omnium officiorum atq; etiam beneficiorum quæ in me contulisti. Post omnia si officio defui, malim pigritiam meam accuses, quàm de meo erga te animo dubites. Scis qualis semper fuerim, ac qualem esse Tibi, præsens cum Hafniæ essem, ostendi. Mutatum non esse ab eo tempore scire etiam debes. Quantum sane humanitati tuæ debeam possum magis profiteri quam gratiam referre. Sed gratum videri posse qui tantum meminit, non te latet. Revocor iterum in Sueciam per Reginae litteras, quibus urget, ut iter maturem seu potius præcipitem, sed multas habeo causas non parendi. Aer Suecicus inprimis deterret cui assuefieri non potui, & quem corpusculi mei temperamento accommodum non esse experientia didici. Si similis esset vestro, non dubitarem quo vocat,

cat, incomparabilis illa Regina, protinus ire. Præterea Suecica ingenia non placent & Danica longe magis arrident siue eruditionem spectes siue genium ipsum ad litteras & quicquid politos homines facit propensum. Scripsi ad Regem, ante aliquot menses, & misi librum quem gratum illi fore speravi. Utinam possem aliqua in re ostendere quantum obligatus sim Serenissimæ ejus Majestati, nunquam cessabo per prædicare ac hæcenus laudibus quas potui & quas debui ad cælum usq; apud omnes extuli comitatem qua me excepit. Nec id etiam tacui apud Reginam. Scripsi etiam ad illustrissimum Gerstorpium & misi Epictetum meum quem me missurum te præsentem promiseram. Velim scire an rem ipsi gratam fecerim, & an litteras meas cum libro receperit. Fratri tuo viro clarissimo plurimam à me velim salutem dicas. Quantum de me sit bene meritis, scio, & libens omni occasione testabor. Vale Vir præstantissime & me tibi devinctissimum pro tuis in me plurimis & summis meritis, amare perge. Leidæ II. Julii clæ Ioc LII.

EPISTOLA XXVII.

De morte Heurnij & morbo Heinsij.

THOMÆ BARTHOLINÆ

Hafniam.

ADOLFUS VORSTIUS. S. D.

Quod tuos, Vir Excellentissime, de Cruce Christi, Lacteisq; Thoracis venis, accuratissimos commentarios, nuper typis divulgatos, ad me transmiseris, fecisti id tu pro vetere tuo in me affectu, & ego, qui tuam hinc agnosco humanitatem, singulari eosdem excepi cum voluptate, maximasq; eo nomine gratias tibi ago. Admiror indies magis magisq; præclari ingenii tui fecunditatem, quam tot egregiis hætenus scriptis seculo erudito approbasti. Medicum te ostendis, nec minus tamen literaturæ omnis & antiquitatis scientissimum. Faxit vitæ nostræ arbiter Deus, ut Nestoris attingas annos, quo porro de literis ipsaq; inprimis Anatome bene mereri possis, in præsentis ac futuri ævi commodum. Gaudeo ex animo corporis humani abdita à perspicacissimis ingeniis, oculis propemodum Lynceis erui quotidie ac illustrari, quo in studio, tu, cum Clarissimo nostro Jo. van Horne, palmam jam cæteris ferè præripis omnibus. Par lanè fuit industria vestra in inveni-
endo

endo ductu illo novo Thoracis chylifero; invento, me Hercules non contemnendo. Incidimus in ea tempora, quibus scientiæ omnes maximum cepere incrementum capiuntq; quod cæteris infelicitatibus, quibuscum nunc conflictamur, opponendum, in miseriæ nostræ solatium. Interim dum Angli, imminentes nobis, sollicitos nos habent ac reddunt suspensos, dum Gallia turbata nihil opis pollicetur aut præstare potest, abdamus nos in Bibliothecam nostram & Deo ac Musis vacemus. Fratrem tuum Erasmus, verè ἐγὼ
μιοῦ, ac delictum omnium, in Gallia etiamnum obhærere intelligo; quem vobis ac reip. literariæ incolumem velit servetq; D. O. M. Vivo ego & valeo utcunq; cum meis, tranquillitatis unicè amans, sed quæ vera ac solida non nisi in cælis obtinget. Academiæ nostræ Rectoratus, quo in præsens fungor, multas mihi hætenus creavit molestias. Sed dabit iis finem sex mensium, quod restat, spatium. Obiit diem suum ante triduum Clarissimus Vir & Collega, Otto Heurnius, senio morboq; diuturno confectus. Celeberrimo Heinio, quod dolendum, jam ab aliquo tempore ἡ γράμμη νοσῶν; quo malo quid miserius?

Ita ingeniis etiam fatales sunt periodi ac occubitus. Omitto tristia hæc, Vir, amicissime, & lætiora in futurum augurans, tibi tuisque prospera omnia animitus voveo, Vale ac salve à Vorstio verè ac in perpetuum tuo. Raptim Lugduni Batavorum Anno clō Idc LII. XXVII. Julii.

EPISTOLA XXVIII.

De Lacteis iudicium.

THOMÆ BARTHOLINO Hafniam.

CLarissimus Scavenius, Soloduri me ægri causa versante, domoq; absente, hic appulit. Gratissimas tamen tuas, cum elegantissimo de Lacteis Thoracicis tractatu, miserant mihi domestici. Quorum nomine plurimum me tibi debere profiteor hisce palam. Tum quod paternam amicitiam tam strenuæ conservas, tum quod scriptis tuis me donare pergis. Elegantia sane sunt, & digna quæ studiose excutiantur. Id tamen mihi notandum ab aliquo tempore proposui, in pluribus talibus ἀμφοιβητέιν quidem licere, imo quandoque necessum esse: dum autem ἐιζώσεως καὶ διοικήσεως certi, ἐπέχον tutius, quam præcipiti conclusione, brevi alia commutandum senten-

tentia, determinare. Scavenium vero nostrum quartanæ febris insultus aliquantisper apud nos tenuere. Nunc iter diebus ἀπὸρρέταις ingressus (bene favente Numine! ex meo voto) Galliam versus tendit. Vale Vir Clarissime nostramq; necessitudinem porro perge excolere isto affectu: nec ego, quanquam diversis peregrinationibus ad vicinos Magnates, aliosq;, plurimum districtus, unquam deero officio. Salve iterum à salutatis, meoq; nomine resaluta omnes qui mei dignantur meminisse. Basilea a. d. IV. Non. IXbris Anno clo lxxc LII.

Tuus ex animo.

Jo. Casp. Bauhinus.

EPISTOLA XXIX.

De Sectionibus Anatomicis.

MICHAELI LYSERO. Hafniam.

THOMAS BARTHOLINUS, S. P. D.

QUOD interiora hominis viscera & quidquid elegantissima ista fabrica ambitu suo complectitur, artificiosis sectionibus non semel mecum denudaveris, exactamq; cultri Anatomici habueris rationem, omnem laudem

dem meretur & applausum, miLYSERE. Erunt
forſan quibus præſens opusculi Tui inſtitutum
non ſis probaturus, in quo artis noſtræ arcana
& ſecandi dexteritatem ſolis artificibus relin-
quendam plena manu eliminas. Magna ſa-
pientiæ myſteria diſcipulos docuit Pythago-
ras, ſed ea in vulgus efferri nunquam æquo
animo patiebatur, unde Hipparchum Pytha-
goræum, quod dogmata Pythagoræ explica-
tius tradidiſſet, accuſatum Scholaq; eje-
ctum accepimus. Hippocratis noſtri juſjurandum
plenâ authoritate ſilere jubet, & pro arcanis
habere, quæ inter curandum, aut in comuni
hominum vitâ, vel viſuntur, vel audiuntur,
quod in Japide Medico laudat Maro qui pote-
ſtates herbarum uſumq; medendi ſcire maluit,
& mutas agitare in gloriis artes.

Tu tamen rupto ſilentio vulgaſti, quæ pro
arte ſecreta hætenus æſtimavimus, per manus
tradendâ, quæq; variis vigiliis, peregrinationi-
bus, & exercitationibus adquirimus, ut ſoli pos-
ſideamus. Intercidit ſcientiæ artisq; noſtræ
ratio, quia ad plures derivatur, nobisq; ſcire
relinquitur nihil, quia in artis participationem
admittuntur omnes. Sic liberali tua eveniet
culpa, ut Proſectionis artificium pro derelicto
habitum, apud vulgus magis deferatur, ſperna-
turq;

turq; , siquidem expedita manu didicerint dissecare, quod contumeliis mordaciq; lingua sæpe dilacerarunt: Omnem deniq; Anatomicorum existimationem partamq; laboribus famam nunquam à te sperata propalatae artis injuria eludet. Quis Patavium, Musarum Apollinisq; sedem ad Vesalios, Aquapendentes, Veslingios operoso per Alpes invios itinere contendet? Vacua erit Basileæ Bauhini & Plateri cathedra. Nemo Lutetiæ Laurentium, Riolanum senem Anatomica demonstrantem accedet. Periculosum mare & hostilibus navibus onustum nemo trajiciet, ut in Anglia Harvejum videat. Nec ad nos Hafniam consueta meliorum ingenia Anatomici studii causa amplius properabunt, siquidem secretis nostris operationibus tuo libro inclusis sine ulteriori opera aut alieno cultro nudam omnibus Anatomem communem fecisse videris atq; exposuisse. Sed salva res est. Ne rapiaris transvorsum à proposito, per fidem tuam meamq; rogo. Præclarus iste ingenii tui laborisq; foetus tanto minus erit exponendus, quod ad conceptionem illius partumq; auctor tibi fuerim non postremus. Fuere alii, qui ad ἐγχείρησιν Anatomicam operam hætenus contulerunt non ingloriam, Taceo Galenum, quem Anatomes infan-

tia

tia in Administrationibus, & nimia in dicendo ubertas excusat, nec Columbum aliosq; advocabo, qui plura subinde promiserunt, quàm opere præstiterunt. Riolanus certè seculo nostro per susceptum hoc argumentum tam feliciter & doctè decurrit, ut solus sufficere posset, si vel singula sparsim attigisset, vel junctim singula. Ex aliis corporis humani Prosectoribus spicilegia colligimus, neutiquam messem copiosam, nam qui Administrationem Anatomicam uno volumine sit complexus, omnemq; apparatus ad Anatomèn jam adultam sine ambagibus necessarium & sufficientem breviter contulerit, præter Te hætenus extitit nemo. Major inde & illustrior laboris tui gloria, nominisq; æterni à majoribus Clarissimis ad te derivati maximum incrementum. Rectè infra ingenium reputasti, cum invidia luctari, & malos aliorum mores imitari, qui qualemcunq; dexteræ manus ductum angulis reservant, vel umbram spectantis metuentes. Miseri mortales, qui naturam ejusq; artificium abundant, ubiq; diligentia patens, & amplissimos solis radios nubecula obfuscant. Non hic Cereris sacrum vulgasti, ut iisdem trabibus excludaris aut facilis denegetur faselus. Exulet Harpocrates, Theatrisq; nostris ejiciatur, ut
can-

candidè agamus & apertè, quemadmodum nobiscum sine larva Natura. Tales in memores novisti, & pressius exprimis ut amicus. Nihil in ἐγχειρήσει volui occultum, quod vel publico auditorum spectatorumq; commodo, vel tibi partitis tot annorum inter nos laboribus in viderim. Nunquam profectò melius aut de me aut de publico, cui natus es, mereri potuisti, quam Methodi hujus Anatomicæ editione, quâ quidquid seu apud nos videris, seu ipse pro ingenii felicitate crebris exercitationibus inveneris, seu passim apud melioris commatis auctores collegeris, bona fide & subactò judicio digessisti. Egregiè autem spe sua excident, qui lecto eleganti hoc opere, spretâ vivorum operâ, ad Anatomes culmen, sine αὐτοψίας proprioq; manus usu adspiraverint. Vitruvium non simplici vice inspexi, nec ignotus Vegetius, Palladiumq; iterum iterumq; evolvi: non tamen aut ædificiorum structuram ausus sum aggredi, aut aciem ordinare, aut terram aratro invertere. Ita quisquis ex mappis hydragogicis nauta emerferit, ventis scopulisq; debebit ludibrium. Si me audiunt, feliciter in Anatome versabuntur, si ductum eruditissimi Tui libelli sequuti, vel alios secantes vide-

viderint, vel ipsi frequentiori studio lecta probaverint. Sic utriq; precium estis laturi nunquam poenitendum, illi lectæ operæ, Tu conscriptæ. Ego verò publico gratulor de tantâ operis Anatomici accessione, & Academiæ nostræ mihiq; gaudeo, quod cultrum Anatomicum orbi Literato profuturum apud nos & confeceris primus & expoliveris. Surgenti famæ applaudo, & ut plures Tui similes ex palæstrâ nostrâ, velut ex equo Trojano, emergant quotidie, votorum meorum summa erit. Deus Te porro in publicum orbis patriæq; Tuæ ornamentum & commodum superstitem jubeat, annosq; Anatomicis coëptis superaddat. Vale mi Lyfere, & Bartholinum semper tuum, semper ama. Scripsi Hafniæ prid. Non. April. An. Ch. cId Idc LIII.

Impress. Hafniæ 1653.

EPISTOLA XXX.

De Lymphaticis.

THOMÆ BARTHOLINO Hafniam.

Pertulit Clarissimus Wormius Tuas ad me litteras, tuumq; simul Vasorum Lymphaticorum nuperum inventum. Visum illud jam fuerat meis Collegis, qui iccirco me hortati sunt

sunt in illud ut inquirerem. Ego, cum recepissem Tractatum avidè perlegi, & miratus sum hæcenus latuisse oculatissimos. Desii tamen ex parte mirari, cum scribas rarò oculis ea vasa patère, nisi in valde gracilibus aut emaciatis canibus. Itaq; ea in reliquo animalium genere, quod pinguedine magis luxuriat, frustra inquisiveris. Si Tu, mi Bartholine, desperas de eorum in humano corpore ostensione, quid de nobis censes futurum, quibus ob subjectorum inopiam, ferè spes decollavit, in canibus ea pervestigandi. Dabo tamen operam, primo quoq; tempore, præsertim cum nunc adsit oculatus testis Wormius, & tunc meum perscribam judicium. Pro reliquis munusculis Tibi, Excellentissimo Wormio, Clarissimoq; Lysero gratias habeo summas. Audio in procinctu esse, jamq; ære incidi Augustam Tuam Anatomem, avidè expectabo unam atq; alteram figuram, ut ex ungue Leonem discam. Quæ ego promisi, sunt quædam ab aliis non animadversa, quod sciam, sed vereor ne lucem sint aspectura, siquidem calamitosis hisce bellonæ rumoribus obruatur Patria nostra. Qui, si ut spero, cessaverint, atq; tum sumptus meas non superaverint facultates, (destituimur namq; Augusto Pa-

sto Patrono, imò aliis quoq; quibuscunq; Mœcenatibus) specimen illarum obs. edam in publicum. Accessit ad nos Doctissimus Wormius circa ipsa Canicularium feriarum initia; quibus soleo Ego domo & urbe discedere, domumq; vacuam relinquere, & eam ob causam non potui hospitio meo eundem excipere. Si tamen exactis feriis idem ipsi animus sit, dabo omnia quæ à me fieri possunt nostræ amicitiae, Clarissimiq; Juvenis meritis. Causas silentii nunc non adferam, quæ planè nullæ non fuerunt, minus tamen graves quam quæ pro Te militant. Resarciendum est frequentiori calamo, quicquid damni inde resultavit nec deerit nunc continuò per Clarissimum Wormium occasio. Vale Vir Eruditissime cum uxore liberisq; jucundissimis. Et plurimum salve.

à Tui Nominis Virtutumq; studiosiss.

Jo. van Horne.

Lugd. Batav. 1653. 8. Julii.

EPISTOLA XXXI.

De Riolani Opusculis.

THOMÆ BARTHOLINO

Hafniam.

Postremam tuam accepi, eamq; suavissimam Epistolam cum elegantissimo tuo munere,

Rubia

Dubia Anatomica intelligo quæ nomini meo vix inter meos noto inscripta prodire in lucem voluisti: ideoq; tum pro libro tuo, tum pro bono illo in me animo, fidoq; & constanti amore, singulares Tibi gratias ago, quas etiam aliquando referam *ἐν τῷ κειρω*. Riolanus noster triplicem in Te tractatum prælo subjecit: primum de *Lacteis Thoracicis*: cujus Tui Tractatus aliquot exemplaria Londino allata sunt ante tres menses: Hafniensis editionis nullum hic comparuit: secundum, de *Vasis Lymphaticis*, cujus exemplar ad Riolanum misisti: tertius erit, novum *Examen Anatomie Tue Reformatæ*. De *Dubis tuis Anatomicis ἐπεχῶ*, incertus plane, super illo novo scripto quid sit consilii capturus. Sub finem istarum Animadversionum, Tractatus Tui recudentur, ut in uno eodemq; libro utrumq; proffet ac adsit magno Lectorum commodo. Ist hæc editio Riolani lentè admodum procedit, quia defunt operæ Typographicæ, & duo tantum folia adhuc sunt excusa: ubi ad umbilicum perducta fuerint, statim Tibi mittenda optimo Viro Dn Neandro committam. Plura scribere vetat dolor ingens & lacrymæ de obitu Viri optimi *Gabrielis Naudæi* affatim erumpentes, qui summo

mo bonorum omnium mœrore & luctu, è Suecia redux priusquam ad nos pervenisset, per continuam febrem malignam in itinere subsistere coactus, mortalitatem deposuit in ea Urbe Picardiæ nostræ quæ Abbatis-Villa nuncupatur, die Martis, 29. Julii, præsentis anni. Cl. Virum D. Olaum Wormium saluto, cui offeres Epistolam Viri optimi *Petri Gassendi*, qui Tibi quoq; multam salutem nunciat. Vale, Vir Clarissime, meq; amicum meum intimum Naudæum lugentem, & ubertim lacrymas fundentem, tui quoq; amantissimum redama, & valetudinem tuam cura diligenter. Parisiis 12. Sept. 1653.

Tuus usq; ad aras

Guido Patinus, Bellovacus, Doct.
Med. Parisiensis.

EPISTOLA XXXII.

De ejusdem Riolani dissidiis.

THOMÆ BARTHOLINO

Hafniam.

ECce iterum scribo, Vir Clarissime, ut Tibi gratias agam de libello Tuo nuper mihi dicato, quem statim ostendi nostro *Riolano*, ad cujus examen illico se accinxit: Responsum
ejus

eius excuditur, quod 4. constabit partibus, post quos ad finem tres tui subjungentur libelli, ut unicuiq; de tanta controversia sciendi & iudicandi cupido, ad manus esse possint. Meum fuerat hocce consilium initio Editionis, quod tunc non probabatur, sed tandem vici & persuasi.

De dissidio illo Anatomico inter Te & *Riolanum* nostrum, i. inter duos amicos ex illis controversiis suborto, serio doleo: sed quid facerem? tantos fluctus compescere non valeo: vincat veritas, de qua posterī candidè iudicabunt, si in tantis difficultatibus non desit requisita & adæquata eruditio, quam certa & oculata experientia confirmaverit. Hic habeo præsentem in Musæo meo dum hæc scribo R. P. Ludovicum Jacob, Carmelitanum, qui Te plurimum salutat: hic ambo lugemus communem amicum, qui summo nostro dolore abiit ad plures, Cl. Virum D. Gabr. Naudæum intelligo. O dura fata! ô aspera fata! Tu verò vale, & me, quod facis, amare perge, tuamq; valetudinem curā diligenter inter tot intricatas scriptiones, & eruditas controversias, quæ plurimum laboris absumunt, & multum tempus requirunt. Suavissimam tuam Uxorem, Dnos fratres tuos & consobrinos,

Ti 3

præser-

præfertim D. Olavum Wormium omni studio
& benevolentia saluto. Paris. 26. Sept. 1653.

Tuus ex animo

Guido Patinus, Bellovacus, Doct.
Med. Paris.

EPISTOLA XXXIII.

De gelatina seri.

THOMÆ BARTHOLINO

Hafniam.

Ultimas meas, quas ad Te Vir Excellentis-
sime Patrone ac Promotor maxime,
Lipsiâ transmissi, quin acceperis nullum equi-
dem restat dubium; sed quoniam in illis rece-
pi, me simul ac Patavium appulissim, subito
aliquas ad Te destinaturum, promissorum haud
immemor, has exarare volui, quanquam pro-
lixè vereretur, ne negotia Tua graviora ac Musas
severiores interpellarem, attamen Tua Eximia
sæpius mihi declarata facilitas, facilem veniam
confidentiaæ meæ obferre videtur, qua confusus
non possum non plura abs Te exorare, & ut in
dubio, quod jam annectam mihi subvenias,
vehementer rogare. Accidit ut elapsâ heb-
domade Exc. Frigimelica dum urinarum doc-
trinam in nosocomio explicaret, ad stabilien-
dam

dam suam sententiam, qua urina tertiæ coctionis excrementum esset, experimentum quoddam adduceret ac publicè ostenderet, serum in coctione secunda hepatis genitum (liceat ex opinione Veterum loqui) non purum esse excrementum, sed plurimas partes heterogeneous & adhuc utilissimas contineri, quod ex dicto experimento patet, idq; tale est. E corpore hominis probè constituti extrahatur aliqua portio sanguinis, eaq; reponatur ut more solito concresecat & serum à crassioribus partibus separetur. Serum hoc putatur nihil aliud esse, quam aquosa quædam materia quæ perveficam excernitur: sed si ad examen ignis revocatur, longè aliud innotescit: si etenim serum hoc imponatur carbonibus ut aquosum exhalet, remanet in fundo crassa quædam materia, quæ haud quidquam aliud quam concretum Chylum referre videtur, & est instar gelatinæ aut juris ex pedibus animalium coagulati. Quæritur ergò quæ, & qualis & unde imò cuius usus sit illa materia? Labet hic, quod mihi in mentem venit, proponere & Tuo iudicio exponere. Si circularem sanguinis motum, ac chyli immediatum ad cor transitum in auxilium accessivero, arbitror aliquid lucis rei huic obscuræ adferri posse. Quando enim

chylus ad cor pervenit non diu ibi moratur, sed continuo cordis pulsu iterum ejicitur, unde impossibile est, penitus in sanguinem mutari; itaq; dum ad alterum cordis sinum per pulmones redit, nec ibi moras trahit ac prorsus perficitur (nam coctio non fit in instanti) sed aliqua pars ejus cruda adhuc circulatione demum perficienda cum arterioso sanguine eliminatur. Atq; ita materiam hanc chyli portionem esse reor; quæ in primo transitu per cor perfectè excocta non est & dicitur cruda non absolute sed respectu sanguinis absoluti & perfecti. Verum hic dubium movet Backius in tr. de corde qui non rubedinem sed ad alendum aptitudinem constituere sanguinem asserit: unde quis diceret, & hanc materiam esse ad alendum idoneam, neq; chylum crudum vocandam, præcipuè cum partes albicantes simile nutrimentum, album sc. non rubrum, requirant, & posset dici coctio illa supervacanea, cum in rubrum sanguinem chylus totus mutaretur, qui postmodum in partibus corporis dealbandus denuò foret. Unde me satis extricare nequeo. Et videtur præterea in foeminis hanc esse posse materiam lactis quod candore ei respondet. Sed sufficiat hæc tetigisse extremis digitis; cujus vel approbationem vel

vel reprobationem à limato Tuo iudicio exspecto. Jam ne in leges epistolæ injurius sim alia quædam brevibus annecto. Vasa Tua lymphatica Cl. Rhodio reddidi, qui ea propter, quæ Viri est humanitas, mirificè me prosecutus est; ostendi itidem Iconem Tuam in Anatome Reformata, quæ per literas transmissa à Te, aliquo malo fato interierat, quæ ipsi perplacuit. Jam typis exscribentur Vasa Tua lymphatica unà cum Vasis Lacteis, tam Tuis, quam Asellii & Pecqueti, quod per Tuum Fratrem jam Tibi innotuisse censeo. Ulterius nihil adjicio, Tibi faustissima quæq; ac vitam longavam à Summo Numine expeto ac felicissimè Te valere jubeo. Dabam Patavii Anno 1653. d. 29. Decemb.

T. Clariss. Excell. ad aras

Devot.

Michaël Lyserus.

EPISTOLA XXXIV.

De ductibus serosis.

THOMÆ BARTHOLINØ

Hafniam.

Scribendi ad tuam claritatem, Vir celeberrime, occasionem præbuit novum quod-

dam scriptum in Sueciâ editum. Quod quoniam ad Lymphatica tua vasa illustranda aliquid, ni fallor, conferre posse videbatur, & dubitarem, an ad vestras adhuc perveniret manus quædam heic transcribenda duxi:

De Ductus hepatici aquosi Originem ducunt ab hepate, Hepar egredientes tam inferius, quam superius venæ, portæ & ductus cholidoci latera prorepunt, deorsumq; tendunt sub venâ cavâ prope pancreas, carnosum, duodeno & ventriculo adnexum. Per plurimi horum ductuum, ac interdum omnes glandulam quandam ingrediuntur, ramulis dispersis, atq; deinde cum reliquis eandem prætervectis in vesiculam chyli, sitam inter renes, sub venâ cavâ & arteriâ aortâ sese insinuant. Unus horum ductuum, imo aliquoties plures, præcipuè in felibus divisus ramulis vesicam fellis ab extra integunt, atq; junctim cum reliquis hepaticis eodem itinere deorsum tendunt. Maxime quoq; notabile, quod mihi ter quaterq; videre contigit, paulo suprà chyli vesiculam, sub glandula hac aquosa manifestam anastomofin hosce inter ductus hepaticos, & duas vel tres lactearum venas dari. Factâ etenim ad chyli vesiculam ligatura humor per ductus hepaticos descendens, à ligamine reverberatus, sursum

sum per lacteas usq; ad pancreas glandulosum ascendebat, iterumq; laxato ligamine deorsum fluctuans vesiculam chylosam implebat. In pluribus & fere omnibus dissectis animalibus tales ductus hepaticos, duo tres quatuor & plures interdum, niox ab hepatis lobo majore, qui venam cavam suscipit, atque eidem ut reni sinistro adnectitur, egressos atque immediate illam cingentes quasi in cavam hiantes reperi, illas venas esse lacteas sum opinatus. Verum frequenti demum sectione edoctus manifestè illos vesiculæ chyli infertos, eidem humorem aquosum infundentes conspexi, Glandula autem prædicta, venæ portæ substernitur, ut & in multis eidem adhæret, quæ plerumq; una est reperta, aliquando duæ aut tres, rarius nullæ. Hæc omnes ferè ductus hepaticos eodem modo ut glandula magna five Pancreas glandulosum in mesenterii medio, venas lacteas ab intestinis recipit, atque ad vesiculam transmittit, se penetrare finit, & humorem illabentem manifestissime inbibens gravissimè intumescit, Digitis compressa illum deorsum effundit. *Modus sectionis.* Abdomine canis aperto ablatoq; vel supra thoracem reflexo omento ligaturam inter ventriculum & hepar faciat, in mesente-

rii parte hepar ventriculo ac intestinis connectente & intra se venam portæ, cum ductu cholidocho continente ac ducente, mox videbis à jecore ad ligaturam ductus aquoso humore intumescences qui post horam unam vel alteram flavescent, liberatis deinde intestinis à lobo hepatis infimo Reni dextro adnexo, & illis ad sinistrum reflexis separet intestinum cholon à lumborum vertebriis, & venas lacteas cum vena portæ immediatè sub pancreate glanduloso; in ea mesenterii parte, quæ intestina dorso alligat, currentes liget, postea thoracem aggrediatur, sternoq; avulso, ductum chyli ferum, prius evacuata vesicula constringat, eodemve modo alteram extremitatem in abdomine ano prospicientem vinciet, ne vasa serosa eo tendentia vesiculam impleant, quamvis interdum ea ligatura non opus sit. Solet enim plerumq; ille humor serosus in vasis glandularum restagnare. Aliam quoq; in mesenterio prope vesiculam chylosam, faciet ligaturam & conspiciet, laxata prima inter hepar & ventriculum injecta, glandulam illam ductus hos recipientem, & illos ipsos, usque ligaturam hanc inferiorem, humore gravatos, postea aperto inferiore hoc ligamine tota vesicula eodem implebitur humore,

re, etsi ligamen ductum chyliferum constringens, paulò supra vesiculam in thorace solveris vesiculam evacuatam, & humorem venam axillarem, ipsumque cor, (ligatis prius venis omnibus ad jugulum, dextroq; ejus ventriculo dissecto) ingressurum videbis. Postmodum, si vesiculam quoque chylo repletam intueri velis, illud astringenti tibi in thorace ad vesiculam filum, & laxanti, circa pancreas venarum lactearum ligamen, eveniet. Sic, alternatim apertis, contractisq; ligaturis humore aquoso & chyloso vesica implebitur.

II. Vasa glandularum serosa. Hi canales in diversas corporis partes sese insinuant. Quæ enim ad jugulum inveniuntur ramulos substerno inter pinguedinem, & venas mediastino suffultas, spargunt, ut glandulam unam vel alteram, circa sterni principium ingressi conjunguntur, & unum, (aliquando duos,) constituunt tubulum, qui venæ axillari supra-vectus, ductus chyliferi conjunctione circa finem gaudet. Hic porro tubulus aliquando visus est, alium substantia similem, à costis dextris venæ axillari dextræ incumbentem admisisse. Illi autem serosi ductus, qui cordis latus sinistrum occupant, rivulos pericardio, ejusq;

ejusq; pinguedini, & Mediastino committuntur, inde glandularum parvularum auxilio uniti arteriam aortam trajicientes ramulo ductui chylifero inhiant. Alii vero qui multa ramulorum copia inter musculos transversos, & obliquos abdominis propullulant, plerumq; sine glandula visi, duorum fere digitorum transversorum spatio, à vena cava uniuntur, & lumbarium vasorum consortio gaudentes vesiculam chylosam ingrediuntur. Situm obtinent inter Peritonæi tunicas. Qui deinde tubuli sero pleni venas crurales comitantes vesiculam chylosam sub vena cava, osculis excipiunt, glandularum duarum vel trium substantiam, inguina occupantium tam extra quam intra amplexantur, horum ductuum magnitudinem reliquorum antecessisse in omnium animalium Anatome comperi.

Deniq; vasa serosa deorsum sub intestino colon progredientia, oriri videntur inter os sacrum & intestinum rectum, ramulis aliquibus inter pinguedinem sparsis qui paulo infra divaricationem venæ cavæ in crurales, juncti, supra illarum superficiem procedunt, atq; tandem cum reliquis serosis vasis vesiculam adoriuntur. Illud autem serosum vas, quod in vitulis & avibus sub œsophago conspicitur, ori-
tur

tur multis radicibus à glandula quadam magna & oblonga, quam natura œsophagi lateribus prope diaphragma apposuit, inde sursum recta fertur, & sese osculis ductui chylifero conjungit.

Hæc sunt Vir Clarissime quæ transcribere constitueram. Sunt in eo adhuc scriptulo multa lectu digna, sed ea descripsisse omnia commodum non fuit: hæc itaq; cum adjunctis iconibus mitto, quæ si tuæ claritati placuerint mihi gratulor. Omnia autem ea accurate ipse Autor, qui hic degit, mihi valde familiaris, Hornio mihiq; demonstravit. His Vale Vir clarissime cum tota familia meq; tuum cultorem amare perge. Lugduni Batavorum 3. Novembris 1653.

W. Worm Olai F.

EPISTOLA XXXV.

De morte Salmasij.

THOMÆ BARTHOLINO Hafniam.

PRidem est, Vir excellentissime, cum ex Batavia redux Flensburgi agere cœpi, & communis protegi umbone Principis. Quæ verò hic operæ præstandæ mihi essent, id mihi antehac perscribere, cum Rostochii adhuc

huc essem. Et Deo quidem satis gratias scio me hic operas sumere, dum juventutem doceo bonas literas: sed poteram tamen multò mihi jucundiores præstare. Parum scilicet hic mihi temporis relictum est, quo liceat τὴν ἐαυτοῦ (sic Græcos solere non ignoras) βελτίω κατεργάζεσθαι τὴν Διάνοιαν. Faciam tamen hoc quoque mearum rerum statu, quantum possum, nec desistam ad elegantiores illam quam tu tuique similes jam consecuti estis, literaturam subinde oculos reflectere. Ex quo hunc locum attigi, accepi à Reinesio nostro, Viro clarissimo, literas, quibus inter alia tibi & Wilhelm. Langio gratias agit singulares, quod veterum Inscriptionum quæ apud vos erant, ipsi copiam fecistis. Et nonnulla quidem ipsius verba in literis hæc sunt: Constabit etiam per candorem meum publicè, quisquam & qualem exhibuerit. Scribit quoq; se quasi ter mille jam collectas habere. Tu, Vir excellentissime, si amplius juvare poteris ipsius conatus, facies, scio, tuâ sponte: atq; ut facere ne graveris, communi literatorum nomine, ipse unà cum Reinesio te rogo atq; obtestor. Misi nuper ad ipsum inscriptionem quandam Græcam, quam Smyrnæ ex lapide descripsisse cogno-

cognoveram Ismaëlem Bulioldum. De Magni Salmasii ulterioribus juvandæ rei literariæ conatibus jam eheu conclamatum est. Et mea quidem hæc infelicitas fuit, quod Virum ne videre quidem contigit cum in Batavia essem. Scilicet vix Leidam deveneram, cum de ejus excessu nunciatum est. Speravi autem, Virum summum etiam post excessum suum publice profuturum, illis puta inexhausti ingenii monumentis quæ parata jam haberet, necdum divulgasset. Sed ea spes nuper penè mihi est adempta, cum audirem, ipsum morientem suis dedisse in mandatis, ut sua manu exarata exurant, nec ea in lucem proferant. Meas de Hebraïsmis N. T. *Περὶ τῆς* receperunt Elzevirii Lugdunenses se suis typis expressuros. Quamobrem & *ἀντίγραφον* meum illis reliqui. Non tamen constat, utrum operarum jam fecerint initium, nec ne. Batavos cum Anglis habere pacem pactam nuperrimè huic pro certo est allatum, & nostri quoq; Principis rationem, uti par erat, esse habitam. Est igitur, cur de communi quiete vobiscum gaudeamus. Serenissimum Regem ajunt & has terras suâ præsentia brevi illustraturum: quod nostris hominibus erit planè exoptatum. Vale, Fautor &

Amice honoratissime, καὶ εὖ πρέσβει. Elenburgi, die XXIX. Januarii, Anno cId Idc LIV. qui ut tibi porrò feliciter decurrat, ex animo opto.

Tuæ excell. Cultor

Joh. Vorstius.

EPISTOLA XXXVI.

De Receptaculo Lacteo in Homine.

THOMÆ BARTHOLINO Hafniam.

INcepit sectionem Anatomicam Clarissimus Ivan Horn, diversa omnino ab illa, quam sub tua institutione videram methodo, à dorsi enim musculis initium demonstrationis capiens proximè ad artus, postremoq; ad ventres perrexit, nec quid significatu dignum tota fere Anatome suppeditabat, præterquam, quod chyli receptaculum, quod in brutis semper comparet, in Homine inter glandulas à tua claritate inventas Professor van Horn nobis monstraverit (Monstrasse dico, Suecus enim ille, Amicus meus satis familiaris primum in illud curiosa manū inquisivit, feliciq; studio invenit,) erat autem illud magnitudine articuli majoris digiti, primoq; die manifestissime

Acutissime comparuit, sequenti autem ne Lynce-
is quidem oculis apparuisset, ab ipso tamen
Sueco, qui præcedente die locum curiosè ob-
servaverat, tunc iterum detegebatur, immisso
nempe Siphone, quo lac primo Receptaculo
deinde ductui communicavit. Cum proximo
internuntio, si Deo placuerit, totam descri-
ptionem, cum accurata delineatione trans-
mittam. Erat præterea musculi cucullaris in-
signis magnitudo, quamvis in homine minus
Religioso. In usu musculis assignando à tua
claritate dissentiebat; D. van Horn circa
Musculos ferratos posticos, quos noluit dila-
tationi thoracis, ob parvitatem, inservire,
sed tantum Musculis Sacrolumbo, & splenio
pro ligamenti esse, 2 Musculo Mastoidi par-
tes caput movendi negavit, sed tantum fir-
mitudinis ergo datos dixit, ut erectum serva-
rent caput idemq; ei præstarent, quod ruden-
tes, malo in navì. Musculum ferratum anti-
cum duabus superioribus thoracis costis in-
cumbentem quoq; vidimus. Ecce nihil præ-
terea hæc nobis novi Anatomie peperit. Opu-
scula Riolani, quamvis de iis quotidie inqui-
ram, nondum tamen habere potui. Tua au-
tem unà cum Pecqueti & Sueci istius, ulti-
mam jam Typographi manum evaserunt,

tuo nomini à correctore inscripta, quæ heri, cum filio Consulis Otthoniani Christiano Johannis Kóllebrun, tuæ Claritati transmissi. Professor van Horn mira aviditate specimen Anatomiae vestrae Augustæ expectat. Uxor D. Sperlingii die 26. Januarii ad plures abiit. Plura in aliud tempus differo tuæ claritati felicia quævis æternum optans. Vale magne Vir, meq; ut soles ama. Dabam Lugduni Batavorum 2. Februarii 1654.

Tui studiosissimus

W. Worm Olai F.

EPISTOLA XXXVII.

De Receptaculo Lacteo Responsio.

WILHELMO WORMIO

Leidam.

Tuas recte non ita pridem, cum icone Receptaculi lactei in homine inventi accepi. Pro utraq; gratias ago, & unicum in votis habeo, ut in officio & amore tecum paria faciam. Elegans lactearum nostrarum augmentum perplacet. Et utinam his aliisq; augmentis inclarescere magis vellent nonnulli, quam obtrectatione famæ alterius, & inventi. Si recte conjicio in icone transmissa & à Cl. Rudbeckio delineata, videtur Lymphaticus qui-

quidam esse ramus, qui à receptaculo lacteo ad inferiora descendit, litera p. significatus, per quem aqua receptaculo ab inferioribus infunditur, lacteus enim esse nequit, quia nec usum haberet, nec eo usq; progredereetur. Quicquid sit, laudem diligentiae author meretur. Mitto tibi centurias duas Historiarum anatomicarum nuperrime editas, quas æqui boniq; pro candore tuo consules. Missem & reliquis Lycæi vestri Doctoribus, si Jansonio commodum fuisset. Adjunxi Bogdani Apologiam, quam me inscio & conscripsit & edidit, rogavitq; ut tibi cum salute transmitterem. Ego certe nunquam ne verbulo respondissem, satur enim jam famæ sperno contentiones, & sufficere mihi credo mentem recti consciam. Præterea non magnopere laborandum duco quis hujus vel illius inventi autor sit prior, sat est inventum esse, & ad publicam utilitatem conferre posse. Riolani autem opusculum avidius expecto, in cujus judicio plus apud eruditos formidinis. Hisce vale amicissime. Wormi, & meo nomine saluta, quos salutare consuevisti, & si iconem receptaculi inventor mihi transmisit, & illum solvere jubebis cum prompta officiorum oblatione, Hafniæ X. Martii St. V. 1654.

T. T. Thomas Bartholinus.

EPISTOLA XXXVIII.

De Vitrioli minera.

THOMÆ BARTHOLINO Hafniam.

HAfniam vestram Regiam delatas meas, manu menteq; amica exceptas expectatissima Tuæ, omniq; suaviores Ambrosiâ internunciæ indicant. Gratulor mihi de faustissimo sydere, & symbolismo tam amico, Fatis vota secundantibus. Regero hæc si non scriptonis dignitate, gratiarum actione tamen gravidas, quod post habitis indefessis lucubrationibus, & negotiis hoc otii amico concesseris, imo re ipsa pronum mentis affectum contestatam vulueris; neq; enim levipendo transmissam sub nomine Vitrioli mineram, quam cum examini subjecissem, nescio qua singulari me affecterit voluptate, spemq; haud levem fecerit insignis cujusdam tum in re Medica, tum in aliis inde redundaturi beneficii. Ignosce Vir Clarissime ubi pro genii mei modulo exquisitius forsan & curiosius quam deceret in locum ejus natalitium, inventorem, & tempus inquiram, à quo innotuit; Examini ne subjecta sit Metallurgico an Philosophico? Ejusq; an copia comparari possit, & alia quæ forsan occurrunt scitu necessaria. Sine strepitu & sub

b Harpocratico silentio hæc resciscere aveo; genuam meam postmodum hac de mine-mentem & jamdum factam experi-entia repromitto. De Collegio Naturæ-Curio-rum enschediasma, cui nomen nondum dedi-eum ab prægnantes satis rationes, quas ubi-lutas videro pro Virili hanc provinciam co-lornare. haud gravabor. Exposuissem-issim nisi mallem exactissimum Vir Excellen-ssime hac in re adjectum calculum, & *πε-ρ-ισ-σο-υ*. Nundinas nostras Francofurtanas hac-ice invisere, & in Medica inquirere non licuit. I. Michellii Professoris Lipsiensis opus Her-eticum quam primum prælium subire audie-ri, aut exemplar ejus nactus fuero comparabo-ri si cupis transmittam: Quantum audio erit-haretra omnigeno sagittarum Medicarum-enere refertissima, & virum hunc addecens-abor. Quid Anatomica Tua? Nec enim du-ito quin hyemale hocce tempus,

Cum Zephyro, primisq; Rosis & hiru-ine prima Nomine Tuo digna suggerat. Per-e in stadio hocce Vir Celeberrime Athletice- & fausto pede perage.

Lapidum, Terrarum, aut qualiumcunq;-ossilium collectanea procurabo Tuos in usus.

EPISTOLA XXXVIII.

De Vitrioli minera.

THOMÆ BARTHOLINO

Hafniam.

HAfniam vestram Regiam delatas meas, manu menteq; amica exceptas expectatissimæ Tuæ, omniq; suaviores Ambrosiâ internunciæ indicant. Gratulor mihi de faustissimo sydere, & symbolismo tam amico, Fatis vota secundantibus. Regero hæc si non scriptiois dignitate, gratiarum actione tamen gravidas, quod post habitis indefessis lucubrationibus, & negotiis hoc otii amico concesseris, imo re ipsa pronum mentis affectum contestatam vulueris; neq; enim levipendo transmissam sub nomine Vitrioli mineram, quam cum examini subjecissem, nescio qua singulari me affecterit voluptate, spemq; haud levem fecerit insignis cujusdam tum in re Medica, tum in aliis inde redundaturi beneficii. Ignosce Vir Clarissime ubi pro genii mei modulo exquisitius forsan & curiosius quam deceret in locum ejus natalitium, inventorem, & tempus inquiram, à quo innotuit; Examini ne subjecta sit Metallurgico an Philosophico? Ejusq; an copia comparari possit, & alia quæ forsan occurrunt scitu necessaria. Sine strepitu & sub.

sub Harpocratico silentio hæc resciscere aveo; ingenuam meam postmodum hac de minera mentem & jamdum factam experientiam repromitto. De Collegio Naturæ-Curiosorum enschediasma, cui nomen nondum dedi meum ab prægnantes satis rationes, quas ubi dilutas videro pro Virili hanc provinciam coadornare haud gravabor. Exposuissem eassem nisi mallem exactissimum Vir Excellen-
τίσμον. Nundinas nostras Francofurtanas hac vice invisere, & in Medica inquirere non licuit. Cl. Michellii Professoris Lipsiensis opus Hermeticum quam primum prælium subire audierō, aut exemplar ejus nactus fuero comparabo & si cupis transmittam: Quantum audio erit Pharetra omnigeno sagittarum Medicarum genere refertissima, & virum hunc addecens labor. Quid Anatomica Tua? Nec enim dubito quin hyemale hocce tempus,

Cum Zephyro, primisq; Rosis & hirundine prima Nomine Tuo digna suggerat. Perge in stadio hocce Vir Celeberrime Athletice & fausto pede perage.

Lapidum, Terrarum, aut qualiumcunq; fossilium collectanea procurabo Tuos in usus.

Ego totus in Examen minerarum incumbam, quamquam de mutatione loci jamdum sollicitus sim. Tum quod heic locorum rara sit Praxis, tum quod ab eo tempore quo Illustrissimus meus Ernestus Hassiæ Landgrafius Pontificiam amplexus *δυσλείαν* id indies experiamur quod olim etiam notissimum, Apostatam Osorem sui Ordinis. De quibus alias. Hisce Vale Amicorum Fautorumq; Ocelle Clarissime, meq; ulteriori benivolentiæ Tuæ aura frui permittito.

Rapt. St. Goar. ad Rhenum Palmarum 1654.

Tuus totus ex animo

Janus David Wilhelmi D.

EPISTOLA XXXIX.

De Vasis Lacteis & Lymphaticis experimenta.

THOMÆ BARTHOLINO

Hafniam.

SVayissimas Tuas Vir Excellentissime atq; Clarissime Patrone ac Fautor suspiciende, per Dominum Oberbergium transmissas optime ad me perlatas esse, testes erunt præsentis literæ, quæ quantoperè gratæ mihi fuerint, pro

pro Tuo in me amore, & mea in Te reverentia vel me tacente colligere poteris: ac gratulor mihi equidem de prosperitate ac incolumitate Vestra, quam literæ Tuæ jucundissimæ indicarunt; hanc Vobis propriam & sempiternam voveo. Delectationi autem maximæ fuit ex Te imprimis felicem progressum Anatomiae Augustæ rescisse, utinam eam propediem perfectam videre liceret: sed doleo impensè labores Tuos ob ruditatem sculptoris tantum adauctos: nominis Tui fama, quam ampliore hoc quoq; spondet opus, condimentum aliquod istis afferet molestiis: verum eas amplius cumulari sentio, novis Veterani Parisiensis Responsionibus, quas intuegi exopto atq; olim solidam illarum à Te compositam Refutationem, quâ convicti homines creduli tandem naturæ & veritati fasces submittere cogantur. Ita sub hisce dissensionibus Cl. Bartholini laus multò magis inclarescet, ut multi mordicus jam antiquorum placita tenentes, si non in totum maxima tamen ex parte ad ejus accedant opinionem, cujus aliquot jam vidi exempla, eorundem unicum audire non pigeat. Cùm Marchetto Juniori Viro in Anatomicis versatissimo publicè tam lacteum thoracicum, quam vasa lymphatica

demonstrarem; obstinatè vasa esse negabat, sed pro nervis pugnabat, (idem de lacteis mesentericis statuens) neq; copiosius effluens liquor opinionem ejus diluere paterat: dissecuti autem truncum prope axillares cumq; pervenisset ad processus diaphragmatis, triumphum canebat ante victoriam, certus scilicet quod ibi esset plexus nervorum mesentericus, à nervis sexti paris oriundus, cujus hunc ramum esse asseverabat, seq; perducturum ad cerebrum, nî ruptus fuisset: sed verba erant. Jam verò pluribus factis canum coedibus, inflatoq; per tubulum ductu atq; corde mutasse eum sententiã ac pro peculiari vase, non tamen lacteo, agnovisse inaudio; siquidem, quod mirum & mihi vix credibile fit, apertis pluribus jejunis, pastis, diversis horis, nunquam, uti spectatores narrarunt, lacteum chylum sed semper serum falsuginosum in ductu thoracico invenisse dicitur; quem interdum simplicem, duplicem interdum reperit; nuspiam tamen insertiones Pecqueti multiplices conspexit. Observavit quoq; motum retrogradum in lacteis, chylum ad hepar deferri creditis, easq; ligatas intumescere hepar versus: quin & vasa lymphatica in thorace notavit; quas & ipse non ita pridem animadverti œso-
pha-

phagum amplecti, venam azygos transcendere & in ductum lacteum inferi. Videor mihi quiddam nuper in foemina conspexisse, quod vasis aquosis quam simillimum fuit, dubius tamen sum annon fuerint venæ lacteæ: Foemina probe pota ac ebria ex alto delapsa contusione cranii vitam finierat, conatus sum inquirere ductum thoracicum; & principium scilicet glandulas lumbares inveni; ad has supra cavam tendebant ramuli pertenuēs tali liquore, qualis in vasis continetur lymphaticis, repleti; an forte fuit chylus serosior ob potum copiosum assumptum an serum decernere nequeo. Molinettus Anatomicus superior in omnibus Tibi assentitur sed exauctorationi hepatis subscribere non audet. Folium, bis degens Venetiis exquirere nondum potui, tertium in festo Ascensionis eò profectus omnem movebo lapidem, ut eum inveniam, & tractatum Tuum tradam. In Nosocomiis nihil adhuc comparuit, si occasio dabitur, nunquam Tui immemorem futurum certò Tibi persuadeas. Percepi hic Patavii de Balsamo quodam scilicet Unguento vulnerario in regione Vestra admodum celebri, quod ad vulnera, ulcera, rupturas, & fracturas &c. valde commendatur: nominatur Unguentum Törckelia

kelianum (*Törckels Smöresse*) primum villi-
co quodam Holfato, innotuisse dicitur, qui
Regi Vestro postmodum communicavit, un-
de in manus complurium nobilium pervenit:
Ejus compositionem ac utendi modum si Tua
indispiscerer solertia, nescio quibus observan-
tiæ generibus id rependerem. Jam plura ad-
dicere non audeo, nisi ut me ceu haftenus fe-
cisti porro Tuo amore complecti digneris, Ti-
biq; certo persuadeas Tuam incolumitatem
inter preces ad Deum fusas semper mihi curæ
ac cordi esse. Vale quàm felicissime Patavii
16. April. 1654.

T. Clar. Exc. devotiss.

Michaël Lyserus.

EPISTOLA XL.

*Plempii de Riolani scripto, & Harvei
generatione iudicium.*

THOMÆ BARTHOLINO Hafniam.
MARTIN BOGDAN. S. P. D.

Humanitas tua quâ me dignatus es Vir Ex-
cell. gaudere, excusabit libertatem scri-
bendi, cum præsens tua interturbare nequeam
meis nugis studia, & gratulor mihi quod eas
non experior tibi esse molestas, Præmisit Hau-
boldus

boldus aliquot opuscula hoc anno invulgata, inter alia vidi Plempii fundamenta Medicinæ aucta, quæ ideo lubido incessit legere, & cum secunda editione conferre; pauca offendi, eaq; omnia Galenô & antiquorum scholis adversa. Addidit mesenterio novum ductum Thoracicarum ex Pecqueto & Hornio, hunc tamen suggillat, verba sunt: Primus tamen qui prodidit est Joannes Pecquetus; nam anno demum sequenti prodiit libellus Hornii. Subnequit. Istis posterior Thomas Bartholinus Danus, Doctor & Professor Regius eodem anno LII. tractatum invulgavit de Lacteis Thoracicis. His visis utrisq; jam laudati viri scriptis rem diligentius, & amplius examinare ad gressus, comperit in brutis quidem receptaculum chyli tale, quale describunt existere, sed in homine non item. Pecquetus quidem & Hornius, sola bruta in hoc negotium dissecuere. Bartholinus hominum, sed primum à carnifice mactatorum exta recentia intuitus & perscrutatus, officinam illam nobis detexit, ostenditq; non receptaculum esse cavum, sive saccum ut vocat Hornius, sed glandulas esse eodem loci, quo receptaculum sitas, scil. in regione lumborum tres ut plurimum, aliquando plures magnitudine ad trium transversorum digitorum

rum longitudinem. Præterea ramos emitti
ad emulgentes arterias & capsulas atrabila-
rias, ad uterum etiam, ad jecur, ad mammas.
His omnibus axit passim sua fundamenta, &
parum mutatis verbis infert; rationem adesse:
cur cito transitu eodemq; colore sapore odo-
re excernantur potulenta per urinam, addit:
chylo nutriri foetum in utero, & lac esse chy-
lum, partemq; ferri ad hepar chyli, & partem
ad cor. Hæc & similia in aliis locis quoq; re-
petit, ut conjiciam illi nondum innotuisse Vasa
Lymphatica, quia cum Hornio disceptat; dari
vias ex Mesenterio ad hepar; Et aliquid de-
ferri hepatis humoris; nil enim ornatus gratia
moliri naturam. Scriptum Slegelii contra
Riolanum multum effert, seq; contra Riola-
num in simili materia calamum arripuisse;
verum solidissimo opusculo viso, se omni in-
dignatione sublevatum, & quod nil potuisset
addere. subnectit. Riolanus manum operi non
admovent, at gloriam inventionis aliis invi-
dens, ut & ipse aliquid invenisse videretur, avia
rationum secutus, fingere multa mavult, &
orbi imponere, quam verum sensu comperire,
illudq; confiteri. Harvei scriptum de Genera-
tione Animalium parum faceret, quod aut ob-
soleta aut paradoxa contineat, id tamen in
compen-

compendium digessit propter viri existimationem quam ex invento Circulationis adeptus est, paucis rem absolvit, & revera semen in uteris animalium adesse, iisdem quibus ego, probat; ut jurarem nobis eundem genium adstitisse, quā uterq; neutrius scripto viso talia scripsimus. Addit non potuisse Harveum in cervis Damisq; videre semen, quod animalibus perterritis in mactatione elapsum sit, cum eodem tempore & fœces & urinam exire animadvertatur. In fine collegit quorundam Theologorum Lovaniensium contra Cartesii Philosophiam epistolas, quam omnes impiam, & fidei catholicæ ob qualitates explosas, quas in sacra synaxi adesse adversam statuunt, ideoq; indignam juventute, tandem subnectit aliam contra Kyperum Wermostius apologiam. Hæc Vir Excell. excerpta, non tamen ut nova scribo. Deus te excellentissime Vir eruditus omnibus incolumem diu servet, & Medicinæ bono, prosperi tuis adsint successus, tibi justæ vires tantisq; laboribus, quibus suffocari te indignamur, tuamq; inconstantem valetudinem quam præcor firmet Deus Vale, & me quocunq; loco, dumne extra affectum tuum pone. Hafniæ clō Ioc LIV, 17. Maij.

EPISTOLA XLI.

De Riolani Scommatis.

THOMÆ BARTHOLINO Roëschildiam.

Percurri obiter transmissa Riolani opuscula, quæ, ne diutius iis defrauderis, gratus remitto. Semper verum credidi, quod in triviis decantatur:

Didicisse fideliter artes.

Emollit mores, nec sinit esse feros.

Sed contrarium in Riolano nostro experior, qui etsi literatus & scriptis Anatomicis celebris, ejus tamen mores, nec Musæ, nec aula, nec anni emollire potuerunt hactenus. Credo eum in vetularum educatum contuberniis, in quibus rixari, scommatis & sarcasmis certare, bonorumq; famam proscindere, volupe est. Nec amicis compellationibus, nec errorum demonstrationibus movetur antiquior ille Scholæ Magister, quin convitia & maledicta toto horreo effundat in bene meritos, qui laboribus suis Reipublicæ literariæ prodesse student. Solus dominari, & tanquam Numen aliquod Anatomicum adorari cupit. Quæ hæc insolentia? Tuum est, mi Bartholine, alto supercilio & silentio, morosi senis scommata contemnere. Docti ac probi, qui utriusq;

utriusq; legunt scripta, & iusta lance rem expendunt, nugas ejus scurriles spernunt. Siquidem rem raro tangat, & ut plurimum ineptiis ludat. Ægrius, crede mihi, teret nugas ejus contemni, quam si verbis acerbius tractetur. Cui bono de ejusmodi contumeliis ferram contentionis reciprocare.

Baccho bacchanti si velis adversarier, ex infano stultiorē reddes.

Deus Te nobis incolumem ad majora & utiliora servet. Valemus DEI gratia in nostra familia omnes, & Te tuosq; salutamus ac valere jubemus. Hafniæ 16. Jun. 1654.

T.

Olaus Wormius.

• EPISTOLA XLII.

*De remedio ad quartanam, de sale aëris,
& Tartari fermentatione.*

THOMÆ BARTHOLINO Roëschild.

Magistrum Olearium necdum vidi, heri namq; sub vesperam domum primum reversus est, datâ occasione T.E. nomine ipsum salutabo. Alteram fidei meæ concreditam salutem Cl. D. Joëli nunciavi, qui miserum istum

L I

dilectis-

dilectissimæ Tuæ Conjugis statum juxta mecum ægerrimè tulit, quæsitq; an pulvis de Gannaperide mihi esset cognitus, & an eo usi fuisset T. E. huic n. pulveri mirum quantum fudit, me autem ex Chiffletio ipsi hac in parte opposui, nec ipsius usum magnificiendum credidi, eo quod paroxysmos febriles retardaret magis quam tolleretur, nec (monente Chiffletio.) inducias pro pace habendas, & quod palmarium est, acerbiores post hujus medicamenti usum evadere paroxysmos. Ubi ille experientiam suam acclamare, mirariq; à Chiffletio tanto Medico (à se tamen lecto) hæc prolata, nec quicquam periculi esse, modò methodicè adhibeatur, se tamen ultra Drach. non exhibuisse. Credit autem Clarissimus D. Joël fermentum istud Quartanæ hoc medicamento quasi vincitum & in unum compactum, nisi apti, cujusdam & appropriati purgantis beneficio è corpore educatur, vim suam fermentativam tandem exserturum, unde perpetuum Quartanæ fomitem derivare possemus. Purgans tale ipsi sunt pilulæ Spadanæ, nec ineptè eum curaturum statuit, qui iisdem non uno tantum die ante exhibitionem Gannaperides uteretur, sed & ipsarum usum sequentibus diebus reiteraret. Sic & Panacæam Holfaticam cum Magisterio Gummi

Gummi Gotte & Acido Tartari in contumacibus hujusmodi morbis mirè commendavit. Dosis Magist. gumm. gutt. gr. 5. vel. 7. Salis Principis s. Panacææ Holfat. gr. 15. Acidi Tartari q. v. Descriptio Panacææ Holfaticæ in Schódero (quem mihi mutuò dedit) ex stat. Pharmac. Med. Chym. l. 3. c. 23. tit. Nitrum Vitriolatum, s. sal. Ducis Holfatiæ, &c. Miras huic medicamento vires attribuit, sancteq; juravit hujus salis usu per sudorem multos sanitati restitutos, de quorum vita desperatum penitus fuerat. Vitrum quoddam mihi ostendit Clar. Joël, cujus parieti adnatum erat sal quoddam volatile, albicans, ab ipso sal Aëris appellatum; In isto sale variæ solum, fluminum, plantarum, caudicum, &c. species accuratè repræsentabantur, in fundo vitri substantia quædam residabat lutea, crassa, & sæculenta, orificio Vitri optimè clauso. Hoc pro secreto mihi monstravit, nec minus in hoc quam in Davissonii speciebus abietinis artificium latere statuit. Sic & fermentationem Tartari, quam ipsi Zuelferus per literas negaverat, ac pro nugis habuerat, mihi monstravit, in qua fermentatione variæ magnitudinis bullæ in vase isto excubantur uvarum adinstar: Ex fermentato hoc Tartaro spiritum Tartari tandem eliciunt,

multo majoris efficaciac ac virtutis, quam vulgari Pharmacopæorum modo producti. Processum fermentationis, cujus tamen divulgatio mihi à Cl. Joële interdicta, Præceptori aperiam, hicq; est: Salis Tartari vel potius (quantum visu colligere poterā Cl. Joël Sal dixit esse) Tartari calcinati q. v. in vas fictile indatur, cui affundatur aquæ puræ Lib. j. vel Lib. ij. supposito igne coctio promovenda, quò ubi perventum fuerit, gradus ignis non nimis fortis, sed mediocris & minor quam antea accuratè observandus, sensimq; pulvis Tartari crudi ollæ fictili subtili manu inspergendus, statimq; ubi iste pulvis resolutus fuerit, fermentari incipit, & in bullas, uvas uvarumq; racemos exactè referentes, Spectaculo satis jucundo elevari, ubi evanuerint bullæ, vel subsidere incæperint, alius inspergendus est pulvis, quamq; diu fermentationis Spectaculo frui velis continuanda erit repetita ista inspersio. Quam Tui prodigus Omnipotentis Dei gratiam mihi precaris, Tibi quoq; cum tota familia ex animo apprecor. Affines ac consanguineos T. E. cum foenore resaluto. Vale Mæcenas Magne, & in public. Patriæ, Familiæ, meiq; bonum diu feliciterq; vive, vale, meq; ama. Slesv. 25. Jun. 1654.

T. Excell. Discip. observ.

Henricus à Moinichen.

EPISTOLA XLIII.

De Lacteis & Gananaperide.

THOMÆ BARTHOLINO Roëschild.

J. LANGELOTT D.

REctè postremas Tuas Roëschildiaë datas nuper exhibuit Eruditissimus noster Möinichenius juvenis ob morum candorem & literarum culturam mihi commendatissimus; & vidi ex iis abundè, quam cara acceptave sint cuncta Tibi, quæ ab amicis profiscuntur officia, ut etiam exigua mea alicujus pretii æstimaveris, quæ tamen usq; adeò mihi non satisfaciunt, ut majora tibi lubentissimè, si modo vires permittant, oblata velim. Cæterum tradidi Möinichenio munusculum à Serenissimo Principe nostro Tibi hac vice ob dedicatum Inventum Anatomicum destinatum, quod rogo non solum spectes, sed mage singularem ejus favorem & clementiam, qua Te Tuq; complecti cœpit, quamq; unà cum gratiosa salutatione literis hisce denunciamdam jussit. Interea non degenerem Te discipulum se præbuit Mœnichenius noster, qui ipsa hæc Vasa una cum Lacteis Thoracicis ex meo consilio Suxæ Celsitudini in Cane majori, quem Vertagum appellamus satis dextrè de-

monstravit. Vidit sanè illa Curiosissimus Princeps non sine insigni delectatione, Bartholinumq; eò magis æstimare cœpit ob tam rarum inventum, tot seculis hætenus invisum. Miratus verò est, quomodo fieri potuerit, ut ductus ille Læteus conspicuus magis præ Lymphaticis tot Lynceos Anatomicorum oculos effugere potuerit? Monstravi statim rationes à Te cap. 18, Histor. Anatom. Læteorum Thoracicorum adductas, & in iis acquievit. In rarioribus Historiis Anatomicis continuandis quod tua nunc occupetur industria, gaudeo, & gratias habeo, quod me quoque ex minimis unum ad tantorum Virorum confessum peramanter invites. Accederem utiq; & Symbolam conferrem, nisi neglexissem annotare, quod anima harum perhibetur esse, necessarias scilicet circumstantias, sine quibus vix fidem à lectoribus impetrant. Curabo tamen, ut unâ aut alterâ amantissimæ Tuæ voluntati satisfaciam. Dolet valdè quod amantissimam conjugem Febris Quartana adhuc affligat. Me inscio verò factum quod Mœnichenius de Gannanaperide transcripsit. Sane si ad hunc morbum debellandum me accingerem, forsan Dei gratia alia suppeterent, quibus non sine successu hætenus fui usus.

Feci

Feci tantum experimenti mentionem, quod tunc de Gannanaperide in Quartanario quodam habueram, qui secunda ejus sumptione statim convaluit, nec sine ulla subsequente recidiva, veluti Chiffletius illam incusat, adhibendo binis vicibus Pilulas nostras Spadanæ, quarum ope omnis Tartarea & nigricans colluvies felicissime fuit eliminata. Vale Celeberrime Vir, atq; ut in Pestifera hac lue, quam prohi dolor densissima strage grassari apud vos audio, incolumis cum omnibus Tuis vivas & vigeas Supremum Numen supplici prece veneror. Gottorpi 22. Jul. clc. Ibc LIV.

EPISTOLA XLIV.

De Elixire Pestilentiali.

THOMÆ BARTHOLINO

Roëschild.

Suavissimas Tuas 3. Julii Roschildiæ datas rectè accepi, ex quibus prosperam Tuam Tuorumq; valetudinem lætus percepi, sola adhuc restat T. E. Conjux charissima, cui (ratum sit votum) post tot mœstos dies firma salus lætior tandem arrideat. Inclusas ad Cl. Rhodium, ubi Diis vialibus Patavium venero,

rectè curabo, proq; iis immortales ago gratias. Viro humanissimo D. Joeli suas tradidi promisitq; responsionem, siq; otium suppeteret observationes aliquot, semper enim occupatissimus est. Polypi Cordis historiam ac iconem brevi Tecum communicaturus est. In lignea reconditum capsula per Tabellarium qui curru vehitur, jam transmitto, una cum medicamento quodam antiloimico, quod Cl. Joëli acceptum feceres; Elixir est Præservativum, quo feliciter utatur Præceptor meritissimus juxta mecum sincerè optat Magnus Tuus Amicus Cl. Joël, dosis cochlear. j. ad præservandum cottidie usurpandum. Pro parentibus meis tale mihi quoq; præservativum dedit, cui curativum addidit, sed in multò minore quantitate, dos. gutt. 9. in aq. è typhis cervor. s. aq. C. Cervi, s. card. benedicti assumendum, postremi dimidiam partem à Parentibus meis expectabis, nomine Tincturæ Bezoarticæ hoc insignivit, plurimum Camphoræ & aliquantulum Balsami Loimici Hennisii in se continet, instar olei supernatantis, vitrum igitur diligenter agitandum, quoties medicamento hujus usus expectatur, qui ter uno die ab infectis usurpandus. Elixir præservativ. ex hisce componitur

R. Elixir

R. Elixir nostr. Balsamici part. ꝑ. (ex essentia succini, Juniperi, & Cervi)

Citri part. 4.

Præservativi Joëlis part. 1.

Elixiri hoc semper utitur Cl. Joël cujus descriptionem antea mecum communicavit, quæ hæc est.

R. Gummi Ammoniaci Spir. Vini elot, repurgat. & soluti

Aloes opt. purificat. ac Spir. Vini elotæ Myrrhæ selectæ an. Unc. iiij.

Croci Orientalis Unc. i ꝑ.

Flor. Sulphuris ter à Realgare sublimator. Unc. xij.

Quibus bene pulverisatis addantur in cucurbita vitrea Spir. Vini optime rectific. Spir. Meliss. ana ad eminentiam palmæ. Fiat digestio in igne arenæ 3. vel 4. septiman. donec tinctura commoda elici poterit, quæ extrahenda remanentibus fæcibus, quas tandem calcinabis. Ex calcinata hac materia sal elicendum, quod resolutum Tincturæ addendum, sic enim virtus medicamenti adaugetur. Elixir vocat præservativum, ejusq; usus ipsi admodum familiaris, in pectoris affectibus aliisq;. In scorbuto cum aqua antiscorbuticâ Munficti vel alius, se eo feliciter usum asseverat. Ob

summam quam in hoc Viro humanissimo expertus sum humanitatem, multum ipsi debeo, nec enim ullum ab ipso intermissum est humanitatis officium, quo mihi gratificari potuit, Tibi vero multo plura debeo, quod Ipsi tantopere commendatum me volueris, strenuam daturus sum operam, ne beneficiorum Præceptorem meum tandem pæniteat. Quia Chyli Receptaculum ut & Vasa Lymphatica necdum viderat Cl. D. Joëk, ea ipsi in Venatico cane satis conspicua, 3. Julii monstravi; Lymphatica tum vidimus in Ingvine, Hepate, prope Cor ubi glandulas adpinxit Rudbeck, quas tamen observare nequivi, glandulam vero sub porta sitam lymphatica recipientem præmissa in Mesenterii parte Hepar ventriculo ac Intestinis annectente, ligatura, manifeste vidi, quæ ob impeditum lymphæ cursum, tumida ovum columbinum magnitudine referebat. Sequentibus diebus, quæ ipsi in Cane isto ostenderam, Celsiss. Principi indicavit, cui eadem videre placuit, hinc ita volente Duce alium Canem venaticum quinta vel sexta ante sectionem horâ bene pastum, præsentibus Celsiss. Principe, Liberorum Principum Præfecto cognomine Lytzov, Clar. Joële aliisq; 17. Julii vivum dissecui, monstraviq;

(1) Ve-

(1) Venas Lacteas Afellii, satis copiosè per universum Mesenterium dispersas, (2) Receptaculum Chylo refertum, cum suo ductu Thoracico, calamus scriptorium crassitie superante. (3) Vasa Lymphatica prope Hepar, in Ingvine ac artu sinistro. (4) In crure sinistro motum sanguinis. Singula hæc mirè Celsus. Principi placuerunt, qui ea nunquam ante viderat, hinc 18. Julii in certum clementiæ ac favoris signum aureo me donavit annulo.

Hisce vale Præceptor meritissime, meq; quem toties Tuum fecisti, ne porro desere. Vale iterum felicissimè cum tota Familia cunctisq; Amicis, quibus meo nomine amicissimam nuncia salutem. Slesvici 23. Julii 1654.

T. E.

addictissimus & obsequ.

Henricus M. à Moinichen.

EPISTOLA XLV.

De Consensu Partium.

THOMÆ BARTHOLINO

Hafniam.

Quas ad Te Slesvico 23. Julii dedi, una cum binis istis pyxidibus, rectè curatas spero, per Tabellarium namq; Dunchel dictum eas transmissi. 27. Julii circa vesperam. Hanaburgum veni,

veni, octiduum hic mansurus: sciendi cupidus: quid novi in ampla hac ac populosa Civitate ageretur, reddita per phosphorum prima luce per servulum quendam ad Templum primum à Judicio nominatum me statim deduci curo, ubi in Bibliopoliis impudens istud Riolani scriptum, cedro dignissimis T. E. libris, quavis corona dignis, oppositum statim offendi, duo mihi comparavi exemplaria, quorum unum Præceptori meo transmittito, quia à plurimis T. E. amicis avidè expectari sciebam, Tibi unum offerre volui, quo amicis illud à Te expetentibus hac in parte gratificari poteris. Currente oculo quædam in eo legi, sed obstupui steteruntq; comæ, vox faucibus hæsit. Jovem Lapidem juro tantam in Literato, in Viro, in sene qui dictaturam quasi literarum ambit, me nunquam expectasse impudentiam, quantam in hoc scripto adverti. Tuas interea vices serio doleo, quod de Republ. literaria optimè merito, tale vigiliarum ac laborum non sine ingenti virium jactura exantlatorum, precium Tibi solvat malevolus hic senex; A candidis rerum æstimatoribus de Tuis meritis rectius judicaturis, multò dignius feres. Stenbuckius heic est, brevi domum rediturus. D. Otto Sperling heic habitat, quem tamen necdum

dum vidi vel conveni. Medicus quidam Hamburgensis, Vir Senex, D. Bernhardus Langwedelius heri in meo fuit hospitio, qui ubi Medicinæ me addictum cognovit, se tractatum quendam futuris Medicis apprime utilem præmanibus habere mihi indicavit, rogatus à prandio ipsum statim invisi, istumq; de quo ille antea mecum, mihi monstravit tractatum, cujus inscriptio hæc est: Consiliarius Anatomicus Consensum partium Corporis humani tam externarum quam internarum per Præcepta atq; exempla veterum potissimum autoritate & Recentiorum demonstratione Anatomica stabilita, cum monitis quibusdam annexis exhibens, & praxi Medicæ apprime inserviens à Bernhardo Langwedelio Hamburgense M. Doctore informatus. Calcar sibi à multis Præclaris Viris additum ajebat, ut opus istud absolveret nec in nonum præmeret annum, jamq; brevi in Belgio emittendum promittebat, quamvis necdum ultimam imposuisset manum. Opus sane est laboriosum & vastum, sed id in eo desidero, quod veterum autoritatibus planè emancipatus, parum vel nihil Circulationi vel ejus Defensoribus tribuat, unde falsas nonnunq; consensuum causas ab ipso assignari fas erit, quod Tyroni haud leve
in

in legendo impedimentum erit. Partem quādam istius tractatus in hospitium meum mihi concedidit, quia diversis diversa placerent, meumq; de eo iudicium ipsi constaret, hinc placuit mihi celeri manu quādam ex ipso transcribere, quo methodus ipsius Præceptori meo innotesceret. Abitum Urgente Tabellario, Præceptori meo desideratissimo cum Coniuge, Filia, Matre, cunctisq; Amicis ac Affinibus prosperam ac perpetuam precatus salutem filum abrumpo. Vale interea quam felicissimè mihi que porro fave. Dabam Hamburgii. 29. Julii 1654.

Henricus à Mòinichen.

Abdominis Musculi sub hypochondrio dextro siti & læsi in consensum trahunt Peritonæum ratione viciniae.

Id quod declaratur Exemplo pauperculi.

Anno 1641. 28. Augusti Marchiacus quidam P. W. 33. annorum ante annum elapsum à rotis rhedæ benè onustæ circumrotatis super hypochondrio dextro fuit vehementer conquassatus, sine tamen costarum notharum fractura; diarrhæa & vigiliis ob cruciatus atq; dolores comitantibus.

Eventus

Eventus lethalis.

Methodica curatione per phlebotomiam & alia necessaria præsidia ab initio neglecta & febris symptomatrica ex abscessu superveniente, tandem viribus collapsis, vitam cum morte commutavit.

Relatio Anatomica.

Partium Infimi ventris.

Ratione situs, suspicio aderat, partem affectam fuisse jecur, at vero post obitum longè aliter observatum fuit, nam ante corporis dissectionem tetigi hypochondrium, quod non erat durum, sed admodum molle. Ergo hepar non fuisse primario læsum, inflammatum aut induratum conjectura assequi licuit.

1. Primò itaq; incisis in forma crucis abdominis musculis statim ex dextro latere materia purulenta copiose effluxit ad lib. s. sine ullo abscessu in jecore apparente; Apostema enim intra abdominis musculos & peritonæum continebatur.
2. Pars omenti erat abscessui ad nata, ita ut novacula illud separare necessum fuerit,
3. Hepar vero situm obtinebat sub meditullio diaphragmatis ad sinistrum hypochondrium inclinans & sterni costis nothis undiquaq; beneficio membranarum annexum quod digitis fuit separatum. (a)

4. Ma-

4. Magnitudo abscessus tanta erat, ut pugnus grandior in eo abscondi potuerit, situ jecoris aliorum translato.
5. Ventriculus satis magnus situm obtinebat ad sinistrum latus magis vergentem ob abscessus grandioris præsentiam.

(a) Quibusdam corporibus à natura datum est, ut hepar fibris quibusdam costis inferioribus copuletur. Itaq; laborante hepate, imago pleuritidis repræsentatur. Aliis materia quædam crassa & viscida in membranis pectoris colligitur, toto etiam thorace, unde dolor gravis, dyspnæa & ficta pleuritis. Nam nec pungit dolor, nec febris incenditur, ut nec si flatus membranæ aut intercostalibus musculis impactus est. Aliquando etiam musculi inflammantur, sed pulsus hic alius, nempe mollis. Dolor gravis est non pungens & omnia ferè leviora sunt.

Membranæ quoq; thoracem distinguentes si inflammantur par negotium vitæ faciunt atq; verus lateris dolor.

Sæpe etiam inferioribus costis inflammatis, diaphragma atq; hinc stomachus graviter laborat magno cum periculo. Morbus hic proximo vere Anno 1551. ante Pascha plurimos & eos maximè qui vel temerè vel negliger

genter curati sunt sustulit. Holler, libr. i, de morb. inter c. 26.

Interdum Monita Practica subjungit.

Index tractatus ita incipit.

Index casuum in quibus consensus partium proponitur & declaratur.

Abdominis muscoli sub hypochondrio dextro siti & læsi in consensum trahunt peritonæum ratione viciniae in viro quodam. pag. &c.

Caput communicat cum pulmonibus & pleura respectu vasorum in juvene, pag.

Cerebrum consentit cum corde ratione vasorum in Infante. pag.

Cranii sinistra pars læsa communicat cum dextra in Rustico quodam vulnerato, &c.

EPISTOLA XLVI.

De Riolano & Pecqueto.

THOMÆ BARTHOLINO Hafniam.

UT tuis Hafniæ datis 26. Aprilis, post duos menses acceptis tandem respondeam, per me scias velim, me singulari Dei gratia vigere & valere: si parcius ad Te scripsi, quam antea, causa fuit quod neminem haberem cui

Mm

tutò

tutò possem literas meas committere. *Historias* tuas *Anatomicas* hic habeo, pro quibus gratias ago tuæ humanitati. *Historiam* tuam *Vasorum Lymphaticorum*, nondum hic vidimus: mitte quæso, ut & *Commentarium de Paralyticis* N. T. & alia si quæ sint. *Riolanus* noster à multis mensibus malè habet: utinam brevi convalescat, & inchoata perficiat: præsertim quod maxime habet in animo, *Responsum ad quendam* Curtum non tam Doctorem, quam decoctorem Monspeliensem; ignarum animal maledicentissimum & convitiosissimum: ut & *Tractatum de venenata Chymistici stibii natura*, adversus tot impostores, qui nuper hic grassabantur, quiq; frequenti civium nostrorum nece, tam sibi quam arti suæ fusoriæ plenissime decoxerunt. adeò deleterium & maleficum stibium experta est civitas nostra. *Pecquetus* hic vivit, & alteram, sed auctiorem sui operis editionem procurat, novis aliquot experimentis illustratam & confirmatam: postmodum reversurus in Septimaniam, cum Episcopo suo Agathense, cui est à secretis. Te vero amicorum jubar & decus, salvere valereq; jubeo: Vive igitur, vige atq; vale, meq; ex animo amantem, & veterem
amicum

amicum redama. Vale carum caput. Parisiis
31. Julii 1654.

Tuus affe & libra
Guido Patinus, Bellovacus, Doct.
Med. Paris.

EPISTOLA XLVII.

Pro Lymphaticorum prima inventione.

MARTINO BOGDANO Helfingor.
THOMAS BARTHOLINUS. S. D.

ITa est, mi Bogdane. Cum Naturæ inventis
crefcit & invidia. Seculi nostri est felicitas
multis diligentia abundare exemplis, & inde-
fesso ignotarum observationum studio efflo-
refcere. Sed nullum unquam feculum aut vi-
ciorum fuit aut calumniarum feracius, quo
everfi mores, regnat nequitia, in deterius res
humanæ & in omne nefas labuntur. Tempo-
ra hæc iustis de caufis detestamur. Infausta
fanè & ruinæ fuæ vicina, quibus fructum la-
borum referimus quem merentur defidiosi,
quem concedunt invidi bonorum obtrectato-
res. Nihil jam tam facrum est, quod sacrile-
gum non inveniat. Nolo aliorum infortunio
discere, quia meo expertus loquor. Nulla ex

M m 2 calamo

calamo linea fluxit, quin à maligna invidentium lingua sit commaculata. Nihil scripsi, quod non ausi sint damnare qui me scripsisse ægris oculis adspexere. Si calami ductus vel levissimos interrumpere, si papyrum divellere possent, non defuturi essent, qui ex meo excidio immortalem sibi famam sponderent. Deo summo sit gratia, quod creverit sub pondere virtus, & palma arctius pressa, altius surrexerit. Plus candidi rerum aestimatores addiderunt laudis, quam detraxerunt malevoli. Qui inter minima reputavi sinistra multorum de me iudicia, maxima famæ accessione semper aestimavi bonorum applausum, mentem recti verique consciam, & publicam, cui me emancipavi, utilitatem. Mali mortalium quorundam & corrupti mores nunquam transvorsum me rapuerunt, quin mea virtute & innocentia involutus contra invidiam speratam audacter sim luctatus, spreverimque injurias, quas in sapientem non cadere Stoici prodiderunt. Rectè Seneca: Esse aliquem invictum, esse aliquem in quem nihil fortuna possit, è Rep. humani generis est. Ita hætenus ætatem inter Labores trivi, annosque definitio vivendi spacio decurtavi, ut quod superest, currendi tædio, nisi vires sufficiat Deus, difficulter absolvam. Nam
omnium

omnium laborum precium ad se rapit invidia, & tyranni instar totum me exsugit, ut sola mihi ex tanta laniena supersint ossa. Habet calamus, corpusculum enervatum, vitæque summa brevis spem longiorem vetat inchoare. Nimio mihi precio fama stetit. Barbam Senes vellunt ex invidia, juniores ex malitia posticas lacinias arrodunt, medioximi amico vultu tela ingerunt clandestina ex æmulatione, & si rectè calculum pono, ubiq; insidiæ. Ego verò inter tot difficultates nunquam abjectus, obfirmato animo & constanti hos vici humanitate, istos sprevi, sua illis reddidi, tandemq; Deo innocentiam commisi, Eruditis censuram, omnibus candorem & publicum juvandi studium.

Fata nostra ne mirare, Clarissime Bogdane, sed in Tui aliorumq; solatium interpretare. Fando accepi, Te inter nascentis famæ initia strenuè à quibusdam conviciis esse exceptum mordaci calamo discerptum, & inter vilissimos nullo tuo merito habitum. Doleo vicem tuam quia mei causa malè audis, & insigni in Præceptorem, in Amicum pietate famam tuam inimicorum calumniis exposuisti. In odium traheris, quia Bartholinum amas propugnasq;, cujus industria & parta apud meliores gloria, sciolis multis & minorum gentium Diis sordet.

Ne expaveſcas. Irritæ minæ Te non proſternunt. Regium eſt benè agere, & malè audire. Conſtans tuus in me amor, omni encomio dignus, etiam apud nolentes, pietatis extorquebit confeſſionem. Inter alia præter æquum Tibi exprobrata, laudem proprii ſcripti intelligo Tibi invideri, & foetum tuum genitori vero, auferri, expoſitumq; mihi adoptari. Bone Deus, quam iniqua pateris, quam tuo nomine indigna & eruditione. Cæca jam libidine cuncta peraguntur, nec quid ſcripturient invidi, quidquam penſi habent, modo invida ſcribant. Oportet omnis ſenſus, omnis eruditionis defectu miſere laboret, qui prima fronte non videat, quid inter meas interſit lucubrations & Tuas. Diverſo, neutiquam contratio, animamur genio, & compta tuum ſermonem acutumq; à meo ſcribendi characterẽ differre plurimum vel primis literarum tyrocinis initiatus diſcernet. Sententiarum quoq; & opinionũ diverſitate, facilè Tibi tuum partum vindicaveris, qui non ubiq; mea veſtigia legis, nec ſententias ſequeris, ſed libero ſpiritu eruditè per ſuſceptum argumentum decurris. Prompta autem tua in ſcribendo facilitas, in iudicando ſubtilitas, in Medicina, in Anatome, in Naturali ſcientia, in meliori deniq;

deniq; Literatura peritia, mihi non invidis adhuc perspecta, & erectum nulloq; fuco adornatum pectus, non hujus tantum opusculi, sed melioris argumenti capacem Te asserunt. Obloquantur quicquid voluerint, qui de ignotis sibi virtutibus judicandi sumunt licentiam, nunquam, me sponfore, vi ulla obtinebunt, ut non sis vel Doctus vel operis tui auctor. Mirari subit frontem in nonnullis perfrectam, qui prohibitu de eruditis decernunt & eruditione ipsa, quam ab artifice excludunt, quia ignari sunt, nec tamen erubescunt in orbis scenam prodire, magnoq; furiarum genere inquietari bonos publiciq; amantes & candidos velut Prætoria autoritate proscribunt, sibiq; plenum in doctos jus arripiunt. Veterum Philosophorum finita jam est controversia, quum pulli vix perrupta crusta gallinis incubantibus insultant. In auditum hæctenus rara artis & Naturæ primis patere, qui per antiquæ experientiæ defectum ignorant, quid distent æra Lupinis. Sed miraculorum seculum hoc ferax est, & monitrorum, ad quæ horrent, qui umbris terrentur & vanis rerum ludibriis.

Ego vero quid conquerar, quod laboris tui fructus mihi gratis adscribantur, qui gratias agere debui quod in mei defensionem produ-

xeris præclarum optimi affectus monumen-
tum? Quod si opusculum tuum ob orationis
elegantiam & rerum acumina indignum Tibi
videtur, cur Tu moresq; Tui atro carbone no-
tantur? Si meo calamo censebitur dignius illo-
rum confessione, qui aliquam in me eruditio-
nis exiguæ partem agnoscunt, cur erubesceres?
Cur scriptionis tuæ Te puderet? Ego profecto
tam Tui operis auctor sum, quam Tu meorum.
Neuter alterius opera indiget. Nam te inscio
sæpe calamum meum implevi, & me non con-
sulto feliciter in chartam conjicis quidquid fe-
cundum ingenium ex se parturit. Non adeò
tibi curta domi suppellex, ut vel sermonem La-
tinum cum Lunæ face debeas emendare, vel
argumenti tui momenta, in quovis bivio ab
aliis cogaris emendicare. Candide loquor, &
publicè testabor, si volueris, ægrè fero tui cau-
sa, quod possessori legitimo sua denegentur.
Ego me omni jure abdicō, quod nunquam
possesti; tibiq; ex debito ex merito, defero,
quod nec scripsi, nec ut scriberes unquam fui
author. Enimvero eo tua tempore chartis
consignasti & in publicum emisisti, quo occu-
patissimus ego, cruda valetudine, à publicis
Academiæ nostræ negociis vix spiritum trahe-
bam. Aliud tum mente agitabam quam ini-
micitias,

micitias provocare vel illatas declinare. Decrescit indies corpusculi vigor, & quo metam vitæ accedo propius, eo me ab omni offensa mortalium removeo longius. Studiorum & reliquæ vitæ finis est prodesse publico, nemini nocere, & injurias condonare. Catalogum Operum ad invidiam plurimorum exauxi, nec opus erat tuis Laboribus increfcere, quia nimium scripsi. Nimium dico, quia pro opera bono publico navata nihil merui, præter inimicos. Tibi verò, corporis robur animi vigori par est, & ætas florens laboribus seqvuturis abundè sufficit. Patere igitur, Erudite Bogdane, Tibi eripi laboris operisq; tui laudem, quia pati me volunt, in primam Lymphaticorum Vasorum societatem illos admitti, qui tuam mihi pro arbitrio Dissertationem assignant, meam mihi detrahunt. Nec animum abjicias, quod primo isto conatu invidiam multorum in Te concitaveris. Expeditum tibi iter ad majorem famam stravisti, scientq; posterum quantum in propria causa tuenda valeas, qui tam mascule in aliena defendenda te gessisti.

Camarinam ab adversario motam, non tangam, nec de controverso inter vos argumento verbum addam. Est tibi in promptu ingenium, penna ad obsequium facilis, ampla

eulices sectarer. Adstant à tergo Veterani, optimè de Re Anatomica meriti, quibus scrupuli eruditi sunt eximendi ex novo Lymphaticorum Vasorum invento suborti. Aliis habenas libenter laxo, quibus ob feroces annos hinnire libet & calcitrare. Sistent tandem impetum ubi ad summa pervenerint, & omnem bilem evomuerint. Egregia supersunt permulta, in quibus majori gloria & publico commodo occupari posset industria mea, si tantum superesset ocii. Exemplo magni Platonis me tueor, qui Reipublicæ profuturos sic voluit utilitatem civium rueri, ut quicquid agerent ad eam referrent, suorum commodorum obli- ti. Ut enim tutela, sic procuratio Reip. ad utilitatem eorum qui commissi sunt, non ad eorum quibus commissa est, gerenda, quemadmodum solita gravitate apud Tullium Cato disserit. Si visis in Historia Lacteorum Thoracorum vestigiis manifestissimis, vel verbulo quis ad famam sibi demerendam pro invento sollicitasset, dispeream nisi obtinuisset. Libenter enim amicis gratificor, in re præsertim, qua sine infamia carere possum, quum abundè mihi hæcenus suggesserit Natura, quibus me à silentio & nocte perpetua vindicarem. Pauperis est numerare pecus, aut in unica obser-
vatione

vatione salutem suam positam existimare. Igitur ignoscendum putavi surgentium ingeniorum contentionibus, nisi contumeliis, nisi intentata vi, nisi astu famam suam ex Clarorum Virorum infamia aucuparentur, quod licentius quam modestius ab æmulis quibusdam factum non sine admiratione perspexi, quos nulla æquitate mihi observationes, Tibi librum, utriq; famam eripere intellexi.

Innocentiam meam Tu, Doctissime Bogdane, non rogatus nulloq; precio illectus, strenuè tutatus es, ut tibi pro spontaneo officio prolixè deberem, si res ipsa vel iram meam vel tuum laborem meruisset. Inventionis Lymphaticorum seriem sine fūco aut mala arte pertexui in Centuriis Historiarum Anat. rariorum. Iram superum inferumq; mihi imprecabor, si quidquam ibi fictum aut falsum. Nec pictor sum, nec Poëtæ nomen exambio. Si tam mihi ad pingendum fingendumq; prompta esset quam aliis manus, quidlibet audendi æquam potestatem possiderem. In inveniendis rimandisq; abditis humani corporis & animalium recessibus, quæ artis meæ fuerit felicitas nemo ignorat qui sectionibus meis publicis privatisq; plusculorum annorum decursu interfuit, nec alia constringar necessitate, ut navatam hæc-

nus

nus in isto studiorum genere operam novis testimoniis confirmem aut Anatomies peritiam, quam à magnis meis Præceptoribus Falcoburgio, Veslingio, aliisque hausi, quamque spectatoribus meis & auditoribus ea fidelitate exhibui & dexteritate, ut ex palestra mea non pauci prodierint quibus promptum & accurata manu & Anatomicis scriptis paria facere cum exercitatissimis. Cave credas, ambitiosius hæc à me dici quam verius. Novisti quam à fastu & ampullatis verbis sim alienus, præsertim in arte humanæ salutis custode. Si aliud non profeci, hominem me didici. Cæterea successoribus relinquo ut invidiæ me eximam, tædioque parcam. Quid velim, quo es acumine, facile divinabis. Ætas mea & frequens exercitium novis observationibus non ineptum videbatur, ut curioso pateret mihi, quid invisum quid tritum esset. An idem assequantur, qui sine ductore, sine ulla exercitatione eruditionem ambiunt & Anatomici famam, præmaturæ illorum superbiæ relinquo. Nos enim ad portentosa ingenia obstupescimus, qui prius docent quam didicerunt, novaque Anatomica sibi omni conatu affingunt, quum nec antiqua sciant, nec à limine vetera salutarint.

Acutius

Acutius Tu, ingeniosissime Bogdane, vides & observas, multa esse indicia quæ persuadeant meum Lymphaticorum inventum aliis ansam inquirendi subministrare potuisse, nulla neq; per somnium mihi fuisse, ut ex illis discerem qui nec publicè nec privatim mihi innotuerunt. Non eo tamen sum animo, ut à gloriæ possessione ullos excludam. Pro navata opera in perficiendis Lymphaticis & absolvendis quæ videbantur deesse, si posteriores sunt, vel inveniendis quoq; si in tempore nobiscum concurrunt, laudandos censeo. Utinam hic substitissent. Immortalia certè meruissent. Sed fervore juvenili accensi & malesana ostentatione abrepti, omnia sibi pro imperio transcribunt, nihil aliis relicturi præter ignominiam, nescii eam esse Naturæ amplitudinem & majestatem, ut non facile una offa deglutatur. Quum primum Historia mea Vasorum Lymphaticorum in lucem esset emissa, spes erat indubia inter Eruditos fore, qui re accuratius expensa, complementum novæ observationi essent addituri. Dum inventi securus Doctorum arbitrium exspecto, ecce post mensium multorum lapsum ex Belgio per amicum Wormium mittuntur icones binæ nitida manu delineatæ cum literarum explicatione & cursu-

cursoria descriptione, sine ullo auctoris ullius nomine. Excepi lætus figuras, suspicatus candidum quendam Anatomicum inventi nostri & certitudinem comprobasse & augmentum addidisse. De auctore sollicitus, nihil comperi, donec circa festos Natalium Christi dies ipsum opusculum typis exscriptum Bibliopolæ servus ad ædes nostras deferret, unde & nomen recentis auctoris nunquam antea auditum lectumve, & institutum cognovi. Cœpi amare hominem ob Rei Anatomicæ studium, & laudata ibidem opuscula mea. Mirabar autem Lacteas meas Thoracicas illi & vîsas & ad testimonium citatas, nec tamen ullam novorum vasorum, de quibus lis est, non simplici vice in eodem opusculo meo descriptorum, factam mentionem ab illo qui Vasa Aquosa repetito labore sibi sumpsit invenienda et describenda. Condonavi lubens vel oblivioni auctoris vel famæ aucupio quidquid suspicionē ingerebat. Egeram de nuperi inventi argumento cum eruditis aliis, antequam icones laudatæ ad manus meas pervenissent. Nemo tamen mortalium unquam vel apice me monuit, Lymphatica vasa ante meam curam vel visa fuisse vel demonstrata. Petrus Bourdelotius Doctor Medicus Parisiensis magni ingenii & eruditio-
nis,

nis, quo præfente antequam in Sueciam concederet, orta inter nos in Theatro Hafniensi de Vasis limpida aqua prope hepar resplendentibus, disputatio, nunquam per amicas literas significavit, alibi locorum detecta illa fuisse aut evulgata, D. Joël Langelotius Celsiss. Holsatiæ Ducis Gottorpi Archiater felicissimus, visis nostris Lymphaticis, de hætenus invisio invento cordate gratulabatur. Joannes van Horne, Anatomicus Leidenfis & amicus veteri necessitudine mihi conjunctissimus, cui, ut & reliquis ejusdem Academiae Proceribus, Vasa nostra Lymphatica junior Wormius obtulit, inaudita illa sibi per literas testabatur, mirari vero se hætenus oculos illa Anatomicorum Lynceos effugisse, seq; prima occasione in observationis novæ veritatem inquisitum. Nihil diversum judicarunt Eruditæ aliæ & candidæ mentes, ad quas Vasorum novorum vel fama vel notitia pervenit. Igitur ut verba in compendium stringam, siquidem nemo mortalium aliunde pro invento novo quidquam suggessit, nemo vel umbram hujus observationis mihi exhibuit, arbitrium sit penes cordatos qua fide qua sinceritate me gesserim in Vasorum Lymphaticorum & inventionem, quam in Lacteis Thoracicis indice digito

Lectō

Lectoribus dudum ostendi, & publica descriptione, quam nullo diffidente ante procuravi quam alii Ductus Lymphatici in orbe comparent. Fidem dictorum testibus sufficientissimis & quovis pignore charissimo fulcirem, si tantum res controversa mereretur, de qua plura notavi, quam animo conceperam. Ipse testaberis, quam æquo animo & immoto litem intentatam declinaverim, quam cautè ab isto ulcere manus retractarim, quam Te candidissimum propugnatorem à suscepto dehortarim, tempori sequuturo & meliorum judicio meam integritatem commissurus. Tu tamen incredibili amoris non ficti documento, visa invectiva æmuli Epistola auctore suo digna, eruditi facundiq; tui calami promptitudinem noluisti desiderari, quo orbi constaret, quantum injurias passi silentium possit. Reliqua sicco pede transgrediat, nec unquam vel verbulo calumnias dignabor. Ipse tuum, quod cœpisti, negotium conficies, cui parem te monstrasti, ne superiorem dicam, sive dextra sive sinistra lance expendaris, & tandem si per insidias tui adversarii licuerit, meditates in Re Medica lucubrationes, ab invidia, qua nunc preme-
ris, tutiores, magna nominis tui accessione &
celebritate, orbi erudito expone, ut omnibus
Nn constet,

constet, aliter olere sues aliter Catulos. Vale
 Clarissime Bogdane, meoq; exemplo disce,
 pati injurias. Scripsi apud Roes Fontes æræ
 Christianæ 1654. Pridie Calendas Augusti.
 Impress. Hafn. 1654.

EPISTOLA XLVIII.

De Vasis Rudbeckii.

THOMÆ BARTHOLINO

Hafniam.

Quas ad me detulit litteras D. Eggebertus,
 læto animo suscepi, tantoq; magis, quod
 quod in iis eluceat vetus ille Tuus in me ani-
 mus propensus. Ego non dubito affirmare,
 eundem me esse qui semper fui. Nolim tamen
 sinistrè judices propter silentium cujus causas
 ignoro. Unice in me culpanda est aut negli-
 gentia, aut à variis negotiis distractio, quibus
 etiam accedit nescio quid ignis occulti, quem
 meo pectore foveo. Sed Spes est facile me
 Tecum in gratiam rediturum, daboq; operam,
 ne posthac ulla supersit querela. Quod histo-
 riam Vasorum Lymphaticorum attinet non
 sum inscius, quantum alii sibi in eerum prima
 inventionis laude arroganda laborent, verum
 id commune est vitium, Tu tamen primus no-
 bis autor existis, quanquam fatendum est,
 D. Rudbekium omnium primò ea mihi de-
 monstrasse. Is nunc in Sueciam profectus est.
 Gaudeo

Gaudeo natam Tibi esse occasionem ea in homine investigandi nunc vero omni ex parte ea inveneris, asseverare non ausim quia fateris ipsemet minus commodum fuisse illud subiectum, utpote emaciatum, & quod procul dubio ab aliquot diebus cibum non sumpserat. Hymē præterita diligenter inquisivi in ea, nactus subiectum cuiusdam decollati, qui nocte ea quæ supplicium præcedebat, largiter cœnatus fuerat. Sed copia pinguedinis nimia obstitit, quo minus voti fuerimus facti compotes. Ubi Tū, Clariss. Vir, ad exercitia redieris Anatomica, quæ jam sufflaminantur tum ab anni tempestate, tum à grassante apud vos contagiosa Lue, non dubito quin colophonem ei operi sis impositurus. Credo Te inscium non esse, Riolanum adversus eam Lymphaticorum historiam calamus strinxisse, ut & notas secundas in Anatomē Reformatam edidisse, Ego qui in eadem palestra luctor cum Viro celeberrime, ubi Tuas opiniones defendendi occasio se obtulerit, amici partibus defungar. Vale, & saluta meo nomine officiosissime Cl. tuos fratres, & Nob. Consanguineos Furenios. Inter quos junioris silentium haud æquo animo fero. Lug. Batav. 17. Aug. 1654.

T. T. Joannes van Horne.

Nn 2

EPISTO.

EPISTOLA XLIX.

De Riolani erroribus.

THOMÆ BARTHOLINO

Roëschild.

NON inquiram quare me dignatus sis tuis literis, cum divulgatum sit, nos in te cum ingenti eruditione satis humanitatem non posse mirari. Unde non absq; læsione hujus poterat fieri, si statim tuis responderem, quas quoties relego, toties penitus attonitus calamum meditor. Hem! audacia deest ipsum assumendi, & tacitus compellor te solum salvere, & meis humillimis votis cottidie tuam incolumitatem cœlo commendare. Alia solve non valeo, & lætor tamen quod istis debiti vicem videor mihi explere. Ex literis Segeri sensi quoq; tuæ humanitatis vim, & Virtutis, in primis felicem statum, quem tibi Deus perennem concedat. Vehementer me movit, T. Excell. magis quam me laceSSI à Rudbekio. Vereor ne majori dedecore repetat insultus, & fama quam veritate se efferat, aut rudi calamo se risui exponat. Scripta tua vellicare debet, aut nomen, in utroq; deficit ipsi ingenium. Nondum licuit conspicere quenquam potuisse tui ingenii vigorem sustinere, nec nomini tot regnis noto labem affricare, etsi à summè doctis id tentatum

tum est. Riolanus magis tuas laudus recenset, dum eas studet deprimere. Sed doleo Riolanum fastum, qui ut magis videatur tuæ Excellentissimæ famæ male fecisse annos juvenes objicit, eoq; majus tibi decus, quo inferior ipso es, conciliat. Nulla vitia sunt, quæ iste petit, ex Scaligero, quo indicat illum homines extra latium, & purioris latii seculum magis æstimare quam inelioris notæ Medicos, & purioris seculi.

Opus est ut Riolani

Helleboro quoq; purgetur lymphaticus error.

Sammoniac cap. 28 v. 10. illi hæc injuria non condonanda est. Uti & ea quod audaciter sugillat hæmorrhoidas melioribus medicis morbum solum dici. Tyroni forsân venia esset facilis, non illi seni, qui toties jactitat suam eruditionem senilem, & judicium maturum, unde difficilem adferas materiam, si erret. Erravit tamen hic turpiter, nec librum Hipp. *περὶ τῶν αἱμορροΐδων* adferam, in quo in frontispicio *αἱμορροΐδων τὸ μὲν νόσημα*; sed Celsum qui l. 2. c. 1. v. 53. Posthanc ætatem scil. adolescentiam sanguinis per quædam etiam velut ora venarum (*αἱμορροΐδας* Græci appellant) profusio, & centum loca ex probatis

producerem nisi vererer illud, quid tu γλαυκείᾳ
 Ἀθήνας? Utinam similia sub typum misisset
 Rudbeck feliciori forsan calamo nomen tuum,
 si modo materiam præberet, vindicarem.
 Constat Doctis quod ipsi nil imposuerim, sed
 quæ virgula censoria videbantur digna, teti-
 gerim. Excellentiss. Vir, si citius hoc scriptum,
 quam ego videris, mihi favebis, & id trans-
 mittes: Non metuo Rudbekij tela, qui sub tuis
 signis milito, eo audacior te præsentē, & quod
 ille tardius signa intulit. Te unice veneror,
 & solum Præceptorem trado esse. Bartholinus
 noster, quis sit, pauci nostra ætate rogant, quia
 te omnes norunt: & nosse debent qui Medico-
 rum & Eruditorum utilitati, siquis unquam,
 maxime consulisti. Dico quod sentio, &
 vere quod res habet, adversatur in te Virtutem
 Riolanus. Martianum transmitterem, & gra-
 tias agerem si quas possem; nisi occasionem
 expectarem. Excell. Vir.

Terrestri Barthline fruire diutinus aurâ
 hæcque minus lethi noceant tibi tela furen-
 tis; quæ nos meritò & hic terrent, inter tot
 cædes quas quotidie audimus XX. & plures
 esse. Si placuerit me T. Excell. fratri com-
 menda, quem ut & te cum tuâ familia pro-
 sperri-

Sperrime valere precor Deum Misericordem.
Elsignoræ Anno 1654. die 17. Augusti.

T. Excell. D. D.

humillimus servus

Martin Bogdan Drisna Marchicus.

EPISTOLA L.

De Lymphaticis, morte Slegelij &c.

THOMÆ BARTHOLINO

Roëschild.

Augustam Vindelicorum 11. Sept. styl. vet.
cum Comite itineris optatissimo Andrea
Schultzen Hamburgensi feliciter adveni, fa-
vente porrò Divini Numinis auspicio brevi a-
biturus. Per Jenam, Lipsiam ac Norinber-
gam ivi, quosq; salutatos voluisti salutavi plu-
rimum, inprimis Cl. Virum Dominum Doct.
Rolefinckium, qui pro tractatu T. E. de Vas.
Lymph. in homine repertis, quem ipsi tradi-
di maximas egit gratias; ob temporis vero
angustiam, non multum cum Clarissimo hoc
Viro de eadem materia differui, quantum au-
tem ex ipsius discursu colligere poteram, eò
collimabat, facilem inter modò dissentientes
de Cordis ac Hepatis officiis reconciliationem
iniri posse, confectione sanguinis Cordi,

Nn 4

conser-

conservatione Hepati concessa. Guiffartum possidet, mireq; laudat istum ipsius de Materia Lactea tractatum ac pro scripto solidè erudito habet. Plurimi sed minorum gentium Dii ægre ferunt ita de ponte dejectum Hepar, nec aliud urgent, quam authoritates veterum, visceris hujus molem, nostræq; Medicinæ totalem vel ruinam vel perturbationem. Dominus D. Welsck veteri amicitia T. E. Monspelii cognitus, amicissimam Tibi mittit salutem, Professor est Anat. ac Chirurg. in Lipsiensi Academia, acriter Ille suum defendebat Hepar, nec ductum Thoracicum, cum suo Receptaculo, nec Vasa Lymphatica facilis admisisset, nisi in cane quodam ea ipsi monstrassem; Cuncta satis conspicua erant & manifesta, quin & Lymphatica in ipso sterno apparebant; Ex Receptaculo ductum illum deorsum vergentem inter Musculos *ψόας* veluti in Icone expresserat Olaus Rudbeck quam è Battavia T. E. transmisit Clariss. Wormius, chylo turgidum clarè vidimus. Quibus visis diligentius sibi in hæc incumbendum agebat, nec præter exiguam Receptaculi capacitatem quicquam reponebat, quæ par non esset toti Chylo recipiendo, quem ego tamen non una vice sed successivè ad Receptaculum tendere rege-

regerebam. Norinbergæ Excellentissimum
Volcamerum Tuo nomine itidem salutavi,
cui me cum Comite meo recommendaverat
Cl. Rolefinck, instructissimam Noricam Bibli-
othecam nobis monstravit, nec ullum officii
genus quo nobis gratificari potuit, ab ipso in-
termisum est; Exemplar Vasorum Lymphati-
corum in homine repertorum, quia nitido de-
stituebar, in vulgari charta cum disputatio-
nis titulo impressum Ipsi obtuli, cui tanta Præ-
ceptoris industria mirum in modum placuit.
Ipsi est Hofmanni Galenus, quem 300. Thal.
Imperialibus sibi comparavit, nisi calcar ipsi
à Magnis addatur Viris, vix credo librum
hunc publicam lucem unquam visurum. Ce-
leberrimos & Excellentissimos Viros, Domi-
num D. Johannem Henisium, ut & Dominum
D. Lucam Sckróck Præceptoris nomine mul-
tum salutavi, quibus apprimè grata fuit à tan-
to Viro facta salutatio. Humanissimè ab utroq;
sum exceptus. In morte Cl. Slegelii à terrore
deducenda erravisse E. T. Hamburgenses Me-
dici me monuerunt, inprimis Sub-Physicus
D. Johannes Placcius, (cui ut & D. Bernhar-
do Languel, D. Andrea Cassio, D. Christia-
no Bunck Vasa Lymphatica sed in subjecto
nimis pingui, in ædibus D. Cassii monstra-

bam apud quem binis vicibus 4. canes disse-
cui, prima vice cuncta satis clarè & perspi-
cuè observare licuit) qui febre maligna Sle-
gelium obiisse sanctè affirmavit, rumorem
verò de consternatione ab invidis-cofictum,
nec ullum vel minimi motus indicium in ca-
davere inter disseccandum à quoquam obser-
vatum. Idem Placcius Cl. M. Lysero se ea-
dem retulisse aiebat, simulq; Ipsum rogasse
hæc per literas E. T. significaret. Quicquid
horum sit, inter Cives Hamburgenses con-
stans adhuc fama est ex terrore Ipsum occu-
buisse, sed omnes Medici suspectam reddunt,
qui unanimi consensu ex maligna febre mor-
tem ipsius derivant. Tria Crania humana in
Itinere observavi in quibus futura sagittalis
ad nares usq; porrigeretur, unum Norinber-
gæ in Bibliotheca Norica, duo vero apud
Nobilissimum Henisium, apud quem & vidi
Tibiam Gigantis miræ magnitudinis, ut & vi-
tulum Bicipitem. Idem Vir Celeberrimus Te
plurimum salutat, quod & D. Lucas Sckröc-
kius me internuntio curari voluit Sed manum
de Tabula quia prolixitate nimia in Præcepto-
rem gravioribus occupatum me peccasse sen-
tio. Divinam interea Clementiam, prospe-
ramq;

namq; ac firmam salutem T. E. cum tota Familia Clarissima animitus precor. Hisce vale, amicis meo nomine amicissimam nuncia salutem, mihiq; porrò fave. Dabam Augustæ Vindelicorum 14. Sept. Styl. Vet. 1654.

E. T. Discip. observ.

Henricus à Mòinichen.

EPISTOLA LI.

De Lymphæ aciditate ex Kolhansio.

THOMÆ BARTHOLINO.

Roëschild.

ACcepi heri literas ab amicissimo meo Johanne Christiano Agricola, in quibus quædam continentur, quæ scire Tua, Mecænas Maxime, interesse mihi videbantur, placuit paucis hisce gravissima negotia Tua interrompere. Scripsit autem, advenisse non ita pridem Regiomontum Kolhansium quendam (prænomen non exprimit) qui Heidelbergæ pro licentia, summos in arte medica adipiscendi honores, disputavit; materia istius conflictus Lien erat ejusq; usus. Vidit hanc disputationem Agricola, imo & legit, quam & mihi transmisisset, si modo ejus compos fieri potuisset, verum Authore mox discedente evanuit

nuit omnis transmittendi spes. Interim tamen refert, addidisse Autorem circa finem, quæ ipse de Vasis Lymphaticis observaverat, quorum Inventorem, quamvis nunquam Tua scripta se vidisse asserat, Te tamen, Celeberrime Vir, agnoscit. Unde thesi 52. de Vasis Lymph. differens, *Celeberrimi ubivis D. Bartholini*, (verba sunt auctoris) *cujus autoritas apud omnes eruditionis indagationis Viros sufficientissima*, meminit; Et th. 36. Te *Hodiernorum Anatomicorum perspicacissimum* vocat. Vides Vir summe novum Primogenituræ Tuorum Lymphat. assertorem, cujus sententiam ex adjacente pagella, mihi à laudato Agricola transmissa, hauries. Ubi imprimis jam noto, quod Autor disputationis Th. 59. Lymphæ huic gratam aciditatem attribuat; Cui adstipulatur Agricola. propria experientia edoctus, is enim d. 31. Octobr. canem ideo evisceravit, & liquoris hujus saporem ad aciditatem vergentem, non tamen tam acidum qualis Lieni inhæret; Lingvæ propriæ beneficio observavit. In eodem quoq; Cane supra Vesiculam fellis quatuor Vasa Lymph. magna ac lata se vidisse scribit. Item d. 4. Nov. alium dissecuit canem, in quo sub Hepate glandulam quandam invenit, quæ dissecta aquam stillabat, nulla
tamen

tamen Vasa ei inserta observare potuit. Plura non addo. Vale Mecænas maxime & fave. Dabam Hafniæ d. 15. Novemb. 1654.

Excellentissimi Nominis Tui
Cultor. Indefess.

Georgius Segerus, Thorum.

Extractum de Vasis Lymphat. ex dissertat. inaugural. pro Licent. Kohlhaus. de Lienæ, ubi in fine annectuntur sequentia de Vasis

Lymphaticis.

Th. 55. Manifestissime (inquit) ex intestinis ad pancreas Aselli tendunt (Vasa Lymph.) & innumerabilis eorum copia petit parenchyma Epatis, alia in abdomine versus partes inferiores supra & infra venæ cavæ truncum descendentem repentiā, satis crassa quædam ac ampla hinc inde absumuntur.

Th. 56. (in fine) Imo semper etiam ferè dissectis vagina processuq; à peritonæo testium, ad testes usq; clarissimè conspeximus tendentia vasa.

Th. 59. (Hic loquitur de Receptaculo chyli) id quod una cum suis vasis vacuo ventriculo & nullo præsentē Chylo, humorem quendam continet (scilicet receptaculum) qui est quasi serosus ex livore flavescens, gratissimæ,

mæ, ut sensimus, aciditatis, ac ex disruptis vasis, pinguedinis instar colliquatæ sanguini innatans, & in vitro servatus sebi tenuioris colorem ac consistentiam assumit, corallosoq; albicantes absq; tinctura quadam friabilesq; reddit; ideo menstruo, quid dicam de liquore Alkahest? non absimilis, in concoctione autem & præsentē Chylo, eum in se continent.

Th. 60. Motum horum vasorum in abdomine contentorum, inprimis quæ sunt in Epate, subjectorum penuriâ inquirere non permisit, ast de ductu, quo de nobis hic sermo præcipue est, ex thorace, nullum dubium est, cum versus partes superiores chylum aut eo deficiente, hunc humorem vehere. Nam 1. ligato hoc vase versus receptaculum intumescit, venas autem versus inanitur. 2. Vas hoc non ligatum, in mortuo & adhuc benè calido animanti, si prope receptaculum aperitur, tunc nihil à superiori parte (conspiciæ enim sunt valvulæ) refluit, sed plenum conspicitur, & statim, si in superiori loco fit incisio, tunc manifestè ascendendo effluit, quæ quidem ad demonstrandum, quam aliquid de iis scribendum sunt aptiora.

Th. 61. Ex situ itaq; & hujus ductus & receptaculi nulla apparet differentia inter hæc & chy-

& chylifera, & cum, quamvis omni adhibita diligentia, nunquam tamen post horum inventionem nobis licuit chylifera videre, interim tamen nullus dubito, una eademq; esse, quod clarius evadet, si naturam hujus consideramus.

Th. 63. Usus ideo vasorum est, & istum humorem acidum & præsente chylo, chylum vehere.

Th. 64. Ad venas & per has, ad sui perfectionem in cor.

Th. 65. Humor autem per se, ut supra diximus, nobis videtur esse instar menstrui, ast cum permixtione particularum minimarum ex cibo & potu in ventriculo, ubi chylus dicitur, instar extracti, & quemadmodum ejusmodi menstrua, præ primis ut ferunt de liquore Alkahest, iterum per destillationem abstrahuntur remanente essentia quadam contra morbos validissima, nihilominus cum eadem abstracti menstrui in quantitate & qualitate efficaciam, ita puto, eundem humorem liquori Alkahest analogum quodammodo propter dispersam suam in assumptione particularum minimarum virtutem obtusiorē fixumq; quasi factum, ex amissione autem postmodum earum in nutrimentum partium, &

ob

ob commixtionem earum cum sanguine, ac propter crebras per cor & lienem circulationes pristinae restitui efficaciae.

Th. 66. Ubi etiam prius videtur propter relictam quandam acrimoniam sine permixtione chyli fermentando, & ob sensitatem diluendo, in venis promoveri faciliorem sanguinis regressum.

Th. 67. Hinc ratio, quamobrem homines s. n. adsuētis temporibus & non semper propter continuum affluentem hunc humorem appetant, quamvis etiam hac in re consuetudini aliquid sit tribuendum.

Th. 68. Quare autem chylus cum suo menstruo permixtus, uti superius innuimus, non recta ad perfectionem sui in sanguinem, sed ita dispersum quasi cor versus tendat, ratio est, chymicis nota, qui, cum accuratam volunt rerum permixtionem, earundemque perfectam in destillatione unionem, eodem hoc peragunt modo: Hæc sunt principaliora verba quæ facit de Vasis Lymphaticis & eorum usu, Kohlhaus in Dissertat. statimque finit Dissert.

EPISTOLA LII.

De Unicornu viribus.

THOMÆ BARTHOLINŌ Hafniam.

Mitto ad te exemplar Institutionum Medicarum mearum, ut haberes honoris animiq; semper tui τεκμήριον. Nam ut legas, ne quidem suadeo, gravioribus & magis feriis occupatus. A quibus, quod te abstrahunt alii, quorum ætati id minimè conveniebat, doleo. Sed plerumq; soli surgenti nubes obscuræ ob-
 staculum ponunt, quibus discussis fulgor ejus apparet splendidior. Sic tibi auguror. Insta modò & in cœpto progredere. Id verò à te peto, ut me quoq; compotem eorum facias, quæ in publicum emittis, quandoquidem vix duo exemplaria ad Typographos nostros mittuntur. Vicissim si qua in re servire tibi queam impera. Sed & hoc te rogo, ut fructum Unicornu, quod audio copiosè à nautis ad vos transferri, transmittas. Pretium cum magna gratia rependam. Verum scire desidero, cujus generis sit, unde apportetur, quas in eo vires deprehenderitis, & qualiter illud usurpetis. Inclusas ut Clariss. Brochimanno tradas etiam atq; etiam precor. Vide quam te multis onerem, sed ad plura me
 O o obbligo,

obligo, modo opera mea uti velis. Salve hisce,
Vale & Fave. Lugduni Batavorum 23. No-
vembr, 613 Ioe LIV.

Tibi

Addictissim.

A. Kyperus.

EPISTOLA LIII.

De Unicornu usu & utendi modo.

ALBERTO KYPERO

Leidain.

INstitutiones Tuæ Medicæ, quibus & publi-
cum & me beasti, omne punctum ferunt. Neq;
enim trita via incedis, nec Tyrones magnis
veterum somniorum ambagibus circumducis,
sed recta per recentiorum observationum com-
pendia optatum terminum monstras. Dici non
potest, quantum Tuæ industriæ debeant obser-
vationes nostræ, à Te laudatæ & ad usum Medi-
cum applicatæ, preciumq; laborum sat magnū
videor mihi reportasse, quod Tibi placuerit ad
illorum normam Institutiones Medicas exigere.
Viliora sunt reliqua nostra, quam ut ullo il-
lorum desiderio tenearis. Unicornu frustum
quod expetis, libenter mitto, & plura offero,
si jusseris, nec repetam pro eo quidquam pretii.
Acce-

Accepi quam plura frustra ab Amplissimo Affine Henrico Mullero, quum naves illius ex Grónlandia non ita pridem rediissent. Inde enim in Europam advehitur, & ausim dicere, omnia quæ passim ostentantur magnoq; precio æstimantur, ex Grónlandia advenisse. Adeo frequens apud Grónlandos est hoc Unicornu, ut loco ferri, quo carent, & ligni, in jaculis suis ad balenas capiendas utantur. Ita balenæ ad proprii generis exitium arma ministrant, balenæ enim est dens, qui unicus ex maxilla, quam vidi, prominet, quemq; cornu esse crediderunt hætenus omnes. In Grónlandia ad usus domesticos tantum adhibetur, & ad varia utensilia. Nos verò in febribus salutari eventu pulverem ad mediæ drachmæ pondus in quocunq; vehiculo liquido exhibemus, magna enim vi sudores prolicit febremq; jugulat, quod grassante febre maligna & in tertiana quoq; experti sumus. In aliis quoq; affectibus, quos per sudores solvere expedit, pari felicitate cornu hujus, seu verius dentis raspati subtilissimeq; triti pulvisculus offertur. Si plures virtutes mihi innotuerint, ea promptitudine Tibi perscribam, quam & virtus tua, & amicitia nostra postulat. Plura in præsentī non permittunt onerosi fasces Academici, quos

tamen brevi aliis traditurus sum. Interea
Vale, & me amare perge. Hafniæ 14. Junii
1655.

T. T.

Thomas Bartholinus.

EPISTOLA LIV.

De semita ad mammas.

THOMÆ BARTHOLINO Hafniam.

JOANNES PECQVETUS Diepæus D. M.

Diu est, Vir Clarissime, quod libellus omni
ad viam instructus commeatu secundos
ad te, cui dicatus est, ventos expectat. Injecere
moras fratris tui ad Patinum nostrū literæ, quæ
ut reditus in Galliam propositum continent,
ita transitus Lutetiā spem faciebant suavissi-
mam. Jusseram volumini opperiretur tanti
fidem patroni, & tutissimam amicarum farci-
narum societatem, ipseque impensius collata-
bar meum jam crastinum in Occitaniam di-
scessum comperendinari: sed hætenus frustra,
quod cum summo dolore dico, speratus est:
nullæ literæ proximum significant. Utinam
tam optata licuisset frui præsentia! in fratre te
amplecti, te alloqui, & quibus possem sinceræ
amici-

amicitiæ officiis prosequi revertentem. Sors invidet; imò (ut Christianum agam) Divinæ providentiæ non sinit adoranda consuetudo, quæ pleno nunquam vel planè defæcato Cyatho sitim mortalium explet. Quo circa nihil amplius cunctandum duxi; sed, quam ocysimè fieri posset, te mei amoris facere certior, Cura precor ut valeas & utilem mundo sanitatem serva; tam illustri enim peritiæ miraculo Anatomem nobilitasti, ut nihil jam existimem, quod, etsi absconditum, in lucem erui nequeat, si novaculam intrinxeris, aut sagacissimos oculos affixeris scrutinio. Perge ergo qua cœpisti indagine, ac laudabili mecum studio ad detegendam prorsus ad mammas semitam, cui quidem incumbo penitus, allabora. Lutetiæ Parisiorum Eidibus Decembris Anno R. S. M DC LIV.

EPISTOLA LV.

De Lymphæ origine.

GEORGIO SEGERO.

AMo Te, mi Segere, & bono voto prosequor, quod in lymphæ nostræ originem inquiras scrupulosius, variis opinionum sen-

tentiis inter præclara ingenia ambiguum adhuc & controversam. Dignum Tua industria argumentum, quo nominis famam provocabis. Certate studio de Nili ortu sollicitos olim accepimus, qui vel naturæ vacabant, vel suæ gloriæ. Maxima magni Alexandri, Sesostris, Ptolomæi Philadelphi, Cambyſis, Neronis, aliorumq; Principum Virorum cura in his aquis eluxit. Dicæarchus Rex Hammoniorum juvenes duos Nazanones ad ejusdem originis investigationem fertur emisſiſſe. Ut alios taceam magnos parvosq; qui Niliaci ortus cupidine nec operæ pepercerunt, nec itineribus. Majus de Lympha noſtra volvitur negotium, quam corporibus noſtris affudit provida Natura, ne, quod deeſſet, à macrocosmo deſideraremus. Noſtræ fortunæ indulſit Natura, ut Lymphatica Vaſa detegerentur: vos vero, ſi interiorem Lymphæ conditionem aſſequimini, in laudis participationem eritis admittendi, qui ſtrenuam huc operam confertis. Utinam nobis pateret Lymphæ Natura, quam facile Lymphatica videntur, namq; ut loquitur Lucretius,

--- *vincit adhuc Natura latendi.*

Qui tamen optimè conjecerit, optimus vates eſto. Satis hætenus manus noſtras animalium ſangvi-

sanguine cruentavimus; abluamus Lympha, ut nitida emergat Anatome & perfecta. Tu verò, mi Segere, perge in suscepto studiorum penso, & Naturam diligentia tua & vigiliis sollicita, ut tandem ad ejusdem penetralia admittaris, Patriæ Tux profis, & orbem eruditum illustres. Vale. Raptim Hafniæ inter publicas occupationes. Cal. Febr. clō Iōc LV.

T.

Thomas Bartholinus.

Impress. Hafn. 1655.

EPISTOLA LVI.

Observationes Anatomicae, imprimis circa, Lacteis & Lymphaticas.

THOMÆ BARTHOLINO. Hafniam,

Postremas meas 7. Januar. Patavii datas M. T. rectè patuisse spero, in quibus si quid novi publica Antonii Molinetti Anatome 9. Januar. incœpta, 28. ejusdem absoluta, parturiret, indicaturum me promisi. Totus à Riolo pendet & Harveo, quorum utrumque magni facit. Circulationem Harveanam concedit, publiceque demonstravit in arteria & vena cruralibus vivi Canis. Cum de Hepate,

in Theatro ageret, duo notavit, unum contra Veteres, in Hepate non esse venæ cavæ exortum, Hepar namq; è corpore exemit, non amputatâ Cavâ, sed ramulis tantum ex Cava in Hepar prodeuntibus: Alterum contra Recentiorum nonnullos, non ita funerandum Hepar, cum chylum recipiat per duos solitarios ramos Lacteos recta in Hepar tendentes, quos in ultima lectione ostensurum se pollicitus est, publice in Cane ostendit, mihiq; Ipsi assidenti dixit me ea Bartholino scripturum esse. Ob candorem lacteum lactea certè videbantur, sed vereor ne ramuli sint nervorum à Ventriculo in Hepar prodeuntium; non enim dissecuit ut effluens chylus omnem nobis adimeret scrupulum, sed subito, ut duos hosce ramos sive lacteos sive nervos ostenderat, ad alia digressus est. Penu-ria canum suspensum me adhuc tenuit, quo minus certi aliquid de eo concludere potuerim. Hodie tamen cum Cl. Ostensfeld canem dissecui, in quo nec summa quidem diligentia ullam venam lacteam ad Hepar euntem observare potuimus, sed nervum candidum, quem certè credo pro Vena Lactea à Molinetto in publica anatome monstratum. Adhuc differam meum assensum, & nisi clarius in posterum

sterum video Lacteos istos ramos ad Hepar tendentes, pro nervis habebo. Tempore Anatomes tria corpora humana habuit, duo virilia, unum feminae sed gravidæ. Paucula hæc annotavi. Tunicam musculorum pro peculiari vel communi integumento non habendam voluit, cum non muscoli eâ obvolvuntur. Ortum musc. obl. descend. à transversis vertebrarum processibus non esse deducendum. Anastomosis Epigastricæ cum mammaria satis conspicuam, quæ etiam in Marchetti Anatome optimè apparuit. Fibras primariam musculi partem esse non tendinem, nec nervum. Dislocationem ossium pubis admisit, interdum ad distantiam 3. digitorum, opinionem hanc autoritate Riolani & Harvei, propriaq; experientia confirmavit. Contrarium tuetur Marchettus uterq;, nec sine discrimine vitæ unquam recessisse notavit. Vena pylorica dextra à Porta prodibat. Ductus Pancreatis in duodenum inferebatur distantia 2. digitorum, ab insertione vesiculæ felleæ. Hepar non esse principium Venarum, idq; partim ex Cava in corpore relicta, partim ex Harveo de gener. anim. probavit. Vena Umbilicalis cum Porta conjungebatur non per levem quandam fissuram Hepatis, sed perforabat

bat ipsum Jecur & quasi sub ponte eò transibat. In confinio Portæ in Hepate materia quædam albicans, lenta, gypsea aderat, quam ex chylo collectam credebat. Anastomosis Cavæ cum Porta admittit. Rotundus quidam tumor undiquaq; liber Lienis à parte inferiore per connexionem membranæ adhærebat, juglandem magnitudine, ipsum vero Lienem, colore & substantia æquans; pro Steatoma habuit. In Renibus & Capsulis atrabiliaris nervulos demonstravit. In tunica adiposa duo vasa erant sanguinea à spermaticis orta. De usu Renum succenturiatorum differens, ingeniosam eorum conjecturam dixit, qui humorem melancholicum sive acidum in iis collocant, ut, veluti acidum lacti additum serosum à caseoso separat, ita humor in his contentus sua aciditate serosum in sanguine contentum separet, ad Renes demandandum, si vias ostendere possent. De viis per quas ad Renes defertur Urina, nimium quantum dubitat, non enim per aortam deferri credit. Quinq; tunicas testiculorum ostendit. Semen generabitur in extremitate ejaculantium prope vesiculas seminales; semen ex iis exiisse vidi. In fungoso penis corpore satis magnam arteriam monstravit. Penis dilatatores potius constricto-

strictiores dicendos voluit, ut & Elevatores potius depressoires. Serratus anticus major, non, ut Riolano placet, Scapulæ quæ mobilis est, sed costis originem debet. Aperto thorace omnibus monstravit arctam & firmam undiquaq; pulmonum cum pleura connexionem, quam perpetuam vult. Thorax fœminæ repletus erat sero satis copioso, quod & ipsam pleuram corruperat, intumuerat parum pleura in affecto latere, sed in quibusdam locis à materiæ acrimonia erosa albicabat, cætera carnei coloris. In dissecta gravida Embryonem publicè extraxit, duabus involutum tunicis ita arctè cohærentibus, ut non nisi cultelli acie separari potuerint. Inter primam tunicam & fœtum humor quidam continebatur, inter tunicam primam & secundam nullus. Placenta sine dilaceratione venularum & arteriolarum separari non poterat, quæ ipsi cum Utero communes erant. Parti posticæ Intestinum Rectum non vesicam spectanti adhærebat Placenta, nec præter solitum tumidior apparebat Uterus, etsi mole major. In Embryone præter umbilicalia vasa, glandulas Renum, Renes succenturiatos, Hepatis molem, cum reliquis in abdomine contentis, nihil ostendit. Ex dissectis tubis semen effluxisse vidi.

vidi. Ligamentum rotundum ultra os pubis descendere falsum ait. Marchettus tamen heri ostendit dividi ligamentum in duos ramulos, ubi ad os pubis pervenerit, quorum unum separatim vidi infra os femoris in ipso femore, sed brevior erat iste ramulus nec tres digitos transversos excedebat, quin in membranam desineret. Cum de capite ageret Molinettus, Cranium produxit, in quo nullum sagittalis futuræ vestigium aderat, aliud in quo ad nares protendebatur. Musculus Buccinator, dum inflantur buccæ, non agit sed patitur, hinc actionem ipsius vult constrictionem malarum ad dentes. Lac in mammis ex chylō non ex sanguine generabitur, quia post assumptum cibum flaccidæ mammæ tam citò intumescunt. Ossa auditus bene præparat, in iis musculos Tympani internum ac externum ut & nervos auris diligenter præparat, & hæc præparatio omnium ferè optima fuit. Cum Uterum præpararet, & vasa sanguinea circa eum accuratè explicaret, me interrogavit an tali quoq; modo Bartholinus præpararet, responsum dedi eadem diligentia à Præceptore præparatum aliquoties vidisse, cui Ille, se persuasum habere inter reliquos spectatores plurimos esse qui tali modo præparatum nunquam
vide-

viderint. Pari modo pericranium à perio-
steo dividens, an hæc antea viderim;
quæsit, neque separationem hanc antea
mihi visam coram ipso negandam ratus, co-
gnitam mihi affirmavi. Cum vivum canem
in Theatro dissecaret ductum thoracium
cum Receptaculo chylo referto omnium o-
culis clarè exposui; etsi enim superiori anno
à Cl. Fossio monstratus esset, situs tamen ipsius
adhuc parum notus ipsi erat, vixq; credo ab
isto tempore interiora ullius Canis Ipsum esse
rimatum. Prope Hepar Lymphaticorum ru-
dimenta eodem tempore ostendi, in aliis par-
tibus ob nimiam pingvedinem observari non
poterant, hinc fere de ipsorum existentia du-
bitare cœpit, & cum ipso alii. Ea tamen in
hospitio meo, ex Germanis, variis Medicinæ
Candidatis aliquoties monstravi, nec de iis
amplius dubitant, videntq; Alios sola in-
vidia ea negare velle, quoq; magis ab Invidis
opprimi advertunt eo majori cum voluptate
in ea inquirunt. Promisi tamen Molinetto si
canem haberem macilentum ita clarè ei mon-
straturum, ut quivis ea videre posset. Civis
noster Cl. Ostenfeld E. T. amicissimè salutat,
de fama Præceptoris mei multum sollicitus est,
quam contra æmulos, seu, ut verius dicam, Invi-
dos

dos heic non nominandos, semper defendit, nec mearum ego partium ero immemor. Dixi Marchettum Junio-rem mihi retulisse se vasa Lymphatica ex corpore humano extraxisse tabulæq; imposuisse; Jam sanctè affirmavit se planè dubium esse nec ulterius scire quid ea de re statuendum esset, jussit tamen ut Præceptor-rem meum magnum suum Amicum suo no- mine quam officiosissimè resalutarem. Ana- tomen Marchetianam commoda oblata oc- casione E. T. transmittam. Lymphatica vasa acriter propugnat Marchettus filius, promi- sitq; se ea in tabula explicata publice monstra- turum, necdum ea vidi, ubi de corde aget Pa-rens ipsius jam in secando occupatus, in Thea- tro Anatomico omnium oculis clarè expo- nentur. Dum Hepar eximeretur & Lien, de ipso- rum usu, ductu thoracico, Receptaculo Pecqueti, vasis Lymphaticis, nescio quæ non differuit. Hepar debere sangvificare, chylum crassio-rem per venas Mesaraicas ad Hepar ve- nire, in sexaginta canibus hac hyeme à se dis- sectis in Receptaculo & ductu Thoracico nun- quam repertum fuisse chylum, Lacteas Mesen- terii esse Lymphaticas, inflato Receptaculo Vasa Lymphatica per universum corpus infla- ri, unde neq; Vasa Lymphatica Bartholini à
Recepta-

Receptaculo differrent, sed ex Receptaculo orirentur, si per thoracem chylus ad cor veniret, deberet esse duplex ductus & duplex Receptaculum à Bartholino constitutum, Pecquetum non esse Inventorem primum Receptaculi cum suo ductu thoracico, cum Bartholomæus Eustachius lib. de Vena sine pari, antigr. 13. p. 301. edit. Venet. 1564. manifestè descripserit. Ipsa Eustachii verba una transmittō, ex quibus certe clarius quæ ex ipso Pecqueto patent. Regessi tamen non deberi confundi quæ distincta voluit Natura, & licet observata sit Lympha in Receptaculo & ductu thor. exinde non posse inferri, E. duplex erit ductus & duplex Receptaculum, ut per unum chylus per alterum Lympha traducatur, cum idem Receptaculum idemq; ductus utriq; usui inserviat, in distributione chyli, repleti chylo, extra illud tempus lympha, sæpiusq; illud & à me & ab aliis & hic Patavii & Hafniæ annotatum esse. Sequenti die bis tantum se chylum sed tamen lympha permixtum in Receptaculo observasse fassus est, credo ne de ipsius in tot canibus facta experientia dubitarem. Canem hodie cum Cl. Ostenfeld dissecai, in quo singula distincta satis apparebant & lactea & lymphatica, ipsumq; Receptaculum albissimo lacte plenum,

plenum. Præsentes aderant ex Italis & Germanis aliquot, eosq; pœna sensus dignos censebant, qui hæc vel negare vel confundere volunt. Varii tumores erant duri & magni in œsophago, ex quibus dissectis innumeri vermes prodierunt, in parte interiore œsophagi exigua erant foramina singula suis tumoribus adstantia, credo vermes per ea in ventriculum aliquando descendisse iterumq; eadem via rediisse. A Clar. Rhodio observationes istas necdum habeo, credo me brevi habiturum, cum hac septimana absolvatur ipsius Scribonius Largius. Molinetti vicinus est, uterq; Riolano nimium favet. Audaciæ veniam peto si prolixiori epistola in M. T. gravioribus occupatam deliquero. Deum interea supplex veneror, Te cum tota Familia clarissima saluum diu conservet ac incolumem. Vale Patavii die 18. Febr. 1655,

M. T. Discip. obseq.

Henricus M. à Mœinichen.

EPISTOLA LVII.

Dubia quedam de Lacteis Thoracicis.

THOMÆ BARTHOLINO

Hafniam.

DUplex scriptionis causa est, una quidem ut de Obitu Dn. Wormii condoleam, altera

altera ut amicitiam ante videnos annos cum
 Tuis Hafniæ contractam, literarum commer-
 cio continuem. Elucebat jam olim, imo ger-
 minabat jam prolixè Tui Parentis in Te
 Virtus, ut non semel eam studiorum vestrorum
 Moderatori, ad quem sæpius & familiariter in
 ædibus tuis tum invisere solebam, prædicarim.
 Optimus Wormius & Arnisæus, Heröes Artis
 naturæ insignes, mei *Φίλοι πατρώοι* Opt. Max.
 confirmabant id serio, aliq; Professores Doc-
 tissimi, & Tu nunc ipse doctissimis Tuis scri-
 ptis. Deus Te orbi servet incolumem in an-
 nos Nestoreos, ut feliciter docto tuo calamo,
 atq; acuta novacula augiæ stabulum Anato-
 micum purgare pergas. Ne vero omnino ni-
 hil scriberem, dubia quædam propono eno-
 danda circa venas lacteas thoracicas & lym-
 phaticas, Dari credo; imo ex parte vidi. Sed
 quod illas attinet, dubito valdè, an in ipsum
 uterum desinant, & quidem, ut embryonem
 alant, cum vix credere possim, embryonem
 in utero per os trahere alimentum. Lacteam
 materiam ad Uterum quandoq; ferri, credo
 Hippocrati, Laurentio, Zacuto & Tibi. Sed
 forsàn ille motus potius dici meretur præ-
 ter naturalis, uti vagitus uterinus. Excre-
 menta quoq; recens natorum annon diffe-

runt ab iis, qui vel semel lac sumserunt? Et si sugeret Embryo lac in utero materno, sugeret simul circumfusus humores alios. Deinde non video, quomodo statui possit, per has venas lacteas omnem chylum in Cor abire, cum revera & ipse, Vir Excellentissime & Oculatissime, in hepar abire quædam lactea vasa scribas & probes. Imo non videtur esse debita proportio inter thoracicas & lacteas Asellii, illas inquam plus justo minores videri & insufficientes atq; incapaces. Quo ad Lymphatica vasa dicere quis posset, aquam illam, potius descendere, quam ad Cor ascendere, cum & ipse colligas partem illius in renes destillare. Nec assequor assignatam necessitatem aquæ. Dilutioni enim sufficiet forsitan potulenta materia, temperiemq; aër dabit. Coctionem vero impedit potius frigidiuscula aqua, cum remissum vix intendat. Quid autem Arteriis accidet, si ita fluxu non intermisso & concatenato aquâ hac impleantur, præsertim cum exhalatio ulla vix hic locum habere possit, si ab exterioribus ad interiora, à circumferentia ad Centrum aquæ illæ moventur? In statu vero corporis p.n. quoad Hydropem, Cachexiam, Atrophiam, Febres annon mutanda M, Methodus? Hepar scil.
non

non respiciendum, sed vasorum saltem lymphaticorum angustia, soluta unitas & alia vitia corrigenda. Discendi cupidus aveo erudiri, rogitanis velis mihi hanc gratiam facere, ac quo ad hanc rem me penitus informare. Vale Vir Incomparabilis, & fave. Dresdæ Kal. Mart. 1655.

T. addictiss.

Jo. Daniel Horstius Archiat.
Darmstad.

Prolixior Responsio Th. Bartholini impressa Hafniæ & Francofurti, An. 1655. ibidem legatur, una cum Clar. Jo. Dan. Horstii amica replica.

EPISTOLA LVIII.

De gibbositate Virginis Nobilissimæ.

HENRICO REGIO Ultrajectum.

Quanquam in Re Anatomica sint quamplura, de quibus tecum per literas disserere exoptarem, in præsentî tamen casum Chirurgicum proponam, deq; eo limatum iudicium tuum expectabo. Jussus sum hisce diebus invisere Illustrem & Nobilissimam Virginem, filiam Magni Daniæ Magistri, summi

Literatorum Mecænatis Dn. Joachimi Gerstorphii, quæ undecim annos nata molesto gibbere divexatur, jamq; à quinq; annis & quod excurrit dorsi vertebrae habet ad exteriora prominentes, & circa medium dorsi octavamq; circiter vertebrae acutum angulum & eminentem conum efformantes. Alias nihil mali ab interno fluxu passa, suspicio tamen est quinq; ab hinc annis ex levi in terram casu ortam hanc vertebrarum dorsi luxationem. Nec de respirationis adhuc conqueritur difficultate. Medius tamen venter ob spinæ contorsionem contractior est, & præter ætatem artus teneri. Ego quanquā in ætate spes sit, & in ossium teneritudine & cartilaginum mollitie; tamen quia longius longiore mora processit malū, vix ausus sum integram sanitatem polliceri, præsertim quum ob vertebrae eminentiam instrumenta ferrea commodè vix applicari possint ob metum corrosionis & subsequuturæ gangrenæ; tamen ut in hoc statu diutius conservetur, neve ulterius serpat malum & augeatur gibbositas, frasi applicationem instrumentorum quæ Chirurgus vester Ultrajectinus in luxationibus restituendis felix, solet conficere.. Quod ut meliori cum successu procederet, nomine Illustris Herois laudati, Tibi Nobilissimæ Virginis

ginis casum referre decrevi, qui & in Anatomicis chirurgicisq; es versatissimus, & mihi amicus, & orbi literato eruditis scriptis es notissimus, & singulari humanitate mihi alias notus & perspectus. Tuum igitur de hac re consilium exspecto, an spes apud Chirurgum vestrum restitutionis aliqua supersit, an sine damno instrumenta propter eminentes vertebrae applicari possint. Nullus dubito quin & Chirurgus sis adfuturus tuo consilio, ut, si curationem vel in hoc statu conservationem promiserit, instrumenta ita applicentur, ut habita ratione tenerioris virginis corpusculi & eminentis gibberis ita conficiatur instrumentum ne arrodatur vertebra protuberantem. Per amicitiam te rogo, per candorem tuum, per solitam humanitatem, ut in gratiam Magni hujus Mecænatis verbulo tuam quamprimum de hoc casu mihi aperias sententiam, chirurgumq; hoc nomine compellas, certus eris beneficii hujus semper memorem futurum magnum mecænatem. Interea si de comoda habitatione, hac Virgine digna, prospicere posses, & cætera huc spectantia, nihil gratius aut Illustri Heroi aut mihi accidet. Nam circa mensem Junium ad vos filiam mittere decrevit Illustris Pater, si in chirurgus vestro,

prolapsæ, versus superiora, ita sensibilibiter se inclinare & erigere conspiciuntur; ut corporis longitudo in virgine stante ad duorum transversorum digitorum latitudinem producta nunc observetur. Lenta tamen erit hæc, & forsan aliquot annorum, curatio: In qua ubicunq; mea opera Nobilissimæ Virgini utilis videbitur, ea ipsi semper erit paratissima. Nunquam patiar, ut durius habeatur; sed semper quam lenissimè, quantum fieri poterit, tractetur. Cæterum ut Illustris Vestri Mæcenatis favori, quem ego omni diligentia & circumspectione, benignissimoq; & officiosissimo in Nobilissimam Virginem affectu, semper demereri laborabo, me etiam atq; etiam commendes, obnixè rogo. Vale Vir Excellentissime, & me redamare perge semper tuum. Dabam Ultrajecti 30. Augusti 1655.

T.
H. Regius.

EPISTOLA LX.

Circulationis demonstratio in cadavere.

THOMÆ BARTHOLINO.

Hafniam.

Quas E. T. 7. Januarii & 18. Febr. per Parentem transmissi, rectè curatas spero,

Pp 4

quæ

quæ in Antonii Molinetti & Petr. Marchetti anatomia observaveram paucis monui. Dominicus Marchettus (etsi Professor non est) duas lectiones in xenodochio habuit 13. Martii & 14. unam de Circulatione sanguinis, de Vasis Lymphaticis alteram. Ejusdem opinionis cujus antea ipsum fuisse monui, adhuc est, ductum nimirum Thoracicum Pecqueti nil esse nisi Lymphatica Bartholini, idem de Lacteis Mesenterii statuit, per Lymphatica prope Hepar, ex Hepate lympham non in Hepar chylum traduci autumat: In artubus adesse concedit. Sangvificationis officina erit Hepar, chylumq; per venas mesaraicas recipiet. Ductum Thoracicum in Tabula explicatum eodem tempore monstravit, sub nomine Vasis Lymphatici, quia chylum in eo nunquam reperit. Etiam in humano cadavere eundem monstravit una cum glandulis ab E. T. descriptis: In cane vivo eadem vice dissecto Chylus non adfuit in Receptaculo, jamq; multi qui adfuerunt de isto translationis Chyli usu conclamatum crediderunt, (monstratum tamen est à Molinetto in Anatome publica chylo puro refertum) circa insertionem in axillarem à transparente chylo candicabat. Hæc advertegens, idem in catulo se vidisse confessus est.

Circu-

Circulationem in brachio mortuæ fæminæ monstravit aqua calida per siphonem in arteriam sub axilla immissa, & per venam Medianam Lancetta apertam refluyente. Jam demum Scribonius Largus Jo. Rhodii absolutus est; In exscribendis suis observationibus Medicis quas brevi typis mandaturus est, totus occupatur, quas Præceptor meo Anatomicas promisit, necdum habeo, ab uno enim in aliud tempus differt, omnem in Pictorem culpam referens, cujus operam in figura quadam depingenda efflagitat. Sylvatici Consilia Medica sub prælo sudant. Fabius Chigius Pontifex Romæ electus est, Alexander 7. Chisius dicitur. Carolus Contarenius Venetorum Dux creatus est. Inclusas à Lysero Verona habeo. Plura vetat tempus omni ex parte præterlapsum. Hisce cum tota familia Clarissima, omnibusq; Amicis Deo plurimum commendatus felicissimè vale mihiq; porro fave, Dabam Patavii 22. April. 1655.

E. T. Discip. observ.

Henricus à Mòinichen.

EPISTOLA LXI.

De MS. Ovidii & Claudiani.

THOMÆ BARTHOLINO Hafniam.

NICOLAUS HEINSIUS, S.

FRetus ea benevolentia, qua omnino singulari me semper es complexus, hæc ad te exarandas duxi. Annus jam ferme exactus est cum noster Rhodius per literas monuit, habere se paratum Liceti de Cometis librum, Serenissimæ Suecorum Reginae ab auctore destinatum, quem populari cuidam suo mox in Daniam profecturo traditurus esset ad me perferendum. Postea eundem librum ad me missum significavit: quem tamen ego hætenus non vidi. Si latorem nosti, fac quæso fugitivus codex aut ad me veniat, aut apud te servetur, dum ipse adsim. Existimo enim fore, ut Regis expeditio, quam æstate proxima in Germaniam moliturus dicitur copiam mihi faciat ad paternos lares excurrendi. Obiit enim senex noster: ut necessitas mihi incumbat curandæ rei familiaris. Bibliothecam ejus auctione publica distrahendam fore opinor post menses quatuor aut quinque. Illustrissimum Sefeldium à Lundio codices manuscriptos multos emisse audio, inter quos Ovidii & Claudiani nonnulla

nulla extent. quid sit rei, si potes, des operam
 pero ut cognoscam. Fiducia enim utendorum
 exemplarium erectus illorum iter per Daniam
 molirer, Lubecam alioquin recta navigaturus,
 aut Gottenburgo in Hollandiam. Plurimum
 hoc officio me demereberis. Regiæ cliente-
 læ jampridem me subduxi, cum Respublica
 nostra Residentis in hac aula sui provinciam
 mihi detulerit. Viros Eximios fratres tuos, Ban-
 gium, Langium & Beringium, cæteros mei stu-
 diolos officiosissime saluto. Vale, Vir Celeber-
 rime, mihiq̃, quod facis, favere perge.
 Dabam Holmiæ. prid Non. Majas. clō Idc LV.

EPISTOLA LXII.

Harvei dubia de Thoracicis.

THOMÆ BARTHOLINO Hafniam.

Quoties tui nominis memoriam repeto,
 toties sævit tacite conscientia, quod
 ipsum pro nomine non visus sum vindicare.
 Londini id etiam Harveio indicavi, qui te æ-
 stimat, maxime de re literaria meritum, seq̃;
 ut qui pedem in cymba charontis alterum fi-
 git, tibi omnia in anatomia perficienda con-
 credere, quia 78. annum ætatis attigit. Con-
 tulit

tulit amice de lacteis thoracicis, & negavit
continere chylum quia non in omnibus ani-
malibus sit, ut avibus & piscibus, sed potius
esse serum per vasa lymphatica ex aliis partibus
advectum. Respondi, quotquot fuere qui di-
ligentiori cura, & perita inquisivere in hæc
vala, invenerunt ipsa, nec possunt dici viæ per
quas transeat chylus ad hepar exceptis lacteis;
aut usus, cur serum id per lacteas ad cor me-
aret: & quod in insectis non viderentur, ideo
non negandum non dari, possunt esse analo-
gæ? & quot partes non dantur in uno genere
animantium, quæ sunt in alio? ut autem ne-
cessaria deficient nunquam credam, quan-
quam oculos subterfugiant, & manus. Entius
multa mihi etiam refulit, & in primis esse ali-
as vias per quas nutritio fieret quam arteriæ,
cui ego objeci, manus esse oculatas, tamdiu
à recepta opinione standum, donec meliora
docuerit inlequens ætas: & non omni sangui-
ne nutriri partes quasvis, sed ea parte sangui-
nis, quæ pinguis maxime est, & ex nupero
chylo confecta. Subticuit ad hoc & nescio
quibus ambagibus pervenit ut objiceret, lu-
men non esse essentielle quid sanguinis, sed es-
se vibrationem aëris, de quo ego multa in-
terferui, & causam solem admisit, sed per
quam

quam rationem nequivit dicere. Hobbes novum elementare philosophicum edidit, & Epicurea principia maxime secutus, omnia referens ad corpus & motum, quæ vim aliquam videntur habere. Alias paucis exceptis, medici non videntur digni alloquio, quia pauci latina percipiunt, nec de suis rebus interrogati respondent, nilq; quod rebus meis posset esse utile, invenio, ideo Oxoniam propero ut illic aliquot septimanas subsistam, statim ad Italos transiturus, & quemnam locum maxime meæ praxi convenientem putaveris esse, precor perscribas; Segerus suas sedes etiam mutabit. Sed quorsum cōcessurus est, hæret in bivio forsitan ad Batavos, poenitet ipsum quod nesciverit te anatomicis ulterius incubiturum esse studiis, alias mansisset. Si placuerit scribere Harveo, me diligentissimum & fidelissimū exhibitorē experieris, concise loquitur latine, & miror quod in scriptis suis id nesciamus. Vale Salveq; & saluta Excellentem Fuien. Londini 17. Junii 1655.

Magnif. T. H. S.

Martin Bogdan.

EPISTO-

EPISTOLA LXIII.

Pro Venis Lacteis ad Harveum responsio.

THOMÆ BARTHOLINO

Hafniam,

SEro, sed summa cum animi voluptate Tuas plusquā amœnas accepi responsorias, quib9 mihi nil magis gratum acceptumve scito. Plenæ non tantum sunt amoris infucati, sed & solida dubiorum resolutione refertæ & turgidæ, atq; eapropter dignissimæ, quæ responsionibus tuis limatis & politissimis ad Riol. addantur. Harveio respondi pro nuper, me etiam atq; etiam mirari, quod lacteum humorem in venis mesaraicis contentum, casui adscribat, qui tamen in omnibus perfectis animalibus, & semper, positis nempe requisitis necessariis, adsit. Ab adipe vero diversum esse scripsi, quod in mortuo cadavere dispareat potius, quam congeletur. Nec obstare quod Veteres lacti pus congener dixerint, atq; instar puris chylus hic generari videatur: Cū Empedocli & veteribus sermo fuerit de mammarum lacte, & in super Cous latè loquendo lib. de al. coctionem corruptionem dicere videatur. Lac vero mammarum & lacteum humorem mesenterii differre, me iudice, sedibus, officina, usu, fine; atq; externum colorem vix sufficientem esse. Dari autem

tem venas lacteas, probavi oculari demonstratione. Contentum vero liquorem chylum verum & germanum esse, quod præter hunc nullus humor ex intestinis educatur. Nec obstare diversitatem vasorum allegatam; omnes enim colligi ad plexum illum in Mesenterii centro, atq; furculos plures paria præstare cum trunco aliquo; nec opus esse, ut omni tempore appareant, cum jugi spirituum effluxui non chylus sed sanguis ferat suppetias. Chylum præterea alium esse ventriculi & intestinalium: alium in lacteis contentum; hunc semper albescere: illum vero non raro luteum, viridem, nigricantem & foetidum insuper esse posse. Deniq; chylum extrema venarum mesaraicarum veterum oscula, subclaviarum modo, subire & sanguine misceri, non posse credi, quia autoplia & ligatura repugnant. Hæc & similia ad Nobiliss. Harveium dedi, cujus responsiones Excell. Tuæ si accepero, remittam. Tu vero omnia penitus in tuis excutis, ut quod nunc addam, non habeam. Ruminabo tamen cuncta furtivis horis diligenter, & proximè ad singula respondebo, si quid dignum reperero. Hæc hac vice ad Tuam Excell. responsi loco exarare volui, cum voto ut vivat, valeat & floreat in Nestoreos

fecos annos. Interea magnam mihi faceret gratiam, si nundinis instantibus Francofurtensibus per Dn. Hauboldum communicaret disputationes & alia exercitia Academica Vestrae Scholae Regiae. Pretium lubens persolvam. Desidero etiam è scriptis Tuis Aneurismatis historiam, de Unicornu Observationes, Animantium Lucem, Collegium Anatomicum. Pretium cum Gratiarum actione perlubens solvam. Vale Vir Excellentissime & favere perge. Darmstadt 16. Julii 1655.

T. addictiss.

Jo. Daniel Horstius.

EPISTOLA LXIV.

De Lacteis ad uterum.

THOMÆ BARTHOLINO

Hafniam.

JOANNES CLAUDIUS De la Couruce S.

IN ea incidimus tempora Vir excellentissime quibus Democriti genius hominum vecordia supinaeq; ignorantiae jamdudum pertæsus erupit tandem è puteo : frustra laboravit peripateticorum coetus ut hujus atomos exploderet, has nostra vindicat ætas agnoscerq; puto quam

quam temerè irriferit antiquitas sapientissimi viri sententiam qua voluit in utero foetum per os alimentum sumere. Ita est mi Bartholine erravimus in via communi dum mens præoccupata ita adhæsit authoritati & sensui ut nullum reliquerit locum rationi. Putarunt pleriq; omnes maternum sanguinem à foetu per vasa umbilicalia attrahi, cum verè per hos ductus suum proprium expellat sanguinem perfectusq; in utero foetus alatur in utero ut extra uterum per os, quam veritatem non satis mirari possum tamdiu latuisse cum naturæ timanti misteria primum se offerat illud detegendum convincatq; autopsia & ratio, nuper ad me delatum est opusculum Lugduni Batavorum excusum cujus titulus est messis aurea triennalis, ibi continentur experimenta anatomica nova Pecqueti, Thomæ Bartholini historia de Lacteis venis, & Olai Rudbeck observationes variæ anatomicae, hoc opus legi summa cum admiratione, sed potissimum arrisit historiæ tuæ caput decimum quod sic habet: Distributionem ramorum Lacteorum ex glandulis hisce novis Lacteis in abdomine supra pertexuimus, an autem ad uterum quoq; deriventur, in prægnantibus fieri debet experimentum, dubitare non ausim quia Hippocrates

L. de nat. pueri Lac in uterum confluere mouit nempe succum alimentorum candidum.

En Vir Excellentissime quibus moveor tibi scribere & opusculum mittere ratus te quoq; Dēmocrito assentiri, nec illud ingratum tibi fore quo principem magnum tūeor tueri: nihil moror vulgi tumultus & cachinnum rudentium quibus non scribo sed his tantum qui meliori fato subeuntēs naturæ penetralia de meīs æquū ferent Iudiciū. Tuum vir doctissime summoperè expeto & expecto sollicitè, id gratitudinis & benevolentiae ne deneges ignoto quidem tibi sed tuæ sapientiæ tuorūmq; meritorū non inscio. Vale Varsaviæ 20. Julii anno virginēi partus 1655.

EPISTOLA LXV.

De nutritione fœtus per os.

JO. CLAUDIO de la Courvée Varsaviam.

PRO erudito libro plurimum Tibi debeo, quem avidè perlegi totum, propter argumenti præstantiam, quod tam ingeniosè tractas, ut parum abest quin in Dēmocriti sententiam nos pertrahas. Quantum percepi, fœtum perfectū solo colliquamēto nutriri per os probas, imperfectum, simplici cōcretione alimenti
in

in quo natat, nec unquam sanguine materno
 ali per vasa umbilicalia, quæ solum exportare
 ex foetu ad placentam sanguinem suspicaris,
 & ita *Hippocratis* partes deseris, & *Harvei*, &
 utriusq; inventa ex ingenio auges & diffundis.
 Quanquam verò multum lucis Nutritioni
 foetus afferant quæ magna specie veri com-
 mentaris, apud me tamen adhuc duo dubia
 supersunt, quæ accuratius pensata difficultatis
 plena sunt. Imperfectus foetus quo modo
 sola appositione increseat instar lapidis, aut
 corporis inanimis, difficile concipimus, siqui-
 dem anima vegetativa & sensitiva polleat.
 Vasorum umbilicalium diversitas magnum
 scrupulum injicit. An vena quoq; ex foetus
 corde sanguinem efferat? Id venarum nativo
 officio repugnat, & pressa vena umbilicalis in
 funiculo humorem facile ad foetum finit per-
 meare, difficulter ad placentam, quod experi-
 mentum non semel feci. Sed dubiola sunt,
 quæ experientia certior solvet, quam à Te
 hisce curis ad publicum bonum intento ex-
 pectamus. Si ex voto successerit, præclaris
 conatibus tuis meritisq; applaudam, & in eam
 sententiam deveniam, non foetum tantum, sed
 editum hominem eodem modo, chylo solo,
 nutriri. Nam sanguis quidem alluit omnes
 partes,

partes, & nutrire solus creditur, sed in ipso sanguine particulae quaedam sunt, quae chylus est, quibus particulis nutrimur. Non negandum sanguinem nutrire; sed quia diversas sanguis habet particulas, ea parte tantum alendi potentiam habet, quam chylus constituit, quem sanguini misceri nuperæ nostræ Lacteæ Thoracicae oculatam fidem faciunt. Certè mirum mihi semper visum fuit, quare sine cibo & potu diu vivere non possimus, quum tamen sanguis abundet in corpore, nec ita absumatur, ut ejus defectu deficeremus, si nutriret ipse. Unde forsan à munere nutritionis desistit, si chylus detrahatur, qui utramq; hic paginam facit. Sed hæ conjecturae sunt, quas doctis aliis, Tibi imprimis, submitto. Quæramus interea vias chyli ad uterum, quas dari certus sum, quanquam demonstrari ad oculum necdum possint. Nihil intentatum reliqui, sed hætenus successus non respondit, nisi acquiescere velimus *Harvei* placitis. Sed eadem manebit difficultas. Quærimus enim unde carunculae albumen trahant, quia lacteæ conspicuæ in illis non apparent. Quod si ex sanguine succum illum concoquant, rectius chylum ibidem separari dixerimus, quem sanguini mixtum jam jam diximus. Tu, Vir cele-

celeberrime, singula expende, porrò de Republica Medica benè mereri perge, & me tui amantissimum ama. Vale. Hafniæ 3. Octobr. 1655.

T. T.

Thomas Bartholinus.

EPISTOLA LXVI.

An Diabolus in substantia malus.

AMBROSIO RHODIO

Christianiam.

Summa cum voluptate legi nuperas tuas litteras plenas vett. amoris. & officii. De perennante illibato affectu, merito mihi gratulor, & renovatam qs. amicitiam ambabus ulnis cum gratiarum actione amplector, & constanter tuebor. Male tamen ominor, ignosce joco, quia à Dæmone literarum commercia auspicaris. Apud Oneirocriticos nigrum corvum in somniis vidisse, mala portendit. Quid de tenebrarum Duce statuum, ipse divinabis? Cæterum eo fine Philosophamur de malis, ut ea fugiamus. Controversia quam moves de Malorum Angelorum substantia, bona ne sit vel mala, tanti non videtur, ut multum illi insudemus. Vix no-

minari malus ille spiritus meretur, multo minus impetrabit, ut tempus illi prolixum concedam, quum plurima supersint & in Divinis & Arte Medendi, quæ pro salute mortalium curiosius & utilius deberent inquiri. Ut tamen brevibus Tibi amicissimo mentem meam aperiam, sciendum est ex Theologis seu sacris monumentis in hac materia disputandum esse, quorum ductu malus ille spiritus nobis innotuit. Oraculum est in Genesi: Omnia quæ fecit Deus, erant valde bona. Si omnia bona quoad substantiam, quomodo salvo subjecto eademq; manente substantia tota immutabitur & in contrariam vertetur. Deus quievit ab opere, nec amplius sive bonos sive malos procreat. Ipsi autem Dæmones suam substantiam transmutare non potuerunt, quod Divinæ decederet potentia, quia nec pediculum possunt creare. Nec Deus malorum, quæ mali, auctor est aut fuit. Igitur siquidem Dæmones creati sunt, à Deo erunt creati, non mali, sed boni. Dei autem creaturam nemo potest in solidum transmutare, substantiamve evertere, sed quicquid sive à nobis sive spiritibus mutatur, extra substantiam est, in iisq; consistit, quæ à nostra voluntate & potestate dependent. Quid autem in malis spiritibus sit muta-

mutatum disertis verbis tradit Divinus codex. Joh. 8. v. 44 dicitur Diabolus non perstitisse in veritate. Veritas autem à substantia bona vel mala non dependet, alioquin totiens nostræ substantiæ immutarentur quotiens mentiendi occurrit occasio. Et notandum est, in eodem textu Judæos mendaces vocari filios Diaboli, non quod creati sint ab illo, aut quoad substantiam immutati, sed quia in mendacio Diabolum sequuntur. Igitur mendacium cui assuevit Diabolus non magis substantiæ illius bonæ adversatur, quam Judæorum, quos bonos fuisse naturaliter, ut Philosophi loquuntur, nemo iverit inficias. Nec in Epistola Judæ v. 6. ulla substantialis mutationis fit mentio. Dicuntur ibi non custodivisse propriam *ἀρχὴν* originem sive Principatum, ut vulgatus Interpres, Lutherus & nostra versio habent. Principatus vero non substantiam respicit, sed dignitatem, sed officii splendorem, unde deseruerunt proprium domicilium h. e. quum ante in Dei conspectu ministrarent, jam in abyssum detrusi sunt. Quemadmodum vero Princeps Philippi Hisp. Regis Minister Comes Olivarius perpetuo carceri adjudicatus, in substantia bonus esse non desit, quam dignitate sua exciderit in perpetuum, ita

nec malus ille quem nominare totiens nolo. Lacteum illud eloquentiæ os Lactantius nihil diversum sentit, creatum enim esse utrumq; & Bonum & Malum à Deo in principio; sed in altero indolem Divinæ stirpis non permansisse. *Itaq; suapte invidia tanquam veneno infectus est, & ex bono ad malum transcendit, suaq; arbitrio, quod illi à Deo liberum datum fuit, contrarium sibi nomen adscivit.* cap. IX. de Orig. Err. A negata vero aptitudine ad recipiendam gratiam Divinam, quomodo totalem substantiæ mutationem inferre possis non video. Oppono brutorum genus, quæ sine suæ substantiæ mutatione à cœlestibus excluduntur. Ad-do homines, qui peccato in Spiritum Sanctum commissio, nullam beatitudinis habent spem. An hinc alios hos esse homines, quam fideles suspicabimur? Nec effugere poteris difficultates de peccato Originis Flaciano, quia ex Philosophorum decretis, magis & minus non variant speciem. Cum Origene tibi res erit, qui l. i. de prim. c. 6. Dæmones posse redire ad statum beatitudinis probat, adeoq; ex Tua hypothese totaliter non esse quoad substantiam corruptos. Suæ sententiæ fundamenta desumit 1. ab infinita Dei misericordia, qua salvari possunt, 2. à justitia Dei, quæ

quæ violaretur, si hominum misereretur, non Angelorum, 3. quod Diabolus quandoq; edat bonum aliquod opus, in signum sequuturæ conversionis, sic edit Marc. 1. 24. confessionem de Christo. Quid quod nonnunquam Dæmonis opere multi curentur à morbis. Sed hanc litem meam non faciam. Nimis multa de hoc egi, qui ne lineolam meretur. Malo credere malum eum totum, quam de illo disputare. Non malus est, sed pessimus. Nihil dicam de animarum nostrarum insidiis, quæ ad Theologos spectant. Etiam corpora mortalium variis morborum generibus infestari à Dæmone, notius apud nos est, quam ut probatione mea indigeat. Huc rectius ingenii nostri census conferimus qui artem servandi homines profiteamur. Tuum inprimis hic iudicium exquiro, Vir Clarissime, an credas naturalibus remediis huiusmodi morbos profligari posse, & quibus? Multa dici possent, & multa de hoc argumento in mentem veniunt, quæ ad tuum responsum differam. Nam paucis Tibi prius respondere volui, non ut Magister Discipulo, sed amicus amico, & ad quævis officia semper paratissimus. Vale, mi Rhodi, & diu feliciter vive. Scripsi raptim Hafniæ 25. Aug. 1655.

T. Thomas Bartholinus.

EPISTOLA LXVII.

*Controversiæ Gallorum de Lacteis**Thoracicis.*

THOMÆ BARTHOLINO

Hafniam.

IAm dudum est ex quo de Te nihil accepi
 literarum, nec audiui, præter hoc unum, Te
 nempe propter pestilentiam, Hafniam reliquis-
 se, quæ vobis totiq; orbi literato rapuit Virum
 Optimum *D. Olavum Wormium*, ante annum.
 Quid egeris ab illo tempore, planè sum nescius,
 nec tamen dubito Te aliquid egisse: Scribe
 ergo ut sciam, imò si fieri possit, etiam mitte
 quod scripsisti. De *Venis Lacteis Thoracicis*, &
Hepatis funeratione, inter *Pecquetum* & *Riolanum*
 adhuc viget controversia: *Riolanus* noster
 vivit & valet: ecce ad Te mitto per *D. Garner*,
 Doctorem Med. *Hamburgensem* ejus librum
 quem novissimè scripsit adversus *Pecquetum* &
 duos *Pecquetianos* Doctores *Parisi*. *Mentellum*
 & *Mersennum*: neglectis atq; spretis, tot convi-
 tiis & contumeliosis verbis, à quodam deser-
 tore, qui se *Alethophilum* nuncupavit, insolèn-
 ter & temere pronunciatis. Is est *Samuel Sor-*
berius, olim Calvinista, tum Medicus, postea
Gymnasiarcha, tandem *Eleemosynarius Epi-*
scopi Agathensis. Libellum alterum adjunxi,
 Rotho-

Rothomagi editum, & *Mantello* dicatum: quem tanquam ineptum sprexit *Riolanus*; qui tamen *Pecqueti* bilem commovit, & in quem scripturus dicitur: ejus authorem taciturnum faciunt *Mantellum* *Riolanus* & *Pecquetus*: uterq; *Mantello* iratus: *Riolanus* nempe propter tot convitia: *Pecquetus* verò quod videat in illo sibi iniquè detrahi gloriam sui inventi, ut in *Mantellum* transferatur. De eadem controversia etiam adhuc aliquid agitat *Car. le Noble* Medicus Rothomagensis. Hic est status controversiæ, in qua discutienda tot Viri hodie non perfunctoriè occupantur. Ego verò extra castra positus aliud ago, de belli istius eventu securus. Horis meis subcesivis *Prælectiones Medicas* compono, quas possim hyeme proxima recitare meis Auditoribus, in aula *Camera-censi* Regia, loco *D. Riolani*, qui volente Rege, Provinciam illam suam mihi commisit. *Gassendus* noster, qui summi Herois vestratis *Tychonis Brahe* vitam descripsit, pessimè hic habet, ab inflammatione pulmonis; ex eaq; in majore periculo versatur, quod abhorreat à sanguinis missione, quæ in tanti morbi curatione principem locum tenere debet. Hic inchoatur nova editio *Enchiridii Anat. & Pathol. D. Riolani*, quarta parte adaucti, & multis locis

locis locupletati, in 8. De fratre tuo *Erasmus Bartholino* per Italiam peregrinante, nihil à 4. mensibus aliud audiivi quam quod Florentiam pervenisset. Utinam vivat & valeat, Tu quoq; mi Carissime *Bartholine*, Vale, & me ama. Parisiis 12. Sept. 1655.

Tuus in æternum

Guido Patinus, Bellovacus, Doct.
Med. Paris. & Prof. Reg.

EPISTOLA LXVIII.

De Lympha Ufu,

THOMÆ BARTHOLINO. Hafniam.

DEfensionem tuam contra Riolanum accepi, & legi: Gratulor Tibi & veritati; Tibi quidem qui par congressus Achilli es; Illi vero quæ dignum te sui Patronum invenit; Et Gratias vero debeo quoq; Riolo co. scilicet modo vult Philosophus lib. 2. Metaph. c. 1. Οὐ μόνον γὰρ χάριν ἔχειν δίκαιον τέτοις ὡς αὐτῆς κοινωνήσῃ ταῖς δόξαις, ἀλλὰ καὶ τοῖς ἐπιεικταῖς ἀποφηνάμενοις. Καὶ γὰρ ἔτοι συμβέβλονται πρὸς τὴν γὰρ ἔξιν προσήσκησαν ἡμῶν. Nam, ut addit, idem illic Philosophus, si Phry-
nis

nis non fuisset, antiquam Musicam in molliorem modum non mutasset Timotheus. Et sic item nec Bartholinus adeo egregie de Vasis Lymphaticis & Lacteis per multas lucubrationes commentatus esset, nisi ineptivisset prius Riolanus. O quam misceret me tanti Anatomici! quam prostituit temerè famam suam Emeritus Professor! Optarem illi, nunquam dixisset vasa in Mesenterio lactea Mesenterici rami; Thoracica venæ portæ propagines esse. Quam indigna istæc Experientissimo Viro sententia est; Quam præterea in plurimis delirat Senex! De cæteris vero quæ procaciter adversus tuam famam egit, & in scripto effutivit, egregiè profectò male sanam linguam & manum ejus plectis. Gravis hæc illi poena Defensio, eaq; major, quam pertulit Lycambes: Absq; jambo tamen tu respondisti; Et sic.

Troes Rutulis responsa remittunt.

Glissonii Anatomiam hepatis vidi, obiter tamen nec totum perlegi: De vasis lymphaticis addit, nec tamen dignam tuis meritis mentionem circa hæc adjecisse vidi: Lympham ex nervis quod derivat, idem non ex fonte videtur facere; Est enim limpidior & tenuior ille liquor, quam ut similis sit de nervis exeunti; Quod usum quoq; huic lymphæ designat

designat novum, in eo ferè fervare institutum videtur, quod in re dubia solent homines Variè enim conjectant, sentiunt & dissentiunt de Natura, cum paulo saltem se à sensibus nostris subtrahit, etsi ne tunc quidem cum oculis eadem manifestior sese subjicit, res omni disceptatione careat. Scilicet idem, ut videtur, hominibus in homine evenit, quod usu solet Rusticis aliisque Imperitissimis qui artificiosum aliquod, multisque partibus absolutum opus, ignari omnium contuentes, variè de partium usu sententiis inter se certant; hujus particulæ hunc esse usum ille, alius alium dicit; ita omnes magis dubii, admirantur rectius quam perscrutantur artificium; Sed quò tamen sagacius cujusque ingenium est, & cum aliquâ experientia propius conjungitur, eo certior habetur conjectura. An non vero eodem jure Anatomici quoque alicujus de partium usu judicium præferam *τῷ πειρῶ καὶ ὁρίῳ*? Qui ergo à te possim hic Clariss. Bartholinè non stare, cum chylo diluendo destinari hanc lympham recte scripsisti, qui chylum & lympham per vices ex receptaculo in ductu thoracico commeari tecum vidi? De Nutritione per nervos quæ suspicatur idem Glissonius, ea ingenium ostendunt, non vero Naturam apertam & veritatem.

Post

Post circulationem inventam solis arteriis munus deferendi partibus alimenti defero, quod (alimentum) vicissim à corde & chyliferis ductibus illa mutuo accipiunt; Quicquid autem arteriis excidit, id in carnem, adipem, cutem, nervos aliasq; partes quæ nutriuntur, sic sic dispergi puto & per laciniam aliquam liquor, quæ una saltem parte illum bibit & tota irrigatur; vel ut per terræ poros & meatus latè ab una exili vena tanquā fonte exit aqua terramq; irrigat. Cum vero non semper partes totum quod advexerunt arteriæ alimentum insu- mant, neq; etiam per naturalem ἀπορροήν totum possit semper effluere, remeare à partibus alimentum per vasa lymphatica ad vènas & cor conjicio; Ab hoc fonte lympham, rorem illum corporis nostri benignum & balsamum naturale arcesso; Sed objiciat quis: cur de jecinore tanta copia præ cæteris partibus remeat illud alimentum? Fortasse ut in pancreate depuretur, rejectis in ductum Virsungianum fecibus, & quod chylo diluendo in mesenterio tanta copia requiratur lymphæ. Sed jam audisti judicium, quale solent in re simili homines de quibus dixi, subigendis glebis exercitati; plura non audeo coram tanto Censore & Magistro dicere, Courvei Medici Poloni,

Poloni, de quo scribis, opinio non *μαργδοζα*,
 solum illa mihi sed & mira videtur; quis
 credat vasa umbilicalia nihil ad foetum defer-
 re; non vidi Autorem illum neq; rationes ejus
 quibus nititur expendi. Gratias autem tibi ha-
 beo qui ansam præbes perquirendi; in umbra
 enim hic vivo, ad quam nulla lux penetrat,
 nisi quam tu ostendis. Persiste quæso in pro-
 posito & si quando lux nova allucet huc re-
 flecte radium aliquem. Dn. Langelotius de no-
 va quadam scituq; digna observatione sub-
 monuit, certitudinem vero Lipsia expectabat,
 binis tuis literis propediem responsurus.
 Gratias illi pro præstito officio tibi delego
 referendas, & quod tibi debeo ad Deum votis
 transcribo; ille te cum omnibus tuis feliciter
 ineunte hoc anno annare & perennare ju-
 beat. Vale Vir Clariss. ut diu magno Medi-
 cinæ commodo supersis & me ames: iterum
 Vale. Scribebam Husii Tertio Kalend. Januar.
 Anno 1656.

T. Excell.

observantiss.

Jacobus Hølstius.

EPISTO-

EPISTOLA LXIX.

De Riolo, & Lympha natura.

THOMÆ BARTHOLINO

Hafniam.

MARTINUS BOGDANUS.

PROpositum nunquam fuit Parisiis præfenti hyeme vivere, quam Iberiæ destinaveram: Cum tamen istud iter post te quivis in Anglia etiam dissuaderet, & mente quidquid suscepi contra num & mihi impedimento esset, sensi Galliam denuo adere utile esse, & voluptas etiam accessit. Nec poenitet me suscepti, à quovis doctissimo quam vis comitatem experior. Rotomagi Guiffartus erga me quemvis supra votum candorem expressit. Gloriatur quod sibi non viso suppetias contra Riolanum tuleris, & eosdem fere nervos intenderis. Le Noble *μυετομία* in corpore humano me adhibuit, & ex mea encheiresi in hoc labore, & Vasorum Lymphaticorum demonstratione te miratus est Magister, meq; percontari desiit. iste *μεγαλαυχής* an ipse dissectioni navares operam. Patinum heic Lutetiae salutavi qui antequam cognosceret me ex Anglia venire, mirabatur cur mihi à te deessent litteræ, aut Apologia tua contra Riolanum. Ad hunc me extemplo duxit Junior Pa-

tinus, primumq; iste capularis comis erga me fuit, sed cum novisset me ex tuis discipulis esse, & maxime lymphatum ob apologias oblata, lineas indigitavit quas contra me scripsit in responsione oblata ad Pecquetianos. Cur autem me autorem negaret mei libelli, & Rudebeckum judicaret Professore respondit: Id habeo ex Bartholini moribus, & tui antagonistæ responso. Miror quod Bartholinus nondum transmiserit contra me suam apologiam, quam præterito anno vulgavit Francofurti, & adhuc fere hebdomatim Dáni ad nos veniunt. Addidit infinita convitia contra tua lymphatica, quasi figmenta nulliusq; usus; Quantum licuit ob venerandam senectutem & alios labores ad hanc injuriam respondi. Enchiridion Anatomicum auctius evulgat. Mantelius quod tibi ob aliqua negotia non rescripserit veniam precatur, & ut semel susceptam amicitiam continues; dixit se in optimo loco tuas literas servare. Monstravit quem librum tuus Frater græce & latine cujusdam ex antiquis opticiis editum Patavio transmiserit. Maximo favore me iste vir prosequitur, & quemvis amicitiae characterem offert. Quantam etiam injuriam Riolanus isti inferat in controversia de Typographia, testantur testimonia publica ex Ger-

Germania transmissa, quæ simul mihi monstravit. Pecquetum heri conveni, cumq; ipso de variis colluti sumus, inprimis de Bourdelotii literis Holmia ad ipsum scriptis, in quibus affirmat: Se primum divulgasse Pecqueti inventum in Suetia nec quidquam novi præterea percepisse. Opusculum idem Pecquetus fere confectum etiam ostendit de sero scil. sanguinis seminis aquæ Pericardii, lymphæ chyli urinæ sudoris, & humoris quo foetus in utero nutritur ex Harvei opinione: quod ipse negat, quod à calore externo non densetur (velut sanguis qui materia nutritionis est) ergo minus id fiet in foetu, cujus minor est. De ista re per integram horam certavimus, & ex suis discursibus sagacem anatomicum ipsum esse deprehendi, & cruditum, quidquid etiam in contrarium afferat Riolanus. Lympham acidam statuit, & plurimum ipsius per canalem Virsungi ad duodenum devehit, eamq; omnem & ubiq; acidam esse, & incentivum sanguinis, ut ipsi majorem colorem tenuitatem adderet. Eadem vero necessitate Vasa Lymphatica à natura instituta ut tenuiorem sanguinis partem recipiant, veluti venæ quæ crassiorem elutriatam sanguinis partem revehunt. Plura de nervis eaq; curiosa addidit, & sapia

Rr 2

(saueè)

(saueè) quam tantum nutrire asserit, & ubique in partibus sub glutinosa materia animadverti, præcipue circa fibras musculorum. Affirmavit se ad te scripsisse & simul sua opuscula tibi dedicata transmississe, nullamq; responsionem obtinuisse; & an grata fuissent, quæ in futurum & majus obsequium testandum obtulerit. Magni te facit, seq; tibi ubivis commendat & in quavis re. Le Corbe de foetus nutritione in utero per os edidit libellum, quem tamen nondum vidi, nec alia scio, quam quæ Wassier retulit, scilicet præterea, quæ in Hippocratem Martianus, & Harveius de generatione Animalium commentatus est, fere nil habere, nisi supervacua. Ego fere ad finem perduxi opusculum, in quo probavi Methodicorum sectam instituisse Hypocratem, nec aliquid de intemperiebus scripsisse, seriemq; medicinæ ab Adamo repeto, & quæcunq; alia Alpinus omisit ob ignorantiam Atomorum inserui. Saluta tuos nobilissimos consanguineos magnos, cum tua familia in æternum, mihiq; fave. Lutetiæ Parisiorum 1656. 14. Januarii.

EPISTO-

EPISTOLA LXX.

Lymphatica in variis demonstrata.

THOMÆ BARTHOLINO Hafniam.

FRetus Tua facilitate Vir Excellentissime, commissam in scribendo negligentiam levioribus aliquot negotiis excusari spero, quibus impeditus, nimium ac præter voluntatem ei indulgi, donec favente Numine ad finem perducta prima hujus anni anatome me assistente ab Exc. Antonio Molinetto administrata, mei demum juris sum factus. Pauca occurrēbant relatione digna; nisi quod Pulmonem in 5. lobos divisum offenderimus, quod & ipse in foetu humano in ædibus meis privatim dissecto vidi præsentē Fratre Tuo Clarissimo. In dextro latere pleuræ ita firmiter annectebatur & Diaphragmati, ut sine dilaceratione divelli nequiverit. Musculus Psoas minor publice monstratus est, ab insertionis differentia communem huic cum Majore usum modestè negavit exc. Molinettus. In foetu manifestius observavi desinere ipsum in commissura Ossium Pubis & Ilei, ad femur excurrente majori. Honorifica Præclarissimi Bartholini mentio sæpius fiebat, inprimis in demonstratione Capsularum Atrabiliarum, ubi facilis

admitteret usum iis adsignatum à Patre Tuo p. m. nisi valvulæ venarum Emulgentium quas ostendit, aliquam ipsi difficultatem parerent. De Hepate agens lacteas ad jecur tendentes in Cane Vivo publicè monstraturum se pollicitus est, sed negotium ex voto non successit, nam Canis, quem Consilarii Anatomici ipsa qua dissecebatur hora inventum nobis dedebant, pastus non erat, unde præter tres vel quatuor subtiles albicantes venulas in Mesenterio nihil advertere licuit, quin & ipse thoracicus ductus exilis adeo fuit, ut cum summa difficultate in dextro latere infra Cor apparuerit, me frustra quærente ulteriorem ejus productionem ad axillarem. Lymphaticorum inventionem T. E. non sine encomio ascripsit, quæ eodem tempore monstravit, sed satis obscura. Vix prope Hepar conspiciebantur, nec nisi leve aliquod ipsorum vestigium in pede cernebatur. Successus parum prosperi causam partim in Auditorum festinationem refero, qui moræ impatientes dimissionem optabant, partim in torturam, qua sub cultelli acie diu fatis torquebatur, partim in candelas, nam & ipse antea locum solis radiis patentem huic negotio aptiorem proprio exemplo didici. Circa subclavium & Iliacos ramos in hominibus pri-

privatim vidi Lymphatica Vasa, Fratriq; Tuo Optimo monstravi. Glandulæ Lumbares conspicuæ magnitudinis erant in corpore Hectico, quarum cum Lymphaticis commercium manifestè videbatur. Hectici hujus Mesenterium computruerat, omento penitus absumpto, ingentiq; aquæ ad viridem vergentis quantitate in Abdomine collecta. In privata dissectione hac hyeme duplicem in Pancreate ductum vidi, monstraviq; Cl. Molinetto, duplici insertione interstitio 2. digitorum à se distante in Duodenum tendentem. Si Marchetti Anatome novi aliquid parturiat, statim referam. His vale cunctisq; Amicis officiosissima nuntiata salute, mihi porro favere perge. Raptim 18. Febr. 1656.

E. T. Discip. observ.

Henricus à Mòinichen.

EPISTOLA LXXI.

*Morbi ex vitio Lactearum, & de
Lymphaticis.*

THOMÆ BARTHOLINO Hafniam.

Nuper hic in Anglia novus iterum morbus
Nexortus est, ubi ægri in lumbis ac præci-

puè ubi receptaculum (s. glandulæ lacteæ) situm est ingentes dolores percipiunt : deinde etiam in Mesenterio , (ubi in nonnullis sentitur) dolor vehemens percipitur , accedit ventriculus vitiosus & ciborum fastidium : nonnulli ægri mania item laborant , nonnullis loquela deficit : quæ causa sit vera hujus mali , hætenus ignoratur ; Medici interim curam instituunt alii per venæ sectionem & clysteres , alii per vomitoria & purgantia , alii dicunt , malum esse in renibus & tanquam calculosos sanare ægros contendunt , alii conjiciunt Tumorem esse in Epate , alii in utero (in fæminis) alii in Ventriculo , alii dicunt ægros laborare amore infano , quia Maniaci reperiuntur . Verum enim verò omnes ægros quos ego vidi tali morbo laborare , majores perceperunt dolores , ex venæ sectione & Clysteribus , vomitoriis , purgantibus &c. multi etiam ad inferos discesserunt : Solus D. Klodius Hospes meus & insignis Chymicus mecum statim conjecit dolores hos oboriri à vitioso chylo , corrupto prius in ventriculo postmodum in mesenterio acrior factus tandemq; ad glandulas lacteas deferri , ubi fortè inflammatio quædam aut obstructio locum habet ; enimvero adhibitis medicamentis in quibus multum salis reperi-

reperitur; (utpote Spiritus de Cornu Cervino & Cinnab. Antimon.) de facto ægri levamina perceperunt & tertio aut quarto die convaluerunt, ex D. Klodii ægris nedum unicus qui morbo tali laboravit mortuus est, alias cada-ver mortuum aperuissem; Peto itaq; Excell. Tuam, ut haud gravatim suum hac de re consilium mihi communicare velit. Vidi hic Medicos qui in tali casu Therebinthin. pilul. præscripserè sed infelici successu: hic reperitur Doctor quidam nomine Jehn, qui nuper nova quædam se invenisse gloriabatur in Anatomicis, (in brutis autem non hominibus) rogavi ipsum qualenam esset inventum; Vasa inquit, Lymphatica vidi supra vesiculam fellis quæ nemo hætenus vidit, cui ego, vidit ne Vir Clarissimus Tractatum Cl. Bartholini de Vasis Lymphaticis; vidi inquit, sed ille non mentionem fecit Lymphaticorum supra vesicam fellis; Respondi ego Cl. Vir, expressis verbis Cl. Bartholinus describit vasa supra vesicam fellis, & ego sæpius hæc observavi, non tantum in quadrupedibus verum etiam in avibus nonnullis; Tum ille inquit, Ego ante septennium vidi vasa hæc Lymphatica in brutis in hepate ante Bartholinum, sed ignorabam, qualia essent vasa; Cui ego. At Ascellius ante

Rr 5

te &

te & Cl. Bartholinus viderunt vasa hæc, verum putarunt esse venas chyliferas, imo Highmorus vester, annuli instar circa venas depinxit vasa hæc, verum habuit pro Chyliferis, at unus Clarissimus Bartholinus primus detexit vasa hæc & verum usum, & sic tacuit noster D. Jehn. Legi nuper caput in Helmontio de Laticæ seu humore à Medicis neglecto, quod admodum mihi placuit, describit enim Lympham quantum conjicio perbellè. Hic reperiuntur nonnulli Medici ex parte Helmontiani, qui ægrè ferunt quod Excell. Tua Helmontium appellet novatorem in Anatomia Reformata, & rogant amicissime, ut Excell. Tua titulum hunc delere, aut impofterum non ita illum undiq; appellare velit, ipsi autem devinctissimi erunt Excell. Tuæ & obsequentissimi. Dominus Bogdan jam apud Parisienses agit. Segerus autem ubi sit nescio. Pergratum foret hic nonnullis Medicis si Bibliopola huc transmittere velit aliquot exemplaria de Apologia Excell. Tuæ contra Riolanum, quam necdum vidi ego, item Anatomiam noviter editam. Hisce Vale Vir Excellentiss. & affectum Tuum erga me fove in perpetuum. Dabam Londini d. $\frac{12}{2}$ Februar. Anno 1656.

Tuæ Excell. q; officiosissimus

Johannes Christianus Agricola.

EPISTOLA LXXII.

De Paralyfi & cecitate ex vulnere.

THOMÆ BARTHOLINO

Hafniam.

Miror equidem atq; demiror quid tandem acciderit, quod potiri suavissimis Tuis literis haud liceat: ante, quod crederem epistolas meas intercuisse, non ita vehementer angebar animo; sed, cum minus recte curatas esse ultimas existimare nefas putem, quid deinceps nullo recepto responso suspicari debeam non video, super addidi itaq; hanc epistolam, ut ea Te commonefacerem prisce Amoris, quo Veterem Amicum & Admiratorem Tuum novo benevolentiae documento beare non dedigneris, maximum solamen anxiae ejus menti allaturus. Spero igitur me deniq; iteratis toties humilibus precibus hoc obtenturum ut vel unica lineola gliscentem adhuc favorem in me testatum facias. Inaudio Te Anatomicae professioni Vale dixisse, non possum adhuc inducere animum, ut fidem narrationi tribuam, nisi idem abs Te fuero edoctus: quod si ita se res haberet, lugerem Anatomes calamitatem, quod è castris ejus tam strenuus Dux & Imperator hoc tempore discesserit, cum intestinis discordiis undiq; premitur.

Verum

Verum spes adhuc est quod non quidem scalpellis & instrumentis manualibus, sed scriptis partes illius existimationemq; sis tutaturus. Sed lubet, antequam finiam, Tuum exquirere iudicium de casu quodam miro, quem nuperrimè hic observavimus. Juvenis quidam dum genio indulgeret, vino madidus ac Zytho, jurgiis cum socio exortis vulneratur in dextra mala, adacto gladio circa labium superius levissimo certè vulnere. Hic inopinato sauciatus in terram prolapsus est, sed subito iterum surrexit ac contentioni finem fecit. Is eadem nocte oculo lævo orbatur, ut nec quicquam in hanc usq; horam eo perspicere queat, alterius vero lateris s. dextri paralyfin, in qua sensus & motus perierat, incurrit, quæ adhibitis fomentis in pede curata est, ac è manu protinus depelletur, cum jam leviter moveri incipiat; in oculo vero adhuc idem status, imo naturalis quasi status esse videtur, quoniam à sano oculo externa inspectio eum non distingvit; quid hic paralyfin & cœcitate illam induxit, leviusculum sanè vulnus tanto non polluit robore, an cum ebrietate causæ procatarcticæ rationem sustinuit? quod maxime probabile videtur. De hoc Tuam expeto sententiam ac cum responsione expecto.

ſpecto. Habui nuper hic diſputationem de Marasmo ut locum obtinerem in Facultate Medica; quam prima quaq; occasione transmittam. Interea bene vale ac mihi conſtanter fave. Dabam Lipſiæ Non. Mart. 1656.

Tuæ Perilluſt. Exc. devot.

Michael Lyſerus, D.

EPISTOLA · LXXIII.

De Vomica Hepatis.

THOMÆ BARTHOLINO · · · · · Hafniam.

Revixi iterum viſis ſuaviſſimis Tuis itemq; multo deſideratiſſimis; quæ tantò ampli-ori me maſtarunt gaudio, quanto clariuſ ve-terem Tuum in me reſtabantur affectum; quem cõrrumpere conatos fuiſſe, neſcio quos ſuſurroneſ, delatione quadam ac ſi inventionem lymphaticorum Tibi inviderem, proh! ex eadem Tua percipio epiſtola. Subito itaq; atq; allatæ ſunt, de crimine hoc, miſſo epiſtolio, purgare me volui, ne forſan protracto diutius reſponſo ſuſpicionem aliquam animo Tuo ingenerarem, ſed potius ſi quæ eum inſediſſet eradicarem maturius, ſancte Tibi atteſtando, nunquam huiusmodi in animo meo ſubortas fuiſſe

fuisse cogitationes, nec unquam mihi plus attribuisse, quam quod fortuna ad Museum meum canem, in quo primum lymphatica Tibi apparuerunt, deduxerat; qua fronte autem id mihi arrogarem, qui alioqui cuncta, quæ quidem bona in illustri Hafniensi patravi, Tibi unicè debeam accepta, eaq; singula Te prædicent Autorem. Nunquam concedet Numen tantæ ingratitude me reum agi, ut immortalem hanc, Tibi jure debitam, inventi gloriam præripere aut ulla ex parte imminuere satagam. Juvat ergo ex epistola intellexisse, quod firmiter radicans in animo Tuò erga me Amor obtreccionibus hiscè sese opposuerit, nec sinistri aliquid de me suspicari fuerit passus, quam existimationem ut deinceps apud Te factam conservem allaborabo. Sed missis hisce ad alia dum transeo non possum non in antecessum meritas Tibi persolvere grates quod enarratione gestorum Tuorum exultare me fueris dignatus. De aucta familia Tua gaudeo deq; hærede Tibi gratulor utq; patrisset voveo. Quibus hætenus locupletasti rempublicam Medicam scriptis accuratissimis, vidi ad unum omnia illorumq; ultimum censeo esse Spicilegium, quod & in nupera mea de Marasmo dissertatione lauda-

laudavi. Expecto igitur jam observationum Centurias reliquas, quarum numerum auge-rem si quid rari inter mea annotata occurre-
ret. Fortasse merebitur apponi hæc de suppu-
rato Hepate, quam Venetiis notavi historia.
Fœmina hebræa inflammatione jecinoris la-
borarat, remanente per multum tempus tu-
more nec remittente duritie in scirrhum dege-
nerasse malum putabatur, sed febris veteri &
exercitato Medico suspicionem suppurationis
ingerebat. Admota ergo sunt externe medi-
camenta emollientia & pus generantia ces-
sitq; durities, ut post dies aliquot pus fluctuans
in profundo sentiretur: decernitur paracen-
tesis, peractaq; candenti ferramento viam pu-
ri copiosius erumpenti aperit, quod per plures
dies confertim effluxit, tum Chirurgus explo-
randi gratia argenteum demittit stylum in
ulcus profundius eoq; fluxionem insignem a-
quæ citrinæ concitat, quæ ad tres & plures
libras proruit, qua cessante pus iterum prodiit,
duravitq; ultra annum, sed in mediocri quan-
titate, reliquitq; in regione dextri hypochon-
drii fistulam. Semper mecum miratus sum,
quid in hac fœmina elaboravit sanguinem,
cum hepar fermè totum in pus abierit & æ-
gra nihilofecius superstes remansit. Similem
vomi-

vomicam hepatis ferro aperiri vidi Romæ, sed quod suppuratio non nimium progressa erat citius evasit ægrotus. Præterita hyeme virilis cadaveris sectionem administravimus, ubi tertiam cartilaginem lateris dextri, uti olim in Tuis quoq; dissectionibus nos vidisse semel memini, duplicem conspexi, scilicet erat superius quædam productio duos transversos digitos longa quæ levi cuidam apophysi costæ necebat. Ensiformis etiam triplici foramine pertusa conspiciebatur: cranium crassissimū velut gypso incrustatum: synovia articulorum subrubens: erat à arthriticus. Nimium excrevit epistola ideoq; calamum coerceo Teq; plurimum salvere ac æternum valere jubeo voveo. Dabam Lipsiæ 10. Calend. April. 1656.

T. Exc. Clar. devot.

Michael Lyserus D.

EPISTOLA LXXIV.

De Verme ex naribus.

THOMÆ BARTHOLINO

Hafniam.

Diu est, cum amantissimis tuis responsum debeo, & exsolvissem quoq; dudum, nisi

nisi quam destinaveram ei expectassem hactenus à Clariss. Dn. D. Michaëlis promissam saepiusculè Observationem planè singularem de Ancilla Aldenburgensi nescio quæ monstruosa, bufones lacertas etc. pariente, eam verò cum nudius tertius acceperim, non potui, quin statim ad Te transmitterem; Dignissima profectò, quæ à Lynceis tuis oculis paullo penitus perlustretur, ut nostros aperias aliquando oculos caligantes multum in hisce Naturæ rarioribus, imprimis quæ Analogiam Macrocosmi cum Microcosmo spectant. Nuper cum in Dithmarsia agerem retulit Medicus ibi Ordinarius vermem se manu sua contrectasse, digiti medii longitudine, qui è capite per nares fæminæ cujusdam exire coactus hoc modo. Fæmina Rustica istius loci incola cum per multum tempus diros sensisset capitis dolores, tandemq; ii adeò increvissent, ut instar maniacæ hinc inde discurreret, venit ad Pastorem Pagi Neukirchen famosum tunc inter Rusticos Med. Practicum, qui non ita pridem vivis excessit, magnis clamoribus opem ejus implorans. Is statim consuetum sibi in Cephalalgiiis Ptarmicum miserculæ adhibuit, quo caput vehementer concussum una infaustum hospitem loco movit, eq; nares exire compulit,

pulit, quo facto immanis capitis dolor statim
conquievit. Felix sanè inventum hujus Paro-
chi, nisi casu id factum quis dixerit, notandum
tamen Medicorum filiis. Sed Te Vir maxime
plus justo moror: Pecco in publica Rei Li-
terariæ commoda quibus unicè invigilas. Vale
ævi Tui Decus, & amare perge. Raptim
Gottorpæ 20. April. 1656.

Clarissimi Tui Nominis

Devotiss. Cultor

J. Langelott, D.

EPISTOLA LXXV.

*Pro Lymphatico spicilegio gratiarum
actio.*

THOMÆ BARTHOLINO • Hafniæ.

JOANNES PECQVETUS. S. P. D.

ACcepi MI BARTHOLINE tuum (porrigente
Clarissimo Bogdano) Spicilegium: inex-
pectatum sanè immerito opus, ut nobiliori
dignum fano donarium. Pudore me suffudit
& præter spem oblatum munus & offerentis
auctoritas & offerendi causa. Neque enim eo
vesaniæ me provexit ambitus, ut pro re tam
levi,

levi, quale est nuperum inventorum meorum
auctarium, à viro, quantus es, tam duraturis
monimentis nomen meum commendari desi-
derem. Dicaveram tibi novissimos laborum
meorum fructus, non quidem eorum æmulus,
qui tenuibus prorritant munusculis potentio-
rum munificentiam; sed uti sincero palato
saporem examinans eodem animo gradum
attribueres, quo unius insudas veritatis scru-
tinio. Fatebor tamen ingenuè non modica
me voluptatis delinitum dulcedine, cum tam
eximio amoris testimonio & tarum tibi habe-
ri me, & tam manifestis innotuit argumentis
scripta mea comprobari. Vexabar profectò
non exigua sollicitudine, tuumque judicium
anxius opperiebar: nec post datas ad te Cra-
mosyo Typographo nostro literas & unà tuæ
sagacitati dicatum opusculum aliud à con-
temptu sperari siverat ultra annum excurrere
Tuæ Themidis silentium. Verum beneficio
singulari ominosas moras abundantius com-
pensasti, & vernâ plusquam benignitate tristia
hyemis longioris tædia jucundissimo partu
remunerasti. Tibi quidem grates ago easque
immortales: & quando grata sunt, quæ me-
ditor, mittam brevi Lymphaticarum tuarum
mihi jam exploratos usus & novum utrique

ad laborem incitamentum. Cæterum Riola-
ni misereor, qui toties, tamque graviter con-
fossus prius vivendi, quam invehendi finem
inventurus sit. Hujus innatam statui male-
dicentiam sedare silentio; præsertim cum
mea tuaque inventa suo jam pondere stent,
adeoque nostris innúmeri gloriantur inhæ-
rere vestigiis, certatimque gestiant, quæ à
nobis edocti sunt, diffunderè. Porro super-
sunt detegenda quamplurima, quæ tuam ma-
nū expectare pronunciem; & ob id, qui
me lactearum inventorum sequi non erubui-
sti, patere sodes perpetuum impulsorem;
sicut & ego ea jugiter incendor ad ulterio-
res indagines gloria, quam inaudita hæte-
nus Lymphaticorum Vasorum, inventionem
primus meritus es. Vale obsecro tuumque
ardentius impensissime retaliaturum ama.
Parisiis Decimo quinto Kalendas Majas Anno
R. S. M. DC. LVI.

EPISTOLA LXXVI.

De Riolano valetudinario.

THOMÆ BARTHOLINO

Hafniam.

ECce Tibi carissimus Frater, & mihi suavis-
simus Amicus, D. Erasmus Bartholinus, in
Daniam vestram, patriam suam revertitur:
absit

absit ut absq; meis ad Te literis discedat, per
quas Te certum faciam, me vivere & valere
Tibi addictissimum: vivo saltem ac utcunq;
valeo, sine ulla calculi vel arthritidis suspicio-
ne, annos penè natus LV. *Riolanus* noster vi-
vit quidem, sed minus valet: quia senex, con-
tumaci asthmatis obnoxius, à quo sæpius illi
impendet periculum suffocationis: & à quo
haud dubie jam, multocius in communem il-
lum locum abiisset, nisi per phlebotomiam li-
beratus fuisset, eamq;, ut cum *Dureto* loquar,
liberalem ac liberam cui ferendæ sæpius etiam
repetitæ, admodum est idoneus, cuiq; etiam
vitam suam debere profitetur ab annis 30.
Novum aliquid meditatur de re Anatomica:
fortè novam eamq; tertia parte auctiorem
Encheiridii sui *Anat. & Patbol.* editionem: cui
accedent aliqua non pœnitenda de generatio-
ne, de Morbis mulierum ac Infantium. Urgetur
quoq; à Bibliopola Casp. Meturas, ut serio co-
gitet, de nova editione suæ *Antropographiæ*,
quæ est in folio: cujus exemplaria pene sin-
gula sunt distracta: quod opus multis in locis
adauctum ac illustratum sæpe habet in mani-
bus, ut brevi recudatur, quod nisi se brevi fac-
turum promississet, jam ante annum Venetiis
novis typis mandari curasset eruditus quidam

Medicus Italus, Riolani partibus admodum addictus. Nuper accepit ex Germania novam quandam Anatomiam (saltem primam ejus partem) *Guerneri Rolfinckii*, Prof. Jenensis, quam multis laudibus extollit, ejusq; lectione plurimum delectatur: alias duas partes quæ in posterum edendæ supersunt, quam libenter videret! sed hoc ei, ut & alia multa ferenda sunt, omnia tempus habent. Nova editio Operum omnium D. Sennerti, duobus tomis in folio, nuper in lucem prodit: Coloniae Allobrogum perficitur Hippocrates Foësi: & ne quid sit in natura quod venenum suum non habeat, Genevenses alii Typographi, novam concinnant editionem Operum, Magni quidem, sed pessimi nebulonis, *Calaprosti Paracelsi*, cujus magna est apud imperitos sufflones auctoritas, & insignis potentia in necandis per chymiam hominibus. Viri Cl. Jo. Ant. van der Linden Selecta brevi lucem aspicient: ut & Fernelius in 4. cum Heurnii Commentariis, si quis ex tuis in hanc urbem veniat, mitte si placeat, tuum *Spicilegium*, & alia nova quæ habueris. Interea vero vive, vale, cum Tua & Tuis, & me, quod haftenus fecisti, amare perge. Parisiis die Sabb. 22. Jul. 1656.

Tuus ex animo

Guido Patin, Doct. Med. & Prof. Reg.

EPISTOLA LXXVII.

*De Valvula vene coronaria, Lymphaticis,
& ductibus salivalibus.*

THOMÆ BARTHOLINO. Hafniam.

MARTINUS BOGDANUS. S. P. D.

QVanta sit tua promptitudo ut de quovis bene merearis, quivis privatim & publice ubivis gentium & novit & prædicat. Eadem testatus sum in litteris Mense Aprili ad te scriptis, una cum Patini & duabus Pecqueti. Hic tibi quasvis gratias agit pro Spicilegio vasorum lymphaticorum dicato. Idem tuus frater exprimat, quem hęc Parisiis aliquoties conveni, ut tuum genium in ipso venerarer, & affectum prædicarem. Guiffartus in tractatu gallico sangvificandi munus cordi adstruit, quasi occasionem in valvula in vena coronali à le Noble repertam haberet. Hanc bonus Guiffartus in tractatu gallico dicto quasi le Noble inventori adsignat, cum B. Eustachius ipsam notavit, & Arantius in observat. anatomicis cap. 33. & ni fallor etiam Aqua pendens. Verum istius opusculum non vidit Guiffartus Normannus, cum id Germanis solum sit dedicatum. Londini lactearum ex mesenterio progressum in acetabula uteri Scarbourtus

ibidem Anatomicus monstravit, & vasa lymphatica per pulmonum parenchyma in bobus dispersa notavit, ut Agricola scribit. Ego nuper circa hæmorrhoides internas. Cum War-tonio Glissonius ductus salivales ex parysth-miis in lingvæ membranam progredientes. In lingvæ etiam apice duo foramina detexe-runt per quæ saliva fluit in os. Lienem cani vel alii animali facto in latere sinistro vulnere exi-munt, & ligatis vasis abscindunt; plagam inuncta balsamo sulfuris Rulandi sanitati pristinae re-stituunt. Quando in Italiam transibo me latet; Moram pestilentiaë rumor diuturniorem heic locorum suadet. Magnifice Vir Riolanus tuum Apologiam habet, quid autem meditetur non-dum retulit Patin, quod promisit. De Riolani mordacitate tibi æque & forsan melius (qui ipsam sentis indignus) ac mihi conscia nihil addam, nisi quod pro ariditate cutis quæ in se-nibus est in ipso sit Impudentia; pro lippitu-dine invidia; pro gibbositate Atheismus; pro remore membrorum, fluxa inconstantia; pro curvis digitis, honestos scabendi desiderium, & pro rugis calliditas; pro tussi maledicentia. Quæso fidem hominū me tuū Calonem vocat. Mantellus & alii Galli Doctores mihi cujuscumque animi sinceri signa exhibent, & bene merendi desi-

desiderium. Vale, & fave. Parisiis 1656, die
17. Julii.

T. serv. perpet.

Martinus Bogdanus.

EPISTOLA LXXVIII.

De Peste Neapolitana.

THOMÆ BARTHOLINO Hafniam.

PAucula hæc ad Te scribo, Vir Cl. ut scias,
me vivere & valere: utinam quoq; valeas:
& ut accipias Epistolam quam pro Te nuper
accepi ex Italia. Responsum tuum adversus
Riolanum à Te acceptum, ipsi tradideram le-
gendum: rogatus à D. le Noble, Med. Rothom.
ad eum misit, necdum remisit: interea patitur
justus, nec librum legi, ut *Riolano* gratificarer,
contra quem scriptus erat; nec legere possum,
quia adhuc hæret in alienis manibus: sapiam
in posterum, & in servandis tuis ero cautior.
Riolanus utcumq; valet, ac semper aliquid
machinatur dum licet per valetudinem. Hic
adfuit per aliquot dies *Christina*, Suedorum
Regina, Roma redux: tunc temporis diceba-
tur per *Hamburgum* ad suos reversura; sed
postquam vidit Regem nostrum, apud quem,

vel potius in cujus aula plures per dies mansit, ubi magnificentissimè excepta fuit, mutata veneratione, Romam iterum revertitur per Lugdunum & Galliam Cisalpinam sive Pedemon-tium. Sævissimè grassatur in quibusdam Italiae partibus lues ipsa pestilens, præsertim Neapoli: ubi inter tot alios, ab ejus malignitate & vehementia, miserè perierunt 44. Medicinæ Doctores: utinam nobis nil tale contingat. Vale, Vir præstantissime, & me quod hætenus fecisti, amare perge, Parisiis, die Veneris, 29. Sept. 1656.

Tuus æternum futurus,

Guido Patin.

EPISTOLA LXXIX.

*De Lepore Cornuto, & Bezoar Occi-
dentali.*

THOMÆ BARTHOLINO Hafniam.

GEORGIUS SEGERUS Thorænsis

S. P. D.

ACcepi Literas Tuas mellitissimas, Celeberrime Vir, easdemq; debitâ observantia perlegi. Lætor sanè, quod & absentem amare non recuses, eundemq; responsoriis
Tuis

Tuis non dedigneris. Inclusas ea ipsa hora Agricolaë transmissi, & quia ex Tuis intellexi, continere easdem j^udicium Tuum eruditissimum de modo excindendi Lienem Anglicano, doleo quod illud ipsum judicium mihi legere non fuerit concessum. Neq; enim video, quomodo viscus illud commodè excindi possit, nisi, quod olim quoq; jam divinaui, ligentur vasa ad id tendentia. Sed, quod si Tibi Nobilissime Domine occupationes Tuæ tantum temporis concefferint, ut & me hoc Tuo judicio erudire velis obnixè rogo. Celeberrimus Horstius jam pluribus sententiam meam de Tua Lympha impugnat, & Lympham Sobolem Spirituum Animalium non esse innumeris probat rationibus. Imò, ut hæc cò magis confirmet, negat dari nisi unum Spiritum, negat Spiritum Animalem generari in Ventriculo nobili, negat eundem per Nervos partibus communicari. Ego ad singula quantum potui brevissime respondi, & si rectè conjicio, sententiam meam adhucdum salvam servavi. Quia vero inter reliqua, ostensurus quod Lympha copiam Spirituum longè superet, hoc quoq; mihi objicit, quod in Hecticis magna copia aquæ in Pericardio reperitur, quam tamen Lympham esse in Dissertati-
one

one mea §. V. profiteor; ego quidem distinctione inter aquam naturaliter & præternaturaliter ibidem collectam factà evitavi hanc Charybdin: Interim tamen ei etiam objeci, quod Tu, Vir Summe in Anat. Tua Reform. L. 2. c. 5: p. 230. expresse in Hecticis exiguam liquoris istius quantitatem non vero copiam ingentem agnoscas. In nostra Arte nihil quod sciam hic notabile contigit, nec credo medicos hujus loci, utpote circa Praxin maxime occupatos, hisce se immiscere. Ego nuper Psittacum adultum, qui cæteroquin sanus præter solitum ingenti excitato strepitu ac clamore confestim obiit, mox post mortem aperui, ut causæ repentinæ mortis mihi innotescerent. Cujus viscera eò libentius & diligentius rimavi, cum apud Severinum Anatome istius avis desideretur. Si Tibi ita visum fuerit, proximis quæ notaverim indicabo. Hisce comitem jam addo veram ac ingenuam figuram Cornuum Leporinorum quæ mihi hac septimana videre contigere Possidet illa Matertera cujusdam Amici. Qua ratione vero ad manus ejus pervenerint, non potui assequi, negant namq; se certi quicquam scire. Interim hoc intellexi, fuisse illa forsitan aliquando clam sub nomine prædicto ex Musæo Magni Ger-

Germanorum Principis sublata. Cranii magnitudinem figuræ adjacentes referunt, quarum prima anteriorem secunda posteriorem exprimit faciem. Crassities cranii diversa est. In anteriori & posteriori parte crassitiem dorfi cultelli mediocris æquat, ad latera vero tenuius est. Posteriori cranii parte adhæret adhuc portio cutis crinibus nudata, sicca, & si luci opponas instar chordæ pellucida. Spatium inter utraq; cornua digitum medium transversum admittit. Sutura Sagittalis dentes ad vivum sunt expressi; Quæ Sutura in posteriori ut & anteriori cranii parte non apparet. In anteriori parte cornua ita cranio sunt annata, ut plane unicum os appareat, nec dubium de appositione artificiali moveri possit. Cornua ipsa cum cranio duritiem tantam habent, ut constet fuisse animal illud adultum. Longitudine atq; crassitie sinistrum cornu annularem digitum exprimit, dextrum auricularem. Habent utraq; hinc inde elegantes prominentias, imprimis circa radicem, ubi multis hujusmodi efflorescentiis circum circa cincta sunt. Sinistrum cornu erectè protensum circa medium antrorsum incurvatur, at dextrum mox post exortum ad latera deorsum vergit. Ego sane assensum adhuc protraho,

traho, & alius animalis cranium esse existimo, quamvis Aldrovandum excutens nullum animal inveni, quod adeo parvum esset, & cornibus durissimis munitum cranium haberet. Sutura namque quæ in craniis leporinis non ita apparet, ut & crassities cranii, me ab assensu detinet. Quare jam rem ipsam ad Te, utpote alterum nostrum Æsculapium, deferro. Et, ne aliquid deesset, malui optimum quem hic habemus artificem in delineando adhibere, quam propriâ nondum tamen omninò exercitata manu scrupulum Tibi injicere. Quare ita etiam ad vivum expressa sunt omnia, ut ne Apelles quidem invenire possit quod desideret. Utrum autem cum illis cornibus, quæ olim in Musæo Wormiano & nuper in Augustissimo Regis Daniæ Musæo vidi, conveniant, dicere non possum, cum, ut verum fatear, veram eorundem figuram animus labilis non offerat. Quia vero accuratius prædicta cornua consideranti sequentes versiculi exciderunt, placuit eosdem subungere.

Cornua cur gestent Lepores, quæis tempus
in omne

Corda metu sudant, si Philomuse rogas?
Dico; quod insigni indulget fecunda decori
Natura huic pavida Cornua torta Gregi.
Hinc

Hinc male Non nemo sannis Plantabile Cornu
Exprobrat Populis, quos Goa nigra foveat,

Fig. I.




Fig. II.



- a. *Sutura Sagittalis.*
- b. *Portio cutis crinibus nudata.*
- c. *Cornu dextrum.*
- d. *Cornu sinistrum.*
- e. *Protuberantiæ & efflorescentiæ.*

Sed missis Cornibus Leporinis ad Lapidem Bezoar Occidentalem, quem non ita pridem ad Nobilissimum & Literatissimum Dominum Franciscum Ludovicum van de Wiele, Potentiss. Danorum Regis hoc in loco Commissarium Fidelissimum, Patronum Magnum, vidi, me converto. Est is ingens, caput humanum æquans, rotundus ferè, coloris sub-fusci, glaber ac nitidus, duabus in partibus læsus, ubi subcinericius apparet. Diameter ejus est 23. pollicum transversorum, pondere autem $6\frac{3}{4}$ libras mercatorias superat. Ex laminis crassis compactum esse partes læsæ ostendunt. Cardinalem Infantem Gubernatorem olim Burgundiæ 6000. Imperialibus à primo venditore eum redimere non potuisse ferunt: jam vero pro 3000. venditur. Centurias Tuas posteriores jam fatigare prelum Hafniense lubentissime audiui. Erat tum præsens Clariss. Bunccius, avidus ac insignis lucubrationum Tuarum Cultor, Amicus meus Magnus, qui præ-

præmissa humanissima salutatione officia sua paratissima Tibi omnino offert Fuit is nuper Prof. Giessensis & Archiater illius Principis Hassiaci, cujus Anatomen ab ipso Bunccio institutam refert Cl. Horstius Observ. Anat. III. jam in locum defuncti nuper Blaccii substitutus, atq; ita subphysicus hujus loci designatus, praxin hic haud contemnendam exercet. D. Cassius quoq; humanissime Te salutat. Reliquos vero ob Cœlum quotidie nimis pluviosum adire nondum potui. Disputationem Tuam, Vir Excellentissime de Variolis grassantibus magnopere desidero. Scis quanti æstimem Te Tuaq; scripta, nec opus plura addere quibus ista probem. Vale Patronorum Ocelle, & fave Tibi devinctissimo Segero. Dabam Hamburgi d. 3. Decemb. 1656.

EPISTOLA LXXX.

De Navi artificiosa Roterodamensi.

THOMÆ BARTHOLINO

Hafniam.

QVia nihil novi fert Academia, nihil aut antiqui aut novi ostendunt exta, quia omnia his feriis Academicis adhuc silent, saltem quicquid sub calamus venerit scribam. Præteritis diebus Roterodami eram. Specta-

T t

bam

bam ibi inter alia illud Monstrum horrendum informe ingens, de quo tam multa, tam stupenda prædicarunt isti nugarum Scriptores, qui ex omnibus regionibus collecta mendacia publice divendunt; istud navisfrangibulum, inquam quod omnes naves assulatim posset comminuere, *πυρσβόλον* quoq; & quod Thréissam Harpalicem fuga præverteret; nam hæc quidem, si Maroni credimus, equos saltem fatigabat; hoc autem monstrum (nam navem vix ausim dicere) naves ipsas (Dî talem terris avertite pestem) multis parasangis post se relinqueret. Sed adhuc in partu hæret foetus, & dextræ aves nihil auspiciatum promittunt! Ipse doli fabricator Epeus propria ténens ferrum manu & anxie ictus mallei numerans suos Cyclopas continuato labore exercebat, vestes quidem & habitum corporis aulico similior quam fabro. Ego intenta mentis & oculorum acie lustrabam hanc molem, & ut persuaderem homini, me non planè cerebrum gerere in calcaneo, sed forte etiam harum rerum esse scientem, interdum presso pede stabam quasi cogitabundus, interdum supercilium contrahebam, quasi jam hoc placeret, jam illud displiceret. Neq; me fefellit mea astutiola; nam protinus ille, forte ratus sibi cum perito harum rerum

rerum homine futurum sermonem, accessit, & quid mihi de hoc portento videretur quæ-
sivit. Ego contra submisit videri id mihi qui-
dem grande ausum, & authoris sui memoriam
æternitati consecraturum, sed itidem factum
difficillimum; scire me tamen, & improbo la-
bore omnia vinci, & tentando ad Trojam ve-
nisse Pelasgos, & à tantis artificibus communem
mortalium sortem longè supergressis, facili
haud rarenter labore præstari ea, quæ vulgæ
judicio omnes humanæ imbecillitatis vires vi-
dentur excedere. Ille tam molli palpo per-
cussus mihi arridere, & dicere tam certum se
esse de felice hujus incepti eventu, quam quæ-
certissimus. Ego ad hæc, ne nihil dicere vi-
derer, respondebam: non apparere, qua arte
rota illa, in qua, quod dici solet, totius rei car-
do vertebatur (nam verè hac rota & totam
molem oportet librari, & aquam omnem pro
motu navigii dispensari) reliquis ferramentis
aptè posset inseri & insinuari. Ille multa ex
artis præceptis de ejusmodi machinis semigal-
lico & semibelgico sermone cœpit differere,
veritus autem ego ne aut me tædiosa oratione
conficeret, aut tandem meam in tali negotio
infantiam (nam profecto in architectura nihil
adhuc scio) deprehenderet, itineris necessita-

tem & alia caussatus, post prolixas gratias; discessi. Scio: non ter sed vel centies conatus est conjungere non Pelio Ossam, sed hanc rotam cæteris machinis, semper irritò conatu. Postquam Lugdunum sum reversus continuò ad alium hic Thaumaturgum invisi, qui mihi currum monstrabat ita occultis fabrè machinis factum, ut equis sponte mobilis cursu certare possit. Vectus hoc curru Lugduno Ultrajectum quinq; horarum spatio, assumptis etiam tribus vectoribus, 100. Joachimicos vicerat. Ipse, me præsentem, currum conscendit, & duobus clavis totum currum temperans modo in orbem iterum atq; iterum vertebat spatio exiguo, modo regyrantem in rectum concitabat, admiranda planè velocitate. Domum quoq; integrum 60. & amplius lectorum capacem exigua cella sed disjunctam claudebat, quam ita sine clavis jungere, ita arctare poterat, ut nec vento nec pluviae pateret aditus; jugumenta autem, subgrundationes, projecturæ, membra omnia ædificii ex architecturæ legibus optimè fabricata. Molam etiam construxit, quam quatuor molossi, partiti inter se laborem per vices, circumvolvunt. Vulcano per omnia similis est, (nam & egregiè claudicat) nisi quod non nunquam vehitur per urbem

urbem currū, quem duo grandes molossi trahunt, (ita & hos jugum ferre docuit) quod nunquam memini me de Vulcano legisse, &c.
Dabam Lugd. Bat. 24. August. An. 1655.

T. T.

P. Schumacherus.

EPISTOLA LXXI.

De morte Kyperi, & Aqualiculō puellæ.

THOMÆ BARTHOLINO Hafniam.

Quanti casus humana rotant! quam tenui filo pendent nostra fata; verè larvæ umbratiles sumus, quas quævis aura dissipet. Dices: quorsum tam Tragicum in epistola exordium? Sed justè queror! Octiduum jam est, cum Cl. Kypero exequias ivimus. Et hic quidem, Dî boni, quàm subitò præter omnem spem ex hac vita non dicam excessit sed evolavit. Vix aliquid de morbo ejus quisquam audiverat, cum ecce altera dies tristem de morte ejus nuntium attulit. Ego in primis mirabar, & vix tum fidem oculis habebam, cum indici jam funus OLLUMQUE ECFERRI viderem. Nam quarto ante die ipsum videram; vegetus tum erat valensq; sine omni vel levissimæ no-

xæ indicio. Multus mihi de te, Vir Maxime,
 cum illo sermo, rogabatq;, ut cum iterum aliquid ad te literarum darem, id sibi prius indicarem scripturo ad te nonnulla de transmissis illius Unicornu Grónlandici facultate alexiteria. Sed ut dixi quattiduo post peste correptus expiravit, & Rectoralem purpuram, quam hoc anno gestabat, cum cœlesti candida commutavit. Quæ tamen de Unicornu illo sive Grónland. sive Grindland. disseruit, ea fide referam, qua ab ipso accepi. Aiebat compertum se habere, iterata jam sæpe experientia, istud seu cornu seu os, (ad cuius naturam mihi quidem propius videtur accedere) singulare prorsus esse remedium adversus malignos quoscunq; morbos; magnoq; successu se id in pulveris formam redactum cum aqua convenienti exhibuisse ægrotis lue hæc pestifera, quæ totum Belgium depopulatur, correptis, idq; præstitisse, ut aut illico convalescerint, (qui principiis resistere) aut sæviora experti symptomata morbum facilius tolerarint, aut certum exitum in aliquot dies distulerint, ringente torvo Charonte, se defraudari tantisper naulo. Imo nonnullos, quibus vix alia *Φάρμακα*, nisi multa mora sudorem movere poterant,

erant, hoc pulvere sumpto, tantum non sudore diffluxisse. Scis, quantæ magnitudinis erat, quod dederas frustum, atq; hujus tamen plus quam dimidiam partem absumpserat, toties ille ægris hoc contagio afflatis exhibuerat, nunquam, ut aiebat, sine successu. Kyperum tamen liberare non poterat, ne sacrum crinem detonderet Proserpina, sive quod mora (in qua utiq; maximum semper periculum) invaluerat jam morbus, sive quod sideris inclementiæ, (quæ jam quoq; Dîs gratiâ, maximam partem desæviit) litandum forte erat Argolica anima. Sed jam ille conclamatus est. Ego tamen non desino te proluxa nimis epistola obtundere. Proximis nundinis Falcoburgensibus, inter alia ludicra, publice spectanda proponebatur puella quædam decennis in Brabantia nata Anno 1644, Parentibus, ut ferebant, & parvæ staturæ & rei. Hujus equidem puellæ ventrem, (quod de illo qui faventem sibi habebat hortorum custodem Lampfacenum illum Deum, usurpat nequam servulus apud Comicum) calamitas profecto attigerat nunquam, ita quicquid erat grande erat. Nam abdomen quam latissime sui territorii fines extenderat, atq; à mammis ad talos usq; se produxerat. Talem credo ha-

buisse aqualiculum, ventriosum illum Epaminondæ militem, ad cuius alvum tegendam tres una conjuncti clypei vix sufficiebant. Jacebat puella (nam incedere omnino non poterat) ventre proprio tecta tanquam tomento superstrato, qui tumidus circa umbilici inprimis regionem ita se inflaverat, ut altè elevata undique cute cavitatem satis capacem ad umbilicum dmitteret, in qua tanquam in crumena servabat quicquid pecuniæ à spectatoribus collegerat. Triginta nonnunquam & amplius Hollands Stuyvers in hoc loculamento reponerat. Interdum præmiolo aliquo invitata ventrem ad instar tympani pulsabat cantillans simul nescio quid subrauca voce. Ego Tympaniten esse hinc conjectabam; sed facies optime alioqui colorata, & non inficeto tincta rubore genas, omniaq; boni cætera habitus indicia revocabant ab hac opinione animum. Propius accedere nolui, ut accuratius singula inquirerem, veritus tacite serpentis morbi, in tanto præsertim hominum undiq; confluentium coetu, contagio. Pronuntiatum tamen audivi à Medicis, qui antehac eam viderant, tumorem hunc puram putam esse pinguedinem, Naturæ nescio quo lusu hic exuberantem. A materno utero secum tantum adipis
attu-

attulisse ajebant: cibo certe & potu utitur quam parcissimè. Mirum unde hæc abdomini pinguedo, aut puellæ moles? ut quæ 200. libras pendet, decennis, ut dixi, & jam undecimum ingressa annum, justaq; alioqui, pro ista ætate, statura. Donaverat eam Cæsar torque aurea, qui Viennæ illam viderat. Sed profecto jam epistola tantum præter debitum excrescit, quantum istius venter justam mensuram excedit. Manum igitur de tabula; cum solenni hac formula, ut valeas, & me ames. Lugduni Batavorum 6. Calend. Octobr. Anni cIo Idc LV.

Tibi addictissimus

Petr. Schumacherus.

EPISTOLA LXXXII.

De nimia pingvedine.

PETRO SCHUMACHERO

Leidam.

GRatissimæ mihi fuerunt litteræ, quas repetitis vicibus amica manu ad me scripsisti; Ignosce verò moræ, quam in respondendo hætenus negocia imperarunt. Novisti quantis indies curis & occupationibus distrahamur, qui non tam privatae quam publicæ saluti excubamus. Cl. Kyperum ad plures abiisse non

sine lacrymis intellexi. Vir erat, quem Reip. Medicæ diutius optassem superstitem. De Unicornu quæ mones ex illius fida relatione, pergrata sunt. In febribus insignem hic experti sumus istius dentis virtutem, sudores potenter movendo & putredini humorum resistendo, de quo ipsum Kyperum monui. Altera historia præpinguis aqualiculi inter Centurias meas locum inveniet, quo nomine gratias Tibi ago. Ab ortu contractam fuisse istam molem corporis, juxta tecum sentio, quippe laxiores natura partes facilius distenduntur & ampliantur, quanquam magnam subesse quoq; flatuum copiam existimem, quibus exiguum alimentum, quo nutrirî fertur, inflatur, & velut addito fermento ebullit. Suspicionem meam adauget, quod instar tympani ventrem, soluto pretio, pulset. Neq; tamen Tympanitis dicitur, quia hic universum corpus non invadit, nec salva viscera. A pingvedine increescere nonnunquam corpora, exempla testantur, quæ aceti potu extenuata fuerunt. Quippe vasis partibusq; aceto constrictis, nec alimentî copia, nec flatus coacervantur. Nos quod spectat, moribus vivimus antiquis, nec oboesi nec exsuccî. Nam mascula prole aucta est familia mea. Nescio an ad vos pervenerit Defensio
mea

mea contra Riolanum, misissem eam si per commodos internuncios licuisset. Sudat jam sub prælo. Spicilegium meum de Vasis Lymphaticis, publicè futura hebdomade proponendum. Deo sit laus, qui Te amicosq; communes inter tot cadaverum strages conservavit. Utinam porro cuncta ex animi sententia fluant. Nomine meo salvere jubebis magnos amicos meos, quorum alias nomina signavi, mihi faventia. Hisce vale, mi Schumachere, & in patriæ decus porrò feliciter surge. Hafniæ XII. Nov. 1655.

T. T.

Thomas Bartholinus.

EPISTOLA LXXXIII.

De puella hirsuta.

THOMÆ BARTHOLINO

Hafniam.

Historiam quam ad te jampridem scripsi, Apuellæ istius præpingvis aqualiculi, grata ea tibi, ut ex tuis literis video, erat. Iterum eandem & Hagæ Comitum & Lugduni vidi, dum illic his nundinis inter tabernas otiosus oberro. Venter sanè est, quem posses cum Plauto collativum dicere, sed nec oculi herbei, nec cada-

cadaverosa facies, quin optimus potius color
suavissimusq; , qualis esse solet lactis sanguine
misti. Planè quinquagenario juramento ausim
jurare, nunquam morbo hepatico hanc labo-
rasse. Gemellam nunc isti historiam adjiciam.
Femina hic erat corpus totum flavis hirsuta
capillis, & hirsutumq; supercilium prolixaq;
barba, nam à mento in mammas quadratam
promiserat Philosophica gravitate. Jurasses ex
lino adsutam barbam, tanta erat mollitudo,
etiam alterius lanugenis quæ totum corpus æ-
quali nebula, aut si quid hac mollius, obduxe-
rat (etsi pili fere dimidii digiti longitudine e-
rant) & color planè idem, ut omnino puta-
rem, simul ac vidi, nescio quam Galateam
persona linea amasium fallentem è cannabina
aut linea segete caput protollere. Desinant
jam Critici in Cyprum molesto & longo iti-
nere contendere visuri illic barbata Veneris
simulacrum, ut explicent illud nescio cujus
Pollentemq; Deum Venerem, & Virgilianum
illud Descendo ac ducente Deo flammam inter
& ignes expedior; ubi illi, dum expedire se
volunt, impediunt magis. Quæso ne hic se
crucient ne sit hæc res illis dividiæ, huc veni-
ant, taxo ego non simulacro solum sed & ipsa
visa abeant, imo si tanti est hanc Venerem
rapu-

rapuisse feliciores Paride in patriam rebitent;
 siquidem illi non amant Venerem, nisi quæ
 barbam mulceat. Sed ita me mea Venus amet
 ego non ausim pulcherrimæ Dæ horridam
 barbam affingere; potius dicerem glabriorem
 eam esse, quam est vultus Ludius. Gallum
 quoq; hic vidi gallinaceum, qualem si vidisset
 olim Plato potuisset eludere instantiam (liceat
 cum Logicis loqui) Diogenis, & certe verbe-
 rassent hunc Sannionem Discipuli illudentem
 Præceptori dicenti hominem esse animal bi-
 pes, cumq; suo gallo ad sterquilinum ex Aca-
 demia protelassent. Nam huic præter duos
 consueto loco positos tertius quoq; pes adna-
 tus erat peculiari coxa è medio prominens
 prope uropygium, quod ab altero (nam duobus
 locis apertum abdomen erat, pro alvi ex-
 crementis ejiciendis) medius distinguebat, vi-
 debaturq; ex duobus pedibus confusis coaluisse;
 nam & hic digitorum numerus erat, & tibiæ
 ossa, etsi sub communi cute, omnino visu vi-
 debantur discerni posse hederaceo plexu aut
 cochleæ in morem contortiplicata invicem.
 Alterum autem illud pro exitu stercoreis fora-
 men caruncula quadam cinctum prominebat,
 ut fere umbilici aliquid simile ex vasis umbili-
 calibus relictum putarem, nisi quod à medio
 abdo.

abdominis ad sinistram aliquantum declina-
ret. Tantum est, tū vale & me ama. Dabam
Lugduni Batavorum 3. Kalend. Junii Anno
M DC LVI.

Petr. Schumacherus.

Salveant à me fratres tui, consobrini,
cognatiq; omnes inprimis Barth. Bartholinus
cujus elegans de pænula scriptum, non mole
sed virtute magnum ad nos venit, quod simul
ut venit non edi sed devoravi illico. Tuum
contra Riolanum simili æstu percurri: mactè
hac virtute, Vir Maxime; Aquilas, Phænices
depluma, sed cornices, sed graculos, sed pi-
cas & spinturnicia cætera cavet vel flocci fe-
ceris. Hornius vos omnes salutat, & expectat
à Clarissimo Fuirenio ad literas responsum,
quem ego uti & te familiamq; totam quam
officiosissime salvere & valere jubeo.

EPISTOLA LXXXIV.

*De Lacteis Thoracicis in variis
animalibus.*

THOMÆ BARTHOLINO

Hafniam.

AB eo temporis articulo, quo Patavio disces-
simus, licet amicitia nostra haud in feli-
citer

cliter ibi coepta, sancteq; culta nullo unq; literario officio à nobis confirmata sit, minime tamen dubito, quin pristinum amorem mihi servaveris, mutuæq; benevolentiae symbolum in affectu potius mecum posueris, quam in Verborum signis. Hæc enim alienis culpis eo inagis obnoxia esse scis, quo longius mittuntur. Attamen ut verum fatear, aliquoties hætenus voto meo indulgere, Tibiq; de singulari felicitate, summam industriam atq; Eruditionem Tuam, cujus jam aliquot egregia in publico extant specimina, comitante, gratulari volui, uti nunc ex animo facio, sed occasio transmittendi litteras & serio inquirenti nulla se obtulit. Silui itaq;, ignemq; hunc intra præcordia mea fovi, donec mihi hisce diebus literæ traderentur Eruditissimi J. U. Candidati Antonii Muhlholzeri, harum exhibitoris, Hafnia missa, in quibus cum de prospero rerum Tuarum successu, dissectioneq; Leonis mentionem faceret, occasionemq; literar. commercium exercendi monstraret, statim de observationibus quibusdam Anatomicis, Veritatem Tuam contra Riolanum confirmantibus, thesibusq; adjunctis transmittendis cogitare coepi, ut videas nos qq. Magnorum Virorum auctoritatibus non acquiescere, sed naturæ ar-

cana

cana sacro sub vélo diutinè pressa pervestigare. Hoc fine jam ante septennium à Curatoribus conatibus meis publicè faventibus Theatrum Anatomicum accommodatissimū impetravi ac quotannis Varior. brutorum corpora dissecui, ut jam ante Hornium & Pecquetium in thesib. meis de Venis Lacteis m. Dec. A. C. c1o Ioc L. Lacteas Thoracicas proponere potuerim, sed pro lactis materia ad mammas derivandā, cum & Veslingius paulo ante obitum, d. 13. Maj. A. c1o Ioc XLIX. rescripserit, se hujusmodi ductum pollicis crassitie in lumbis vidisse, ad thymum Cordis chylum derivantem. Eundemmet anno superiori in Lupo vivo dissecto chylo turgidum, sed bifidum; & nuperrimè in Lynce fæmina, lacte per siphunculum in receptaculum chyli infuso, tam clarè Philiatrīs nostris, sed tantum simplicem à nona tamen arteria intercostali in medio, ut & axillari venā sinistra superius quasi fissum, mox iterum coeuntem, conspiciendū præbui, ut quolibet impulsu facto per jugular. in Cordis dextrum ventrem illud irruere, Corq; ipsum vi distensionis leviter attollere cerneretur. Hinc non dubito, quin in Corporibus humanis qq. viæ illæ liquore aliquo infuso turgidæ faciliè in conspectum

spectum venire possint. Adfuitne in Leone utrinq; ossiculum quoddam recurvum, clavikulam æmulans, in principio Deltoidei musculi obvium, nec sterno nec scapulæ junctum, cujusmodi in urso, Lynce, Lepore, Lupis observavi? Sangvificandi vis, quam Epati cum Pecquetiò denegasti, aut nulli corporis parti, aut cunctis, certâ ratione deberi mihi videtur, cum sangvis ipse chylum sibi assimilare valeat. Sed de modo ac viis purgationis ad alvum, quas proposui, quid sentias, etiam atq; etiam rogo, in responsoriis Tuis mihi aperire velis. Sive enim isthæc mea probaveris, sive meliora monueris, animum certè mihi addes plura de rebus Anatomicis Tecum differendi. Bene Vale mi Bartholine, & quem olim communione studiorum Tibi junxisti, amare persevera. Ego Te in oculis, in ore, in pectore habeo. Scribebam Altorfi inter occupationes III. Calendar. Februar. Anno Christ. cIo Ioc LVII.

T. Excell.

studiosiss.

M. Hofman D.

EPISTOLA LXXXV.

*De Empyematis sectione, subitanea mœst
morte, Lentibus & vermibus in variolis.*

THOMÆ BARTHOLINO

Hafniam.

QVandoquidem literas meas anno præte-
rito per Mercatorem Arhusiensem rectè
Tibi fuisse traditas, minimè dubitem: attamen
ne gratissimæ cœptæ nostræ amicitiae funda-
mentum corrueret penitus, illud ipsum erige-
re, ac pristino suo nitori reddere, hisce præ-
sentibus statui. Novi certè, Clarissime Bar-
tholine, assiduos ac indefessos Tuos in studiis
labores, nec ab illis Te revocarem, nisi doceri
vellem, nisi haberem animi Tui adfectum can-
didum erga me satis perspectum; colo certè
hunc, & quoad vixero colam. Mitto Empyë-
matici curationem duplici demum sectione ab-
solutam. Juvenis 23. annor. nomine Johannes
Theisten, amanuensis Johannis Thomæ, Civi-
tatis nostræ Secretarii temperamento sangui-
neo præditus, cum à teneris fere avidiori gulâ
inhæsisset poculis, continuaretq; cum anno-
rum incremento satis strenuè per septimanas
aliquot noctu hæmorrhagia narium insigni
divexabatur; verum cum nihil subesse periculi
putaret, medicamentorum respuebat usum,
donec

donec aliquoties tergo incumbens, somnoq;
excitatus, sanguinem largiori fluxu ad pectus
fuisse derivatum animadvertisset: hinc diebus
haud ita multis interpositis post de anxietate
summa pectoris, astmate, aliisque Symptomata
conqueritur; rejicit mox materiae cum tussi
purulentae; sanguineq; nonnihil permixtae, in-
gentem copiam, quae pottas fere duas imple-
rat: Nihilominus nulla difficilis respiratio-
nis relevatio, nulla anxietatis sentiebatur miti-
gatio, sed suffocationi potius ac morti proxi-
mus ab adstantibus singulis dijudicabatur aeger.
Ego vocatus, video casum periculosissimum,
non autem prius de vita desperandum esse ju-
beo, quam spirandi finis accesserit, medica-
menta externa, pectus ac thoracem dilatantia,
internè vero expectorantia praescribo v. g. ex
syr. viol. de alth. Fern. de jujub., liquirit. &c.
c. spec. diatrag. fr. & aq. scabios. continuando
cum hisce per aliquot dies. Linimentis ex-
ternis superaddebam Empl. de mucilag. de me-
lilot. c. farin. faenugr. & ol. chamom. Alvum
vero (suo quando non satisfaceret officio) ad
justum depositionis debitum redigebam seqv.
R. diacals. c. mann. Unc. f. dissolv. in aqv.
scabios. Unc. j. adde Elect. De succo ros.
Dr, f, M. Et ut perfectiorem Empyematis ma-

turationem sperare possem, loco Emplastr. cataplasmata imponebam ex rad. lil. alb, alth. ficub. cum admixtione farin. lini, hord. butyr. rec. non salit. axung. suill. &c. Nihil hisce quoq; proficiebam; neutiquam materia per superiora erat evacuanda; neq; per inferiora, sed ad intumescentiam magis abibat latus sinistrum; Hinc ad verissimum nostri senis effectum sect. 8. aph. 6. scil. quæcunq; non sanant medicamenta, ea ferrum sanat, cogitabam, intermittebam tamen interea nihil quodruptionem puris promovere posset. Verum quicquid tentabatur, frustraneum erat. Itaq; d. 22. Jun. natura per tumorem nobis monstrante viam, ad latus sinistrum inter 5. & 6. costam cum lanceola instituebatur apertio, statim materiæ egrediebatur maxuma summo cum impetu copia non admodum male elentis; vulnus, ne spiritus patienti & vix ossibus hærenti discederent, turunda iterum, contentus aliquot uncis, claudere jubebam: Apertione sequenti die rursus instituta, impetu non minori emanabat puris copia, eademq; continuatione circa vespèram, tertiam etiam ac quartam diem. Tentabam impofterum injectionibus tumultuantis hujus fluxus cohibere cursum mundificantib. ac putredini resistentibus;

bus; verum tolerare patiens nequibat, statimq;
post injectiones in vulnus, tussi graviori cum
ejectione materiæ ad suffocationem usq; ferè
torquebatur indies. Interim exhibitis corro-
borantibus, seqv. utebatur potione: R. mell.
opt. Unc. iij. aqv. font. lib. iij. despum. postea
add. herb. tussilag. scabios. hyslop. marub. Ve-
ronic. ana. m. f. Coq. bene & in col. dissolv.
fyr. de scabios. Unc. ij. M. Die 27. Jun. materia
effluebat pessimè olens, viridis, cum tussi verò,
quoties à Chirurgo vulnus esset tractandum,
rejiciebatur materiæ subflavæ ferè lib. f. sta-
tuebam ad phthisin confirmatam abiisse decum-
bentem. Intueor interim clarioribus oculis
denudatum ægrotantis corpus, observo, dum
à Chirurgo tractatur, in latere sinistro unius
digiti transversæ latitudine supra mammam,
foveam magnitudine ac circumferentia Daleri
Joachimici; altero die cum accederem depræ-
hendo cutis à costis, adeoq; istius foveæ eleva-
tionem ac intumescentiam, digitis tango, de-
primoq;, evanescit tumor, partimq; ad vulnus
in eo latitans materia derivatur, partim & qui-
dem fluxu largiori tussiendo per os excernitur.
Ego de apertione cogito, necessitate incisio-
nem hanc poscente. Suaviter itaq; ac dextrè
sectio à nobis fuit instituta, scopumq; assecuti
sumus.

sumus feliciter. Effluebant. penè Unc. iij. puris probè cocti, statim recedebat asthma, subito evanescebat cordis anxietas, tussis remittebat. Die proximo è vulnere superiori materia ferè nulla, ex inferiori exhibat admodum pauca. Præscribebam injectionem mundif. ex decoct. hord. & aliis, mox cum materia planè cessaret, adjiciebam vulneraria & adstringentia ex rad. symph. maj. caryophyllat. rub. tinct. flor. hyperic. bellid. consolid. reg. Herb. veronic. vinc. per vinc. auric. mur. Equiset. scabios. scord. virg. aur. sangv. drac. &c. Internè verò maxumo cum sanitatis successu porrigebam pillul. proprietatis seqv. R. flor. sulph. myrrh. el. ana Drach. f. croc. opt. scrup. f. aloës succotr. scrup. ij. f. pulv. & c. spir. sulph. acid. f. mass. form. pill. instar pisæ. D. 3. pro una vice. Hisce adhibitis (Deo sit laus in æternum) patiens dimisit lectum, corporeq; incedit jam longè robustiori, quam ante pessimi hujus Empyematis invasionem. In memoriam mihi revo-co exempla apud Polyd. l. 19. Cuspinian. in Philip. subitanæ mortis Eorum, qui nuntio scil. aliquo tristiori percepto, præ mærore inter vivos esse desiêre. Enumerat aliorum discessum subitaneum ac ærumnosum Cælius l. 29. c. 8. Giral. j. tom. hist. Pont. qui mortem sibi-

fibi contraxerint ideo cum ad optatum finem consilia sua perducere non possent. Adfunt nobis recentiora. Dolearius civis Bergensis, annor. 40. cum pro Mercatore Anseatico per integrum annum confecisset dolia, ut haberet interdum unde viveret, nunc Dalerum, mox dimidium, prout necessitas domi efflagitaret, poscebat; summam autem, quam acceperat, non adnotat. Elapso anno, ab uxore Maritus, ut à Mercatore rationes postulet accepti, cum nummis residuis, admonetur: Abit ille, ratione subducta, à Mercatore 4. vel 6. tantum obolos (tot enim restabant) accipit. Domum reveniens moestissimus, pro dimidia nummorum parte pisces minutas, pro altera, cerevisiam tenuem adportat, enarrat uxori singula madidis oculis, scamnoq; insidens die cardialgia conqueritur, bibit semel; moritur. Die 21. April. 1656. Plura liceret observare, verum miserrima hoc in loco est Medicinæ conditio, propter agyrtarum, pseudo-Medicorum ac studiosorum Theol. falsa sciendi persvasione seductorum concursum, dum nullibi ad pastorum possint promoveri, impiè falcem mittunt in Medicorum messem, opio purgantibus admixto non aliter ac cum simplicissimo medicamento procedunt, exhibent purgantia

fortiora, alvum cohibere rursus student sanguine draconis, & hoc modo in apoplexiam & mortem homines conjiciunt. Quot funera? quot homicidia? tædet me profectò amplius officii medendi. Opponam Magistratus Politici inspectionem? Hic ex imperitia permittit, ac puram ignorantiam sponte fatetur; Academia autem Vestra nimis à nobis remota, adeoq; tam liberè peccatur. Ego certè (nisi læso nominis ac conscientiaë meæ honore) diutius mecum retinere nequeo, cum ad manus sint nequissimæ istæ præscriptiones. Cur dare medicinas, & gentes interficere, impunè cuiq; permittatur? cum vel in Mechanicis non liceat cuivis pictorem esse, nec malleum in manus impunè sumserit is, qui faber non sit. Multa profectò in hac re posset præstare Vestra Academia, præsertim gratiosa Facultas Medica, decisione facta de pessimis istis præscriptionum formulis, cui judicio Academico postmodum, si necessitas exigeret, superstrui posset eo facilius Sereniss. Regis mandatum & interdictio praxeos. Nimis excrescit epistola, finis, Vive, vale, VIR EXCELLENTISSIME, anna & perenna! siq; gravissimæ occupationes tempus cōcedunt & otium, rescribe. Bergis Norwag. d. 3. Febr. 1657.

T. observantis.

Johannes Fridericus Treubler, D.

P. S. Vidi quæstiones Tuas, Vir Excellentissime, de Variolis, Disput. publ. inclusas, optimè placent, præsertim cum videam Exc. Tuam parum tribuere lentibus, præferre autem illis alia longè efficaciora expellentia, quæ simul malignitati resistere possint, e. g. C. C. & alia. Quicquid Autores dicant, mihi tamen minimè hoc in morbo arident lentes, quippe ex Castor. Durante in tressoro della sanita.

Lens oculis nocua est, stomachoq; adstringit & inflat;

Non bene concoquitur, somnia tetra facit.

Alvus ab igne levi Lentis siccata tumescit,

Hordea si reddant, dic Medice innocuam.

Illa Melancholicos (nervis inimica, ocellis,

Nec satis est) morbos, somnia dura movet.

Scilicet extollat Pelusia munera Nulus,

Dulcia si addideris, toxica dira facis.

Cum variolæ Infantes pariter ac adultos hæc nostra in Civitate invaderent, nihil observare licuit notatu dignum, nisi quod ante octiduum filiolo 4. annor. Lanionis Andreae Fritt, qui variolis decumbebat, & jam vix spiritum amplius haurire poterat, vermem spithamæ longitudine è naribus extraherent adstantes, quo extracto, è vita discedebat statim. Legimus de eodem vermium egressu per eandem viam

apud Marcell. Donat. in histor. medic. mirabil. lib. 4. cap. 26. ubi plurimas adducit historias ex Cornel. Gemm. Victor. Trincavell. Ludovic. Duret. Fernel. & aliis. Verum magis nobis placent ea, de quibus oculati testes scribere possumus. Mulier 38. annor. pauper-cula, cum uterum gereret, & in alvo materna fœtus adhuc instrueretur ad exeundi patientiam, de gravitate totius corporis, conqueritur, premitur pandiculatione, cordis palpitatione, pruritu narium, &c. erumpunt varioli in corpore undiq; : Mox cum instaret partus, hora, Infantem edit variolis per tenerrimum corpus æquè tam multis contaminatum, qui post facti baptismatis acceptum Sacramentum à Dn. M. Ambrosio Lucae Pastore Templi Cathedralis, placidè obdormiebat; mater autem tertia die post exhibat mortalitatis sensus.

Iterum Vale, Clarissime Bartholine,
orbis Literati decus.

EPISTOLA LXXXVI.

De Anatome Calculosi, Psittaci & Martis.

THOMÆ BARTHOLINO

Hafniam,

GEORG. SEGERUS Thorunensis. S. P. D.

Vidi Historiarum Anatomicarum Centurias posteriores, quas curiosa manus Tua
Vir

Vir Summe publico bono congeffit, easdemq;
avidissime perlegi. Aperuisti inter alia men-
tem Tuam de exsectione Lienis, atq; ita peti-
tioni quoq; meæ, qua Te in nuperis meis Lite-
ris sollicitaveram fatisfecisti. Unicum adhuc
restat, ut scilicet animum Tuum de cornubus il-
lis Leporinis benigne mihi aperias. Ex occa-
sione Historiæ XC. Cent. III. non possum in-
termittere, quin paucis Tibi Mœcenas ex ad-
versariis meis narrem, quod, cum Witteber-
gæ viverem, die $\frac{8}{18}$ Sept. Anni 1648. in ho-
spitio meo vetula 72. annorum, menstruarum
purgationum jam fere oblita, cum vitæ di-
spendio easdem experiri coacta fuerit. Post-
quam enim per integrum trimestre nimio
sanguinis profluvio laboravit, nec ullo me-
dio fluxum cruentum sistere potuit, succubuit.
Dōminus Doct. Kirstenius, amicus meus ma-
gnus, pro honorifica ejus mentione gratias
Tibi agit maximas. Legi apud eundem histo-
riam morbi, quo laboravit Henr. Schraferus,
quam lubentissime Tibi quoq; communicasset,
si præmonitus fuisset. Adornabit Vir Cl. Dis-
sertationem de affectibus Cordis, cum plures
tales polypos Cordis observaverit, & deline-
atos mihi ostenderit. A quibus Catarrhos suf-
focativos ideò oriri imprimis credit, quia
omnes

omnes illi, in quibus polypos hos observavit, Catarrho hocce extincti sunt. Credidit scilicet ejusmodi concrefcentias inhibere ac plane sistere fluxum purpuræ alimentaris. Clariss. D. Christianus Bunccius Te & jam quoq, humanissime salutat. Is mihi nuper narravit, quod Anno 1654. mense Sept. præsentibus Dominis D. D. Cassio & Hauswedelio aperuerit Cadaver Gabrielis Engels Civis Hamburgensis, qui per aliquod tempus calculo laborans tandem accedente urinæ suppressione interiit. In hujus vesicæ orificio invenit calculum ingentem figuræ amygdalinæ, qui ita obturaverat vesicæ orificium, ut nullus pateret urinæ exitus. In ventriculo præterea nigricantem materiam reperit. Reliqua nihil notabile foverunt, præter Hepar, cui nulla vesicula bilis appensa erat, imo. nec vestigium ejus ullum hepati impressum cernebatur, quamvis anxie cum adstantibus quæsiverit, & exempto insuper Hepate cuncta diligentissime perscrutatus fuerit.

Ego in nuper dissecto Psittaco inter alia articulationem superioris maxillæ cum cranio exacte observavi, artificiosamq; cranii structuram cum delectatione summâ contemplatus sum, quam sane adeo perfecte descripsit Aldro-

drovandus Ornithol. Lib. XI. c. 1. p. m. 323.
& sequ. ut quicquam addere supervacaneum
videatur. In figura vero cranii quam ibi ad-
didit, hoc solum desidero, quod Processum
quartum sive Processum Cranii, qui est inter
Orbitam oculi C. & Processum tertium scili-
cet Auricularem L. non expresserit.

Interea quoq; tres utriusq; sexus martes
dissecui. Ex quarum sectione imprimis se-
quentia desideravi in descriptione Martis quam
habet Magnus Severinus. 1. Quod ei dene-
gaverit Membranam carnosam, qua tamen
à benigna natura donatæ sunt Martes. Quia
vero hæc cuti adeo arte est connata, ut obiter
intuenti unum esse videantur, nec absq; laci-
one separari possit, hinc suspicor virum sum-
mum esse delusum. 2. Quod penem tantum
cartilagineum esse voluerit, cum revera osseus
sit, tam in adulto quam juvene, mirabilisque
figuræ, ut ex iis quos servo patet. Reliqua
quæ in hisce animalculis annotavi non ad-
do, ne nimius sim. Vale Patrone colendissi-
me & fave Dabam Hamburgi die 14. Martii
1703. Idc LVII.

EPISTOLA LXXXVII.

*Anatome gravida, & aliæ observationes
anatomicæ de Lymphaticis.*

THOMÆ BARTHOLINO Hafniam.

AD finem perducta hujus anni anatome decreveram, quod mearum erat partium, quicquid in ea præter consuetum, vel notatu dignum occurrerat, statim referre; Parentum verò litteras expectans, quibus una responderem, diutius filui, delicti interea, si quod commiserim, veniam submisisse petens. Dissectionis corporum primordia ac progressum, in præfatione suæ anatomiae diserta oratione profectus est Excmus Antonius Molinettus, cum digno ejusdem Artificum encomio, quod T.E. detrahere invidi & iniqui esse animi palam professus est, quam in publicam scenam sine debito elogio haudquaquam produxit, & cujus nomine in Theatris nostris nihil frequentius, nihil gloriosius, monuit. De Hepate agens sangvificationem ipsi frustra detrahi asseruit, quippe quod chylum per lactea recipit vasa, quæ & monstrare decreverat; Canis autem huic negotio destinatus, Consiliariorum Anatomicorum culpa non pastus, expectationem nostram elusit. Duos ramos lacteos per aliquam

quam Portæ partem repentes mihi semel in propriis ædibus ostendit, quorum ulteriorem progressum ob minimam chyli copiam accuratius cernere non potui. In testicularis Viri intra albugineam in præparando vas aliquod apparuit, cavum, albicans, extremitate altera cum epididimidibus connexum. Fœminam, ob tumidum abdomen pro-gravida habitam, è sepulchro effoderunt studiosi ac in Theatrum deduxerunt; cujus abdomen cum dissecuisssem, Ventriculus insigni tumore distentus in conspectum prodiit, totam abdom. regionem occupans, ipsaq; Intestina cooperiens; infra ventriculum nullum omenti vestigium, quod tamen paucum admodum versus Pylorum inter Diaphr. & Ventric. delituit. Urgentibus circumstantibus Ventriculum dissecui, ex quo fetidus erupit flatus, unde minor factus præter acetaria & atrum humorem sat copiosum nihil continuit. Reliquorum in abd. viscerum faciem exploraturus, Lienem, inter Hepar & Ventriculum latitantem, in sinistro latere gratis quæsi, nullis fibrulis Diaphragmati aut Ventriculo adhaerentem. Intorta ac simplici gyro circumvoluta vasa splenica vidimus, unde à tumente Ventriculo eo detrusum colligo, ipsum Hepar justo altius quoq; retrusum, cæterea

rera sanum. Sic primum conceptam, ob turgentiam abdominis, graviditatis spem seponere coacti, ipsum investigamus Uterum, quem figura pomum, magnitudine pugnum adæquantem lubentes offendimus: hunc debita diligentia præparatum sequenti die in Theatro publicè aperuit Excellentiss. Molinettus, ac in eo embryonem marem invenit, omnibus numeris absolutum, amygdalam magnitudine exprimentem. Calculum ad ovi magnitudinem circa acum osseam in vesica collectum publicè ostendit, quam puellæ Venetæ extra-xerat: Acus per annum in vesica latuerat, quæ lascivienti, dum se ea fricaret, è manibus præter opinionem in vesicæ capacitatem elapsa erat. Septum cordis foraminulis pervium stylo monstravit, ex eo tamen per Pulmones non circulari sanguinem, minus recte colligi advertit. Pro coronide anatomes ductum Pecqueti, & Vasa Lymphatica prope Hepar, & in artubus, spectatoribus exhibuit. Nudius tertius in cadavere nuper mortuo eadem circa Iliacas vidimus. Petrus Marchettus in sua demonstratione anatomica docuit venas hæmorrhoidales, quæ circa ani extremitatem desinunt, esse ab interna hæmorrhoidali Portæ propagine, de quo tamen valde dubito donec dato studio ipsemet

ipsemet invenero. Bronchocelen in theatro proposuit, ubi glandulae diversae asperae arteriae adstabant, quarum quaedam sero copioso turgabant, quas si ante mortem dissecuissent, mortem ipsam evasisse credidit Marchettus. Vasa lymphatica à thoracico ductu necdum distinguere novit, quae 200. annos cognita, ac ab Eustachio descripta jactat. Vale mihiq; fave. Patavii 22. Martii 1657.

T. E. Disc. obs.
Henricus à Mòinichen.

EPISTOLA LXXXVIII.

De Consensu nostro & dissensu.

THOMÆ BARTHOLINO Hafniam.

SI vel minimum addubitarer de candida humanitate, tot aliarum virtutum Tuarum condecoramento, parum confidente hæc exararem manu. Quin ne aggrederer quidem, nullo prævio exploratore, pertenuem ratem alto committere. Sed præterquam quod tot virtutum laudibus eminens celeberrimum nomen Tuum absq; sui injuria nullatenus me finit ambigere, certè vel publico attestato, ut de aliorum relatu jam taceam, accrescit in bonos

omnes propensæ benevolentiae Tuæ, dubitare nescia, fiducia. Neq; hanc ulla sui parte diminuit quicquid lucubrationes nostræ præ se ferunt dissensus, quæ Cordis Hepatisq; asserendum munus: donec neq; animorum neq; conatum ulla est, neq; uti spero, unquam erit collisio. Uterq; scilicet in libera Reip. quæ sibi videtur optima, verissima, utilissima liberè profert, explicat, propugnat: probè memor, quod causa ipsa nullius omnino hominis, sed Dei & Naturæ, quod item decisivam quæstionis finitionem vel posteris resignare honestum sit. Interea tamen Te, Vir Excellentissime, ceterosq; Medico-Anatomicæ aciei antesignanos, quibus è Germanis & Rolsinckium nostrum accenseo, uti par est, ego deveneror, indefesumq; & felix, quò Tute inprimis clares, imò fulges, microcosmi hujus adyta indies penitus rimandi studium, ceu rem ipsi Ter. Opt. Max. Creatori sacram, deprædico; peculiare deniq; observationes, qualis est vasorum lymphaticorum & chiliferi thoracici, quarum priorem (sed & posteriorem, quæ humanum corpus) Tuæ cum primis operæ referimus acceptam referetq; grata posteritas, ambabus propensissimè amplexor: quanquam haud invalidis rationibus persuasum habeam, mea de
cordis

cordis ac Hepatis usu lemmata inde collustrari potius, sive declarari posse, quam demonstrativè infringi. Ut autem lis hæc sub iudice pendeat indefinita: fore tamen spero, ut meus iste candor favoris Tui igniculos accendat verius quam extinguat. Quo etiam aurigante visum est officiose in Te propensi pectoris penetralia adjectis pagellis, de Phil. Schol. emendatione, ceu cartaceo quodam symbolo, testata facere: non quod ipsæ quidquam demereri queant, sed quod publico sacri argumenti consideratio. His ipsis conatibus nostris si Te examulsum benè cupere intellexero, erit de quo mihi gratuler: idq; magis adhuc, si iidem nonnullorum Regni vestri procerum favori, vel ipsius etiam Regiæ Majestatis (de qua dudum fama increbuit quod non sine exasctissimo Iudicio excultiores Musas peramet) clementissimo patrocinio videantur meliorem in modum commendari posse. Vale, vive, ter honoratissime vir, Deo, Reip. & Musis Tuis, mihi deniq; Nestoreis annis amplius, felicius. Scripsi tumultuariâ manu d. 24. Mart. An. 1657. Erfurti.

Nobilissimi Tui Nominis

studiosissimus

Eccardus Leichner D.

X x 2

EPISTO-

EPISTOLA LXXXIX.

*De Viriis antiquorum, & Conculula
Marcelli.*

THOMÆ BARTHOLINO

Hafniam.

DIu est, cum amicitiam tuam, *μηδαμῶς*
πολύφιλος περ, ambire animo destinavi,
tam quod Parenti tuo τῷ *μακαρίῳ* ante hos
quasi quinquaginta annos in Academiis suavi-
ter convixissem, quam quod eo parente di-
gnum Te haecenus probasses Nobis, qui in A-
natomicis nihil vulgare sciperes, & ad augen-
dam ornandamq; eam Artis partem singulari
ardore, ferri videreris, & præter cæteros soler-
tia dexteritateq; insigni ad ejus splendorem
plurimum contulisses. Dum in eo essem, co-
gitaremq;, quomodo ad Te irrepere sine stre-
pitu possem, bona scæva factum est, ut Clar.
Vorstius, Rostochio Tibi notus, mei causa Te
præoccuparet: quam ejus audaciam tam fe-
liciter ipsi cecidisse, ut & quanti me faceres
(præfiscinè dixero) & amicitiam meam ultrò
abs Te expeti, intelligere è tuis ad ipsum pos-
sem: qua benivolentia & humanitate tua quan-
tum delecter, dicere sanè nequeo. Istud verò
planè egregium erectæ mentis indicium mihi
est, quòd cum audiveris parare me Auctarium

Inscripti-

Inscriptionum veterum hætenus ineditarum,
 Operi æterno adpendicem, eas quas in peregrinatione apud exteros collegisses Ipse, vel à viris illustribus accepisses, ἀνταχειρία ἐκτελέσας
ψας mecum *προθύμως* πρὸς καὶ ἀφθονως communes esse volueris. Eo beneficio ita me Tibi devinxisti, ut omnia me Tui causa facturum, & hujus rei perpetuam ad Posteritatem memoriam Tibi per me constituram sanctè recipiam: audiat Cana Fides! Candoris etiam & gratitudinis erga Te mea δαῖγμα quoddam jam dum publicè extaret, nisi Amicum in Acad. vicina Prof. P. cui meo nomine id ut præstaret persuaseram, alia ex aliis nata negotia hætenus consilio depulissent. Lapidem enim in hortis Ursatinis ad Aponi thermas erutum & abs Te omnium primo Vindiciarum anatom. HOEMANNO Prof. Norico, cognato, Adfni & Symphilologetæ meo oppositarum I. Germanis spectandum propositum, post summorum Virorum Liceti & Holsteni curas & arriolationes Commentariolo illustravi, commisiq; ei, quem dicebam, ut illustribus Professorum Hafniæ BARTHOLINI & LANGJ nominibus inscriptum ederet; fietq;, ita spero, ut confectum id negotium detur, brevi.

οὐ μὰν τις εἶμι τῆφαιη γῶναι σαφῶς, non
 Oedipus quem pro sphinge ista requiris; sed
 videor tamen satis de re obscurissima dixisse
 verosimilia, & quibus ingeniorum elegantia
 & æqua possint adquiescere. In antecessum
 verò accipe & lege, si vis, quid de saxo quodam
 Augustæ Vindel. haut ita pridem effosso mu-
 ginatus sim; *νεῦμα* id habeto cæterorum ad
 Inscriptiones meorum, Quas misisti per Vor-
 stium vel ideò acceptas habeo, quod nonnun-
 quam discrepent à scriptura aliorum: fuitq; ea
 differentia seu varietas lectionis mihi frequen-
 ter via ad veram. In de armillis quas consti-
 pasti jam ante à Grut. aliisq; sublectæ fuere.
 Ex ea quam p. 67. producis miror Tibi exire
 potuisse hoc *πέρωμα*: fæminarum adeò pro-
 prias fuisse virias, ut in nomina transierint;
 nominari scil. in lap. Viriam Lucillam. Atqui
 manifestum est, esse etiam Virios familiam
 nūm. Romanam ex hist. & lapp. notam, sive à
 viribus sive undecunq; sic adpellatam. Non
 ergò à viria VIRIÆ isti nomen, sed à mayo-
 ribus ejus! Viriis: quos si similiter à viria sic
 dictos velis, intelliges probandæ rei idoneis
 testimoniis Te destitui. P. 80. à Cœlio Rho-
 digino delusum Te agnosces, si Plutarchi pa-
 rallcla

rallala minora adieris ; Ibi enim c. 15. citat eadem ipsa quæ Cælius , è Clitophontis i. rer. Galat. Vides supinitatem vel etiam fucum Cælii ? Allegat Clitophontem , quem nunquam viderat, noratq; , nisi indicio Plutarchi : & tamen de Plut. tacet. Hoc circa testimonia veterum cacoëthes sive etiam *ἐνθήσεις* in Cælio , Politiano, Bapt. Pio, Beroaldo, Alex. ab Al. & similibus ejus notæ & ætatis dudum notarunt viri docti ; eorumq; allegationes propterea cautè arripiendas etiam monuerunt. Iste Clitophon Rhodius fuit & Indicas res præterea, librosq; *κτίσεων* scripsit. Ibid. p. 81. tribuis Jaboleno, quod è Scævola lib. 17. Digest. desumptum extat in l. Medico 50. D. de auro & arg. leg. Nec intelligo qui p. 82. Ulpianum L. de auro & arg. leg. laudes. Ex Ulpiani enim l. 44. ad Sabinum est id testimonium & relatum in l. 25. D. de auro & arg. leg. Marcello cap. 33. ejicis *conculam* contra editiones omnes , & substituis *lenticulam*. Improbabis hoc ipse , scio , si Scribonium n. 233. quem exscripsit h. l. Marcellus , consulueris. Sic autem ibi legendum est : Ad testiculi tumorem , cupressi baccæ ex vino coctæ conveniunt, & faba fresca (*τὸ quasi* enim tam apud Scrib. quam apud

Marc. nihili est) in concha multo cum cumino cocta. Pro concha Marcellus conciculam, conchiculam dixit: quod etsi diminutivæ formæ sit, non semper significat tamen diminutionem, uti alia multa. Est etiam diminutivum secundo gradu è conchula: talis in Græcis ratio τῶν κογχῆ κογχύλη, κογχύλιον. Eadem apud Latinos in hisce: olla, ollula, ollicula apud Theol. Prisc. l. de phys. sci. silva, silvula silvicula in Notis Tir. arca, arcula, arcicula apud Corn. Nep. gutta, guttula, gutticella: casa, casula, casella, casellula apud Ennod. l. 9. Epp. herba, herbula, herbuscula apud Mart. Cap. l. 2. Sed quo pro labor? Non institueram hoc agere, quanquam nec ingratas Tibi fore sperem has de literis nostris confabulationes; & solemne hoc meum est, acceptum à Viris magnis, ad amicos de talibus referre potius, quam inanes novellas recoquere, & quærere de eò, quid Seres, quid Thraces agant, audireq; sed sine capite, sine auctore, rumore, nuncio. FRIDER. HAMMERICUM Juvenem latorem harum, honesto apud Nos loconatum, & è Bonis, diutule in Academiis versatum & haut ita pridem è Regiomontana ad Vestram digressum, Medicinæ studiis deditum, commendare Tibi volebam; Libenter enim

enim faveo erectis ingeniis, præsertim si modestiam mihi probaverint & sedulitatem. Eum si forte per seipsum commendatum jam cognovisti, puto, me hoc quod facio, facere serius; magnopere autem abs Te contendo, ut ad eam voluntatem, si quam in eum ante has literas contulisti, quam maximus postea mea commendatione cumulus accedat. Sin autem propter verecundiam suam Tibi se minus obtulit, aut nondum satis habes agnitum, aut si quæ causa est qua de majoris commendationis indigeat, sic Tibi eum commendo, ut neque majore studio & amore quemquam, neque justioribus de causis commendare possim. Spondeo autem Tibi eum talem esse, qualem tuo favore & mea traditione dignum sis existimaturus; simul Te ita existimare volo, quibuscunq; beneficiis officiisque Eum obstrinxeris, iisdem Tibi me obligatum fore. Bene Vale, mi optime BARTHOLINE, & amorem mihi tuum persevera. Scr. Altenb. XXII. April. Anno 1657.

Amica voluntate TIBI

addictis.

REINESIUS.

EPISTOLA XC.

De loco Marcelli Responsio.

THOMÆ REINESIO

Altenburgum.

ERuditionem Tuam hætenus ex scriptis Cedro dignissimis admiratus sum, jam humanitatem tuam expertus sum ex literis exoptatissimis, quas tuo nomine, recte tradidit Fridericus Hammericus Vir doctissimus, mihiq; non uno nomine dilectus. Impensè gaudeo quod eruditis literis ad amicitiam, quovis ære redimendam, me invitaveris, quam hætenus sæpe mihi exoptaveram. Multum debeo Cl Vorstio, quo parario, tibi mea officia innotuerunt. Avide expeto Tuum de Inscriptione Maguriana commentarium, cujus spem nobis fecisti, nam quæ de Saxo Augustano commentatus es, erudita planè sunt, & ausim dicere, verissima. Ex ungue leonem cognoscimus, & ut vires suppetant, ad magnum illud Inscriptionum volumen explicandum & augendum, quod eruditus orbis expectat, votorum meorum summa est. Interim pro transmissio specimine gratias ago amplissimas, nisi locorum distantia obstaret, mitterem & ego nugas meas, quas aliquid esse putas pro candore tuo & summa humanitate, imprimis
Tibi

Tibi deberem Centurias Anatomicas posteriores nuper divulgatas, quod illustre Tuum nomen in historia puellæ Altenburgicæ ibidem advocarim. De Viria quæ scripsi conjecturæ meæ imputabis, quam damnabo, siquidem Tibi displicuerit. Pro Cælio nolim intercedere, quem, quum forte ad manus esset, placuit in Scenam producere. Jabolenus etiam currente calamo præter mentem meam pro Scævola irrepsit. At Ulpianus rectè à me fuit laudatus, cujus verba recitantur l. 25. D. de auro, argento mundo, ornamentis, &c. legatis. Majus dubium moves de loco Marcelli à me in Corollariis emendato. Pro concicula c. 33. lenticulam reposui, quod hujus sæpe, illius nunquam fiat mentio. *To quasi* lenticulæ fabam comparat cognati generis, statimq; Marcellus subjungit lentem ad veretritumorem coctam esse utilissimū, quod ex Scribonio repetit comp. 234. Ad similes quoq; affectiones lens commendatur Dioscoridi l. 2. c. 129. In codice suo, quem apud Magnum Vossium contuli, ita olim correxerat Cornarius. Sed inducta litura conciculam restituit, quam non improbaverim, quia Scribonii auctoritatem urges. Elegans tua est lectio, quam nimia licentia *fresa*, pro *quasi* emendes.

Facilius

Facilius Rhodius noster, Musarum delictum.
 Not. ad Scribonium, *quasi concha* legit. Quid
 enim hic concha? An mensuræ genus? An
 concha Columellæ l. 12. c. 5. qua depletur ole-
 um? An concha vera? Plura nolo de contro-
 verso loco apud Te nugari doctioribus inten-
 tum, & me Dispensatorium nostrum advocat,
 quo impeditus responsionem distuli, quan-
 quam sapius monuerit Hammericus, optimus
 noster civis, quem etiam Tui causa amo. Va-
 le, Vir Summe, Reip. literariæ bono diu flo-
 re, & Bartholinum, quem tuum esse volu-
 isti, ut cœpisti, porro ama. Hafniæ XV.
 Aug. 1657.

T. T.

Thomas Bartholinus.

EPISTOLA XCI.

*De vagina uteri monstrosa, & con-
 vulsione oppositæ partis.*

THOMÆ BARTHOLINO

Hafniam.

PArtim Æoli, partim Martis inclementia
 & crudelitate, navium ex Haunia ad nos
 recurrentium impedita fuere vela, unde & li-
 teras vetustiore stylo subscriptas videre licuit.

Nunc

Nunc demum ex mente amicissima ad Te redit responsio summa cum gratiarum actione, quod Centur. 3. & 4. rar. observ. Tuarum cum disputationibus aliquot anatomicis transmittere, factaq; honorifica mentione meæ tenuitatis, duas observationes doctissimis istis Tuis scriptis addere volueris. Quæris autem ex me in Epistola Tua ultima, an vaginæ istius in Muliere Bergens. observatæ dilatatio ex crebris abortibus? An à nativitate superflua membrana ita tumuerit? R. Me potius dilatationem illam crebris, laboriosissimisq; tribuere abortibus. Laboriosissimos dico, & si inhumanos adpellitarem, vix mentitus essem; quippe cum nunquam ad legitimam posituram, consuetumq; egressum infantes diduci potuerint, ex utero vero omni labore protacti, omnes dudum fuere mortui, & putredine correpti, &c. Hujus autem vaginæ propendentis deformitatem obstetrix primum mihi aperuit, cum quærerem ex illa, cur mulier patiens aliarum muliercularum manus ad corpus admittere non vellet, respondit, hanc vaginam esse in causa, & quamvis digitis semper intrudi possit, & ad latera vulvæ internā apte collocari, tamen si cuiquam innotesceret forte, miseram illam vulgi vereri cavillationes.

nes. Cum autem vita discessisset, obsterix-
rem invisam pluribus monstravit mulierculis.
Nolo autem multis de hac re verbis ulterius
molestus esse. Casum Tuis literis de puero in
capite exili vulnere læso, qui in opposito late-
re convellebatur, adjungis, ad quem luben-
tissime responderem, nisi tot dissentientium in-
retam difficili, interq; dissentientes quamplur-
rimos tot ambigua me detinerent opinionum
argumenta, & quidem Averrhois præcipiti
velut impatientia ducti de hac re sententia, qui
Medicorum prolata de convulsione, fabulis
cantantium, aut verbis Musicorum proxima
pronuntiavit. Ballonius ad manus non est.
Notus autem mihi locus quem adducis apud
Hippocr. libr. de cap. vulnerib. ubi scilicet a-
git de illis qui ex vulneribus capitis sunt peri-
turi, hæc addit: si Sinistra capitis parte ulcus fu-
erit, dextram corporis partem convulsio pre-
hendit: Sin vero dextra capitis parte ulcus fu-
erit, sinistra corporis pars convulsione corri-
pitur. Addit Coac. prænot. 498. quibus tem-
pora secantur, iis ex adversa sectionis parte
convulsio contingit. Sic in libris de morb.
vulg. hinc inde, præcipue lib. 5. sect. 7. hujus
Symptomatis fit mentio, ratio addita nullibi.
Certum autem esse credo, plurimum juvari
vulne-

vulneratam partem, & à convulsione defendi cum per sanguinis ab initio statim percussio- nis effluxum, tum per purulentæ postmodum materiæ excretionem, quæ expurgatio in par- te opposita non succedit, verum recipit poti- us illa à parte ulcerata quod recipere non de- bebat, vel retinet quod expurgandum erat, siue vapor illud sit, seu humor qualitate malig- na præditus, & nervis, nervosisq; non-vulne- rati lateris partibus inimicus: quæ qualitas a- cris, vellicans, nocivæ eò faciliore viâ po- terit in parte vulnerata contrahi, quando an- gustius est foramen, quò minus sanies expur- gari possit. Quod autem latus vulneratum non æquè corripitur, medicamentis adsigno localibus, quorum vis illud efficere potest, ut partim defendant, partim per insensibilem transpirationem, puris squalorem deteriorem absumant. Possent supra dicta aliquo diluci- dari exemplo: Paralysis, quæ fit ex Apople- xia, crebrius latus tangit dextrum, quàm sini- strum, cum tamen in Apoplecticis repleatur, magis sinistra pars cerebri; expulsio itaq; in generatione paralyseos fit ad partem opposi- tam, cum plenum non recipiat, sed vacuum. Verum suo quisq; gaudet ingenio, suâ vivit o- pinione, nec omnes tamen,

--- metani

— metam properamus ad unam.

Ante octiduum Regius hujus loci præfectus Generosus Dominus Ovidius Bielke mihi retulit, non procul ab hac Civitate Pastorem habere Equum, carentem utriusq; sexus membro: quamprimum navibus nostris liberimus ad Vos dabitur aditus, Equum Generosus Dominus præfectus ad Serenissimum Regem nostrum transmittet. Nobis hîc videre nondum licuit, verum, me præsentem, per literas ad Pastorem datas avocabatur. Tu verò, Vir Nobilis, vive, vale, anna & perenna! Dabam Bergis Norwag. die 30. 7br. 1657.

T. T.

Johannes Fridericus Treublerus D.

EPISTOLA XCII.

De Lue Regiomontana & Basiliens.

THOMÆ BARTHOLINO

Hafniam,

Rescripsit nuper ad me Fridericus Hammerich Medicinæ Candidatus, auditor olim meus in Collegio privato, quod pro conciliandis Sectis in Medicina discrepantibus institueram, cui Ego misi Ideam Pestis, hic Lubecæ, pro introitu, à me publicatam: Eam scribit se

Tuæ

Tuæ Excell. cum obtulisset inspiciendam, comprobata fuisse sibiq; subtractam: sed habebit aliud Exemplar pro isto, plura namq; mittā non tantum de Ideā: sed etiam de Methodo Conciliandarū Sectarū in Medicina Discrepantium, quemadmodum etiam de Lūe Academica Regiomōtana, cujus Tractatus publicatio, jussu ipsius Senatus Academici instituta, viam mihi ad exilium paravit, quia detexi errorem Academicorum Professorum, hunc morbum neglecta causa vera curantium ab initio, undē intrā quatuordecim dies 40. circiter juvenes optimæ Indolis miserè periere: ad cujus morbi curationem cum Ego essem vocatus, DEI benedictio operationes & consilia mea beavit, ut non tantum ex ægrotantibus adhuc, plurimi intra paucos dies essent restituti: sed & Morbus ipse ex agro Academico eradicatus. Sed indignum hoc videbatur Dominis Collegis meis, ab extraneo, non Professore, palmam sibi præripi: propterea assentando & Calumniando apud aulicos, imò & apud Cives clam me denigrando, eo contenderunt, ut gratiam aulicam & multorum Civium à me declinarent, ut & salarium aulicum jam à Sexennio mihi suspenderetur, & quod maximum, & bono publico detrimentosum, ut quod pri-

vato odio post posuerunt, Publicationem Hipparchi, operis posthumum Parentis mei impederunt, suspendendo solutionem 500. Joachimicorum, ad publicationem dicti operis ante 12. annos jam à Serenissimo Electore designatorum, siquidem ob initio statim mihi invidabant, quod pro Aulico Medico fuero receptus: Sed quia propter Candidam simplicitatem non fui par, ut insidias & astutiam eorum potuerim refringere: propterea ut insolentiae & importunitati eorum me subducerem, Lubecam me contuli, atq; aulae Brandenburgicae valedixi, quia in hoc turbulento statu, utut Serenissimus Elector oretenus gratiosiss. suum affectum contestatus fuerit erga me, spes obtinendi subsidii omnis evanuit. Tabulam primam Ideae pestis Germanico Idiomate explicatam integram jam habeo, secundae Tabulae explicationem, ad medietatem usq; perduxì. Jam autem sub manibus habeo, sollicitatus à Viris quibusdam conspicuis, Tractatum de Generatione Basilisci, cujus Embryonem in Ovo Gallinae Regiononti, An. 1649. in Sabbatho Sancto Paschali, cocto deprehendi, in quo Tractatu, antiquorum scriptorum uti & recentiorum opiniones verae conciliabuntur erroneae examinabuntur: ubi etiam occasio sese

sefe offert, ut observationem Excell. Tuæ tangere cogar, quartam & Nonagesimam nonam, sectionis seu Centuriæ primæ: haud ægrè feres Vir Experientissime, si rationes præcipuè posteriori observationi oppositas induxero: hæreo enim, an sincere statuas Gallum ovum parere, quin potius credo, Te in gratiam aulicorum hanc observationem conscripsisse & argumenta ad defendendam opinionem conquisivisse. Nollem tamen te adversus me iisdem argumentis irritari: alias ego eadem nunquam tractatui meo insererem. Hisce Vale Vir Excellentissime. Dabam Lubecæ 2. Octob. An. 1657.

Amplitudinis & Excell. Tuæ
Observantis.

Ludov. Kepplerus Phil. & Med.
Doct.

EPISTOLA XCIII.

Analecta de Lymphaticis.

GEORGIO SEGERO

Hamburgum.

UBiq; Tibi semperq; es similis, & animum ab inertio otio alienum monstras. Nescit otio torpescere generosus spiritus, & per in-

vias viarum ambages, virtutis quærit diverticulum. Tu, mi Segere, inter itinerum occupationes id agis, ne peregrina studia secteris, ne vitiis aliorum assuescas, sed diligentiam solitam & in rimandis Naturæ arcanis solertiam, ubiq; tecum circumfers. Patet omnibus Natura, & coelum undiq; supra: Pauci tamen vel illam scrutantur, vel hoc acutis oculis intuentur. Sunt qui mare averfentur, & fluminum rapidos cursus innato timore expavescant, quia alienum elementum credunt, & absorberi timeant. Tu in sicco viarum ambitu aquas quæris, magnum virtutis laudisq; incitamentum. Ex nuperrimis tuis intellexi literis Nymphas tecum adhuc peregrinari, nec Lympham nostram sciendi scribendiq; sitim extinxisse. Plurimi cum Tantalo mediis in undis sitiunt, & à labris

----- *Fugientia captant*

Flumina.

Tu remis velisq; contendis, ut lympham nostram degustes variis turbinibus passim commotam. Arduum erit tantos componere fluctus, quos partim dissentendi litido, partim rei novitas & naturæ amor excitavit. Laboribus quidem par es, & ingenii acumine quævis facile permeas: Cave tamen ne nimia tui fiducia
in

in vasto hoc oceano submergaris. Undam unda trudit, & sæpe securum incautumq; insperata tempestas obruit. Validis nituntur argumentis *Glissonius* & *Whartonus* Viri perspicaces. *Horstius* Junior palmam candore meruit. *Rolfinckii* auctoritatem omnes venerantur. *Kyperi* studium, *Schenckiiq;* ingenium merito laudandum. *Pecqueti* deniq; felicitas, & pietas *Bogdani* adversantium impetus retundunt. De singulis judicium in Te suscepisti, ita tamen, ut nec modestiam tuam illi desiderent, nec de illorum rigore tu conqueraris. Prætermis-
sos video *Backium* & *Cattierium*, dignos elogio. Utriq; pro inventi applausu debeo. *Jacobus de Back* Medicus apud Roterodamenses ordinarius, in iteratâ nervosæ Dissertationis de Corde editione Cap. 5. de Lymphaticis nostris Vasis Lymphaq; illis contenta ingeniosus est. Negat primo Receptaculum vel ductum Thoracicum recipiendo aut ferendo succo lacteo propriè destinatum: dedicatum potius humori, quem semper omni tempore & maxima copia accipit & gerit, scilicet lymphatico seu aquoso, quæ quoq; est conjectura quorundam Anatomicorum Patavinorum. Deinde quis qualisve aqueus vel lymphaticus hic humor sit, inquisiturus, concludit reapse

non aquosum aut lymphaticum (nisi quoad
externam apparentiam) esse humorem, sed
sanguineum, imo sanguinem, cui non color
sed alendi aptitudo nomen dedit. Certè plus
huic lymphæ inesse, quam prima fronte pro-
mittat, alibi non semel suspicatus sum, & in
gelatinam concrefcere, si carbonibus ignitis
imponatur, expertus est *Môinichenius* noster.
Alia in sententiæ robur affert laudatus *Backius*,
nempe serum à sanguine separatum per ocu-
lorum lacrymas effundi, cum recrementis in
vesicam, intestina, aliave naturæ convenientia
loca mitti, non verò sanguineæ massæ cordi
deferendæ excrementa hæc affundi. Dubiis
istis contra *Riolanum* in Defensione nostra sa-
tisfecimus, & de utilitate hujus recursus ad cor
cum eodem *Riolano* & *Joh. Dan. Horstio* Viris
Clarissimis operoso studio disceptavimus. Ma-
jus ultimo argumento *Backiano* pondus inest:
Vasa enim nostra, quibus lymphæ continetur,
venas esse putat & surculos à venoso trunco
exortos, qui in albentes & membranosas tam
viscerum quam extremorum membrorum &
artuum partes inferantur. Ego oculorum acie
id necdum sum assequutus, Tu videas qui &
ætatis privilegio acutius cernis, & huic lymphæ
altius te immergi *S. Isaacus Cattierius* Medicus
Monspe-

Monspeliensis, in Observationibus nuperis P. Borello junctis, Obs. 18. partem chylosam & nutritiam attrahi ab hepate per lacteas venas suspicatur, secerni verò & relinqui aquosiorē ad nutritionem inutilem, eamq; in istis venulis lymphaticis redundare. Quod si ductus lactei prope hepar & in ipso hepate observentur, res confecta erit & confessa. Dispuli errorem alicubi, qui tot hactenus oculos effascinauit, & eundem pro errore meo interpretabor, si aliter mihi demonstratum fuerit. Ego Tibi gratulor, Amicorum optime, quod tuis conatibus Rempublicam Medicam tam strenuè exornes, & famam ad posteros diffundas. De statu tue sollicitos esse amicos Thoruno nuper perscripsit ad me frater tuus, quos securos esse iussi. Nisi itinerum difficultas obstarēt, mitterem meas de Variolis Epidemicis, & Secundarum Retentione Dissertationes, quas desideras, & posteriores Historiarum Anatomicarum Centurias. Sed melior aura expectanda. Vive diu orbi literato, patriæq; Tibiq;, & si in itinere suscepto Cl. Horstium conveneris, plenum humanitatis & eruditionis Virum, meam quæso in respondendo mortem excusa. Vix ab aliis negociis spiritum

traho, ut rebus Anatomicis amplius vacare
nequeam; parumq; absit, quin

Lethei ad fluminis undam,

Securos latites, & longa oblivia potem.

Raptim Hafniæ s. Octobr. æræ Christi
cIo Ioc LVII.

Impress. Hafn. 1658.

EPISTOLA XCIV.

De cancro in mamma.

THOMÆ BARTHOLINO Hafniam.

HActenus equidem post discessum meum
lex Urbe Vestra literas ad Te dare super-
fedi, non quod beneficiorum Tuorum maxi-
morum in me cumulatorum, (pro quibus &
æternas Tibi debeo grates & debebo semper)
me ceperit oblivio sed quod Te occupatissi-
mum scirem, vixq; vacare tempus ad legenda
hujus generis epistolia. Jam vero ad hasce
exarandas occasionem dedit Elisabetha Lun-
gia, inter Nobiles foeminas hujus confinii pri-
maria, quæ morbo quodam contumaci & me-
dica ferè auxilia eludenti conflictatur, eoq;
jam indies incrementum capessente, contra
eum præsidia quærit. Prolixus haud quaquam
ero,

ero in exponenda morbi historia, utpote nec Tibi ignota. Laborat tumore mammarum à nonnullis annis quem an cancerum occultum dicam ambigo, cum nec color nec calor nec dolor cancro convenientes, manifesto deprehendantur quin tamen in eum transiturus, imò proximè ab eo absit negare pervicaciter haud velim. Consilium super hunc affectum abs Te atq; Cl. Fuirenio & Mothio abhinc triennium petiit & impetravit. Suppressa ipsi erant tum temporis menstrua in quorum provocatione cardo curationis versabatur, illisq; revertètib; tumor ille imminutus est, post aliquot autem dies denuo increvit atq; repetente menstrua purgatione evanuit, verum menses inordinate & nimium sæpe fluxere & nullis sisti potuerunt remediis. Illi jam à duobus mensibus prorsus non comparuerunt, unde tumor augeri cœpit & gravius afflixit, dolore quidem adhuc satis tolerabili, qui ad scapulam extenditur & sensum ponderis deprimentis infert: lividus quoq; color in uno loco in conspectum prodit, qualis esse solet canceri qui ad exulcerationem tendit, quoniam autem majoris mali metus subest remedia quærit: quibus lapsus ulterior & canceri exulceratio inhibeatur. Ego, qui menses revocare supervaca-

neum duxi, nam quadragesimum octavum annum superavit, imo periculofum, quia verendum, ne, ut nuper, cum vitæ discrimine fluant, autor ipfi sum, ut æquivalentis loco fonticulum unum vel alterum in interna parte femoris inuri sibi patiatur, quo pedetentim humores singulis diebus evacuentur, qui alias semel in mense à natura propelluntur. Video hoc auxilii genus laudari à Galeno, qui, si supprimantur menses, Fonticulos excitare jubet approbari & speciatim cancro accommodari ab Aquapen. Exemplo verò confirmari à Sculteto in armam: Chirurgico, quibus permota assensum pene dedit, prius tamen ut Tuam ea de re sententiam rogarem petiit. Quare abs Te etiam atq; etiam contendo, ut Tuam mihi mentem quovis primo tempore significes ac si quid approbati ad extirpandum deterrimum & funestum hocce malum præterea suppetit, mihi liberaliter impertiaris. Epistolam trades Nicolao Hardero Acupictore Regio, qui habitat in vicu sagittarum (Pilestræde.) Non possum non autem mentionem etiam facere Quartanæ Epidemiæ quæ nos hic loci exercet, ac innumeros corripit: Reliqui morbi silent: Hic vero tam pervicax est, ut nullis cedat remediis, plura enim absq; fructu in usum vocavi.

Id

Id habent peculiare ut cum in morbis longis plerumq; soleant urinæ esse crudæ & tenues, in hac febre sit crassa, turbata, multum sedimenti ad fundum deponit, bolum contusum referens. Omnes etiam eodem propemodum die invadit, in aliis semper postponit, ita ut septem horis ab invasione præcedentis paroxysmi, tardius febrem accessisse observaverim. Inaudio & Hafniæ eundem grassari morbum, unde sine dubio & Tibi hujus generis ægri curandi obvenire, quapropter obnixè peto, ut, quæ ægris vestris emolumentum attulerunt, mihi contra eum nequicquam pugnanti, communices: Nam methodicam medendi rationem invalidam hic esse comperi. Plura alias, Vale felicis. & quamprimum si vacat responde. Cl Fui renio & Mothio, & Ostensfeldio, Fratriq; Tuo plurimam salutem: Dabam Neopoli 15. Octob. 1657.

T. Perillust. Exc. devotus

Michael Lyserus D.

EPISTOLA XCV.

De Morte Illustris Cancellarii, Thomæ.

BRIGITTÆ TOTTIÆ

Soram.

NUnquam avidius Stoicorum illum Principem, quem generoso semperq; laudando studio

studio æstimas, exspectavimus, quam turbulento rerum hoc statu, ubi animi tranquillitate opus est. Quidvis libenter æquo animo tolerare soleo. Cæterum quis composita mente perferat concoquatve, excessum Magni nostri Patroni, Incomparabilis Herois Dn. Christiani Thomæi, quem dum nomino, virtutem nomino & perfectum divini hominis exemplar. Non possum siccis oculis illius memoriam recolere, quem in æstimabili damno amisimus. Vivimus illi quidem nuper exequias, sed anima in cœlis, fama meritorum apud nos perennis erit. Tu vero, Nobilissima Matrona, dolorum levamen ex Annæo tuo nobis procura, datamq; fidem exsolve tandem, optimeq; non tam de Seneca, quem orbi nostro redivivum sistis, quam de patria mereberis, cui de tanto cive morumque Magistro & vitæ, meritò gratulamur. Vive diu sexus miraculum, mihiq; ad omnia obsequia promptissimo favere perge. Hafniæ XV. Octobr. 1657.

T. T.

Thomas Bartholinus.

EPISTO.

EPISTOLA XCVI.

De suspensa reviviscente.

THOMÆ BARTHOLINO

Hafniam.

P. SCHUMACHERUS S.

DIu nihil à te literarum accepi. Id totum imputo tuæ ἀγολία, nulli alii rei. Nam refrixisse amorem mei tuum non credam, quanquam cum horrore audiverim summa ista apud vos brumæ inclementia perpetuoq; Borea & Patrem Codanum diriguisse & utrumque Balthum. Ego quandoquidem video ita nos omni ictui fatorum tanquam pilas expositos esse, in hoc pulcherrimo secessu, suavissimo otio inter amœnissimas Mûsas fruens, hoc unicum ago, ut & mentem animi rerum optimarum scientia & voluntatem appetitumq; rerum optimarum desiderio tanquam viatico quodam ad utramq; fortunam commodissimo instruam, ut si ista tempestas quæ nunc quidem jactavit quas favitq; ratem, sed adhuc deteriora minatur, desævire non posset sine naufragio, possit saltem hic Cato, quocunq; terrarum rapta aliqua tabula enataverit, versatili ingenio sibi ipsi fortunam facere. Sed cujus gratia stilum huic tabulæ potissimum admovi, nunc scribam.

Anglæ

Anglæ cum sint formosissimæ & omnino tales

ut sit ἀνεμίστητον,

Τοιῇδ' ἀμφι γυναικι πολὺν χρόνον ἄλ-

γεια πάχειν,

Et si cui fortassis cottidiana facies, tamen mollicula & tenella est fere omnibus caro & totius corporis habitus delicatulus, mirum unde collo tantum robur, ut elidi non possint fauces nec suffocari, nisi fortassis dicas tergi versari animulam & invitam linguere tam suave corpusculum tuguriolum suum. Hebdomadæ sunt quasi tres cum mulier juvenicula necati partus sui rea damnata ad furcam ducitur summo mane & suspenditur. Per semi horam aut amplius uva erat pensilis, semel etiam iterumq; pedes tracta ductaq; ut eo longior fieret litera. Tandem de patibulo ponitur, & vivere comperta in hospitium deferitur; ibiq; lecto injecta lecta vena sui pariter mentisq; ac lingvæ sensim compos facta, sub vesperam somno vinoq; refocillata certissimam convalescendi spem omnibus fecit. Nec dubitabatur. Sed circa primam noctis intempestæ fedit rursus crudelis lictorum manus, rapitq; miseram rursus ad supplicium, tunc renitentem obluctantemq;; cum antea mori ne renueret quidem; agunt;

agunt, trahunt, trudent, & arbori infelici quæ
prima obvia erat suspendunt; quin fracto uno
ramo ad alium curritur, & ita demum misel-
lam animam non ejiciunt non expellunt sed
effurcillant. Simile prorsus erat quod ante
sexennium, sub hujus Judicis qui hanc con-
demnaverat Patre, contigit mulierculæ cui-
piam, quæ similem ob causam ad laqueum
damnata, cum horam integram pependisset
etiam manubriis bombardarum quas musquet-
tas vocant aliquoties pectus icta, & jam de cru-
ce rapta etiam carnificis in thoracem pectusq;
infiliæ calces experta, ut passim per os na-
resq; flueret sanguis, tamen in domum proxi-
mam deducta sanguine misso non solum, licet
tardius, convaluit, sed & mitioribus benigni-
oribusq; usæ Diis hominibusq; impetrata vi-
vendi venia etiamnum hodieq; hic vivit va-
letq;, sana omnibusq; integra ut dici solet
numeris, nisi quod lividum ea parte collum
non possit inficiari. Quod obscæno preca-
tur Euno Ausonius. Adjiciamus & alteram histo-
riam, quando quidem nunc penna imbuta est,
Capitonis cujusdam, quem Amstelodami vidi
præterito anno, cum ibi nundinarias inter ta-
bernas media in suburra oberrarem; Puer
erat septimestris à partu, statura justa, membris
tamen

tamen jam tabe aliqua evanescentibus, sed caput erat fiscus & lien reliqui corporis, cujus superior pars ab ipsis superciliis ad occiput usq; circumquaq; cum ipsis cranii ossibus ita intumuerat, ut fungum dejerares tenui scapo suffultum, aut potius cucurbitam aliquam nam nusquam dependebat aut mole sua temporibus superciliisq; imminebat, oculorum tantum pupillas aliquantum detorserat, & intra inferiores palpebras demerferat, sed æqualiter ubi extensum surgebat. *ῥέπεια* erat ulnæ unæ Brabanticæ cum quadrante. Digitis quantumvis leviusculè contrectatū cedebat illico. Mollities non prorsus qualem habet suppuratū ulcus, nec qualem vesica modico vento inflata, sed inter hæc mediæ generis. Sed nunc noctis est meridies, imo provectius quid. Interjungo equos fessos. Vale & me ama. Saluta Fratres omnes. Vale cum conjuge liberisq;. Oxonii. 18. Maj. An. 1658.

EPISTOLA XCVII.

Observationes Anatomica in cadavere

Cardinal. Meltij, & Nattæ Sectio.

THOMÆ BARTHOLINIO

Hafniam.

AD pollincturam cadaveris Eminentissimi
Cardinalis Dn. Camilli Meltii die 21.

Jan.

Jan. 1659. cum Cl. Viro Tuiq; studiosissimo D. Johanne Trullio Medico-Chirurgo Pontificio vocatus, singularia quædam in cadavere Ipsi-
us observavi, quorum brevem enarrationem hic habes, ut eâ jacturæ temporis, quam in harum lectione facis, pœnitentiâ demulceas. Septuagenarius jam menses aliquot de obtu-
so quodam dolore in dextra Thoracis parte ad Claviculam conquestus, non simplices catarrhi quamvis levioris molestias aliquoties perpeſsus, aliquam capitis debilitatem adver-
tit, quibus febris ſociam ſe ſuperaddens deci-
mo quarto ab invaſione die Ægrum è medio ſuſtulit, quam convulſio pridie præceſſit. In diſſecto abdomine nullum vitium notatu dig-
num ſe obtulit, niſi quod ſemiputridus Lien ſimplici attactu inter manus noſtras colliqua-
retur, tunica à parenchymate ſponte diſce-
dente. In Thorace ſub integumentis commu-
nibus ad finem Muſculi ſerrati minoris antici inter primam & ſecundam legitimarum co-
ſtarum abſceſſus erat non ita magnus, pure pauco, albo, æquali & minimè fætido ſcatens, quod illæſa pleura primam coſtam corroſerat ac tranſverſim diſruperat, ſine ulla tamen co-
loris mutatione: Diſtabat hic abſceſſus duos digitos à confinio primæ ſterni cartilaginis in

Zz dextro

dextro latere. Dum vixit, in cute nullum huius abscessus indicium etiam diligentissime intuentibus apparuit. Pleura sana, Pulmonis tunica abscessui propior fibris pleuræ adhærens callo obducta erat. Pulmonum substantia pure referta. In superficie Cordis vesicula erat; In Dextro Ventriculo polypi duo tendinibus mitralium Valvularum implicabantur digiti minoris crassitie, quorum unus è fundo Ventriculi in Venam arteriosam ramos aliquot spargebat, alter in Venam Cavam. E sinistro Ventriculo alii duo prodibant, variis fibris annexi Valvulis tam tricuspidibus quam semilunaribus. Major in arteriam aortam iusto ampliorem ad octo digitos excurrerat. Non tam frequentes alibi ac hic Romæ Cordis Polypos offendi, quorum delineationem non una mitto, quippe quæ parum ablulit ab ea quam olim Gottorpium vidi apud Cl Virum D. Joëlem Langeloth Tibi destinatam. Huic substitutam depictam laudati Cardinalis arteriam aortam, in qua plurima apparuerunt ossis rudimenta, qualia etiam in sigmoideis fuere Valvulis; sparsa erant hæc frustula ossea hinc inde per arteriam ad distantiam trium à Corde digitorum. Cranio aperto plusquam libra feri tenuioris inter duram & tenuem Meninges diffu-



diffusa videbatur, quo turgida pia mater solitam crassitiem quater superabat. Eodem sero sed rubicundiore Ventriculi Cerebri erant re-ferti. His perlustratis & Intestinis Urna conditis, Ventres aromatibus ex arte implevimus, ut à putredine diutius conservaretur cadaver. Quia plura capit pagina Nattæ Iconem subnectere libet in sinistra fronte Cæmentarii cujusdam in agro Romano degentis plus quam triginta annos sine damno gestatæ, nisi quod elapsa æstate grandior facta palpebram comprimens ejusdem partis oculi usum tolleret, unde prompta & expedita Cl. Trullii manus implorata est. Commorabatur æger noster in Castello Gandolfiano, quo Romanorum Pontifex Alexander VII. Vere & Autumno quotannis divertit ut gravioribus curis paulisper se subtrahat. Secefferam eo & ego hoc autumno cum Trullio meo, quippe qui dignum tanti Principis stipendium merens cæteros Aulicos comitatur. Me igitur præsentē laudatus Vir præmissa exacta corporis expiatione, cutem frontis recta linea eaq; satis longa diffindit, ut eo melius latens tumor totus in conspectum prodiret. Divulsis labiis duplici filo trajicitur tumor, ut universa moles fili beneficio suspensa felicius extraheretur; debita igitur industria

Atria scalpelli cuspidē discinduntur fibrulae quibus folliculus cum capitis integumentis connectebatur, & dictum factum totus eximitur tumor ovum Gallinae Africanæ magnitudine excedens ac vulnere sanguinem sistentibus, vicinis autem partibus defensivis prospicitur, mutata indies ex Indicationibus medendi ratione. Aeger integræ sanitati paucorum dierum, spatio sine ullo graviore symptomate optime restitutus est. Abseissam Nattam diligentius examinanti post tenuis folliculi abstractionem duplex occurrit substantia, quarum exterior vera & optima videbatur pinguedo durius quid ac osseum in sinu fovens; dempta igitur molli hac ac pingvi substantia plurima ossium fragmenta reperi sibi invicem apposita, & nonnullis in locis quasi articulata, inprimis ubi humeri videbantur incipere: antè namque rudem infantis referebat imaginem, ut in icone videre est, sub cuius capite brachia hinc inde dependent, & manus cum suis digitis, nec magna dissimilitudo crurum ab Infantis cruribus introrsum flexis. A tergo erat latior ossiculorum compages instar panni expansa, ut ad eam exiguum & enerve embryi corpus reclinaret. Osseam in dicto tumore non admiror substantiam, cuius in autorum

monumentis non infrequens fit mentio, ejusq;
olim in aureis Methodi libris ~~B~~ergamenus me-
minit, & apud Clar. Virum Cœcilium Folium
Venetiis cum Cl. Tuo Fratre D. Erasmo Bar-
tholino simile olim vidi, & passim occurrit,
sed quod è capite infantis figura prodire vo-
luerit, sublimiorem videtur mereri disquisitio-
nem, quæ Minervæ è Jovis cerebro nativita-
tem è fabularum numero eximet, relictisq;
Mythologis, veris Naturæ Mystis uberem dabit
materiem in qua Ipsorum ingenia & calami
dignè occupari poterunt. Interea delicti ve-
niam peto si tædiola epistolii prolixitate gra-
viores Tuas curas interruperim. Supplex Di-
vinum veneror Numen post tot sævientis Bel-
lone furias auream dulcissimæ Patriæ pacem
restituatur, Teq; cum Clarissima Tua familia
quam multis nominibus saluto diu in columnem
fervet. Dabam Romæ 12. Novemb. 1659.

T. E. Disc. obs.

Henricus à Mòinichen.

EPISTOLA XCVIII.

De Colo. nivario.

THOMÆ BARTHOLINO

Hafniam.

Consuetudo nuper tua, vir eximie, pluri-
mumq; honorande, brevis illa quidem,
jucun-

jucundissima mihi tamen fuit. Jam ab annis aliquot ex præclaris tuis scriptis, quæ in usum veritatis studioforum magna cum laude edidisti, singularis tua eruditio mihi innotuit; & non satis commendanda modestia, animique tui bonitas, qua emines in doctis

Tanquam lenta solent inter viburna cupressi, Te arctissimo amicitiae vinculo mihi conjunxit. Itaque non sine maxima voluptate tecum nuper, cum domum ad te salutatum venirem, fui. Locuti non nihil tum, ut ferebant temporis angustiae, inter nos sumus de studiis antiquitatis, & quæ utriq; nostrum, qui studia illa post graviora quoq; colimus, inchoata, & affecta ad editionem. Inter quæ erat elegantissimus tuus liber *De usu nivis medico*, qui hunc sub prælo gemit. Quem cum mihi inspiciendum præberes, avide legere cœpi; incidiq; in Caput ejus, ubi l. In argento. 21. D. De auro arg. mur. explanas. Arrisit labor. Monui, membranaceum Codicem, quo olim sum usus in Commentario ad lib. 1. Digestorum, à vulgata, Accursii, & aliorum lectione abire. Id ut scripto tibi significarem voluisti, & ego in me recepi. Scias igitur in eo legi: *veluti colum vinarium*. Quæ scriptura etsi absurda non est, & Plinianâ lectione Lib.

XXIV. Cap. I. aliquo modo juvari potest (ubi veteres membranæ, melioresq; libri editi, pro *nivarios*, legunt, in *saccos vinarios*) mihi tamen communis lectio magis placet, tum propter sensum legis, tum vocis explicationes ab Alciato, Politiano, Ælio Anton. Nebriss. Hotomanno, & aliis adductas. Causa quæ sit, cur in libris ab indoctis hominibus descriptis legatur: *nibarium*, & apud Charondam *nirarium*, tu, qui ea in re multa exercitatione edoctus es, non ignoras. In cæteris, quæ ad institutum tuum pertinent, *ἡρέχω*, & à sapientibus monitus circumspecte ago, & quidem notissimi illius carminis memor:

Navem agere ignarus navis timet: abrotonum ægro.

Non audet qui non didicit dare. Quod medicorum est.

Promittunt medici: tractent fabrilia fabri.

Quod præceptum si ob oculos quidam, sibi proponerent, falcẽm profecto in alienam messem non mitterent, neq; res longe supra ingenũ ac scientiæ suæ captum positas profanis manibus, id quod multi hodie faciunt, invaderent. Ego divina gratia didici, meo metiri modulo ac pede: alii sua curent. Quibus solus medicinam facere potest omnium, mode-

moderator Deus. Quem rogo ut te quam diutissime sospitet, mihiq; tantum amicum servet. Dabam Soræ IIX. Calend. Octobr. clō Ibc LX.

T. Studiosiss.

Henricus Ernstius.

EPISTOLA XCIX.

De Unguibus monstrosis.

THOMÆ BARTHOLINO

Hafniam.

Veneror absens eximias & incomparabilis ingenii tui dotes, animi candorem & affectus constantiam, nec unquam agnoscere desinam grata mente & voce illam qua me præsentem excipere dignatus es humanitatem & benevolentiam, Deum ter Optimum Maximum piis precibus obtestatus Excell. D. Te Patriæ ornamēto, rei literariæ bonisq; omnibus emolumento diu superstitem conservet. Interea promissi non immemor omnino per præsentium exhibitoem Albertum Genschenium liberorum Illustrissimi Præsidis nostri Præceptorem ad vos jam jam iturum monstrosarum manuum Icones una cum abscissis 3. digitorum partibus horribili quadam *παραφύοδος*

protrusis, transmitto, reliquorum major pars in loco humido putredini magis obnoxia incredibilem vermiculorum alborum lumbricos teretes externa forma æmulantium copiam produxit, sensibus externis parum gratam. Historiam ipsam quod attinet sic se habet: Quatuor abhinc annis Virum in publico mendicantem robusto satis corpore, staturæ proceræ offendi, nomine Christianum Jani annorum 82. ex Paræcia Wiumb / in pago Esfærbæd 2. abhinc mill. distante natum, qui cum manus mihi illa qua vides forma exhiberet videndas, causam rogatus, respondit: Ante aliquot annos gravi morbo diu se afflictum cum continuis vigiliis & totius corporis molestissima inquietudine ex quo tandem convaluit: Sequenti vero æstate cum pedestri itinere aliquando defatigatus quieti se dedisset & sub Sambuco prope Aafær somno profundo obrutus post aliquot horas evigilasset, gravissimos denuo sensisse dolores capitis, totumque corpus intumuisse retulit: Leniendis doloribus piam operam adhibuisse Dominum Christianum tunc in Sarring & Hallind Pastorem, breviq; post tempore in horrendam longitudinem cornuum instar Ungues excrevisse cum fetida exulceratione manuum; totiusq; corporis

poris Scabie ad Lepram accedente, Rhandrusii post aliquot menses à Chirurgo Martini nomine præcisas sibi fuisse tortuosas Unguium excrescentias, quæ tamen intra aliquot hebdomades in eandem denuo longitudinem accrevēre, toto alias corpore dolebat quod virulenta sanie continuo hinc inde difflebat, miserando prorsus & horribili spectaculo, ejus exemplum hætenus nunquam vel vidisse vel legisse memini, Tu vero Vir Excellentissime, cui quæ rara aliis obvia sunt & vulgaria, quæ so per veterem amicitiam quæ nos intercescit quid de tali casu censeas, tum vero de Sambuco cujus umbram damnare solemus, quamphurimi vero nostratium Sagarum Veneficiis & Magicis artibus frequenter adhiberi referunt, eoq; ipso suspectissimam habent quid judices, mecum communicare digneris, vix enim mihi persuaserim ὅτι θεῖον quod in morbis divinus senex occurrere scribit, hic abesse. Plura non addo nec possum angustia temporis præclusus nisi ut valeas. Tuam, tuos tuasq; omnes, officiosissimè ex me salutes, & ubi otium fuerit catalogum operum tuorum mihi transmittas. Ripis 20. Dec. 1659.

Exc. D. T. ὅλος ὅσος

Ludovicus Pouchius.



ejectum tantum fuisse ex hominum consortio,
 five subditorum rebellione, five proprio &
 spontaneo exilio ad solitariam hanc vitam
 damnatum: Comedisse fœnum, bovis in mo-
 rem. Bovinos igitur mores induit, & negli-
 gentia cultus, in tantam longitudinem pili
 ungvesq; excreverunt, quæ quadam similitu-
 dine aves referebant. Quæ propria fuit Na-
 bucadnesaris confessio ad se tandem elapso
 septennio reversi; intellectum nempe sibi re-
 diisse, scilicet morbo laboravit, quem aliqui
 insaniam vocant & furorem, rectius *Vallesius*
 de sacr. Philos. c. 80. melancholiam, qua sibi
 imaginabatur, se in bestiam immutatum, ideoq;
 herbis pascendum, quod insanæ imaginatio-
 nis genus plurimos afflat, qui quidem succo
 nigro melancholico abundantes fingunt eâ
 quæ nusquam neq; picta neq; scripta, & timent
 quæ timere non debent, ideoq; se plerumq; ab
 hominum etiam amicissimorum consortio
 secludunt. An istam insanam melancholiam
 nativum temperamentum concitarit, an aliæ
 externæ causæ à Deo superbiæ vindicæ,
 non æquè liquet. Nimis audacter Jo. *Vierus*
 L. I de Præstig. Dæm. c. 24. & lib. 4. cap. I.
 maleficio Diaboli inductam Nebucadnezari
 insaniam asserit, quo nomine rectè vapulat à
Godel.

Godelmanno de Lam. *Bodinus*, quod alium sensum *Viero* affinxerit. Diaboli autem nulla in sacro textu mentio, nec revera eo honore dignus est, quem à multis obtinuit, qui plurimorum causas & tormenta illi attribuunt. Verissimè enim cum B. *Augustino* Lib. 18. de Civit. Dei. cap. 18. credimus omnipotentem Deum omnia posse facere, quæ voluerit, sive vindicando, sive præstando, nec Dæmones aliquid operari, secundum naturæ suæ potentiam, nisi quod ille permiserit cujus judicia occulta sunt multa, injusta nulla. Deo solo hæc de Nebucadnezare vindicta sumpta tribuitur Dan. 4. v. 28. & 34. qui vel mentem superbi Regis turbavit ipse, vel causis secundis seu melancholiæ nativæ vim suam reliquit. Et certè sanæ mentis ante non fuit Rex, alioquin tanto supercilio opera sua supra Deum non extulisset. Unde continua rerum maximarum cogitatione accensi humores & adusti, sequuturæ insanæ melancholiæ occasionem dederunt. Hanc insaniam vocat lupinam aut caninam *Aëtius* tetr. 2. Serm. 2. cap. 11. & melancholiæ speciem esse rectè monet cum *Agineta* L. 3. c. 16. ubi & quædam annotarunt, quæ & Nebucadnezari & nostro seni conveniunt. Nocturno Mense Februario exeunt. Quia homines fugiunt,

giunt. Mense quoq; Februario noctes sunt longiores, quibus in hac solitudine pererrent, quanquam *Arculanus* de veris principio interpretetur, quo humores melancholici moventur. Reliqua signa, pallor in facie, oculi cavi, sicci sine lacrymis, imbecilles, lingua sicca calidi humoris atq; excessum notant, & vultum deformem. Tibiæ exulceratæ incurabiliter dicuntur propter assiduos casus & canum morsus, quod signum in tuo senē comparere credo, non quod vel ille vel illi, de quibus *Paulus* & *Ætius*, externis tantum injuriis obnoxii sint, sed quia naturæ beneficio, atræ bilis succus pravus ad exteriora cutis propellatur, ulceraq; maligna & ægerrimè curabilia excitentur. Eodem naturæ auxilio & instituto, non tantum pilos in Nebucadnezare prolixos enatos legimus, sed & ungues avium instar excretos. Quia critica quasi expulsionē corpus paulatim à succis pravis liberatum fuit, donec critico anno septimo, prorsus sanitati Dei beneficio, Regem in pœnam & sanitatem deformantis, restitueretur. Irrigationes deniq; capitis uterq; ante laudatus author, in hoc casu laudat, quas opportunè Nebucadnezar excepit, à rote cælesti. Tuus Senex unguibus Regem extorrem æmulatur, & morbi causa. Succus sæculentus, crassusq;

crassiusq; vi prioris morbi gravis, critice quasi ad extrema expulsus, in universo corpore scabiem lepræ affinem; in manibus ungulas produxit. Benignior verò est hic succus in sene, nec ad insaniam tantam sufficiens quanta Nebucadnezarem afflixit, partim quod Senile corpus frigidius sit temperandisq; humiditatibus calidioribus peropportunum, unde hic vester Senex capite velato fertur incedere ad arcendum frigus, partim quod morbum magnum Criseos instar insequutus sit, partim deniq; quod pauperculus homo minus sibi tribuit, quam nimia fortuna elatus sed Deo infensus Rex. Fateor juxta tecum simili alio exemplo hoc exemplum carere. Nebucadnezaris ungves avibus simulantur, dubio procul quod vel negligentia hominis insani resecti non fuerint, vel copia succi atrii crassiq; continuum incrementum sumpserint, adeoq; & in immensam longitudinem & figuram incurvam excreverint. Nostri senis ungves, cornua potius dicenda, quæ solent passim in corporibus melancholicorum luxuriare, de quibus in observationibus de *Unicornu* plura annotavi. Ungves videntur in senibus omnibus magis crescere, quam juvenibus, quia non deterunt sicut juvenes, ut suspicatur *Fallopins* de Part.


Sim. c. 18. Sed abundantior succus huic semper ungues armat. Incurvantur in pulmonum ulcere, more ferarum, unde tale ulcus *θηρίων* appellat *Galenus* in 6. Epid. com. T. 24. In hoc vero incurvantur propter longitudinem & dritiem. Antequam enim productior fit unguis, non curvatur. Crassi quoque sunt ut digitum quemque suum crassitie æquent. Observavi non semel ungues tumidiore crassioresque, in scabiosis præsertim ob succorum pravorum copiam, sed nunquam ad illam longitudinem protenduntur, ut ungviæ muneris à *Galeno* descripto & *Hippocrate*, nempe apprehensioni commodæ desint. Asperos quoque habuit *Aquapendens*, qui iccirco in Operat. Chirurgic. Vitro scalpit & deradit. An tales ungues sint Scabiosi, de quibus *Oribasius* l. 3. Synops. vel leprosi, quos *Galenus* lib. 8. simpl. med. fac. pice cum cera eximit, Tibi rerum medicarum peritissimo expendendum relinquo. In leprosis certe non ungues, sed ungulas appellat *Constantinus* Monachus & *Isaci* Plagiarius in tr. de genere leprarum. An vero Sambuci vitio vitium hoc contraxerit, non ausim affirmare. Potius virtutis Sambuci adscribenda hæc crisis, qua prioris morbi vel causæ vel reliquæ ad habitum corporis & extre-

trema

trema artuum provocatæ summo senis miserrimi emolumento. Tantum enim abest Sambucum ulli esse noxiam, ut tota potius sit & vocari debeat bona. Vulgus quidem nostrum nescio qua religione Sambucum ex hortis non audet eradicare; nec ego, non ulla superstitione, sed ne tam salutari arbore hortus noster careat. Catalogum operum Tibi mitto ad oleum & piper condemnandum, si ita visum fuerit, aliis usibus enim vix inserviet, nisi ut videas, quid amicus tuus hactenus nugatus sit, & quid huiusmodi nugis chartaceis meritis sit, hoc est, Seculi invidiam & ingratos mortales. Vale amicissime Pouchi, cum lectissima conjuge, meq; ama. Hafniæ
VI. Febr. clō Idc LX.

T. T.

Thomas Bartholinus.



INDEX RERUM

in

Centuria I. & II. Epistolarum

Med. TH. BARTHOLINI

contentarum, collectus

a

CHRISTOPHORO FRISIO Erfurtense.

A.

- | | |
|---|--|
| <p>A Bdomen insignis
puellæ, 663. seqq.
Abdomen perforatum
pro excrementis, 669.
(ex) Abortu crebro
vagina uteri mon-
strosa, 701. 702.
Abscessus in thorace,
721.
Aër an primum perspi-
cuum? 75. conden-
satio ejus quomodo
fiat? 315. 318. æthe-
re agitatur, 424.
an condensari pos-
sit? 423. 424. 426.
427. an pellatur mo-
tu thoracis? 319.
Æthnæ montis Siciliæ</p> | <p>historia, 218. seq. in
ejusdem incendio
caput rustici cum
mitra repertum, 219.
Agyrtarum in corpus
humanum levitia,
679. 680.
Albedo lucis naturæ
affinis, 64.
Alcis caro, 374.
Alkahest, 574. 575.
Anatomia Canum,
quidque in iis mon-
stratum? 538. 539.
Gravidæ & Embryo-
nis, 587. Helms-
diana, 483. 570.
Anatomia Castoris 27.
Bronchoceles, 689.
Calculosi, 684. Psit-
taci,</p> |
|---|--|

INDEX.

- taci, 684. Martium, 685.
- Aneurysmatis historia 270. 271. & dubia, 272. an tuto secetur? 357.
- Angina puerorum Neapoli epidemica, 205. 225. contagiosa, ibid. remedia, ibid. an Laryngotomia conveniat in ipsa? 332. seq. 340. seqq. frictio posset institui, 334. etymon ejus & synoma. 336. quare *κυνάγχη*. Hippocr? 337. quare linguam eâ detenti exserant? ibid. epidemia sæpius & quare? 338. Puerorum angina Neapoli an garrotillo Hispanis, 339. 340. multos affectus secum habet, ibid.
- Animalis ignis à pinguiissimis chyli partibus alitur, 451.
- Antiquitates quomodo conservatæ? 391.
- Antrū Proserpinæ, 221.
- Apologia Autoris pro Dissertat. de Cruce 420. Bogdani pro Autore, 517.
- Apoplexiæ peculiaris quædam causa 5. ex Cartesii hypothes. alia, 327.
- Apostema in abdominis musculis hypochondrii dextri casus, 542. 543. 544.
- Apostematis aperiendis Aculeus Pastinacæ marinæ, 206.
- Appetitus quædā causa ex Kolhansio, 576.
- Aqua corticum fabarum remedium optimum calculi. 238.
- Nocetiana pro tem-

INDEX.

- perando sanguine, 211.
- Aqua in pericardio 288. 295. unde? 652. in Thorace 298. 299. in Hecticis an multa reperiatur? 681. 682.
- Aquæ medicatæ Gallicæ, 36.
- Aquæ potus in bile. 469. ad purgans pharmacum. 471. an tutus usus? 472.
- Aquarum fluxus, 292.
- Armillæ ex lapidibus muliercularum Melitenſi 224. In L. de Armillis Veter. Notæ 694. ſeqq. reſponſio ad eas. 698. ſeqq.
- Asperæ arteriæ cartilagines confuſiores in pueris, 333. 334.
- Arteriarum & venarum fabrica diverſa cur? 173. 176.
- Arteriarum ſectio quare periculofa? 176.
- Arundo an de caule dici poſſit? 361. 398. 399. ſolida etiam eſt ibid.
- Arundo quo acetum Chriſto porrectum, quid fuerit? 361. 362. ſeq. vid. calamus.
- (in) Arthritico ſynovia articulorum ſubrubens viſa. 640.
- Aſtra nova unde? 51. 80.
- Auditus inſtrumenta. 245. figuræ 256. ſeq.
- Aves Æthiopicae Unicornes, 108. 112.
- Avis Paradifiaca cum pedibus 20. 95. Topau, 369. 372.
- B.
- Balenæ Narhual Cranium. 370. dens unus, qui pro Unicornu

INDEX.

Cornu habetur. 373.	Buffolinæ vulvæ ufus,
ubi capiatur? ib.	206.
Balnea Galliæ 36. Pute-	Byffus vera Veterum,
olana, 233. 234.	470.
Barbiton forum nume-	C.
rus Neapoli, 204.	Cadaveris fufpenfi cu-
Bafilifcus interdū con-	jusdam fudor fang-
funditur cum Vipe-	vineus 441. revivi-
ra. 134. quid fit?	fcantis! Anatome,
135. ejus embryo 706	718.
Bezoar minerale Cla-	Cadaverum calor diu
ramontii 202. lapis	fubinde fuperftes.
Bezoar occidentalis	300. 301.
Insignis, 656.	Calamus feu Arundo
Bibliothecæ S. Johan-	in Cruce Chrifti
nis Carbonarii Mfta	quid? 379. 380. 383.
203. Bibl. Samuelis	395. 396. 398. 399.
Petiti 409.	400. 402. 403. Con-
Bizontes Unicornes,	ciliatio Evangelifta-
113.	rum 404. 405. 406.
Bogdani fcriptum pro	407.
Autore, 547. feq.	Calamus an differat à
Brigittæ Tottix enco-	Syringa? 399. quo-
mium 442. illius	modo à Ventis nu-
Seneca, ibid.	triat? 400.
Bronchocles anato-	Calamus aromaticus,
me, 689.	395.
Aaa 4	Cal-

INDEX.

- | | |
|---|--|
| <p>Calcaria posteriorum
seculorum inven-
tum, 102.</p> <p>Calculi in fellea cysti
varii, 254. alibi in
palato & umbilico
ipso, 258. de Calcu-
lis Renum Consul-
tatio 33. seq. Calcu-
losus affectus Auto-
ris, 238. remedium.
ib. an vomitus con-
ducat, 238. 239.</p> <p>Calculosi Anatomia.
684.</p> <p>Calculus ad ovi ma-
gnitudinem circa
osseam acum col-
lectus. observatio,
688.</p> <p>Calidi innati fulgor vi-
talis 65.</p> <p>Cantharides, 21.</p> <p>Capitis puerilis ingens
tumor. 720.</p> <p>Carnosæ & glandulo-
sæ partes apostema-</p> | <p>tibus & exulceratio-
nibus obnoxia. 253.</p> <p>Caro lucens 18. unde?
ib 19. 42. seqq. 57. 58.
seqq. 85.</p> <p>Canes an angina infe-
stentur? 337.</p> <p>Canes currum trahen-
tes & molam, 661.
662.</p> <p>Canes Melitenses, 225.</p> <p>Canis carcharias cau-
da natantium pedes
amputans 215. mari-
nus, cornutus, Haa
Danic. 373. ejus cor-
nu usus, ib.</p> <p>(de) Cartesio judici-
um 409. disputatio
ejus 197. philoso-
phia, 527.</p> <p>Cartilago tertia lateris
dextri duplex inven-
ta, 640. ensiformis
triplici foramine
pertusa, ibid.</p> <p>Cassia Americana pur-
gandi</p> |
|---|--|

INDEX.

- gandi facultatis ex-
pers, 8. 12. differen-
tia ab orientali, 8.
- Cataniæ in Sicilia quid
observandum? 218.
- seqq.
- Caput honoratum an
verè dicatur? 352.
- Castoris Anatome, 27.
- Catarrhus suffocativus
à polypo cordis,
683, 684.
- Caudæ equinæ caulis
quomodo arundo
dicatur? 398. 399.
- Cavea sepulchrorū, in
qua 24. horis corpo-
ra absumuntur, 204.
- Cels. Mf. 23.
- Centrina piscis cornu-
tus, 373.
- Ceram albificandi mo-
dus Gallicus, 37.
- (in) Cerebro centrum,
324. 325. ex porrecti
cerebri figura, 324.
- in eo serum multum
subvirescens obser-
vatum, 474.
- Cerebrum recens mac-
tatorum pecudum
nitens, 116.
- Chalybis præparati u-
sus in obstructioni-
bus, 438.
- Chelidonii lapides, 438
- Christiani Thomæ
mors deploratur, 716
- Christi corpus tempe-
ratum, 299. nihil in
eo pravorum humo-
rum, 287 288. sano
sensu accipiendum,
299. 300. incorru-
ptibile est, 295. à
morte frigus id non
statim invasit, 300.
- Christi statura, 387.
pulchritudo, 458.
459. 460. Vultus an
exactè repræsentetur
in numismatis,
458. deformitas quæ
ipsi ascribatur? 459.

Chyli in sanguinem
mutatio quatenus &
quomodo fiat? 504.

Chylus an instar puris
generetur, 606. dif-
ferentia chylo-
rum in
ventriculo, intestinis
& lacteis, 607. sang-
vine misceri in me-
seraicis negatur, ib.
menstruo mixtus 575
quare non recta ad
cor? 576. via ejus-
dem, 445. 446. 449.
450. 451. 591. 594.
semita ad mammas,
581. an ad uterum fe-
ratur pro foetus ali-
monia, 593. 594. via
ad uterum, 612. 418.

Chyli receptaculum
novum, 445. 446.
449. 455. ejus & du-
ctus Thoracici in-
ventor, 591. demon-
stratum, 539. 568. an
par sit omni chylo

recipiendo? ibid. du-
ctus ex eo deorsum,
ibid. receptaculum
ejusque vasa jejuno
ventriculo singula-
rem liquorem ape-
ruerunt, 573. 574. ibi-
dem modo chylus,
modo lymphæ, 590.
591. 600. 604. 622.

Chyli receptaculi loco
in homine glandulæ
tres, 471. 525. 526.
514. 515. 516.

Circulatio sanguinis
admissa, 13. in dubi-
um vocata, 16. 106.
hujus Autor. 115.
dubia, 173. soluta,
176. 177. ab Autore
in Anatomien intro-
ducta, 479. 480. ele-
ganter ostensa, 601.

Circulatio sanguinis
duplex Liceti, 125.
126. 235. in dubium
vocata, 145. 146.
asserta,

INDEX.

- afferta, 150. seqq. de
 eâ judicium, 173.
 174. 176. dubia, 272.
 273.
 Cobalti, 18.
 Coccojes insectum no-
 ctu lucens, 121. 122.
 liquor inde paratus
 noctu lucens, ibid.
 Coccum galeaticum,
 & phoenicinum li-
 num quid? usus in
 hæmorrhoidibus,
 335. 347. 348.
 Coctio non fit in in-
 stanti 504.
 Color Coccineus &
 Hysginus an diffe-
 rant? 348.
 Color Corporum un-
 de? 62.
 Colūbus marinus, 206.
 Columna sangvinem
 sudans, 440.
 Colum nivarium in
 Digestis vindicatur,
 748.
 Cometa & nova sidera
 unde? 51.
 Conchæ venereæ. 21.
 Dactyli figura 120.
 anatiferæ. 206.
 Conchylia petrificata,
 215.
 Concicula apud Mar-
 cellum, 695. 696. 699.
 700.
 Consensus & Dissensus
 Autoris cum aliis,
 689.
 Consensus partium,
 541. 542. exempla,
 ibid. seqq.
 Contus Navicularum
 genus apud Veteres.
 312.
 Convulsio unde ex
 Cartesio, 325.
 Convulsionis oppositæ
 partis in vulnere
 causa. 702. 703.
 Cōvulsivi motus spon-
 te cessantes 33. cu-
 ratio illorum ibid.
 an

INDEX.

- an diabolica? ibid. Corda novem Hiero-
 Copulæ ET Vindiciæ glypticum Dani-
 Severini, 244. cum, 103.
 Corallia albicantia & Cordis polypi, 722.
 friabilia reddidit li- Cordis ventriculi tres
 quor in Chyli rece- Aristoteli falso, 147.
 ptaculo & vasis e- 148. afferuntur, 155.
 jus, 574. 156. 157. seqq. obje-
 Corallia rubra in pre- ctionibus satisfi, 163
 tio apud Orientales 164. seqq. dexter an
 117. sit ob pulmones, 167
 Corallium duplex, 216. 168. 171. in iis carun-
 Cor Catuli Hyænæ mi- culæ in phthificis ii,
 cans, 116. 273. circa basin ex-
 Cor quo temperatius, crescentia carnea,
 eò minus feri discu- ibid. os in corde,
 tit, 299. ad refrige- 273. Polypus catar-
 rium osculis vaso- rhum suffocativum
 rum in cute utitur, efficiens, 683. 684.
 334. ejus & pericar- Cordis usus sanguifica-
 dii sensus, 303. cor- torius, 446. 450.
 rupto corde aliqua 465. 647.
 parte an animal vi- Gordis Vulnera non o-
 vere possit? 296, 304. mnia lethalia, 304.
 Cor solidum densumq; Cornu Ammonis, 95.
 Drusi, 272. cartila- quid sit? 97.
 gineum, 273. Cornu Aureum, 22.
 Hiero-

INDEX.

Hieroglyphicum	Corpus leve facilius
Danicum, 44. 52. 56.	comprimitur quam
57. 60. 61. 92. 97.	propellitur, 426.
Cornua Florentina, 57.	Cranium crassissimum
95. 102. 103. leporis,	humanum. 640. leporis
652. 653. 654. 655.	Cornuti, 653. seqq. Psittaci, 684.
656. ejusque cranium,	ibid. 685.
Cornua Rhinocerotis & Monocerotis, 215.	Crania humana, quibus
sæpe imponunt Gazellæ cornibus,	216. futura sagittalis ad nares
Cornutorum historiae,	porrigitur, 570. alia singularia,
94. 97.	588.
Cornuti filius Cornutus,	Cranii vulneris observatio,
126. arte & mangonio redditus,	385.
174.	(de) Cruce Prudentius explicatur,
Cornuti galli gallinacei,	350.
247.	Crucifixi imagines sanguinem fundentes,
Cornutus Chemicus suspensus,	440.
439.	Crucisalum apud Plautum,
Corollæ precariæ ex Sale gemmæ,	351.
231.	Crura Latronum ad Crucem Christi an per equites vel pedites milites fracta?
Corporis humani partium divisiones genericae,	394.
252.	Cruz

INDEX.

Crux Christi an inventa fuerit? 390. 391.	(de) Dæmonibus sententia Platonico-
392. diversa à patibulo 16. dubia de	rum 14. 15. non sunt
Cruce Salvatoris	Pygmei 18. quid sint ibid.
378. seqq. de vehiculo & suppedaneo	Deliriorum causa, 327. 328.
ibid. 388. 389. 390.	Dens Balenæ pro Unicornu habetur, 373. 579
altitudo crucis 386.	(ex) Dente Rhinocerotis poculum, 375.
387. 388. 389. 390.	Dentibus purgandis cornu Canis marini. 373.
392. 393. 394. an in ea scalæ adhibita?	Dentium naturæ cavitas non repugnat. 375.
393. 394. an in iacentem vel erectâ Christus fixus? ib.	Diabolus an in substantia malus? 613. seqq.
Crytalli pustulæ. 139. 140.	an redire possit ad beatitudinem? ibid.
Crytallus in Sicilia 221	Diaphragma laborans inflammatis costis, 544.
Curatio Diabolica 33.	Dies morbi quomodo incipi-
Currus artificiosus spontè mobilis 660.	
Cutem non esse adæquatum tactus organon. 252.	
D.	
Dactylus piscis lucens quare? 120.	

INDEX.

incipiant & defināt.		Ductus hepatici aquosi	
	235.	seu serosi,	506. 507.
Diminutiva non sem-		562. anastomosis	
per diminutionem		eorum & venarum	
significant.	696.	lactearum	506. Mo-
Dissensus Scriptorum		dus sectionis,	507.
N. T.	405.	508. 509.	
Dyspnææ quædam		Ductus salivales,	648.
causa.	544.	E.	
(ad) Dolorem dentium		Ebenbeterus Arabs;	
Dens Rhinocerotis			370.
	374.	Edda quid?	375.
Doloris capitis insig-		Electuarium Diatarta-	
nis ex verme cura-		ri P. Castelli,	215.
tio.	641. 642.	Elg quid Scaligero?	
Doloris gravis pecto-			374.
ris quædam causa,		Elixir pestilentielle præ-	
	544.	servativum Lange-	
Domus mirabilis	660.	loti,	536. 537.
Draco serpens,	182.	Elixir vitæ F. Donati &	
	186.	Claramontii,	202.
Draconis cornuti sce-		Embryo amygdalæ	
leton,	190.	magnitudine,	688.
Dubia in Anatomie		Embryonis anatomia,	
Authoris,	308. 309.		587.
316. 317. responsio,		Empyematis curati ite-	
321.		rata sectione ele-	
		gant	

INDEX.

- | | |
|--------------------------|------------------------|
| gans casus, 674. seq. | Filum purpureum |
| Epidermis an pars sit? | quid? 335. |
| 252. | Flamma unde lucem |
| Equi Colossi caput æ- | habeat? 71. |
| neum, 204. 205. | Flos æris, 37. |
| Equites veteres an subi- | Fœmina hirsuta & bar- |
| ce pedaneo carue- | bata, 668. pinguis, |
| rint? 388. 389. | vide abdomen. |
| Equus utriusque sexus | Fœtus an chylo nutria- |
| membro carens, 704. | tur per os? 593. 594. |
| Erysipelata Neapoli | Fœtus biceps, 201. |
| Endemia: 205. | Fons Melitæ pro Po- |
| Extenuatio pinguissi- | dagricis Nephriti- |
| morum, 666. | cisq; 226. |
| F | Fons olei Gallorum, |
| Febrium remedium U- | 37. Zancle Messi- |
| nicornu, 579. | næ, 217. |
| Fellea cystis multos la- | Fontes pneumatici, |
| pillos variosq, con- | 424. 427. |
| tinens, 254. | Fonticulus an in can- |
| Fernelii Epitaphium, | cro conveniat, 714. |
| 306. 307. | G. |
| Fictilia ex terra Meli- | Galenus Græcolatinus |
| tensi, 224. | Chartierii, 24. Hof- |
| Ficus ex pariete, 225. | manni, 569. |
| Ficus opuntia folii re- | Gallus tripes, 669. o- |
| solutio, 269. | vum pariens, 707. |
| | Gam- |

INDEX.

Gammarorum reliqui-	ea deprehensum ib.
æ in tenebris lucen-	Glandulæ pinealis usus
tes; 354.	Cartesianus, 323.
Garrotillo Hispano-	324. seqq.
rum qualis morbus	Glandularum vasa se-
puerilis? 339. 340.	rosa quomodo in-
Gemmæ cur fulgeant?	ferantur & disper-
63.	gantur? 509. 510.
Generatio Harvejana,	511.
454. de eâ judici-	Glasto planta, 224.
um, 470. 472.	Glossopetræ Melitenf.
Plempii, 526. 527.	224. an metallica,
Gibbositas Virginiste-	corpora? 240. 241.
neræ, 595. seqq. cu-	Gossypii poma Melitæ,
ratio, 598. 599.	224.
Gigantes in Insula Me-	Gratulatio Nuptialis ad
litā, 225.	authorem, 429.
Gigantis tibia, 570.	443.
Glacies unde? 64. 76.	Gravidæ Anatomia,
Glandulæ lombares &	587. 687. 688.
lymphaticorum	Gravidatio foeminæ
cum iis commerci-	absque Viro, 88. fa-
um in hecticis de-	bula est, 90.
monstratum, 631.	Gryphis ungula 438.
Glandula mesenterii	Guteli, 18.
magna, 4. quid A-	H.
scellio? ibid. quid in	Hæmorrhagiam fre-
B b b	quen-

INDEX.

- quentem narium Hepatis & lienis cōpu-
 Empyema secutum, latio, 254. situs in-
 674. 675. seqq. versus deprehensus,
 Hæmorrhoides an di- 473.
 cendus morbo? 565. Hepatis situs mutatus.
 Hasta & machæra ad 542. & annexio co-
 crucem Christi, 379 stis nothis unde-
 380. 395. quaq; 544. hepar
 Hectici observationes sine vesicula fellis in
 anatomicæ, 631. calculoso, 684.
 Hecticis an aqua Hepatis usus, an sangvi-
 multa in pericardio ficatorius? 445. 446.
 colligatur? 651. 449. 450. 463. 465.
 652. 567. 568. 584. 590.
 Heinsii morbus, 489. 600. 686. an in eo
 Heliotropii radix. 263. exortus venæ cavæ?
 264. 584. non esse vena-
 (de) Helmontio judi- rum principium de-
 cium, 332. monstratur. 585.
 Helmstadiense Audi- Heurnii mors, 489.
 torium Anatomicum, inq; eo effigies
 anatomica, 483. Hieroglyphica Danica
 484. 92. 103.
 (in) Hepate materia Hipparchus Kepleri.
 quædam albicans 706.
 586.

(de)

INDEX.

- (de) Hofmanno judi-
cium, 330. 432.
Hortus Messanensis,
214.
(de) Hydrope accla-
matio, 290.
Hydropicorum in ca-
daveribus caruncu-
læ in Cordis ventri-
culis inventæ, 11.
Hypochondriacus
morbus Messanen-
sium, ejusq; reme-
dia, 215.
Hyssopus Christo in
Cruce propinata, 290 294. an frutex,
vel calamus, 359. 361.
363. seq. 382. 393 398.
402. 404. 405.
Hyssopus veterum an
alia à nostra? 360. 364
396. quare ~~non~~ Dio-
scoridi? 360. 361. 365.
nostra differt ab o-
rientali & Diosco-
ridis 407. qualis in
- Syria conspecta? ib.
usus apud Judæos &
Crucem. 406. 407.
arborescens nusquā
observata, ibid.
Hyænx odoriferæ Sce-
leton. 235.
I.
Jaculus seu acontia ser-
pens. 183.
Ignis fatuus. 66.
Ignis rarioris materia
non lucet. 66.
Illetif piscis unum cor-
nu gerens. 108. 112.
Indago color. 224.
Infantis imago in Nat-
ta. 725.
Inscriptio in Cruce
Christi & latronum,
392. 393. quare ni-
hil de istorum titulis
sciamus? 392.
Inscriptiones veterum,
512.
Insectum noctu lucens,
121.
Inte-

INDEX.

Intestinorum passio à
Vermibus, 253.

Invidia in Autorem,
547. 548. 549.
553. in Bogdanum
549. seqq.

Judæi quare filii Dia-
boli vocentur? 615.

Judicia sinistra in Au-
thorem. 410. 411.

Juliani portus & statua
Melitæ. 226.

Julii Jafolini Epitaphi-
um, 204.

Juncus. 395. 396.
K.

Kyperî mors, 661. In-
stitut. Medicæ, 577.
578.

L.

Lac quare puri conge-
ner. 606. in mam-
mis differt ab eo in
Mesararicis. ib. ma-
teria lactis in foemi-
nis. 594. 588.

Lana parata, 469.

Lapis Aquilinaris gran-
dis 202. Amianthes,
463. Bononiensis
fulgens 46. non lu-
cet nisi calcinatione
præparatus, 176.
Lazuli in Sicilia,
239.

Lapides quibus arbo-
res virides innatæ,
221. insigniti literis.
219. 222. serpentine,
224.

Lapidum formæ mul-
tæ Messan. 216.

Laryngotomia in adul-
tis tentata 342. a-
gendi. modus 343.
344. in pueris quo-
modo instituenda,
344. seq.

Latus Christi apertum,
qua intentione? 295. 296. 303. an
dextrum & sinistrum
apertum? 295. 304.
pericardium & cor
an

INDEX.

- an pertransierit? 295. 296. 301. 302
 303. 304. quo instru-
 mento apertum? 380. à quo milite? 394. erupit vulnere
 aqua cum sanguine 287. an ex cavitate
 thoracis vel pericardii ib. posterius
 asseritur, 288. 289. 295. limpida non
 sanguine diluta exi-
 vit, ibid. an miracu-
 lum sit ratione sub-
 stantiæ vel egressus
 modi 289. 303. ex
 thoracis cavitate
 provenit, 298. 299.
 hujus ortus ib. 300.
 301. non à pericar-
 dio, 301. seq. sangui-
 nea exiit, 302. san-
 guis non à corde,
 296. 302. liquores
- an seorsim fluxe-
 rint? 302. 303.
 Lentium usus 681. 699.
 in variolis non æsti-
 matur. 681.
 Lepus cornutus, 652.
 653. ejusq; cranium,
 654. 655. 656.
 Lethargi & Paralyseos
 Causæ Cartesianæ,
 326.
 Liceti & Clarimontis
 inimicitia 267.
 Lignum petrificatum.
 225.
 Lignum quadratum li-
 teris Arabicis insi-
 gnitum, 370.
 Limonium triplici cor-
 tice, 190.
 Lienem canibus exi-
 mendi modus 648.
 651.
 Lienes plures & magni
 254.
 Lieni adhærens tumor
 Bbb 3 qui-

INDEX.

- quidam pro steato-
mate habitus, 586.
- Lieni lacteum humo-
rem à pancreate
communicari, 254.
situs ejus inversus,
687.
- Lingvæ foramina duo
salivalia, 648.
- Literæ in S. Agathi
æde. 219.
- Lithothomia, 345. ve-
teribus calamitosa,
nobis salutaris, 346.
- Loquelæ Infantium
Causa, 327.
- Lucentes pisces, 119.
120. insectum 121.
pustulæ 133. 137.
138. serpentes igni-
ti quare dicantur?
140. 141. 142. lu-
cens Caro 18. Bo-
noniensis lapis 46.
gemmæ 63. meteo-
ra 78. calidum in-
natum lucens 65.
- Cerebrum recens
maçtatorum ani-
mantium 116. cor
Catuli hyænæ 116.
scorpius marinus in
tenebris & gamma-
rorum reliquiæ. 353
355.
- Lucernarum perpetu-
arum in monumen-
tis Danicis apud ve-
teres nulla vestigia,
124.
- Lucius cornutus 439.
- Lues Neapoli pro mor-
bo non habetur.
205. Regiomontana
705.
- Lumen quid? 69. di-
stinctum à luce ib.
& 70.
- Lux prima. 59. unde?
80. quid fuerit? se-
mel creata an om-
nia impleat? 84.
- Lux quid? 64. 67. di-
stincta à lumine 69.
ortus

INDEX.

- ortus ex condensa-
 tione perspicui, 61.
 62. seqq. hominibus
 innata. 115. 116.
 ejus origo. 125.
 vestigia in nobis
 probantur, 133.
 quare magis in uno
 quam alio luceat? 175. 176.
 Lympha ab Helmon-
 tio descripta. 634.
 non ex nervis. 622.
 origo & usus 582.
 622. 623. quare de
 jecinore multa flu-
 at? ib. an sit sobo-
 les spirituum ani-
 malium? 681.
 Lympha acida ex Kol-
 hanfio, 572. Pecque-
 ti sententia, ejusq;
 usus. 627.
 (de) Lymphaticis A-
 nalecta. 708. sen-
 tentiæ Backii &
 Cattierii. 709.
- seqq. Spicilegium. 642.
 Lyceri Culter Anato-
 micus applausu au-
 toris exceptus 491.
 seqq.
 M.
 Machæra. 380.
 Malignis & pestilenti-
 bus morbis resistit
 Unicornu. 662. 663.
 Elixir Langeloti,
 536.
 Malva nostra & Indi-
 ca. 6. arborescens.
 365.
 Mammarum Cancer.
 712.
 Manna ex fraxino Ne-
 apolitana. 216. Ca-
 labrina præfertur.
 ib. 231. aliæ 232.
 sympathetica, ibid.
 233. nostra Sac-
 charum Veterum
 Salmasio. 6. ejus na-
 tura.

INDEX.

Martium Anatome,
& quid in iis obser-
vatum. 685.

Materia crassa in mem-
branis pectoris,
544.

Materia solisequa. 195.

Meatus in corpore hu-
mano intercepti.
273.

Medicandi ratio apud
Neapolitanos. 205.

Medici Lancinatores
apud Prudentium &
laniantes qui? 351.

Medici Romani. 191.

Montis pessulani. 32.

Messanenenses, 241.

Parisienses, 307. 308.

Norinbergenses
quidam & Ham-
burgenses. 569. &c.

(in) Melancholicis af-
fectibus refrigera-
tio & exsiccatio
periculosa. 209.

(pro) Melancholico

cum sinistri lateris
totius pulsatione &
suspicionem luis con-
sultatio. 207. 208.
209. 210. 211. 212.

Melita Insula quid rari
habeat? 223. seq.

Mellis natura. 66.

Membranarum Tho-
racem distinguen-
tium inflammatio.
544.

Memoriæ varietas un-
de? 327.

Menstruo non absimi-
lis liquor in Chyli
receptaculo inven-
tus. 574. 575.

Menstruorum in ve-
tula eruptorum ob-
servatio. 683.

Menstruorum reten-
tionis causa à tumo-
ribus uteri. 255.

Menstruum Universa-
le, 276. 277.

Mesen-

INDEX.

- Mesenterii pancrea-
tisq; glandularum
abscessus & aposte-
mata quid mali fe-
rant? 253.
Messanæ quid obve-
niat? 214. seq.
Meteora lucentia un-
de? 78.
(de) Milioni scripto
judicium. 436. 437.
Mœstorum subita
morte extinctorum
exempla. 678. 679.
Mola artificiosa. 660.
Molurus serpens. 182.
186.
Monasterii Mariæ Sa-
lutis Neapoli cavea
204.
Monilia Orientalium.
117.
Monocerotis cranium.
109.
Montalto mons Sici-
liæ auri minâ præ-
gnans. 231.
- Montis pessulana Aca-
demia. 32.
Morbi Endemii Nea-
politani. 205.
Morbi Magici putati-
cii exemplum 474.
seq.
Morbus novus ex vitio
lactearum, & Cura
ejus. 632. 633.
Mista quædam 366. O-
vidii & Claudiani.
602.
Mundi varii apud Cle-
mentem? 433. seq.
Musæa Neapolitana.
201. seq.
Musculi abdominis Pe-
ritonæum in con-
sensum trahunt. 542.
Casus notabilis. ib.
543.
Musculi Buccinatoris
usus. 558. cucullaris
insignis magnitu-
do, 515. hyoidis
motus tonicus 328.

INDEX.

- | | |
|--|--|
| <p> mastoïdis in collo
 usus. 515. obliquo-
 rum ortus. 585. pe-
 ctoris inflammatio
 544. ψόας usus 629.
 situs in foetu. ibid.
 ferratus anticus dua-
 bus costis superiori-
 bus incumbens 515.
 ferrati antiqui mayo-
 ris origo 587. ferra-
 torium posticorum
 usus. 515.
 Musculorum tunica an
 peculiare integu-
 mentum? 585. quæ
 nam primaria illo-
 rum pars? ibid.
 N.
 Nattæ substantia refe-
 rens infantem. 725.
 Naves & naviculæ ve-
 terum. 311. 312. 313.
 Navis artificiosa Rote-
 rodamensis. 658. 659.
 660. </p> | <p> Neapoli quæ visu di-
 gna. 201. seq.
 Nebucadnezaris meta-
 morphosis. 732.
 morbus quis & un-
 de 734. seq. criticè
 curatus. 736.
 Nervi an cavi sint? 326.
 Nix unde? 64. 76. ad
 vini refrigeratio-
 nem. 225.
 Nili ortus. 582.
 Nosocomia Neapoli-
 tana. 202. 203. Mes-
 sanense Siciliae. 215.
 Melitense. 226.
 Nuces purgatrices. 21.
 Numisma Æsculapii
 cum serpentibus. 186.
 Numismatum in ico-
 nibus exprimendis
 fallax fides. 458.
 Nummi Wilhelmi Re-
 gis Siciliae. 213.
 214. in quibus Na-
 viculæ. 312. 313.
 Nutri- </p> |
|--|--|

INDEX.

- Nutritum pro par-
tium diversitate al-
bum & rubrum. 504.
- Nutriti foetum & ad-
ultos chylo. 611. 612.
- Nutritio an fiat per
nervos? 622. 623.
quomodo fiat ve-
re per arterias 623.
per sapam. 628.
- Nutritio foetus per chy-
lum expenditur. 480. 593. 594. 609. 610. quibus viis? 480. 612. non nutri-
ri foetum in utero
humore Harvei. 627
imperfectior an sim-
plici concretionem
alimenti alatur? 611.
- O.
- Observationes Anato-
micæ. 251. seq. aliæ,
præcipuè circa la-
cteas & lymphaticas 583. seq.
- Obstructiones visce-
rum referantur. 210. 211.
- (in) Oesophago tu-
mores in canibus,
à vermibus. 592.
- Oleum Gabianum. 37.
- Olivæ montanæ Cata-
nensium. 221.
- Orchotomia & Eunu-
chismus, 346.
- Ossa in arteria aorta
Meltii. 722.
- Ossa in corde humano
273. quare in hoc
noxia, in brutis mi-
nus? 273.
- Ossa tibiæ contortæ
Galli tripedis, 669.
- Ossicula sex in futura
lambdoidea. 119.
122. 123.
- Ossium pubis disloca-
tio an admittenda?
585.
Palma

INDEX.

P.	
Palmae indicæ fructus,	trum latus tangat, 703.
213.	Pars cava nulla in cor-
Palpitatio cordis ex os-	pore, quæ non hu-
se in eo, 273.	morem recipiat, 298.
Pancreatis nomine	Partes albicantes, nu-
quid Asellius? 4. du-	trimentum postu-
ctus ejusdem, 121.	lant album, 504.
omni humore vacu-	Partus monstrosi bufo-
us, 197. insertio e-	num lacertarum etc.
jus, 585. duplex vi-	observ. 641.
sus, 631. usus pan-	Pastilli ex liquiritiæ suc-
creatis, 253. 254.	co, 220.
vermes in eo, 254.	Pastinacæ marinæ for-
abscessus singularis	ma, & usus aculei e-
& admirabilis, 474.	jus, 206.
seqq.	Patibulum an differat à
Paracelsi vituperium,	Cruce? 392. 393.
646.	Pecqueti inventum,
Paracenthesis in vom-	455. utilitas, 461.
ica hepatis instituta,	462. 463. 465.
639.	(de) Pecqueto, 546.
Paralysis & cæcitas ex	Pedestres Galli, 669.
vulnere ebrio inflic-	Penis in corpore arte-
to, 636. ab apoplexi-	ria satis magna, 586.
a quare sæpius dex-	dilatatores & eleva-
	tores

INDEX.

- tores quomodo dicendi? 587.
- Pericardii aqua qualis? 302. vide Aqua, vulnus an lethale? 296. 304.
- Pericardium in quibusdam deest, 304.
- Peritonæi usus, 252.
- Perspicuum condensatum lucet, si. unde, 57. 61. seqq.
- Pestis Neapolitana, 650
- Pharmacopœi, 415. 416. 418. 419.
- Pharmacopolia Neapolitana, 204.
- Phlyctenæ, 138. 139. 140.
- Phœnices, 225.
- Phœnici radiant oculorum jubar, apud Prudentium, explic. 351. 352.
- Phaseoli corallino atrii, 21.
- Philologiæ abusus, 413.
- Phthysicorum in cada-
veribus carunculæ
in corde inveniuntur, 11. quare tamdiu
serventur, ratio quæ-
dam, 280.
- Pilulæ Elichmanni, 2.
an universales sint? ibid. vires, ibid. Pi-
lulæ proprietatis 678.
- Pinguedo in sinistro
cordis ventriculo, 5.
unde, ibid. ii, abdo-
minis insignis, 663.
seqq. aceto perit, 666.
- Pisces nonnulli lucen-
tes, 119. 120. unicor-
nes quidam, 108. 112.
cornuti, 373. 439.
- Pix, resina & terebin-
thina unde colliga-
tur, in Sicilia? 221.
- Plantæ circa Æthnam
nascentes, 220.

Plan-

INDEX.

- Plantarum resolutio elegans, 269.
- Plempii judicium de Ri-
olano, § 26. de ge-
neratione Harvea-
na, ibid.
- Pleura quid? 302. ejus
dolor, 303. erosa à
fero, § 87.
- Pleuritidis subjectum,
302. imago labo-
rante hepate, § 44.
ficta pleuritis, ibid.
- Præcordia lateris quo-
modo explicandum?
301.
- Psittaci Anatomia, 684.
ejusq; Cranium, ib.
685.
- Πῶς quid significet? 360. 365.
- Portus Messanensium,
216.
- Prayani, 321.
- Puer petrificatus, 225.
- Pulchritudo quid? 460.
- Pulmo laxior pueris,
335. 345. propterea
rarò peripneumoni-
aci sunt, ibid.
- Pulmones pleuræ an-
nexi, § 87. 629. pus
& sanguinem illæsi
recipere possunt,
280. turundam in
Vuln. pectoris rece-
perunt, ibid.
- Pulmonum motus, 318.
divisio, 629. in fœ-
tu, ibid. ulcera &
vulnera, 280. in-
flammatiō, 619.
- Pulvis de Gannanape-
ride ad Quartanam,
§ 30. § 35.
- Post purgans pharma-
cum an aquæ potus
conveniat? 470. 471
472
- Pus è pectore ad vesi-
cam, 283.
- Pustulæ lucentes, 133.
137. 138.
- Pygmæ-

INDEX.

Pygmæorum historia;
14. an sint homines,
an ex Dæmonum
genere, 16. 17. 18.
Sceleton pygmæi,
201. 202.

Q.

Quartaſæ remed. 530.
535. Epidemicæ ty-
pus, 714. 715.

R.

Rami obitus, 306.
Radii oculis, tempori-
būs & toti capiti tri-
buuntur, 351. 352.

Rara Naturæ, 213.
Conf. Muſæa.

Regina Chriſtina, 467
649. 650.

Renes tres in Cane, 5.
unius loco vermes
duo, & unde, ibid.
unus in homine, 254

Renum ſuccenturiato-
rum uſus, 586.

Respiratio Cartefiana,
309. 310. reſponſ.

318. 319. defendi-
tur, 423. 424. 425.
reſut. 426. 427.

Respiratione nonnun-
quam carere poſſu-
mus, 334. inprimis
pueri, 335.

Respirationis ſignum,
in hyſtericis & apo-
plecticis, 319.

Rhinocerotis genera.
372.

Rhinocerotis cornu
ſubſtantia. 375. ex
eo poculum. 374.
dens iſtius animalis
ejuſq; uſus. 374.

375.

Ricini americani ſemi-
na 21. ricinus mari-
nus. 206.

Riolanus contra Au-
thorem 499. 500.
501. errores ejus 565.
judicia de eodem.

526. 432. 468. 621.
622. 626. 644. 648.

ſcom.

INDEX.

- fcommata. 528. 529. 540. valetudo. 645.
 Roris natura. 65.
 Rosæ ex Sale gemmæ. 231.
 Rosæ Melitenses, 224.
 Roseolæ saltantes Neapoli. 205.
 Rossalia. 139.
 Ruber color in pretio orientalibus. 117.
 S.
 Sacchari Siciliani historia. 228. 229. 230. quare apud Neapolitanos non amplius coquatur? 206.
 Saccharum nostrum an idem quod Antiquorum? 6.
 Sagittæ cornibus acutis. 375. celeres apud Virgilium, 400.
 Sal Aëris mirabile. 531.
 Sal Gemmæ Calabricum. 231.
 Sal Siculum. 230.
 Sal volatile. 277.
 Salmasii encomium. 377. 378. 379. iter. 430. valetudo & iter. 485. 486. obitus. 513.
 Salsæparillæ Decocto morbos suos curant Neapolitani. 205.
 Salvatellæ nomen Arabum, 199. 200. sectio. 188. proficua in lienis affectibus. 208.
 Sambuci umbra an damnanda. 731. 739.
 Sangvificatio ubi fiat? 446. 448. 450. 562. 465.
 Sangvis arteriosus & venosus in quo differant? 172. 176. 177.
 Sangvis sine sero nec est nec fluit. 299. ipsum

INDEX.

ipsum non rubedo, sed alendi aptitudo facit. 304. qua par- te nutriat? 612. 604. lumen an ipsi essentiale sit? ibid.	cum ligamentis pro- priis, 249. in hujus compositione nihil omittendum quod servari possit, 249
Sanguis in vulneribus Thoracis an per pul- mones illæsos ad fauces feratur? 279. 280. 283. à frigore non aqueus, sed crassus evadit. 287. in defunctis an coa- guletur? 287. 300. 301.	Schlegelii obitus causa 483. 569. 570.
Sanguisugæ familia- res Neapolitanis. 205. applicandi mo- dus. 206. fistulæ ani sæpe inde ortæ, ib.	Sclopeta pneumatica, 424. 427.
Sapo gallicus, 37.	Screlingers quid sint? 18.
Scarabæus, 21. uni- cornis, 111.	Scribonii Mf. 23.
Sceleton ficus opun- tiæ, 269.	Scorpæi marini (Ulcæ) caput & exuviæ in tenebris fulgentes, 353. 354.
Sceleton humanum	Scripta varia Italorum, 234. 235.
	Sectiones Anatomicæ, 491. seq. modus no- vus, 514.
	Sedile in Cruce Chri- sti, 381.
	Seile Arabum, 199. 200.
	Semina quædam selec- ta, 190.
	Semi-

INDEX.

- Semini ad generationem nihil tribuit. Harv. 454. 470. quare nihil in utero viderit? 472. 527. generationis seminis locus. 586.
- Septum cordis pervium, 688. sinus amplius in eo conspectus. 157.
- Serum sanguinis. 299. ipsum non finit concrefcere. 301. non esse excrementum, probatur gelatina. 503. 504.
- Serpentes igniti in deserto. 129. an cum Draecunculis puerorum confundendi? ibid. certus morbus sunt. 130. 131. an viperæ sint? igniti vel fulgidi quare dicantur? 140. 141. 142.
- Serpentes Melitenses innoxii. 225.
- Sesamum & Milium arborescentia. 364.
- Sesamum Messanæ, 215.
- Sicilia quid memorabile habeat? 212. seq. & 217. seqq. ab Italia an unquam divulsa? 216.
- Sinapi arborescens. 364.
- Sinus inter Siciliam & Italiam tempore D. Pauli navigabilis. 217.
- Soda, herba ad conficienda vitra. 220.
- Sol in prima Creatione unde? 81. 82. materia, quæ eum sequitur. 195.
- Samniorum varietatis causa. 328.
- Spiritus Animalis actiones. 328.
- Spiri-

INDEX.

Spiritus Tartari ex Tartaro fermentato.	531. 532.	cadaveris suspensi.	440. 441.
Spiritus Vitalis circularis cum sanguine motus, 327. excitat animale.	327.	Suffocatis inopinato venæ cavæ orificium carnis frustulo obfessum.	273.
Spirituum differentia ab objectis.	325.	Syrupus Diarrhodon abbatis recens scamoneatorum instar purgat.	476.
Splendoris nomine quid?	69.	T.	
Spongia aceto imbuta quare Salvatori oblata?	403.	Tactus organon adæquatum omnes partes.	252.
Stauri quid?	350.	Tartari fermentatio.	531. 532.
Stellæ unde?	59. 78.	Taxus quid?	135.
Stibium deleterium.	546.	Teda ex qua Pix Catanensis ejusq; usus.	221.
Sudor Christi sanguineus.	457. 458.	Terra Antiscorbutica Norvegiæ.	368.
Sudor lacteus trabis domus.	441.	Terræ Melitensis historia.	223.
Sudor sanguineus hominis, columnæ, crucifixi imaginum, murorum, panis &c.		In testiculis viri vas	fin-

INDEX.

- | | |
|---|--|
| <p>singulare ostensum. 687.</p> <p>Theriaca Messanensis. 214.</p> <p>Thermæ Gallicæ. 36.</p> <p>Thermarum Aquensium cremor. 2.</p> <p>Thermarum usus in affectibus melancholicis. 211.</p> <p>Thoracis motus qualis. 319.</p> <p>Thoracis suctio in Vulneribus. 281. 282.</p> <p>Thoracis Vulnerum cautelæ quædam. 281. 282. injecta iis ori communicantur. ibid.</p> <p>Thyrus quid? 361.</p> <p>an ex ea arundo, in qua spongia Christo oblata? 362.</p> <p>Tinctura in Peste D. Langelot. 536.</p> <p>Tonitru unde nascatur? 59. 77. 78.</p> | <p>Torminum Abdominis causa nova. 253.</p> <p>Torpedines pisces tremorem inducere. 206.</p> <p>Tremoris cura. 30.</p> <p>Tremor totius corporis a sero multo in spinam dorsi deciduo, observ. 474. seqq.</p> <p>Triremes veterum. 311. 312.</p> <p>Tumores uteri ad ossis naturam accedentes. 255.</p> <p>V.</p> <p>Vagina uteri monstruosa. 701. 702.</p> <p>Valvulæ coli situs, 422.</p> <p>Variolæ an lentes conveniant, 681. vermis è naribus in iis observat. ibid. gravida variolis infestata. foetum variolosum edens. 682.</p> <p>Vasa</p> |
|---|--|

INDEX.

W.	Y.
Wilhelmi Regis Siciliae instrumentum & nummus. 213.	Yuca Clusii. 21. panis ex ea. ibida.
Wormii obitus. 618.	Z.
X.	Zancleæ urbis Messanæ nomen unde? 216.
Xiphiaë piscis piscatio. 215.	Zibetha. 213.

FINIS.







